

51



SL  
F

51-2-9

52- G-23







VOLVMEN  
ACATHOLICVM  
XX. ARTICVLORVM  
CONFESSIONIS AVGV-  
STANÆ: EDITVM A IACOBO  
HEILBRONNER NOMINE PALATI.

NORVM NEVBURGENSIVM, APPRO-  
batione Electoralium Saxonorum, & Wir-  
tembergensium Theologorum, Lauin-  
gæ, Anno M. DC. VII.

COMPENDIO RECOGNITIVM, ET CASTIGATIVM A SEBASTIANO HEISSIO, SOCIETATIS IESV.

# DI LINGAE

Ex Typographio Johannis Mayer

M. DC. IIX,



THE HISTORY OF THE  
CITY OF BOSTON  
FROM 1630 TO 1880

BY  
JOHN H. COLEMAN  
OF THE  
BOSTON PUBLIC LIBRARY

INTRODUCED BY  
JOHN H. COLEMAN  
OF THE  
BOSTON PUBLIC LIBRARY

REVERENDISSIMO  
 ET ILLVSTRISSIMO  
 PRINCIPI AC DOMINO, DO-  
 MINO HENRICO, EPISCO-  
 PO AVGVSTANO, &C.

SEBASTIANVS HEISSIVS,  
 SOCIETATIS IESV, GRATIAM A DEO,  
 ET FELICITATEM.



VE AD MODVM PROPRIA  
 veritatis vis est; Reuerendissime & Illu-  
 strissime Princeps, perpetuo sibi constare;  
 ita falsitatem atq; errorem subsequuntur  
 discordiâ & instabilitas. Veritas enim ex  
 D<sup>E</sup>o nascitur, apud quem non est transmutatio,  
 nec vicissitudinis obumbratio: falsitas &  
 mendacium patrem habent Diabolum, qui  
 in veritate non stetit; & implacabili in  
 eam odio nunc his, nunc alijs machinis  
 illam subruere nefariè anhelat; quum  
 priora non

succedunt consilia, nequiora suggerit; nec  
 in excogitandis fraudibus vnquam lasatur,  
 aut flaccescit. Hoc auctore & stimulatorem  
 ministri eius hæretici, & inter se, & à se ipsi  
 dissidentes, indies noua dogmata, eaq;  
 deteriora disseminant, aut sepultas olim  
 hæreses resuscitant. Ex vetustis nulli  
 facillè tam latè venena sua diffuderunt;  
 nec eis tot populos infecerunt, quàm Ariani;  
 de horum genio & more Magnus Athanasius  
 disputatione primâ in Arianos scribit: *Dum  
 perpetuo scribunt, suamet ipsi immutantes,  
 incertam suam fidem, vel potius certam  
 insiditatem dementiaq; offendunt. Quis non  
 damnauerit eorum audaciam?* PAUCI enim  
 numero cum sint, volunt tamen sua pro  
 omnibus valere, & quæ ab ipsis IN  
 ANGLIIS constata sunt, ac proinde  
 suspecta, rata esse; summam vim  
 adhibentes vt dissoluant & irritum  
 faciant totius orbis sedulum & sincerum  
 (consensum, atq;) Concilium. Ariani quàm  
 similes sunt Lutherani! Anno 1530. Confessionem  
 Augustanam Augustæ

mem. Carolo V. obtulerunt; eandem mox variè immutarunt, cuius testes sunt Hunnius & Osiander clari apud suos his annis Prædicantes. Lucas Osiander in historia Ecclesiastica, Anno 1530. fol. 146. scribit: *Quia non omnes ad manum habent Augustanæ Confessionis exemplaria pura & sincera: aliquoties enim in quibusdam (inscijs Principibus) Confessio illa mutata est &c.* Egidius Hunnius in epistola dedicatoria Articuli de Sacramentis respondet Sacramentarijs, qui Philippum Melanchthonem Confessionis Augustanæ Auctorem secum sensisse gloriantur; Certe quod Melanchthon à doctrina nostrarum Ecclesiarum desciscens ad vexilla atq; castra Zuingliana sese contulit, quod in gratiam Aduersariorum nostrorum antithesin 10. Articulo Confessionis annexam oblitterauit & dispinxit, quod Symbolum Ecclesiarum reformatarum publicum, auctoritate non publica mutauit, haud absq; plurimorum, quos ea res tangebatur, iustissimè quereli: nequaquam id primum & originale sensum Augustanæ Confessionis interuertit. Huiusmodi mutationes Zuingliano ac Calviniano spiritui tribuunt Lutherani; sed earum principem fuisse, qui Confessionis Carolo oblatæ architectus erat, nec ipsi inficias eunt. Id iam ex Hunnio audimus; idem in historia sua posteris testatum relinquere voluit Osiander fol. 713. his verbis: *Philippus Melanchthon (pro consuetudine sua) semper in scriptis à se compositis, quoties iterum praelo committerentur, aliquid addere, aut mutare solebat. Idipsum etiam in recudendis exemplaribus Augustanæ Confessionis fecerat.*

Ab hoc tam doloso viro conscripta eodem Anno 1530. est Apologia Confessionis Augustanæ, quam vnâ cum ipsa Confessione tanquam sinceram fidei regulam receperunt Lutherani, Anno 1537. in conuentu Smalcaldicæ habito, in quo articuli Smalcaldici facti sunt, & Romanus pontifex denunciatus Antichristus, à qua insana criminatione in Confessione, eiusq; Apologia abstinuerant. Postea Anno 1548. plura habita sunt conciliabula; Cellæ Myserum, Iuterpoci, postremo Lipsiæ; & Adiaphoristæ nati sunt, conscriptaq; Religionis formula, quam ab omnibus tenendam non sine interminatione Mauritius Saxonix Elector publicauit. De hac formula Osiander, fol. 502. libellus Lipsicus maximas deinde peperit offensiones & certamina inter Augustanæ Confessionis Theologos.

Anno 1551. scripta à perfido Melanchthone est repetitio Confessionis Augustanæ, & nomine Ecclesiarum Saxonicarum edita; quo tempore etiam Ioannes Brentius Confessionem Wirtembergicam enixus est. Anno 1557. Francoforti acta sunt, quæ ad pacem inter Augustanæ Confessionis Theologos facere videbantur. Osiander fol. 655. Idem de Anno 1558. hæc: *Conuenerant aliquot Electores & Principes Francofurti ad Mænum, & inter alia deliberabant de ratione minuendi & collendi controuersias,*

quæ

*qua tum inter Augustana Confessionis Theologos vigebant. Anno 1560. Melanchthon Corpus doctrinae suae adornauit; quod vastum volumen Anno 1563. Lipsiae prodijt, nescio an alibi prius: id hodie Praedicantes his titulis honorant: impurum est, insincrum, erroribus pollutum, vitiosum. Osiander fol. 847. 848. Anno 1568. Altenburgi in Thuringia colloquuti sunt Augustanae Confessionis Praecones, controuersiarum sedandi causa; Colloquij fructum refert fol. 811. Osiander: multo maior animorum offensus relicta est post Colloquium, quam antea fuerat. Anno 1571. Dreſdae conuentum est: vbi consentientibus Academicis, Superattendentibus, & Pastoribus Saxoniae, quae Augusto Electori parebat, carnis Christi vbiquitas explosa est tanquam vniuersa Orthodoxae Ecclesiae. & toti orbi Christiano inde usque ab initio incognita. Anno 1574. alia colloquuti sunt Synodo Torgensi probata, adhuc tamen Vbiquitas Nestorianismi & Eutychianismi nomine proscripta fuit. Anno 1577. deliberabatur non vno in loco tantum, quae ratione pax inter Theologos Augustanum Confessionem profitentes constitui posset; Osiander fol. 862. quo tempore Magistratus sui mandato pacis causa Articulus aliquos fabricauit Iacobus Schmüdl. Post tot conflictus Anno 1579. & 1580. excusatus est Dreſdae & Tubingae liber Concordiae, cuius fundamenta nonnullorum Principum iussu Anno 1578. iecerant M. Balthasar Biderbach; & D. Lucas Osiander, qui toties nominatim historiam abhinc quadriennio edidit; in qua licet sui Euangelij bella breuiter perstrinxerit: tacere tamen, quae manifestissima erant, non potuit; auxisse nimium nec ipsi Lutherani suspicati fuerint. In publicatae vero Concordiae praefatione coelestis doctrinae nomine vna cum sacris libris recipiuntur Augustana Confessio, eiusque Apologia, Articuli Smalcaldici, vterque Lutheri Catechismus: in his modo duo, modo tria Sacramenta asseruntur; adeo vel à se ipsa haec Concordia discordat. Eidem mox Anno 1581. Lutherani quidam contraxerunt; Vbiquitatem carnis Christi tanquam impium dogma exosi. Sed & Theologi quidam, scribit ad annum 1583. Osiander, qui libro Concordiae subscripserant, eumque approbauerant, mutata animi sententia, reprehendere coeperunt. Inter hos erant praecipui Theologi Brunsvicenses, Tilemannus Herbusim &c. A Principibus ad hoc schisma componendum Colloquium indictum est Quedlinburgi in Saxonia; sed disputatum sine ullo fructu. Neque in HODIERNVM VSQVE DIEM hoc schisma ad concordiam reduci potuit. Osiander fol. 949. Proculum vero est nouum volumen Apologiae libri Concordiae inscriptum. Anno 1585. etiam Anhaltini Principis Lutherani Praedicantes se libro Concordiae & Vbiquitati opposuerunt, quibuscum habitum est Herzburgi in Saxonia Colloquium; quod itidem sine fructu est solutum: Osiander fol. 965. Interim Lu-*

theranorum plurimi in Caluinianos transformantur; quare inter-  
trosq; acerrimè & acerbissimè editis libris depugnatum est.

Verùm Prædicantes Palatinatus Neuburgensis, iunctis Saxonibus &  
Wirtembergensibus, aduersus Romanam Catholicam Ecclesiam  
fremuerunt; & inania meditati pepererunt tandem insanum volu-  
men, quod à septem, vel pluribus annis conceperant, tanquam no-  
uum doctrinæ corpus; in quo vel nihil, vel obiter de numero libro-  
rum Canonicorum; de scripturæ perspicuare; de discrimine vete-  
ris ac nouæ legis; de libero, vel vt Lûtherus maluit, seruo arbitrio; de  
Maiestate personæ Christi, eiusq; etiam secundum humanam natu-  
ram in locis rebusq; omnibus præsentia; & alijs quibusdam maximi  
momenti controuersijs; sed nascuntur Articuli contra ieiunia, flagel-  
la, festum Corporis Christi, aquam benedictam; in quibus liberio-  
rem mentiendi, calumniandi, imperitos dementandi campum sibi visi  
sunt habere Prædicantes: plurima ac quarta fere totius libri pars est  
contra Romanum Pontificem, in quem furunt, & verè insanunt; ac  
suis tanquam fidei dogma necessariò credendum inculcant, Roma-  
num Pontificem esse, & iam à pluribus seculis fuisse ipsum verum  
Antichristum, quem vi & armis Regna subacturum; **DE VM** omni-  
aq; sacra contempturum scriptura docet.

Et hæc in Christi Ecclesiam tam tetra criminatio Germanico idio-  
mate euulgatur; quia ad rudiores fallendos composita est; nec sperare  
possunt noui Euangelij rabulæ suam fidem aliquando trans alpes ac  
maria propagatum iri: de Euangelio Celtis & Iberis, nedum remoti-  
oribus populis prædicando nihil cogitant. Vnis Germanis laquei po-  
siti sunt. Sedenim non deerunt, qui structas insidias patrio sermone  
detegant: ego pro Romana Ecclesia per omnes nationes diffusa, Ro-  
mana lingua scribere volui.

Hanc verò operam meam V. Cel. vt inscriberem, & ipsum argu-  
mentum, & summa V. Cel. in Ordinem nostrum voluntas ac meri-  
ta; & Academia; in qua versor, postulant, aut potius imperant. De  
Religione inter nos & Augustanæ Confessionis proclamatores dispu-  
tatur; quem alium arbitrum deligere æquum est, quam Augustanæ  
sedis legitimum Præsulem? Vera, vetus Augustana Religio est, quam  
S. Dionysius ante 1300. annos; S. Simpertus Garoli Magni ex sorore  
nepos; S. Vdalricus, & longa serie Augustani Episcopi perpetuo te-  
nuerunt. *Conspiciant tale aliquid heretici. Edant origines Ecclesiarum sua-  
rum; euoluant ordinem Episcoporum suorum*: prouocati iure Tertullianus  
cap. 32. de præscrip. Vel Augustana ergo Cathedra, Catholicæ fidei  
tam constanter retinens, A catholicam, nec Augustanam, sed Luthe-  
ranam potius, aut Melanchthonicam appellandam esse arguit eam,  
quæ ante 77. annos proposita est, Confessionem; **Est**

Est hæc iusta causa, cur nostram pro Ecclesia Apologeticam lucubrationem non nisi sub Augustani Præsulis præsidio edere vulerim, Idem exigit nostra Societas, quam V. Cel.º à teneris amare affluuit; singulari semper beneuolentia fouit; multis beneficijs cumulauit. Ob hæc vniuersa Societas V. Cel.º deuincta est; sed in primis Dilinganum Collegium, quod à laudatissimæ mem. OTHONE Cardinale, Episcopo Augustano erectum olim, ac fundatum, V. Cel.º vna cum nobilissimis & admodum Reuerendis summæ ædis Augustanæ Canonicis, ob fundationem non tantum firmatam, sed etiam auctam, alterum FUNDATOREM, adeoq; parentem gratissimo animo prædicat Id beneficium quo recentius, eo vt fieri solet, nos afficit, & ad amoris vices prolicet vehementius; cuius nec vnquam senescere sinemus memoriam. Aperiam à me conceptum votum. Amisit Augustana sedes Henricum, IV. hoc nomine Episcopum, ætatis anno 77. à nato Christo 1517. quo ipso anno infelix Lutherus aduersus Ecclesiam rebellare, cœpit. Vtinam HENRICE Princeps, V. Cel.º Augustanam Ecclesiam annis plurimis felicissime gubernet: & sicut antecessor Henricus reliquerat; ita aliquando Augustam suam, totamq; Germaniam in vna fide denue conspirantem videat. Quod vt fiat, DVM cui maturare facile est, quod hominibus longè abesse videtur, indefides comprecabimur. Dilingæ, x i. Cal. Ian. Anno M. DC. VII.

## Facultas R. P. Viceprouincialis Societatis IES V per superiorem Germaniam.



*HANC compendiarium XX. Articulorum superiore Anno Lauingæ per Lutheranos editorum refutationem à P. Sebastiano Heissio Societatis nostræ Theologo conscriptam, & à quatuor Patribus itidem Theologis visam & approbatam, ego Otho Eisenreich Societatis IES V per Germaniam superiorem pro tempore Viceprouincialis, potestate mihi ab admodum R. P. N. Prapósito Generali Claudio Aquavina facta, typis mandari permitto. In cuius fidem hoc auctori testimonium manus nostra subscriptum, ac sigillo munitum dare volumus. Monachij, die XXI. Ianuarij. Anno M. DC. VIII.*

OTHO EISENREICH.



## Partes, seu Articuli huius tractatus.

- R**EFUTATIO titulus libri Heilbronneriani.  
De tribus eiusdem libri Præfationibus.  
Articulus I. De iustificatione hominis.  
II. Vtrum Theologi Augustanæ Confessionis prohibeant bona opera.  
III. Vtrum bona opera sunt meritoria, & satisfactoria.  
IV. De Ieiunio; vita Monastica; & voluntaria flagellatione.  
V. De certitudine Gratia; & remissionis peccatorum.  
VI. De pœnitentia.  
VII. De Purgatorio; Sacrificijs pro defunctis; & indulgentijs.  
VIII. De Sacrificio Missæ.  
IX. De Substantia, & fructu Missæ.  
X. De Festo Corporis Christi.  
XI. De invocatione Sanctorum.  
XII. De Salutatione, & Psalterio B. Mariæ Virginis.  
XIII. De votis; & peregrinationibus in Sanctorum honorem susceptis; sacrarum imaginum ac reliquiarum cultu.  
XIV. De primatu Romani Pontificis; & de Antichristo.  
XV. De Ecclesia in terris militante.  
XVI. De vocatione & ordinatione ministrorum Ecclesiæ.  
XVII. De coelibatu Clericorum.  
XVIII. De Communione sub vna, vel utraq; specie.  
XIX. De Sacramentis Confirmationis, atq; Extreme unctionis; & aqua benedicta.  
XX. De usu linguæ vernaculæ in legendis S. Scripturis, Officijs Ecclesiasticis, & Sacramentorum administratione.







## AD LECTOREM.



**M**AGNA VERITAS  
est, ait S. Hilarius, lib. 7. de Trinit.  
qua per ea ipsa qua ei aduersantur, elu-  
cet: hoc enim Ecclesia proprium est, ut  
cum vincat, cum leditur, cum antelli-  
gatur, cum arguitur, cum oblineat, cum  
deseritur. Prodyt hoc anno va-  
lulum, tumore spuma, ac cothor-  
nata locutione, rurgidum volu-

men; quo Lutherani Prædicantes Romanam, Catholi-  
cam Ecclesiam euersum cunct, nescij quod *cum impeditur,*  
*magis apparet veritas;* S. Chrysosto. hom. 23. in Ioan. Neq;  
enim errores, mendacia, calumnia, & id genus strephæ,  
quibus illa impugnatur, adeo latere possant eos, quibus  
veri notitia cordi est; quique haud proprio inflati sensu,  
*Apostolica traditione, & fidei simplicitate,* ut S. Basilus lib. 1.  
contra Eunomi. loquitur, *contenti sunt.* Porro quia haud  
vane auguror fore, ut plures senes quidem cupiant, quam  
rare virtutis, ac eruditionis opus sit, in quo adeo Lutherani  
magistri desudantur; & tamen illud perlegere non co-  
gitent; vel quia Germanice scripta non intelligunt, aut  
non sine tædio aliquo legunt; præsertim tam prolixè, tam  
confuse disputata; vel quia sapienter animaduertunt per  
Hæreticorum senticeta, & horrida tesqua non quosuis in-

A.

offen-

offenso pede transire; constitui præcipua deligere, atque ita persequi, ut nimia prolixitas tadium ne generet; quod ut faciam non contradicendi libidine, sed Dei in primis, ac Catholice fidei amore, & tuo, bone lector, commo- uocor. Distribuit Prædicans totum opus in 20. articulos, hos fere in plura capita, ordinem materiarum nullum seruat; sed sine arte, & ratione articulos disposuit pro voluntatis suæ libidine; quem tamen sequi volui, in gratiam A- catholici Lectoris, ut si nostra cum Prædicantis libro con- ferre lubeat, facile sese expedire queat; etiamsi non tem- per folium referam; quod tamen in longioribus capitibus non intermittam. Statui etiam titulos articulorum, & ca- pitum eisdem retinere, sed mutavi consilium, quum ad- uerti Prædicantem nec titulos formare didicisse, qui se- pius, quod extra dubitationem est, tanquam controuersie caput præferunt, vel calumniam, mendacium, aliudue portentum, non questionis summam exhibent y.g. Arti- culus XIII. De votis & peregrinationibus ad imagines, Caput I. de votis ad Dinorum statuas. Caput III. de ima- ginibus & idolis. Restitui ego ratiū loco eos titu- los, qui controuersie punctum ostenderent, & neutri parti præiudicarent. De to- tius operis titulo mox paulo pluribus agam.



De

## De titulo libri.

**H**ic est: A CATHOLICVS, SEV NON-CATHOLICVS PAPATVS (das vncatholisch Papstthum) id est, solida & manifestissima DEMONSTRATIO ex verbo Dei; tum ex antiquis Patribus, Concilijs, Historijs Ecclesiasticis, partim ex iure canonico, quod minime Papistarum doctrina, & superstitiosus cultus; sed Euangelica Augustanæ Confessionis Religio sit vere Catholica, Christiana, & Apostolica: DISPERTITA in præcipuos 20. articulos, principio Bauaricis ad disputandum propositos: EDITA loco continuationis Colloquij Ratisbonæ an. 1601. habiti: nomine Neuburgensium, nec non approbatione ac cum præfationibus Electoralium Saxonicorum, & Wirtembergensium Theologorum, per Iacobum Heylbrunner D.

*S. I. Venena non dantur, nisi melle circumlita; & vitia non decipiunt, nisi sub specie umbræ virtutum: S. Hiero. ep. 7. cap. 4.* fecidissimæ hæreses Religionis nomine disseminantur; & illustribus decorantur titulis. Sed nobis propositum spectemus titulum; ex calumnijs, mendacijs, erroribus, vanitatibus, mirissimis paradoxis confutum: quid ni titulus reliquo respondeat operi; quod his quinque quasi partibus egregie constructum est! Prima Prædicantis vox, A catholicus papatus, mendax criminatio est, qua se probat eius esse sobolem, qui à calumniando nomen sortitus, mendacij parens est; quot dein vsq; ad diuisionem libri sequuntur verba; tot aperta sunt mendacia; nec minus crassa; quam si quis profiteretur se ad oculum demonstraturum, quod non, quam olim S. Siluester Papa regebat, Ecclesia, sed Ariana pubes fuerit vere Catholica, Christiana, Apostolica, an non ridebitur leonis exuijs indutus asellus?

Catholica Ecclesia, ut ex S. Vincentio Lirinensi discimus, est, ad quam non una natio, non unus (Germanix) angulus, sed multitudo maris conuertitur; in qua tenetur, quod ab omnibus, quod ubique, quod semper creditum est. Subsumo ex B. Optato Mileuitano Antistite: 1. 2. contra Parmeni, cum manifestum sit, & ipsa luce clarum, nos cum innumerabilibus populis esse, & tot nobiscum prouincias; iam diactis vos in parte vnius, aut alterius regionis positos, & ab Ecclesia vestris erroribus separatos, frustra vobis solis hoc nomen Ecclesia cum suis dotibus vendicare. Sed nolo hic pluribus prosequi, quod reliquo libro recurret. Hoc nunc ostendam Prædicantem veterum hæreticorum ingenium, & mores in se ad vitium expressisse.

§ 2. Primo enim, omnes hæretici se vere Catholicos esse deblaterabant; qui tamen optime intelligebant, huius nominis possessionem solos eos, qui cum Romano Pontifice communicabant, habere. Hinc August. cap. 4. contra epist. fundamenti: Cum omnes hæretici se Catholicos dici velint, quærenti tamen peregrino alicui, ubi ad Catholicam conueniatur, nullus hæreticorum vel basilicam suam, vel domum audeat ostendere. Si dixerò, hoc est in Catholica Ecclesia factum; ni aliquam Romanæ fidei intelligam; profecto à nemine intelligar. Si quis audiat librum à Catholico Prædicante scriptum; ridebit nouum prædicantis epitheton; nec sciet vtrum de Calviniano, Zuingliano, rigido, an molli Lutherano, Maiorista, Vbiquista, aliusue sectæ homine sermo sit. Ipsi quoque hæretici, ait S. August. c. 7. de vera Religione, & schismatici alumni, quando non cum suis, sed cum extraneis loquuntur, Catholicam nihil aliud, quam Catholicam vocant; non enim possunt intelligi, nisi hoc nomine eam discernant, quo ab universo orbe nuncipatur. Aduerterunt id etiam Theologi, ut se appellarent, Saxoniæ, qui in præfatione huius libro præfixa de se scribunt, fol. 8. *sunt stabis infus Luthera-*  
thera-

theranum intellexisset, si scripissent: tunc Catholicus contra Pontificios stabit?

§3. Secundo, olim quoque hæretici Romanæ Ecclesiæ nomen Catholicæ inuidebant; eamq; à Pontificibus agnominabant. Sic 1353. abhinc annis Romani, vereq; Catholici à Nouatianis appellabantur Corneliani, teste S. Eulogio Alexandrino Archiepiscopo, in lib. contra Nouatum, vel rectius, Nouatianum, quia scilicet S. Cornelio Papæ, ut supremo Ecclesiæ capiti adhærebant. Vitio vertebant hæretici veræ Religionis symbolum. Idem iam factitant. Non odimus Papistarum, & Pontificiorum nomen; quo designamur paternæ, seu auitæ fidei heredes; item, nec Acciphalum nos esse, & truncum capite corpus; non balantem sine pastore gregem; sed capitū & pastori, quem Christus Dominus instituit, nos cohærere. *Deus unus est, & Christus unus, & una Ecclesia, & Cathedra una SUPER PETRYM, Domini voce fundata. Aliud altare constitui, aut sacerdotium novum fieri præter unum altare, & unum sacerdotium non potest.* S. Cyprianus epist. 40. Attamen hæc ab Ecclesiæ hostibus inuenta sunt nomina, qui moleste ferunt se ab auctoribus suis denominari; proprium vero nobis, & tot seculis præscriptum est Catholicorū nomen. *Ecclesia una est Catholica, cui hæreses alia diversa nomina imponunt, cum ipsa singula proprijs vocabulis qua negare non audeant, appellentur.* S. Augustinus c. 7. de utilitate credendi.

§4. Ad oculum demonstrant Lutherani se veram Catholicam fidem sectari. Et Manichæi profitebantur se euidenter cuicturos, quod ab ipsis staret veritas; qua pollicitatione multos deceperunt simplices; imo aureum Augustini ingenium; qui ad Honoratum scribit cap. 1. de utilitate credendi: *Nosti enim, Honorate, non aliam ob causam nos in sales homines incidisse, nisi quod de se dicebant terribili auctoritate;*

(sic Ecclesia in proponendis fidei capitibus, scripturisq; sacris interpretandis potestatem calumniabantur) *separata; mira ac simplici ratione eos, qui se audire vellent introducturos ad Deum, & errore omni liberaturos. Quia non his pollicitationibus illiceretur? Nemini succenseat, inquit impius Eunomius, apud Basil. lib. 1. contra eundem, quod omni elusione, ac formidine quoque neglecta & veritatem omni detractio volamento nudam exponamus.* Huiusmodi promissis vanissimis ad defendendam in veteri Ecclesia stationem fideles sollicitant.

§ 5. Et hanc insaniam, graui facit legio, ex sacris scripturis se hausisse astruunt; *videras eos volare per singula quaq; sancta legum volumina, per Moysi, per Regum libros, per Psalmos, per Apostolos, per Evangelia, per Prophetas. Sine enim apud suos, siue alienos, siue priuatum, siue publico, siue in sermonibus, siue libris, siue in conuiuijs, siue in plateis: nihil unquam penè de suo proferunt, quod non etiam scriptura verbis adumbrare conentur. Lege Pauli Samozateni opuscula, Priscilliani, Eunomij, Ioviniani, reliquorumq; pessimum: cernas infinitam exemplorum congeriem: prope nullam omitti paginam, qua non noui, aut veteris testamenti seu ientis fucata, aut colorata sit: sed tanto magis cauendi, & peritescendi sunt, quanto occultius sub diuina legis umbraculis latitant. Sciunt enim fautores suos nulli ferè cito esse placiuros, si nudi & simplices exhalentur: atque ideo eos celestis eloquij, velut quodam aromate aspergunt, ut ille, qui humanum facile despiceres errorem, diuina non facile contemnat oracula.* S. Vincentius Lirin. cap. 35. aduersus hæreses. Töllamus ex Heylbrunnoriano Codice immenso S. Scripturæ testimonia impie, vano, ridicule, impertinenter traducta: & plurima libri pars in spongiam incumbet. Est littera, quæ occidit, non intellecta: scilicet secundum receptam in Ecclesia Dei interpretationem. Ex verbo Dei scripto sua somnia & malefani cerebri deliria defendebant Nouatianus, Photinus, Sabellius,

Dona-

Donatus, Arius, Eunomius, Macedonius, Apollinaris, Priscillianus, Iovinianus, Pelagius, Celestius; & nede nostris taceam Lutherus, Calvinus, Zuinglius, Illyricus, Michael Seruetus, Georgius Blandrata, &c. *Atque idcirco multum necesse est propter tantos tam varij erroris anfractus, ut Prophetica & Apostolica interpretationis linea secundum Ecclesiastici & Catholicis sensus normam dirigatur.* Hæc S. Vincentius Liri. cap. 2. aduer. hære. Et Manichæi, scribit S. Epiphanius ad Ioannem Hierosolymorum Episcopum, & Gnostici, & Hebionita, & Marcionis sectatores, & alia hæreses numero LXXX. de purissimo scripturarum fonte assumentes testimonia, non ita interpretantur; ut scripta sunt; sed simplicitatem sermonis Ecclesiastici id volunt significare, quod ipsi sentiunt.

§ 6. Aiunt secum facere antiquos & sanctos scripturarum tractatores; pro se esse venerabilium Patrum, & Conciliorum decreta; quos tamen aperte valere parum amice iubent, ut veteres, ita recentes Sectarii. Apud Archana. sum dialogo 3. de S. Trinit. Macedonius sapius mentituri: *Nos ita credimus, ut beatus Lucianus.* Eunomij hæc verba refert Magnus Basiliius lib. 1. contra eum. *Pia illa traditione Patrum, quæ iam inde à superioribus sæculis obtinuit, quasi gnomone & regula quadam primo loco proposita, hoc exacto examinis instrumento utemur ad ea, quæ dicemus diiudicanda.* hæc fingit impostor, qui contra sanctam vetustatem auditores & lectores suos his alloquitur: *petimus inprimis à vobis & qui nunc auditores, & qui deinceps futuri lectores estis, ne maiori parti potiore causam attribuentes, verum à falso ex ipsa multitudine discernere velitis: néne in dignitatem hominum intenti, caliginem mentibus vestris offundi sinatis; aut plura ijs, qui præcesserunt tribuendo, posterioribus aures vestras occludatis.* Quanto modestius tamen agit Eunomius quam nostri & hæresiarcha Lutherus, qui suis imperat, lib. de seruo arbitrio: *SS. Patrum auctoritas*

*suas de q. faciendae est.* Fuit in Hieronymus, quem ingenium  
 diuino dono aureum, S. Augustinus epist. 9. iure compellat;  
 quid sacrilegus Apostata? *impia & detestanda vox est Hiero-*  
*nymi; quin se Hieronymo concubauit una cum Bethlehem, cucul-*  
*lo, & deserto?* in commentar. in c. 22. Genesis impressis No-  
 rimbergæ Anno 1550. de eodem Magno Hieronymo, &  
 Gregorio Magno scribit: loquuntur uterq. mendacium in by-  
 pocrisi, quando dicunt, quod amore castitatis coniugium detestentur.  
 in enarrat. super 9. psalmum Gradualem tomo 4. Ienensis  
 paulo post subdit: quem Louinianum hæresiarcham appare-  
 plus eruditionis & iudicii habuisse in uno digito, quam Hierony-  
 mum in toto corpore. Et isti Lutheri catuli nobis persuade-  
 bunt secum sentire Patres; Concilia; historias veteres.  
 Fauent ipsis & iura Canonica, quibus ut gratiam repen-  
 deret Lutherus ea flammis deuoranda obiecit; ab eis se  
 vel morte dignum pronunciari nouerat Referto vnicum  
 Capitulum ex causa 17. quæst. 1. quod ex S. Gregorio sum-  
 ptum est. *Ananias pecunias. Deo vouerat, quas post diabolica*  
*uictus persuasione subtraxit. Sed qua morte mulctatus est, scis. Si*  
*ergo ille mortis periculo dignus fuit, qui eos, quos dederat nummos,*  
*Deo abstulit; considera quanto periculo in diuino iudicio dignus*  
*eris: qui non nummos, sed temetipsum DEO Omnipotentis (cui tu*  
*sub monachali habitu deuoueras) subtraxisti.*

§ 7. *Euangelica, Augustana Confessionis Religio.* Amant hæ-  
 retici speciosos titulos. Nouatiani se vocabant Catharos  
 seu puros teste Eusebio lib. 6. cap. 35. Manichæorum ali-  
 qui Macharij, alij Catharistæ sunt, qui Manichæi nomen  
 retinuerunt, *Manichaum quasi manna fundentem, pro Mani-*  
*chæo, id est, insano appellauerunt.* S. Augustinus hæres. 46. Gno-  
 sticos, id est, scientes, peritos, se plures appellabant hære-  
 tici, teste S. Epiphonio contra Valent. Bogomilorum no-  
 men Bulgaris est, Dei misericordiz imploratores, Nota  
 est.



est Apostolicorum hæresis. sub Euangelicorum nomine latent Lutheranorum varia sectæ, Flacciani, Maioristæ, Adiaphoristæ, Antinomi, Osiandristæ, Stancaristæ, Synergistæ, Vbiquistæ. item Zuingliani, alijq; Sacramentarij; Anabaptistæ; Tritheistæ: *tot venena, quot ingenia; tot pernicies, quot & species; tot dolores, quot & colores; & tamen unus omnium violentia gestus.* Tertullianus cap. 1. Scorpiaci. omnes purum putum Euangelium crepant; omnes Euangelici audire volunt. cur non Epistolares, vel potius Scripturarij, seu Baccalaurei biblici? sed præter 4. Evangelia vi-  
deo quintum obtrudi Augustanam Confessionem; dubito quam intelligant; primo oblatam, an emendatam; latinam, an germanicam. Nam si latinæ assentior, credendum erit corpus & sanguinem Christi in SS. Eucharistia sub, seu cum pane & vino esse; si germanicam Augustanem. Carolo Imperatori oblatam recepero, sub speciebus panis & vini Christum esse credere, quod Catholicum dogma est, licebit.

§ 8. Sed bilem mouebo Confessionistis; oderunt enim eiusmodi quæstiones; quicquid hoc anno credant, vel sequenti credituri sint; ipsi soli sunt vere Catholici, Christiani, Apostolici. de Catholici nomine iam dictum; Christiani vocari volunt omnes hæretici; quibus hoc nomen proprie conuenire negant sancti. Magnus Athanasius in epist. de sententia Dionysij scribit: *Quis igitur istos, quorum dux est Diabolus, Christianos, ac non potius diabolicos putes? ut iam deinceps non Christo perduelles, sed etiam diabolici appellentur; nisi se immutent, & impietatem, quam commenti sunt, abneget, & veritatem agnoscant: quod & illis utile fuerit, & nobis decorum pro omnibus errantibus exoptare.* Apostolica dicitur Augustana Confessio; hæreticis non inueta impudentia. Manichæi, inquit S. Athanasius, lib. 3. de S. Trinitate, & Phryges;

*omnesq; adeo hæreses dictitant se ita credere, ut sancti Apostoli crediderunt: ubi autem in illos inquisitum est, contraria dicere compellantur, ita & tu (Heylbrunner, ac reliqua Prædicantium turba) facis.*

§ 9. Sequitur altera pars tituli, in quo liber hic prædicatur continere 20. præcipuas Religionis quæstiones, seu controuersias; quas Lutherani Bauarici Theologi ad disputandum obtulerint. insipientissime nimirum; quare eas merito Theologi nostri non receperunt. Supponebant boni Prædicantes solam scripturam esse vnicam fidei & cultus Diuini normam, ita ut quicquid in ea non expresse legeretur, vel necessaria consequentia concluderetur, vanum & superstitiosum haberetur: hoc suum effatum extra quæstionem esse volebant, & indubitatum apud veteres Patres, quod falsum, & imposturam esse agnoscit; quisquis in sanctorum Patrum lucubrationibus hospes non est: & euiuncunt testimonia à Catholicis Theologis producta ac Protocollo inserta. Sapienter ergo de hoc ipso disputandum esse nostri voluerunt; quandoquidem ex hoc capite fere pendent reliqua. Ad radicem potius securis ad mouenda erat, ut mala hærescos arbor incidere-  
tur; quam de ramis amputandis cogitandum, quibus decisis facile noui succrescerent. Quis fructus fuisset consecutus, si in vno particulari articulo veritati manus dedissent Lutherani; nec Lutherani amplius, & necdum Catholici? nouos hæreticos peperisset Colloquium. Disputatum est Anno M. D. XLVI. Ratisbonæ de Iustificacionis articulo; de hoc seu alio disputetur experimur hæreticos esse vulpes, quæ nunquā mansuescunt, ut S. Ambrosius cap. 42. in Lucam notauit; quum se superatos aduertunt; mox ad aliud impertinens diuertunt; atq; *non potius* quiduis effutire malunt, quam veritati credere.

§ 10. Ex-

§10. Exemplum in manu tenemus: Ad nostrorum in proximo Ratisbonensi Colloquio argumenta nihil responsionis nomine dignum attulerunt; & ecce nunc librum euulgant, quam Colloquij continuationem indignant, mirum quam ridicule: Atqui Lutheranis Prædicantibus etiam maxime distantia, cælum & infernus sunt continua, vel potius idem locus. Quam discontinua sunt, quæ iam publicant, & ante Colloquium congefferant; si cum ijs conferantur, quæ in ipso Colloquio acta sunt? Huius continuandi si tenebaris desiderio, respondere debebas ad rationes quibus ostendebatur credenda esse, quæ in sacris litteris expresse non continentur; nec ex illis euidenter colliguntur. Eam non referam, vnum tantum nomino; perpetuam beatissimæ Deiparæ virginitatem sine hæresi negari non posse admittebatis; nullam tamen scripturam ex qua hic articulus necessaria conclusione conficiatur ostendistis; sed ad S. Hieronymum, Iacobe Heylbrunner, quem tuus adeo odit Lutherus, confugisti: *si Hieronymus potuit probare perpetuam DEI matris virginitatem ex ea (Scriptura) tunc falsum est, quod vos dicitis illam non posse probari ex scriptura: Atqui probauit Hieronymus ex scriptura: ergo probari potest ex scriptura.* ita tu in Colloquio Ratisbonensi sess. 10. fol. 102. edit. Monac. Mentiris, S. Hieronymus ex scripturis euidenter quidem refellit argumenta Heluidij infirma esse; sed hoc fidei dogma euidenter ex scripturis concludi minime astruit. Emendo igitur tuum syllogismum; qui sic formandus erat: Si S. Hieronymus vir acutissimus, & in scripturis versatissimus euidenter ex scriptura Deiparæ perpetuam virginitatem probare nec voluit, nec potuit; credibile est mentiri bardos, Prædicantes asserentes eam euidenter ex scripturis probari posse: sed S. Hieronymus illam ex scripturis euidenter probare nec

voluit, nec potuit; neque enim id intermisset, cum contra Heluidium ex instituto scriberet; cuius librum volue, reuolue; reperies Heluidij fundamenta scripturæ testimonijs subruere; orthodoxam veritatem non ex sacris stabiliti litteris, sed Patrum testimonijs. *Nam quid non possum tibi totam veterum scriptorum seriem commoneſcens Ignatium, Polycarpum, Irenæum, Iustinum martyrem, &c.* Hoc Hieronymi telum est. Qui vno spiritu tot scripturarum testimonia profundis; cur hic obmutescis? cur non vnicam scripturam ex S. Hieronymo transcripsisti in Colloquio; vel in hoc tuo volumine fol. 532. ubi respondes hoc, & alia facillime ex scriptura decidi posse. Nomina scripturas; audiamus evidentes consequentias; sed magis mutus, quam piscis es; ubi tamen maxime linguatus esse debebas, si Colloquium continuare cogitabas. Ais hac de re inter nos & tuos controuersiam non esse. quid hoc ad rhombum? num ideo in scriptura expresse continetur? sed & eius & Catholicis controuersia est cum Calvinianis; qui à Luthero tuo docti nihil esse credendum, nisi quod scriptura aperte tradant, negant in fidei articulis censeriperpetuam Deiparæ virginitatem, quam in scripturis traditam non inueniunt *Perpetuam virginitatem eius* scribit Fr. Iunius in lib. 4. Bellarmi. de uer. Dei c. 9. *post partum, & quidem ad mortem usque, credimus ut assensu dignam, non autem ut dogma fidei.* Attendite Lutherani, quo vobis ducibus præcipient Calviniani; vestro de vnica S. Scripturæ norma fundamento illi inzdificant. § 11. Continuatur porro Colloquium nomine Neuburgensium, suffragantibus tum electoralibus Saxonie, tum Wirtembergensibus Theologis; quis tantæ auctoritati contracet? Heylbrunnero subscribunt Saxoniamque integri Doctores, & duo non imperiti Magistri; è ducatu Wirtembergensi Doctores 5, Magistri 3, cum suo Ioanne Magistro

Magistro Proposito, an culinæ Praefecto. Cui non aures  
tinniant ad tantam testium nubem? quis contra vigin-  
ti Rabinos hifcere audeat? quid opus erat hos in libri  
fronte collocare; nisi vt auctoritas ei conciliaretur? sic  
miseri Lutherani docentur; MCC. Lateranensis synodi  
Patres, aliosq; innumeros susq; deq; habere; & pauculo-  
rum rabularum se fidei credere.

§12. Auctorem libri se profitetur Iacobus Heylbrunner;  
crederem, ni constaret iam dudum, cum de Colloquio  
Ratisbonæ instituendo tractaretur, confarcinata esse, quæ  
nunc eduntur, & magnam saltem partem suam esse, non  
dubito, exciperet Ægidius Hunnius, si rediuium dimiter-  
teret tenebrosi ianitor orci. Tuum hoc opus fuerit, sicut  
Apologeticū Anti-Tannerus inscriptum, quod suo tuq;  
nomine publicauit Hunnius, cuius qui scripta legerit, non  
difficile verum auctorem internoscet; te vmbra esse cre-  
det. Si te ab infelici Hunnio, alijsue compilata nouis fa-  
bulis, mendacijs, ac criminationibus multum auxisse quis  
opinetur; cum hoc non contenderim, nec tibi hanc lau-  
dem inuiderim. Te, si ita vis, auctorem compellabimus,  
quisquis sit.

### *De tribus Praefationibus.*



Prima est Iacobi Heylbrunner ad tres Germa-  
niæ Principes, serenissimum Saxoniae Electo-  
rem, & illustrissimos Palatinum Neuburgen-  
sem, ac Ducem Wirtembergicum; quos dum à Christiana,  
vera, veteri Catholica Religione laudat; omnes illorum  
longa serie auos, proauos, & maiores, quotquot ante Lu-  
therum vixerunt, impietatis postulat; non Christianos,  
sed Antichristi mancipia fuisse arguit. Constat enim, &

certissimo constat S. Bonifacium, S. Ludgerum, aliosq; Saxoniz ac Germaniz nostræ Apostolos Romanis Pontificibus vnus fidei consensione coniunctos, & ab his ad Religionem propagandam missos fuisse. Placet referre quæ Ioannes Letznerus Lutheranus Prædicans in præfatione historiæ S. Bonifacij Germanice editæ scribit ad Braunschweigensem Principem : *Vi speciatim de nobis Saxonibus dicam, deberemus merito salutis nostræ initia, & quemadmodum ad Christianam religionem venerimus, cogitare ac remem-  
nisci. Quod videlicet Maiores nostri, in hisce regionibus Ethnici fuerint, de DEO & elementi eius voluntate nihil scierint, neque Deum cognorint, sed mutis, mortuis, & diabolicis idolis seruierint, eaque, tanquam Deum, coluerint & adorarint, donec per S. Bonifa-  
cium, Carolum Magnum, Ludonicum Pium, aliosq; similes ex hor-  
rendis gentilibus tenebris, & è caco Ethnicismo extracti, & omnium primo ad Christum, de quo nec minimum quid ante sciebant, addu-  
cti sunt. Imo ad Antichristum, si Heylbrunnero, eiusq; similibus creditis. Nam quotquot sanctitate conspicui fuerunt, Romanum Pontificem Christi in terris Vicarium agnouerunt; Missæ sacrificium suspexerunt; sanctos in cælo regnantes pie inuocari censuerunt; ceteraq; tenuerunt, quæ isti in Antichristi dogmatibus numerant: sed & aperte in viros sanctissimos pseudoapostoli nostri arietat. Magdeburgenses historici præfatione in centuriam 8. S. Bonifacium incusant, quia in hoc summo studio, arte ac vi incubuit, ut vniuersam Germaniam in potestatem Papæ Romani redigeret. Fran. Iunius in controu. 4. Bellar. l. 4. c. 12. n. 6. scribit: Quis pius secum habitans laudet impium illius Bonifacij scriptum, dist. 40. c. si Papæ Lucas Osiander in historia Ecclesi. an. 723. Recte dixeris, si hunc Bonifacium Antichristi Romani vicarium appellaueris. Quomodo ergo Christiani ac-  
pij, o principes, vestri appellabuntur maiores, qui eadem credi.*

crediderunt, quæ illi docuerunt; qui tot ubique templa in sanctorum memoriam crexerunt; tot Religiosorum cœnobîa amplissimis redditibus ditantur; Babylonica meretricis prostibula si vestros Prædicantes auditis. E quibus vnus scribit: *santa fuit iam tum (ab anno 728.) huius seculi acritas, vt principes crederent se Christo inservire, si opes suas in ornando Antichristo Romano profunderent.* Osiander an 728. § 2. Sed æquiores superiorum ætatum principibus videntur; certe Constantinum Magnum, Theodosium, Martianum, Valentinianum, Carolum Magnum, laudatissimos Christianos Imperatores prædicat hic Heylbrunner. Illaudati ergo, ac Christiano nomine indigni Lutherus eiusque catuli. Magnus Constantinus Apostolorum templum magnificum Constantinopoli condidit; in quo etiam sepeliri voluit. Sanctorum reliquias pie veneratus est, vt testantur Eusebius lib. 4. vitæ Constantini cap. 58. & 59. S. Hieronymus lib. 2. contra Vigilantium Theodosius Magnus, vt Sozomenus lib. 7. cap. 24. refert, 10. annis Baptistæ Basilicam exædificauit; bellum aggressurus circuibat, scribit lib. 2. cap. 33. Ruffinus, *tum sacerdotibus & populo omnia orationum loca; ante Martyrum & Apostolorum thesauri iacebat cilicio prostratus & auxilia sibi fida sanctorum intercessionem poscebat.* Valentinianus & Martianus Imp. lege 13. C. de sacrosanctis Ecclesijs, sanxerunt, vt firmum ratumq; esset, quicquid Ecclesijs, vel in Martyrum memoriam extructis templis, vel Monasterijs testamento, aut codicillo Deo dicatæ virgines & sanctimoniales relinquerent. Carolus Magnus à Romano Pontifice Occidentis imperium suscepit, cui contra nouellas sectas vnice adhæsit; eius ad Eliphandum Toletanum verba sæpe vobis repetenda sunt: *nec vestra me paucitati in consensione huius nouæ assertionis socium admitto; sed Apostolica sedi, & antiquis ab initio nascentis Ecclesiæ,*

*& Catholicis traditionibus, tota mentis intentione, tota cordis alacritate coniungo.*

§3. Quam belle cum laudatissimorum Imperatorum Religione consentit neoëuangelica? Synodos, inquis, indixerunt ad tollendas in Ecclesia sectas. Ad generalia Concilia congreganda Romani Pontificis auctoritate op<sup>o</sup> esse fideliter agnouerunt; nec potestatem eiusmodi vt tu significas, sibi arrogarunt. *Tuam sanctitatem scribunt ad S. Leonem Pontificem Valentinianus & Martianus, PRINCIPATVM in Episcopatu diuina fidei possidentem, sacris litteris in principio iussu credimus alloquendam: inuitantes atq, rogantes, vt pro firmitate & statu nostri Imperij eternam diuinitatem tuam sanctitas deprecetur; vt & tale propositum atq, desiderium habeamus, quatenus omni impio errore sublatopex celebrandam synodum te auctore, maxima pax circa omnes Episcopos fidei Catholica fiat.*

§4. Quæ de Colloquio & Postcolloquio fabularis, abunde satis à nostris Patribus refutata sunt; tu saltem Principum faciem reuereri debebas, ne tam mendax calumniator esses. Omitto cetera, palpabile hoc tuum mendacium est, apud vetustissimos Doctores extra controuersiam fuisse, quod Antichristus sit futurus Romanus, seu Romæ sessurus. Non refero Patres, quorum sententia Antichristus non Romæ, sed Hierosolymis sedebit; quam sententiam tu quidem fol. 400. communem omnium Patrum esse negas; aliquorum fuisse inficiari non ausus; quin vt communior ita & verior est: tu vero omnium consensu, mendacij conuictus es.

§5. Altera præfatio est Saxoniorum Electoralium Prædicantium; in qua manifestam veræ Ecclesiæ notam esse volunt affligi, opprimi, sub cruce gemere; adeoq; Romanam, quæ tam feliciter propagatur, non esse Christi Ecclesiam. Sed audiant S. Augustinum cap. 8. de vnitate Eccle-

Eccle-



*Ecclesia in hoc psalmi: Exaltare super caelos Deus, & super omnem terram gloria tua. Ecce habes Christum in passione dormisse, & resurrexisse, super caelos ascendisse. Et unde gloria eius super omnem terram, nisi quia Ecclesia eius per omnem terram? In his duabus sententijs breuissimis vos haeretici, totum quod inter vos agitur, interrogo: Exaltare, inquit, super caelos D E V S, & super omnem terram gloria tua. Cur Dominum Christum exaltatum super caelos predicatis, & eius gloria super omnem terram non communicatis? Ex Apostolorum symbolo discis Ecclesiam latissime diffusam & sanctitate fulgidam; cruci affixam esse debere non lego; quamvis nonnullam quouis tempore tribulationem a malis filiis vel a pertis hostibus sustineat.*

§ 6. *Instar solis clarere aiunt isti tenebriones Romanum Pontificem esse Occidentalem Antichristum; Turcam vero Orientalem Antichristum nominant; de qua insolentissima insania postea articulo 14. vnum dico, & insignem in omnes Christianos Imperatores, Reges ac Principes, qui veliam in Romana Ecclesia viuunt; vel ab annis 800. & pluribus (quibus regnasse Antichristum hic feribunt) vixerunt, iniuriam esse; & ad bello, ac sanguine omnia permiscenda hoc acutissimo lituo Principum aures circumpulsari.*

§ 7. *Vtrumq; diabolum Turcam & Romanum Pontificem vaticinantur ad finem mundi usq; duraturum. Quae Turcarum tyranni cum Christi Vicario comparatio; ita tamen est, non deficiet sedes Apostolica, quantumuis contra fremant tartara; sed spiritus mendax in ore Lutheri inuentus est; cuius haec prophetia:*

*Pessieram vivus, moriens tua mors ero Papa.*

*Nec exaudita sunt sanguinariae preces: ego quotidie, ait, oro ut Deus pessundet Papam, & Turcam. sed per hanc orationem non iustificor; tomo 6: Witcb. Anno 1556. fol. 315.*

§ 8. Tertia Wirtembergensium præfatio brevior est, fess tolle paradoxa mendaciaq; & curtissima erit. Nec Apostolo parcunt, à quo asserunt S. Scripturam appellari regulam, secundum quam omnis doctrina examinari, & iudicari debeat. quo capite, quo libro, quæue epistola sic loquitur Apostolus; vestri capitis figmentum est; omnia fidei dogmata ex solis scripturis, reiecta Ecclesiæ auctoritate, petenda esse. Nec tamen vos primos huius erroris auctores nuncupo; in quo plures veterum hæreticorum hæsisse non ignoro. Scio Pelagianum principium: *Credamus quod legimus, & quod non legimus nos as credamus asstruere.* re- fert S. Augustinus l. de natu. & gra. c. 39.

## ARTICVLVS PRIMVS.

### *De iustificatione hominis peccato- ris coram Deo.*

#### Caput I. Doctrina Lutheranorum.



Ira de peccatoris ad Deum conuersione, & in veteri Ecclesia inaudita proferuntur paradoxa. Primum est fol. 14. Nullum hominem excepto Christo Domino æternam mereri posse beatitudinem. Refigatur ergo Christi Iudicis sententia Matth. 25. *Venite benedicti patris mei, possidete paratum vobis regnum à constitutione mundi: esuriui ENIM, & dedistis mihi manducare.*

§ 2. Alterum paradoxum, & prioris fulcrum est, folio eodem. Renatis confertur quidem spiritus sanctus; sed peccatum, quamdiu in hac vita sunt, nunquam tollitur; iuxta Scripturas; *super niuem dealbabor psal. 50. si fuerint pec-*

*Est vestra ut coccinum, quasi nix dealbabuntur; & si fuerint rubra quasi vermiculus, velut lana alba erant. Isaia 1. quomodo hic candor cum peccati nigrore consistit? Deponet iniquitates nostras, & projiciet in profundum maris omnia peccata nostra, ait Micheas cap. vii. Et B. David: psal. 102. Quantum distat Ortus ab Occidente longe fecit à nobis iniquitates nostras. Ac secundum novum Evangelium peccata nunquam ita mortalibus remittuntur; quin eis intime infixæ hæreant. Et contra hæc ac plura evidentissima testimonia impenetrabile scutum obtenditur illud psalmi 31. Beati quorum remissa sunt iniquitates: & quorum tecta sunt peccata. Beatus vir, cui non imputavit Dominus peccatum. Quasi vero iudicia Dei sint ut hominum; qui sæpe peccatum non imputant etiam perseveranti in peccato; at Deus sicut quæ vult, re ipsa confert beneficia; ita quæ non imputat, plene aufert delicta. Similiter quia Deo omnia aperta sunt quæ sunt; quicquid illi tectum dicitur; omnino non esse convincitur.*

§3. Sed ne sine ratione insaniat Prædicans, syllogismum facit fol. 15. Nullus homo peccatis obnoxius potest propria iustitia cælum consequi: omnes homines tam renati, quam non renati sunt peccatis obnoxij. Ergo &c. Quare tam dolose, & tam ambiguus terminis exstruis Maiorem? cur nihil inter peccata mortalia & venialia distinguas? venialia enim non impediunt, quo minus vitam æternam mereamur bonis operibus; quæ tu propriam iustitiam malitiose nominas; ut Dei gratiam excludas; sine qua minime consistere veram in nobis iustitiam nullus Catholicorum inficias it. Sic ergo Maiorem forma: Nullus homo graubus, aut leuibus peccatis obnoxius potest cælum mereri: omnis homo graubus, aut leuibus est obnoxius; Ergo &c. & mox apparebit.

Maiores falsitas; nec minor eo sensu vera est, quasi nullo vnquam momento homo etiam à leui culpa immunis sit; sed totum vite cursum aut longioris temporis decursum si quis computet; leuioribus maculis non vacabit; de quo Ioannes Apostolus 1. c. 2. *si dixerimus, quoniam peccatum non habemus, ipsi nos seducimus.*

§ 4. Tertium paradoxum eod. fol. ex prioribus ductum; nullum vnquam supererogationis opus ab homine quantumuis sancto, ipsa etiam Dei matre exercitum esse irrefragabile est. Mentiris irrefragabiliter; & aperte Apostolo refragaris ad Corinthios. ep. 1 c. 7. scribenti: *Qui matrimonio iungit virginem suam bene facit; & qui non iungit melius facit.* Vnde & S. Hieronymus cap. 10. contra Heluidium. *Virgo maioris est meriti, dum id contemnit, quod sifceeris non delinquit.* Obxulerunt Magi Domino aurum; thus, & myrrham; Matth. 2. tu vel ex præcepto ad id obligatos asseres; vel sanctam esse hanc munerum oblationem negabis. Maria Magdalena effuso super caput Christi oleo bonum opus operata est; ni ex præcepto operatam ostenderis, supererogationis opus admittere debebis.

§ 5. Expectabam vt paradoxa hæc probares esse Catholica ex Patribus, historia & ecclesiastica, & canonibus; sed vix à titulo libri digressus iam oblitus videris, quæ in eo promiseras, & sane rectius omittis, quam vt sensu deprauato promas; quod postea aggredieris.

§ 6. Paradoxum 4. folio 10. Homo iustus est non nisi per Christi Domini iustitiam homini imputatam. Quare omnes ad nuptiale epulum nudi ac sine vestibus nuptialibus accedent; præter sponsum, cuius vestitus ceteris tantum imputabitur; re ipsa nihil conferetur. Contra Isaias cap. 61. *induit me vestimentis salutis; & indumento iustitie circumdedit me, quasi sponsum decoratum corona, & quasi sponsam en-*

*natam*

*matam monilibus.* Risi cum hunc locum apud te fol. 71 inueni, ex quo ais, *sequitur sponsam vestes iustitiæ non habere a se; nec ijs indutam esse*, volget daß sie solliche nit an vnd für sich selbst habe / quia legis, *induit me*; an phrenesi laboras? si sponsus induit sponsam; ergo ipsa induta est; indumentum hoc meritis sponsi deberi nemo negat. Sed tu sapius verum falso misces, vt vtrūq; veri nomine dolosus institor diuendas. Fol. 72. aduersum te producis Augustinum cap. 9. de spi. & litte. *Iustitia Dei manifestata est: non dixit: iustitia hominis, vel iustitia propria voluntatis, sed iustitia Dei, non qua Deus iustus est, sed qua induit hominem; cum iustificat impium.* Ergo iustitia indutus est; sicut igitur intelligi nequit, quod veste corporali quis indutus sit, quæ corpori non cohæreat; ita animæ vestimentum concipi non potest, nisi animæ adsit. quare etiam psalmista: *omnis gloria eius filia. Regis ab intus psal. 44.*

§7. Paradoxum §. fol. 17. sola fide iustificatur homo; non spe; non pœnitentia; non caritate. quid Euangelium? dico tibi: *Remittuntur ei peccata multa; Quoniam dilexit multum.* Lucæ 7; nec vllubi in tota scriptura habetur nos SOLA fide iustificari; nisi in Lutheri biblijs, qui hanc particulam insigni scelere adiecit. Atunt in alio loco haberi particulam æquivalentem; *non iustificatur homo ex operibus legis, nisi per fidem Gal. 2.* verum vox Nisi hoc loco non est exceptiua, alioqui inter legis opera censeretur fides: sumitur ergo aduersatiue, vt sensus sit, non iustificatur homo ex operibus legis, sed per fidem; quæ particulæ Nisi significatio nec apud sacros, nec apud prophanos scriptores insolens est; vt Matth. 12. *panes propositionis comedit Dauid, quos non licebat ei edere; neque his, qui cum eo erant, nisi solis sacerdotibus, qui vtique in Dauidis comitatu non erant; nec proinde excipiuntur.* Nisi igitur pro sed accipitur, vt

C;

etiam



etiam vertit Beza Calvinianus, te tamen Græcæ linguæ aliquanto peritior; eodem modo *id* reddidit idem Beza; sed, 1. Cor. 7. ver. 17. Entestem, qui tecum in hoc errore sentit; sed Apostoli ad Galatas verba pro tuenda SOLA fide; non ut tu contendis, exponit. Interdum græcæ voces *id* recte vertuntur, si non; ut Ioannis 15. *palme non potest ferre fructum à semetipso, nisi* (id est, si non) *manferit in vite.* Disce vel ex hoc loco, quam insipienter scribas *id*, vel *id* in vno loco verti debere, sicut in altero.

§ 8: Si qui Patrum soli fidei iustificationem tribuunt, loquuntur de fide formata, seu viua; vel excludunt opera fidæ præcedentia; aut falsas Religiones, quo modo nos dicere solemus; sola fides Catholica hominem saluare potest; non quod saluti illa ferat sine caritate; sed remouemus tantum Lutheranam, Calvinianam, Iudaicam perfidiam; minime alia præter fidem saluti consequenda necessaria. Profecto sacramenta excludi non posse voce SOLA; agnoscunt ipsi Prædicantes; quia de his ais sol. 26. non est questio; similiter nec de spei, caritatis aliarumque virtutum fidem supponentium actibus agebant Apostolus, & sancti Patres; sed contra infideles & Iudæos fere disputabant. Profers pro sola fide Origenem, Basilium; Chrysostomum, Hilarium, Ambrosium, Augustinum; eos non excludere ceteras virtutes audi. Origenes tractat. 32. in Matthæum: *Qui profitentur quidem fidem in Iesu: non autem præparant se bonis operibus ad salutem, assimilantur virginitibus facinis.* S. Basiliius in psal. 33. de Dei timore scribit: *Timor salutaris & timor sanctificationem efficiens* &c. ergo non officit sola fides. S. Chrysostomus homil. 19. in epist. ad Rom. *NON enim SOLA fide opus est.* In illud Apostoli ad Ephesios, *elegit nos, ut essemus sancti*, homil. 1. epist. ad Eph. scribit: *ne ergo existimes solum sufficere, quod fidem nostram ele-*

git.

*git, vitam etiam addit.* homil. 11. in epist. ad Philip. *Vides NON N.V.D.A.M. requiri fidem; sed operibus coniunctam?* S. Hilarius can. 7. in Matth. *Salus Gentium omnis ex fide est; & in praeceptis Domini rata est vniuersorum.* Principium vitæ est fides, solatamen non viuificat. Commentarios, qui Ambrosij nomine circumferuntur auctoritatem non habere, nec S. Ambrosij Mediolanensis Episcopi esse tantus Doctor scire debebas; quicumque sit auctor ille; expresse scribit in cap. 4. epist. ad Heb. *S.O.L.A. fides NON sufficit.* S. Augustini plurima sunt testimonia; hoc tritum satis lib. 15. de Trinitat. cap. 18. *fidem non facit utilem nisi caritas; sine caritate quippe fides potest quidem esse, sed non prodesse.* Apparet ergo, quæ fide & sinceritate Patres allegarit hæreticus; idem sæpius in sequentibus ostendam, quæ instituta mihi breuitas permitteret.

§ 9. Paradoxum sextum folio 2; & copiosius folio 56. fidem esse fiduciam, & certam spem de remissione peccatorum; adeoque distinctæ duæ virtutes in vnâ confunduntur; de quibus Apostolus: 1 Corinth. 13. *Nunc autem manent fides, spes, caritas.* TRIA hæc. Maiora paradoxa sub Lutherana fiducia latent; notabimus, cum apertius proferentur.

§ 10. Sed tota de iustificatione doctrina duobus syllogismis insolubilibus includitur, prior folio 23. Doctrina quæ in paradiso primo parenti diuinitus reuelata; à Patriarchis credita; à Prophetis & Apostolis vnanimiter tradita est, minime hæretica, sed vetustissima, Catholica & Apostolica est: at talis est Lutherana de iustificatione doctrina. Ergo &c. Quid detineris circa Maioris confirmationem, quam incite consequentiam vocas; nescire videris, quid loquaris. Minorem fulci, pro qua affers plura exempla, ex quibus alterum hunc

sylogismum struis fol. 24. sicut sancti Patriarchæ ante & post diluuium iustificati fuerunt; ita & nos iustificamur; sed illi per fidem iustificati sunt; Ergo & nos per fidem iustificamur. Omnino ex allaris scripturarum exemplis hæc firmatur conclusio, gratulor quod agnoscas hanc tantum te probasse, quam nullus Catholicorum negat: an SOLA fide iustificemur lis est: cur voculam SOLA, quam in nonnullis Patrum verbis maiusculis expressisti, in tuo syllogismo & quadam totius doctrinæ syllogoretices? cur laboras circa indubia & extra controuersiam posita? quod ipse, *Nem-  
sans esse hominis non sanus iuret Orestes.*

## Caput II. Romanæ Ecclesiæ de iustificatione hominis doctrina.



Aput hoc de erroribus Pontificijs inseribis. Primum refers: in redemptoris opere Christo sociant matrem eius tanquam cooperatricem; cuius producuntur testes Martinus Simius, Ioannes Linsentrit, Hortulus animæ; Flosculi Francisci; & alij. Nihil illi Saluatori nostro derogant; vt § 2. declarabo. Et si quid in ipsis non secundum scientiam scriptum esset; id inique Pontificia doctrina vocaretur. Habes Tridentinum aliaq; Concilia; tot Pontificum veterum; ac recentiorum decreta; addè communem, & in Ecclesia Romana receptas sententias; hæc Pontificæ doctrinæ nomine; non priuati cuiusuis dicta oppugna; nisi ærem verberas. Quod ex damnatis à Paulo III. Pauli Vergerij operibus colligis eo ipso approbata esse; in quacunque stilum suum strinxit Vergerius, tuo capite digna consequentia est.

§ 2. Profitemur Christum Dominum abundantissime, & exple.



ex plena iustitia nos redemisse, ita ut cœlestis pater paratus sit nos in gratiam suam recipere; si tamen præstiterimus, quæ ex parte nostra requirit; quis enim adeo desipit, ut velit omnes re ipsa per Christi merita à peccatis redemptos esse; & beatitudinem assecutos vel assecuturos. Non excludit ergo Christi Redemptio necessitatem fidei, sacramentorum usum; ut ipsi sectarij fatentur nec à nobis requisitam cooperationem: de qua Ezechiel. cap. 18. *conversimini & agite pœnitentiam.* Eleganter S. Augustinus lib. 2. de pecca. meri. & remiss. cap. 5. *Adiutor noster Deus dicitur. Neque adiuvare potest, nisi qui aliquid sponte conatur: quia non sicut in lapidibus insensatis, aut sicut in eis in quorum natura voluntatem rationemq; non condidit, salutem nostram Deus operatur in nobis.* Si hæc certa sunt & aperta, apertus sycophanta es Prædicans. Inuocamus Dei matrem, aliosq; cœlites, ut nobis subveniant impetrando, quæ ad nostram cooperationem, & salutem re ipsa consequendam pertinent; non ad illud Christi Redemptoris officium, quo omnibus ad cœlum resest aditum; patet ianua, sed renitentes, vel indormientes saluti suæ non ingredientur. Idem repeto, oro Sanctos, non ut cœlum aperiatur, sed ut ego talis inueniar, qui ingredi merear. hoc si culpas, corrige Scripturas; Corde enim creditur ad iustitiam: ore autem confessio fit ad salutem, Rom. 10. scio enim quia hoc mihi proveniet ad salutem, per vestram orationem & subministrationem spiritus Iesu Christi, epist. ad Philip. cap. 1. cum metu & tremore vestram salutem operamini. Philip. 2. *MUNDemus nos ab omni inquinamento carnis & spiritus, perficientes sanctificationem in timore Dei,* 1. Cor. 7. Exclama contra Apostolum; solus Christus salutem nostram iam plene operatus est; cur tantæ iam factæ salutis & sanctificationis locum admittis hominem, cor credentis, os fidem profitentis? Oblittera Christi quoque verba,

D

Matth.

Matth. 18. *si te audierit, lucratus eris fratrem tuum*; vociferare. Christus me lucrificet, nemo alius. Turbant, & ista: Precibus & meritis omnium sanctorum perducant nos Dominus ad regna cælorum; sede & dele his non absimilia: Luc. cap. 16. *facite vobis amicos de mammona iniquitatis, ut cum defeceritis, RECIPiant vos in æterna tabernacula.* en isti me recipient; ibi oro ut DEVS propter illos recipiat; vtrum sapit magis? vere desipis, Hippocratis, vinculis alligandus.

§3. Error secundus tibi est. Primam iustificationem, seu gratiam, quæ in peccati letalis remissione infunditur, non meretur homo; iam vero iustificatus meretur gratiæ & iustificationis augmentum; & æternam beatitatem. hunc, sacris litteris & Patribus aduersum esse vis errorem. Patrem nullum citas; Scripturæ vitam æternam vocant gratiam; sed & præmium, ac mercedem vocant; tu vnum credis, nos vtrumque. Sic & S. Augustinus cap. 13. de correptione & gratia. *Veruntamen, quia & ipsa vita æterna, quam CERTVM est bonis operibus DEBITAM reddi, à tanto Apostolo gratia Dei dicitur; cum gratia non operibus reddatur, sed gratis detur; si ne vlla dubitatione confitendum est, ideo gratiam vitam æternam vocari, quia his meritis redditur, quæ gratia contulit homini.* Idem cap. 8. de gratia & lib. arbi. *si enim vita æterna bonis operibus redditur, sicut APERTISSIME dicit scriptura, &c.*

§4. Docemus in iam iustificato gratiam non debere esse vacuum, sed per sancta opera exercendam, & augendam, vt sic tandem salui fiamus. Argumentatur Prædicans fol. 30. hinc, consequi, non saluari iustificatum, si breui post iustificationem primam tempore viuat. quid ita? bene operetur breui illo tempore; neque enim opus bonum longam moram exigit: quod sine breui tempore concedatur; neque opera Deus requiret; & falsum est primam iustificationem non dare ius ad consequendam gloriam.

§5. Ex-

§5. Error tertius asseritur fol. 31. Iustificationem præcedit nostra dispositio & præparatio. omnino; hanc requirit Deus, cum ad nos clamat: *Convertimini ad me*. Zachar. 1. & alibi passim. Nihil hic erroris; tu vero multum falleris, cum fol. sequenti scribis olim Doctores nostros agnouisse meritum de congruo; nunc autem id taceri, quia Pelagianum & contra scripturam esse animaduertatur. Est hæc quæstio ex ijs quarum alterutra pars salua fide teneri potest; & ut olim vtraque suos fautores habuit; ita & hodie habet. Legisses Iacobum Andradium lib. 6. orthodoxarum explicationum, Iodocum Ravenstain lib. 1. apolo. contra Kemnitium, Benedictum Pererium in cap. 3. epist. ad Romanum. 85. Illustrissimum Cardinalem Belarminum lib. 1. de Iustifi. cap. 21. tam temere hæc non effutisses: Tu ex meritis de congruo (quod fol. 52. inique reddis Germanice; *der billigste nach verdien*) putas sequi dispositiones gratiæ solis naturæ viribus haberi, quod Pelagus sentiebat, & scriptura damnat; sed graviter aberras. SS. Paulinus & Augustinus, quos hic contra eorum sententiam citas, qui nos gratiam de congruo mereri admittunt; recte intelliguntur meritum de condigno duntaxat negare. Certe illi sententiæ non obscure fauet S. Augustinus epist. 105. *Nec ipsa remissio peccatorum sine aliquo merito est, si fides hanc impetrat; neque enim nullum est meritum fidei, & epist. 106 si quis dixerit, quod gratiam bene operandi fides mereatur, negare non possumus, imo vero gratissime confitemur.* Subdis fol. 33. multum errare nos, quod inter dispositiones numeremus fidem & baptismum; sed nescis quid scribas; quis baptismum dispositionem tantum, & non potius efficax gratiæ ac sanctificationis vas & instrumentum esse agnoscit? fides; inquis, non tantum ad justificationem, sed etiam ad vitam æternam disponit. Andabara-

rum more pugnas, nescis quem tangas; nos hæc non sentiunt.

§ 6. Error quartus ponitur, quod iustificationis nomine non intelligatur nuda Dei à peccatis nos absoluentis sententia, sed interior in primis animæ sanctificatio. Verum ad nos docet Apostolus 1. Cor. 6. *Et hæc quidem fuistis, sed abluti estis, sed sanctificati estis, sed iustificati estis in nomine Domini nostri Iesu Christi, & in spiritu Dei nostri*, ubi iustificatio dicitur sanctificatio, ablutio; quomodo abluitur anima, nisi per internam delicta emaculantem gratiam? & sanctificare est sanctum facere, non tantummodo sanctum vocare, seu pronuntiare. eadem iustificationis voci propria vis est. *quos iustificauit, illos & glorificauit*, scribit B. Paulus Rom. 8. ut glorificatio non est nuda beatitudinis prædicationis sed celestis voluptatis vbertate animæ inebriatio; ita iustificatio non est extrinsecum duntaxat iustitiæ elogium; sed interna mentis rectitudo, & ornamentum. iustificamur Dei spiritu, de quo 1. Corinth. 6. Apostolus: *qui in vobis est, quem habetis, &c.* Iure ergo S. Augustinus ser. 16. de verbis Apostoli: *si dixerimus, quoniam iustitia nihil habemus; aduersus Dei dona mentimur.*

§ 7. Quinto, Pontificij originale aliæque peccata volunt tolli, & non tantum tegi. quia legunt; Ioan. 1. *Ecce Agnus Dei, ecce qui TOLLIT peccatum mundi*, ut sexcenta alia taceam. Si tolleretur originale, argumentatur Prædicans; tollerentur quoque fructus eius; qui sunt concupiscentia carnis, contra spiritum rebellio, moriendi necessitas. Huius argumenti ductu tradit Ægidius Hunnius in cap. 6. epist. ad Romanos fol. 92. *Peccatum originis ita uniuersam peruasit substantiam hominis, ut non nisi per destructionem corrupta & in puluerem redacta carne penitus extirpari possit.* idque probat ex Lazaro, & alijs à morte in vitam reuocatis; quide-  
nuo

quo mori debuerunt; quod non accidisset; nisi peccatum etiam in cadauere infixum mansisset. ô pepones. etiam emortua caro peccatrix est; quo vestra vos rapit dementia? Quid notius, quam cessare frequenter causam stante fructu, seu effectu. Combatur arbor, an ideo marcescent ex ea collecta poma? Percussionis effectus est inflictum vulnus; manet vulnus, licet percussio non sit amplius. Homo in peccato conceptus debitum moriendi in quidam peccati vindictam contrahat; inde tam parum sequitur, sublato peccato mortis cessare debitum; quam parum consequens est, furem ideo supplicio affici non posse, quia furari desijt. Contendis ipsam concupiscentiam esse, & ab Apostolo dici vere peccatum. Addis Augustinum lib. 1. de nuptijs cap. 25. quam recte, intelliges ex eodem lib. cap. 23. ubi de concupiscentia scribit: *vocatur peccatum, quia peccato facta est, cum iam in renatis NON SIT ipsa peccatum: sicut vocatur lingua locutio, quam facit lingua; & manus vocatur Scriptura &c. itemq; sic vocatur peccatum, quia peccatum si vincit, facit sicut vocatur frigus pigrum.* Potest etiam dici peccatum late, id est, vitium seu malum; quo modo loquitur S. Augustinus lib. 5. contra Iulianum cap. 3. quem allegas, sed non intelligis; verum sensum colligere poteras ex lib. 6. cap. 5. *in autem, qui putas, quod si malum esses concupiscentia, careret ea, qui baptizatur, multum erras; omni enim peccato caret, non omni malo.* Concupiscentiam, de qua Apostolus cap. 7. ver. 7. ad Roma. *concupiscentiam nesciebam &c.* agnosco vere, & proprie peccatum dici; quia actum concupiscendi, seu concupiscentiam in actu significat, quæ accedente hominis consensu peccatum fit.

§ 8. . Redis ad tuendam imputatiuam tantum iustitiam; & nugaris nunquam imputatum dici, quod re ipsa inest. ergo, quia alteri crimen imputat, id illi inesse negat? Recte

D ;

fateris

fateris fol. 41. hanc vestram doctrinam contra rationem esse; pro qua tamen fol. 42. sic ratiocinaris. Iustitia nostra est in Christo, & ipse est iustitia nostra; Ergo non est in nobis; forte nec vita in nobis erit; quia scriptum est; *in ipso vivimus, & movemur, & sumus*. Act. 17. *ipse est vita tua, & longitudo dierum tuorum*. Deutero. 30. sicut igitur vita nostra; & psal. 70. *patientia nostra* dicitur DEVS; quia eius hæc sunt munera; ita & iustitia; quam omnino illi acceptam ferimus: nec probamus eos, qui de indepta iustitia gloriantur, quasi non acceperint; quos arguunt, quæ ex S. Augustino folio 43. profero. Imperfecta iustitia, ais fol. 44. non potest nos iustos constituere; nostra fides, spes, caritas sunt imperfecta: Ergo, &c. verissimum de fide, spe, caritate Lutherana; sed vera fides, & ceteræ virtutes maxima Dei dona, & valde bona sunt; tu omnipotentis opera ne imperfecta dixeris; *omne datum optimum, & omne donum perfectum desursum est*. Iaco. 1. *Si diligamus invicem*, scribit S. Ioannes epist. 1. cap. 4. *Deus in nobis manet, & caritas eius IN NOBIS perfecta est*: tamen si omnis res creata creatori comparata negativæ, non privative imperfecta æstimetur. Cum in amando alteriusve virtutis exercitio delinquit homo; is operantis non virtutis est defectus: quemadmodum error contra Grammaticæ regulas non arti, sed artis neglectui adscribitur.

§9. Falsum esse ais, folio 49. quod iustus non sit beatus; bene addis; spe. quis hoc negat? gladium in tenebris ventitas.

§10. Gravis error, te iudice, est; negare quod sola fides iustificet. Lege Apostolum 1. Cor. 13. *si habuero omnem fidem ita ut montes transferam, caritatem autem non habuero, nihil sum*. Quomodo iustificet mortua? Iacobi 2: cuius forma, seu vita est caritas. Tu contra folio 48. si caritas fidei vitam

vitam dat; ergo prior est, quam fides. Cum S. Augustino tract. 26. in Ioan. quæro: *spiritus tuus vivit ex corpore tuo, an corpus tuum ex spiritu tuo? Respondet omnis, qui vivit. Qui autem hoc non potest respondere, nescio si vivit. Quid respondet omnis qui vivit? Corpus utique vivit de spiritu meo, tu inferes; ergo spiritus prior est, quam corpus. helleboro opus habes.*

§ 11. Ex pluribus Scripturæ testimonijs probas fidem, spem, & caritatem non vnam, sed tres virtutes esse. quem somnias hostem? Agnosco Eunomium hæreticum, de quo S. Basilii, lib. 1. contra eundem: *assumit nonnulla ab omnibus concessa, ut ex eo, quod bene in ijs sensit, fides etiam ipsi in ceteris habeatur.* vos potius fidem & spem, confunditis, ut cap. 1. §. 9. adnotavi.

§ 12. Fides iustificare dicitur, non quod sola iustificet; sed quia iustitiæ initium ac fundamentum est. Tu hoc in erroribus numeras; & eribus futilibus paralogismis sol. § 1. impugnas. I. Per fidem habemus remissionem peccatorum, & vitam æternam; Ergo, baculus in angulo. II. Per fidem finem nostrum attingimus; ergo non est tantum initium iustificationis. Per litterarum rudimenta pervenitur ad perfectam doctrinam; erga illa non sunt tantum discendi principia. III. Fide tanquam hypostasi innituntur omnia, quæ speramus; Ergo &c Fundamento totum ædificium nititur; Ergo fundamentum non est tantum fundamentum, sed perfecta domus.

§ 13. Tandem aliquanto apertius folio 59. de vestra iustificante fiducia loqueris; nec tamen plene adhuc pandis mysterium; forte, ne in Caluini scholâ transisse videaris. Vis iustum debere credere fidei certitudine sibi remissa esse peccata; qui hoc non credit, Deum remissionis peccatorum promissorem mendacem arguit. Velis nolis Calvinista es. Si mendacem ponit Deum, qui non infallibi-

liter credit se gratiam consecutum; ergo etiam mendacem arguet, qui non infallibiliter credit se gloriam consequuturum; utramque enim, gratiam scilicet & gloriam promissit Dominus. quare si ob quantumvis generalem & conditionalem gratiæ promissionem, quiuis tenetur fide infallibili credere se esse iustificatum; ergo ob eandem gloriæ promissionem tenebitur fide infallibili credere se ad cælum peruenturum. Tu hoc consequens non inuite admittes; quin id aperte fol. 99. tenes. Ego pergo; Nullus, qui aliquando habuit infallibilem fidem se ad cælum peruenturum; damnatur: omnis qui quocunque tempore iustus fuit, habuit infallibilem fidem se ad cælum peruenturum: Ergo, nullus, qui quocunque tempore iustus fuit, damnatur. Maior est evidentissima. nam si talem fidem habens damnetur, fides illa falsa, haud infallibiliter vera fuit. Minor ex tuo penu prompta est. In conclusionem si concedas, Calvinistam te posthac salutabimus; Calvinistæ enim tradunt, & ex Minori tua ac sua consequi aduertunt nullum unquam esse, fuisse, aut futurum iustum, nisi prædestinatum. A quo vos errore longe abesse vultis, ut vide-  
re est ex tuo Hunnio in 8. & 11. cap. epist. ad Rom. Hunc solve nobis nodum; quæ tu objicis, araneorum telæ sunt. Nam promissiones gratiæ sunt conditionatæ; nihil Deo diffidimus; sed an requisitas à nobis conditiones habeamus infallibiliter certi non sumus, seclusa speciali reuelatione, quam si Apostolus Paulus habuit; priuilegium fuit, minime commune omnibus fidelibus datum. Læto in-  
cruce, inquis, de suæ personæ salute infallibiliter à Christo certus factus est. fide dignissimam ipsius Domini reuelationem audiuit; cui tuto credet, quisquis similem de se in particulari habuerit. Sine speciali vero reuelatione non infallibilem quidem de statu gratiæ, aliquam tamen seu

mora-



moralem, seu coniecturalem certitudinem habere possumus; ad eamque comparandam nos excitat Apostolus, 2. Corinth. 13.

## ARTICVLVS SECVNDVS.

*Utrum Theologi Augustanæ Confessionis  
prohibeant bona opera.*

**N**Egas, idq; asserentibus calumniæ dicam scribis. Quæro, an Theologus Augustanæ Confessionis fuerit tuus Lutherus; qui in argumento epistolæ ad Galatas 1. editione scribit: *summa ars, & sapientia Christiana est nescire legem, ignorare opera; & totam iustitiam actiuam.* Idem in sermone de nouo testamento, seu Missa: *Cauemus à peccatis, sed maxime ab operibus bonis, & legibus, solamq; promissionem Dei attendamus & fidem: ipsa enim brevis est perfectio, nec aliqua lex requiritur, nec opus: imo & legem profindis & opus.* Deinde, peccata sunt prohibenda; sed omnia bona opera vestro calculo sunt peccata: Ergo etiam prohibenda. Lutherani, & Ducis Saxonie Theologierant qui in Altenburgensi Colloquio dicebant: *precari oportere, ut in fide sine omnibus operibus bonis usq; in finem perseueremus.* Lucas Osiander in historia Ecclesiastica, Anno 1551. scribit: *His temporibus iam agitabatur controuersia noua inter Theologos Augustanæ Confessionis: Nam Doctor Georgius Maior assererat bona opera necessaria esse ad salutem; Nicolaus vero Amsdorfius & ipse Theologus docebat: Bona opera esse perniciosam ad salutem.* Hæc Osiander, cuius filius, primo loco inter Theologos Wirtembergicos Heylbronneriano Codici subscripsit. Et ne dubites Amsdorfium fuisse Lutheranum, audi eundem Osiandrum ad annum 1559. fol. 669. *Nicolaus*

*Ianus Amstdorfius Theologus Lutheranus; quem Lutherus ipse Anno 1542. Episcopum Numburgensem inaugurarat.*

## ARTICVLVS TERTIVS.

*Utrum bona opera sint meritoria,  
& satisfactoria.*



T negas impie, & negata probas stolide; haud recte distinguens gratiæ meritum à merito gloriæ: gloriam meremur, ipsam iustificantem gratiam ex condigno non meremur. Verba ad Roma. 11. *ὅτι ἐξ ἔργων, ὃν ἐστὶν ἡ χάρις, ὅτι τὸ ἐργον, ὃν ἐστὶν ἡ ἐξουσία. Si autem ex operibus, non amplius est gratia: alioqui opus non amplius est opus: quæ in Græcis codicibus leguntur, nihil orthodoxæ de meritis doctrinæ officiunt; quamuis adiecitia videntur; vnde & à Latino vetusto interprete omissa, & à S. Chrysostomo alijsq; nonnullis huius epistolæ commentatoribus non sunt exposita.*

§ 2. Probas, quod non debeamus gloriari de meritis nostris, ipsi docemus tum ob vitandum inanis gloriæ periculum; tum ad auctiorem à Deo promerendam gratiam consultissimum esse fiduciam suam in Dei potius misericordia reponere, quam in suis meritis; præsertim cum adeo non constet odio, an amore dignissimus. Verum aliud est, non gloriari in meritis; aliud, non habere merita. *Non gloriatur, legimus apud Ieremiam c. 9. sapiens in sapientia sua; & non gloriatur fortis in fortitudine sua, & non gloriatur dives in diuitijs suis: an inferes? ergo nullus habet sapientiam, fortitudinem, diuitias. Iactantiam meritorum comprimunt verba Salvatoris Luca 17. cum feceritis omnia, quæ præcepta sunt vobis, dicite serui inutiles sumus; quod debninus facere, fecimus.* Bene hoc dictum ponderat S. Chrysostomus. hom. 3. in verba

*Isaie*

Haic; Vidi Dominum &c. quem S. Doctoris locum non citasset folio 78. Prædicans; si recte expendisset; verba S. Chrysostomi sunt: *Neque dixit; cum omnia feceritis, inutiles estis; sed, vos dicite; inutiles sumus. Dic, ne metuas; non ex tuo iudicio fero sententiam. nam si tu teipsum dixeris inutilem; ego te utilem coronabo.* Aduerte, quomodo Scripturas tractent Patres; quas vos ad impia vestra sensa deprauatis. *Alius manu scripturas,* ait Tertullianus, cap. 37. de præscrip. *alius sensu expositiones interuertit.* quod tibi toto passim volumine<sup>2</sup> solemnissimum est. Sic paulo post, fol. 69. ex verbis iustorum Christo Iudici respondentium: *Domine, quando te vidimus esurientem?* &c. concludis, illos significare, se nihil vnquam cogitasse de vita æterna per misericordiæ opera promerenda. consequenter etiam iniusti, te interprete, se excusant, quod nunquam sciuerint nihil boni operatos ad infernum detrusum iri. Apage delire. Prædicans; nimis apertam scripturæ vim infers. B. David psal. 17. bis repetit: *Retribuēt mihi Dominus secundum iustitiam meam.* tuum glossema fol. 70. est, eum loqui de causâ, non de personâ iustitiæ; causæ vero iustitiæ non pertinere ad controuersiam de merito hominis ad Deum. Nescis, quid scribas; omnino pertinet; nec in foro Dei vniuersam vitam nostrâ iudicaturi causam iustâ habebit, nisi iustus; nec usus esset poterit, nisi causam iustam habuerit. Verba isaïæ cap. 64. u. 6. *Faci sumus ut immundus omnes nos, & quasi pannus menstruatus vniuersæ iustitiæ nostræ;* quæ de impiorum operibus dicta sunt; tu de bonis operibus intelligi contendis, quia ad iustos pertinet verba versus 8. Quid non conficies, si eiusmodi consequentias in scripturis præsertim prophetarum nectere perrexeris?

§3. Errores numeras; sed tuos; quorum non minimus, mandata Dei seruatu impossibilia esse s. 72. *Iugum meū suauē est,* inquit Dñs, & *onus meū leue.* Matt. 1. & Ioānes Apostolus;

*mandata eius gratia non sunt.* 1. Ioan. 5. Ais hæc ad Christi præcepta pertinere; non ad decalogum, seu mandata Mo-  
 sis; quæ noua & plane acatholica limitatio est. sed & te  
 ipse iugulas; nam Christus asserit se difficiliora exigere,  
 quam Moses; si ergo illa seruari possunt; cur non ea, quæ  
 minus ardua sunt. Item, decalogum seruat, qui, vt debet,  
 proximum diligit; *omnis enim lex in vno sermone impletur:*  
*Diliges proximum tuum sicut teipsum.* Galat. 5 sed hoc est pro-  
 prium Christi mandatum, vt tu ipse hic fateris; & loquitur  
 Dominus. *Hoc est preceptum meum vt diligatis inuicem.* Io-  
 an. 15. Ergo est facile, & consequenter etiam decalogus  
 in hoc contentus. Præterea, cum ad decalogum seruand-  
 um sub inferni pœna obstricti simus; si seruari posse ne-  
 ges, Deum accusas; vt obseruauit S. Chrysostomus hom.  
 16. in epist. ad Hebræ. *Non licet diceres non possum; nec accu-*  
*sare opificem: nam si nos facit impotentes, & tamen precipit, ipsius*  
*est accusatio.* S. Augustinus cap. 10. de fide contra Mani-  
 chæos. *Quis enim non clamet stultum esse præceptum dare ei, cui*  
*liberum non est, quod præcipitur facere, & iniquum esse eam dam-*  
*nare, cui non fuit potestas iussa complere? & has iniustitias & ini-*  
*quitates miseri non intelligunt Deo se adscribere.* Eadem Pau-  
 linus ad Celantiam inter epist. S. Hiero. *Domino reclama-*  
*mus, & dicimus nos vel difficultate, vel impossibilitate mandato-*  
*rum premi: nec sufficit, quod iussa non facimus, nisi etiam iuben-*  
*tem iniustum pronunciamus.* Omnes peccamus, argumenta-  
 ris folio 75. ergo præcepta non perfecte seruamus. Multi  
 non seruant, quæ seruare possunt: sed nec nos de tam per-  
 fecta obseruantia vobiscum disputamus, quæ leuia quoq;  
 & venialia peccata excludat; absq; crimine seu mortali  
 culpa legem à quouis; Diuina opitulante gratia, quæ non  
 deerit, impleri posse dicimus. Vt tam perfecte Deum di-  
 ligamus sicut Sancti in cœlo, non præceptum; sed præ-  
 cepti

cepti finis est; si non nemo Patrum præceptum appellat; loquitur eo more, quo dicimus. militi præceptum esse vincere; medici officium esse sanare ægros; cum tamen miles ad fortiter pugnandum teneatur; quod medium tantum ad victoriam est: & medicus perfecte suum munus explet, si conuenientia remedia adhibeat; licet sanitas non consequatur.

§ 4. Folio 76. in supererogationis & consilij opera impetum facis. *Si præcepta, implere nequimus, multo minus possumus plus facere, quam præceptum sit: Antecedens est verum, ergo & consequens. sed nec decet nos plus facere, quam præceptum sit; quia id Deus prohibuit;* Deuteronomij 4. In pauca verba congeris non pauca falsa, & absurda. primo enim ad opus supererogationis non requiritur, vt quis præcepta omnia impleat, modo opus bonum extra præcepta exerceat. Deinde falsum est, nos non posse ita seruare præcepta, vt nullo graui delicto violentur; nec ob leue delictum quis absolute præuicator legis denominatur. Insuper inauditum paradoxum est, non decere vt plus oremus, plus eleemosynæ demus, &c. quam præceptum sit; & tamen ad hoc stabilendum Scripturam testem vocas. *Non addetis ad VERBUM, quod VOBIS LOQVOR, nec auferetis ex eo.* Deut. 4. Moses certo loco & tempore, sermonem quendam ad Iudæos habuit, in quo nihil de Christi natiuitate, morte, resurrectione, nihil de Christi Ecclesiæ, & nouæ legis sacramentis, ac ceremonijs; sed ceremonias, aliaq; mandata in sermone illo, non per Scripturam, Synagogæ tradita integre seruari præcepit; ita vt nihil omitteretur, nihil etiam mandatis illis aduersum admitteretur à Iudæis: Ergo nihil credendum, nihil faciendum vnquam fuit ab vilo homine Iudæo, aut Christiano, nisi quod scriptum legimus. An placet vobis hæc consequentia? Vestram gnatam paren-

tes agnoscite; quam verò illa multorum errorum vel si maioris beatitudinis, fecunda sit; satis in Colloquio, & editis de eo scriptis ostensum est; idque superiore anno te vir amplissimus Ioannes Pistorius perbene docuit. Verum in Colloquio contendebatis nihil credendum, vel ad cultum Dei suscipiendum esse (quod ipsum verborum Moysi, qui nec fidei nec cultus meminit, assumentum est) nisi quod scriptum legeretur; nunc longe maius paradoxum obtruditur, nullum scilicet Deo gratum opus fieri, nisi quod in scriptura mandatum esset. Prædicavit Deus ipse per Ieremiam prophetam cap. 35. Rechabitas; quod sibi in perpetuum vino interdixerint; in qua scriptura id legerant? Diem festum ob victoriam de Holoferne obtentam instituerunt Hebræi, Iudith ultimo; dedicationis diem quotannis celebrant; sanxerunt Machabæi 1. Mach. 4. neutri ex præcepto. Respondens fol. 551. gratiarum actionem in præcepto esse, ex qua festa illa sint instituta. Et si gratiarum actio, oratio, elemosyna &c. in scripturis generatim præcepta sint; ea tamen præcepta non quovis loco, & tempore obligant; nec ad quosvis actus de his quaeritur, an in particulari hoc ieiunium; hæc oratio, hæc festi celebritas, & quicquid pie quovis loco & tempore agitur, sit in præcepto; quod non nisi stolide affirmare potes, nec negare, nisi supererogationis opera admittas.

§3. Negas folio 77. consilium dedisse Christum adolescenti; cui dixit Matth. 19. *Si vis perfectus esse, vade, vende quæ habes, & da pauperibus; & habebis thesaurum in celo.* præceptum hoc esse vis. Hæcne Prædicans est Catholica interpretatio? an non quotquot interpretati sunt, consilium esse docuerunt? quod re ipsa secuti sunt tot sanctitate & doctrina eximij viri, tot monachorum millia. De veterum interpretum sententia vnum ex Græcis, alterum ex Latinis te-

stem

Item do. S. Chrysostomus hom., 21. in 1. ad Corinth. eisdem Christi verbis auditores suos ad supererogationis & consilij opera non sine desidia exprobratione prouocat. *In diuite alia quidem precepit Dominus, alia vero permisit libero animi arbitrio. Non dixit enim; Vende quæ habes; sed, si vis esse perfectus, vende.* Nos autem non solum non contendimus, vt laudem & honorem consequamur, neque quæ sunt præcepta exsuperamus, sed longe etiam abest, vt præceptorum mensuram impleamus. S. Hieronymus epist. 8. cap. 7. *Si vis, inquit Christus, perfectus esse. Non cogo, non impera; sed propono palmam, ostendo præmia: tuum est eligere.* Verum vt Scripturæ sensum inuertis; ita mox folio 79. S. Gregorio vim inferis; quasi neget opera nostra esse meritoria, & fraudulentè verba quibus ille suos inculcat defectus; ad omnia fidelium opera extendis. quare omisisti verba proxime sequentia? *fraternis auribus omne quod in me latenter ipse reprehendo, inuiculanter aperio*, lib. 35. in Iob cap. ult.

§ 6. Noli tacere eleganter Hebraizantem passim Prædicantem, vt folio 73. *da der König Hiskia das Passah aufgeschriben. Cum Rex Hiskia (Ezechias) per epistolam Passah (Phase) ediceret.* Si Hebraicas voces adeo deamas; scribas, cum Chizehijahu Rex ediceret Pesach. Verum si Apostoli & Euangelistæ, cum Græce scripserunt, Hebræa vocabula Græca formatione nonnihil leuigarunt, cur vos tam Euangelici adeo Rabinorum studiosi estis? De Basilidianis hæreticis scribit S. Hieronymus epist. 29. *Armagil, Barbelai, Abraxas, Balsamum, & ridiculum Leusiboram, ceteraq; magis portentosa, quam nomina, ad imperitorum & muliercularum animos concitandos, quasi de hebraicis fontibus hauriunt, barbaro simplices quosq; terrentes sono, vt quod non intelligunt, plus mirentur. de vobis hæc scripta accipio.*

## ARTICVLVS QVARTVS.

*De quibusdam bonis operibus in particulari; ie-  
iunio scilicet, vita monastica, vo-  
luntaria flagellatione.*

## Caput I. De ieiunio.

**I**N particulari delirare incipis; ad quid enim hæc oggeris? *pisces in Scriptura vocantur carnes; ieiunare in veteri ac noua testamento semper significat abstinentiam ab omni cibo: vnde colligis nos non ieiunare, quia comedimus. Qua ieiunamus, formaliter loquendo (si hos terminos capis) non comedimus; eodem tamen anno, mense, die, quo ieiunium peragitur, cibis permissis vel scilicet. Laudat S. Hieronymus epist. 25. cap. 5. Paulam orationi, ieiunijs, lectioni vacantem quod die; te interprete, nunquam illa comederit. In Scriptura, inquis, ieiunium semper significat abstinentiam ab omni cibo. De viris labes Galaad legimus 1. Paralipoi 10. eos septem diebus ieiunasse; hos nihil omnino comedisse asserere ausis? amplius audebis; Iuditham scilicet pluribus annis extra dies festos cibum non gustasse, de qua legimus Iudith 8. *ieiunabat omnibus diebus vita sua, præter sabbata, & neomenias, & festa domus Israel.**

§ 2. Apostolus de se ipse scribit 2. Corinth. 11. *in vigilijs multis, in fame & siti, in ieiunijs* MVLTI. Prædicantis sententia est folio 80. Paulum ieiunasse ex necessitate, quando deerat, quod comederet; quod Prædicanticum ieiunium est. nec aduertit delirus S. Paulum ieiunia discernere à fame & siti, num victus inopiam suauis idem Apostolus:



lus cum feribit ead. epist. cap. 6. exhibeamus nosmetipsos sicut Dei ministros in vigilijs, in ieiunijs, in castitate, &c.

§ 3. Ieiunij leges à Montano originem ducere mentiris, folio 82. *Quadragesimale ieiunium ne spernatis*, scribit ad Philippenfes S. Ignatius discipulus Apostolorum; à quibus id esse institutum vnanimiter sentiunt veteres; & vere Catholici Patres; ab his tu fidelius, quam à tuis Magdeburgensibus didicisses Montani qui errores fuerint. Quæ contra eum ad Marcellam epist. 54. tradiderit S. Hieronymus audiamus: *Nos vnam Quadragesimam secundum traditionem Apostolorum toto anno, tempore nobis congruo, ieiunamus: illi (Montanistæ) tres in anno faciunt Quadragesimas, quasi tres passi sint Salvatore: non quod & per totum annum, excepta Pentecoste, ieiunare non liceat: sed quod aliud sit necessitate, aliud voluntate munus offerre.*

§ 4. Transis ad alterum mendacium eodem folio, quod repetis fol. 107. S. Chrysostomum contra Quadragesimale ieiunium scripsisse homil. 47. in Matth. & homil. 11. in Genesin. Aduertite quæso vulpem hanc. S. Doctor dicta hom. in Matth. tradit potiori loco habendas caritatem, misericordiam, & similes virtutes; quam ieiunium, cilicium, & alias corporis afflictiones; illas expresse Christum docuisse, non autem has. Verba citat impostor, subtriciens sequentia: *Hæc dixi, non quia ieiunium mihi non placeat, quod magnis soleo efferre laudibus: sed quia doleo, si ceteris neglectis satis ad salutem vobis ieiunium existimetis.* Ex hom. 11. in Genesin profers hæc: *Nec erat institutus delectus ciborum; quod Apostolus dixisset: Mundus omnia esse munda. Nihil horum ibi Chrysostomus, sed hæc habet: sicut in mari littora sunt & portus, ut in eos è iactatione se recipiant nauigantes, & expectent donec ventorum impetus conquiescant, & sic iterum nauigare incipiant: ita & nunc hi, qui in hac Quadragesima ieiunij cursum susceperunt*

F.

&amp;c. Et

&c. Et paulo post : *Hæc nunc dico, non ut caritatem vestram contristem, sed ut excitem & instruam, non simpliciter ieiunij corpus castigare, neque temere & in vanum dies Quadragesimæ SANCTÆ transmittere.*

§ 5. Præter S. Chrysostomum citatur S. Augustinus, qui ad Casulanum scribit : non inueniri definitum, in sacris puta litteris, à Christo vel Apostolis ieiunij tempus, quod nihil aduersum nos est. Et tamen folio 84. vanissime gloriaris te palpabiliter (*handgreifflich*) ex doctrina Christi, Apostolorum, & veterum Doctorum demonstrasse Quadragesimæ ieiunium minime ex Apostolica traditione natum esse. Scriptura nihil omnino nos, sed Encratitas, Manichæos & similes feriunt, quare tam de his, quam de Patribus palpabiliter mentiris. Quo vero apud Catholicos Patres loco A catholici Prædicantes sint, ex S. Augustino intelliges; qui hæresi 53. inter cetera hæresiarchæ Aërij dogmata hoc numerat; *ne STATUTA solemniter celebranda esse ieiunia, sed cum quisque voluerit ieiunandum, ne videatur esse sub lege.* Hæc ipsissima Evangelica vestra libertas est.

§ 6. Eodem folio tanquam insolubilem ponis hanc questionem; si Apostolica traditio est carnibus in Quadragesima abstinere, cur Papa & sacerdotes accepta pecunia dispensant? Cur tu sine pecunia, tuomet genio toties mentiris & calumniaris? Superiorum esse dispensare in legibus, nemo ignorat; hoc si tu in statutis Apostolicis illicitum esse opinaris, is è mille erroribus tuis vnus erit. Cuiusq; etiam loci circa quædam ieiunia probatas consuetudines esse obseruandas, S. Augustinus epistola 118. docet; tu folio 85. inde scite colligis esse comedendum, quidquid apponitur. Quare non legisti quæ de ieiunijs, alijsque Ecclesiasticis moribus eadem epistola traduntur? *Si quid horum*

*horam tota per orbem, vt Quadragesimam, frequentat Ecclesia: quin ita faciendum sit disputare insolentissima insania est.*

## Caput II. De vita Monastica, & Religiosa.



*A* *πρὸς τοὺς δεικνύσας δεικνύσας, ait Plato lib. 8. de Rep. Catulæ tales, quales dominæ. Quid de Monastica, & statu Religioso expectare poteramus à transfugæ & toties periuri ac sacrilegi Monachi catulis, quam mendacia, calumniæ, rabiosos latratus & Sectæ criminantium furor & astu non abripiar. Oderunt vel ipsum Societatis Iesu nomen; tuiid superbiæ adteribis, quali non contenti communi Christiani nomine ceteris eminere cupiamus. Christiani sumus, sed in Christianorum multitudine sunt distinctæ functiones, status, & partes; sicut in quouis corpore, quauis Rep. tu manum in ius voca, quod non membrum tantum, verum etiam manus vocetur. Reprehende Apostolos qui se Christi Iesu seruos scribunt. Nobis Iesu nomen coram mundo circumferendum suavit non fastus; nihil enim in illo fastuosum, sed amor. Et si à Christo denominati fuissetis, non minus in hoc nomen blasphemi fuissetis, quam in Iesu nomen estis; dum à vobis audimus Suiæ, Iesuitæ, Gieziæ; & alia verborum portenta. Societatis Iesu nomen, inquis, Ioannem Apostolum propheticum spiritu nobis abiudicasse epist. 1. cap. 1. *Si dixerimus, quoniam Societatem habemus cum eo, & in tenebris ambulamus, mentimur.* Elegans de Prædicantibus prophetia, qui se Christum, Angelos, Prophetas, Apostolos habere collegas iactitant Christus seipsum in Evangelischer Prædicant, der Prædicant stand von Christus selbst eingeseht; Propheten von Apostel Prædicant gewiss*

*Engliſche Prædicanten.* fol. 591. & 592. *Chriſtus ipſe eſt Euangelicus Prædicans; ordo Prædicantium ab ipſo Chriſto inſtitutus eſt; Prophetæ & Apoſtoli fuere Prædicantes; Angelus Dei Prædicans, Angelici Prædicantes.* ſed quia in tenebris ambulant, mentiuntur; nos in vniuerſalis Eccleſiæ luce verſamur. *Habetis Eccleſiam ubique diffundi, & crefcere uſque ad meſſem. Habetis ciuitatem, de qua ipſe, quæ eam condidit, ait: Non poteſt ciuitas abſcondi ſupra montem poſita. Ipſa eſt ergo, quæ non in aliqua parte terrarum, ſed ubique notiſſima eſt.* S. Auguſtinus cap. 25. de vnitæte Eccleſiæ.

§ 2. Aliqui Religioſi Ordines non multis abhinc annis exorti ſunt, obijcis folio 88. plerique tamen antequam vltiſ uſuſerat Prædicans: Sed nec agitur antiquus; vel recens ſit hic vel ille Ordo; omnes in certis Religioſæ vitæ principijs, & ſcitis conueniunt, tamenſi in pluribus victus maxime & amictus rationem attinentibus non conueniant. Modo hi, modo alij, ſemper tamen Religioſam vitam excoluerunt aliqui ab ipſa Apoſtolorum ætate; & multum fallitur tibi in amoribus Polydorus Virgilius, ex cuius, quanti viri! testimonio tu argumentaris: Si Antonius primus monachus in Ægypto, Baſilius in Græcia, Hilarion in Syria fuit; vt Polydorus Virgilius ſcripſit, neceſſario ſequitur in omnibus iſtis regnis trecentos & plures annos nullam Monachi notitiam fuiſſe. Nimis ineptus es, qui Monachorum originem venariſ in Virgilij vario errore conſitis lucis; quo teſte haud aliter triumphas, quam ſi ipſius Antonij, Baſilij, &c. coætaneum aliquem produceres. ex vetuſtis Patribus hæc non ex recentiorum fabulis indaganda ſunt. Religioſi ſtatus ſubſtantia in perpetuæ paupertatis, caſtitaſ, & obedientiæ votis conſiſtit; quibus ipſos Apoſtolos ſe obſtrinxiffe S. Epiphanius hæreſi 58. & S. Auguſtinus lib. 17. de ciui. Dei, cap. 4. teſtantur.

tur. Apostolorum exemplo cœpisse. Religiones docent Eusebius lib. 2. hist. cap. 16. S. Hieronymus de viris illustribus, in Ehilone; Possidonius in vita S. Augustini, Cassianus collat. 10. cap. 5. & alij. Vel Monachi, vel Christiani Monachorum ritu viuentes fuerunt Iessai, seu Esseni, qui sub Marco Euangelista Alexandria vixerunt, de quibus Philo Iudæus Apostolorum synchronos. In Ægypto ante Antonium fuisse Monachos optime nouerit Magnus Athanasius Antonio Magno familiaris, cuius & vitam scripsit, in qua non procul ab initio hæc: *Necdum autem* (quando seculum reliquit Antonius) *tam crebra erant in Ægypto monasteria.* Idem de Græciæ monasterijs ante S. Basilium, dixerim. In Syria ante S. Hilarionem monachi noti & clari non fuerint; primus ibi instituti huius fundator certus & celebris sit Hilarion; nullos omnino non tam in exstructis monasterijs, quam in viculis, vel saltibus monastice vixisse quomodo probabitur?

§3. Sed esto, trecentis circiter annis à Christo nato cœperint habitari monasteria; quando sedata tyrannorum persecutione facta est maior in Ecclesia tranquillitas; at tamen sanctam, & Christi Apostolorumq; doctrinæ consentaneam esse monasticam tam vetusti, tam graues pietate, tantis miraculis eoruscæ Patres nihil dubitarunt. Nisi in calcaneis tibi cerebrum esset, aduerteres quanti viri veteris Catholicæ Ecclesiæ vestris sacrilegis dogmatibus resistent, Ex Orientis Patribus S. Athanasius Monachi vitam celebravit; Monachi vitam ipsi excoluerunt S. Basilus, S. Gregorius Nazianzenus, S. Epiphanius, S. Ioannes Chrysostomus; ex Patribus Latinis celeberrimi ac Monachi S. Hieronymus, S. Augustinus, S. Paulinus, S. Gregorius; Monachorum fautor S. Ambrosius; vt taceam alios, si non litteris, sanctimonia tamen clarissimos S. An-

Mart. Non ita varijs astrorum choris calum refuget, ut Egypti  
 eremus innumeris Monachorum, ac Virginum distinguitur, atque  
 illustratur habitaculis. Luculenter B. Theodoretus in histo-  
 ria SS. Patrum cap. 30. Multae aliae, praeter B. Dominam  
 partim quidem vitam amplexa sunt solitariam; partim autem vi-  
 vere amarunt cum pluribus: adeo, ut ducentae & quinquaginta &  
 plures, & pauciores simul vivant; vno tibi vescentes; super solas stō-  
 teas ex instituto dormientes; & manus quidem lancea tribuentes,  
 hymnis vero linguam consecrantes. Sunt autem eiusmodi innume-  
 rabilia sapientia gymnasia, non solum in nostra regione, sed etiam  
 per totum Orientem. Ijs autem plena est & Palaestina, & Aegyptus,  
 & Asia, & Pontus, & tota Europa: Ex qua enim Christus Domi-  
 nus, honoravit virginitatem, ut qui natus sit ex virginitate, prae  
 virginitatis natura germinavit; & hos suaveolentes; & qui non  
 marcescunt, flores offert Creatori. His bene cohaerent. Si Cy-  
 priani de Virginibus verba: Gaudet per illas, atq. in illis largi-  
 ter floret Ecclesia, matris gloriosa saecunditas: quantoq. plus copiosa  
 virginitas numero suo addit, tanto gaudium matris augefcit. Hae-  
 tu, si potes, transfer in Lutheranam Synagogam, cuius  
 Archisynagogus Monialem constupravit; apud cuius se-  
 ctatores monasteria depeculari, claustra effringere sum-  
 ma Religio est.

§ 7. Olim, inquis, etiam quae ex voto virgines erant,  
 permittebantur nubere. Sed Cyprianus, quem citas, non  
 loquitur de eiusmodi Deo sacris virginibus: has gravius  
 peccare, si tanquam coniuges viris copulentur; quam si  
 fornicentur in concessa sibi Veneris conscia, ex antiquis  
 Catholicis Patribus traditur; tu in Iesuitas furiose con-  
 scis. An non simplici, ut vocamus, fornicatione gravius  
 est adulterium? cetera ex S. Ambrosio ad virginem ipsam  
 accipe; & Lutheri tui Catharinam concipe. Facilius te opor-  
 tuit sanguinem cum spiritu fundere, quam perdere castitatem tuam.

Nam

*Quam si inter decem testes confectis sponsalijs, nuptijs consummatis, quamvis viro femina coniuncta mortali, non sine magno periculo perpetrat adulterium; quid putes fore si inter innumerabiles testes Ecclesia, coram Angelis, exercitibus cæli, facta copula spiritalis per adulterium soluitur? Nescio an possit ei digna mors, an pena cogitari. Dicit aliquis: Melius est ergo nubere, quam vri. Hoc dictum ad non pollicitam pertinet, ad nondum velatam. Ceterum, quæ se sponndit Christo, & sanctum velamen accepit, iam nupsit, iam immortalis iuncta est viro. Et iam si voluerit nubere communi lege connubij, ADULTERIVM perpetrat, ancilla mortis efficitur.*

§ 8. Cuculas adultiorem quondam ætatem desideratam, quando ad Monasteria admittebantur. Hæc omnino variari possunt. Concilium Triburienſe ad Religioſam professionem admisit etiam duodennem. Eleganter S. Ambrosius lib. 3. de Virginibus: *Non aetas rejicitur florentior, sed animus examinatur, ac certe Theclæ non senectus sed virtus probavit: nec mirere in adolescentulis professionem, cum legeris in parvulis passionem.*

§ 9. Errarunt olim Massaliani seu Euchitæ opinati nulli Monachorum licere operari manibus, eiusmodi etiam laborem fugientes, quem ex sui Ordinis instituto exercere debebant, reprehendit S. Augustinus lib. de opere Monachorum. Tu paupertatis studium calumniaris, malles etiam Religiosos manibus, quam capite laborare; quo impunius lupis rapacibus in caulas Domini grassari liceret.

### Caput III. De flagellationibus.



**V**T virtus inter vitia; ita fides & veritas inter errores media consistit. Hæretici extrema secuti Catholicæ Ecclesiæ contrariis imponunt hæretes. Arianis Catholici sunt Sabelliani, Eutychianis sunt

*mandata eius graua non sunt.* 1. Ioan. 5. Ais hæc ad Christi præcepta pertinere, non ad decalogum, seu mandata Mo-  
 sis; quæ noua & plane acatholica limitatio est. sed & te  
 ipse iugulas; nam Christus asserit se difficiliora exigere,  
 quam Moles; si ergo illa seruari possunt; cur non ea, quæ  
 minus ardua sunt. Item, decalogum seruat, qui, vt debet,  
 proximum diligit; *omnis enim lex in vno sermone impletur:*  
*Diliges proximum tuum sicut teipsum.* Galat. 5. sed hoc est pro-  
 prium Christi mandatum, vt tu ipse hic fateris; & loquitur  
 Dominus. *Hoc est preceptum meum vt diligatis inuicem.* Io-  
 an. 15. Ergo est facile, & consequenter etiam decalogus  
 in hoc contentus. Præterea, cum ad decalogum seruand-  
 um sub inferni pœna obstricti simus; si seruari posse ne-  
 ges, Deum accusas; vt obseruauit S. Chrysostomus hom.  
 16. in epist. ad Hebræ. *Non licet diceres non possum; nec accu-*  
*sare opificem: nam si nos facit impotentes, & tamen præcipit, ipsius*  
*est accusatio.* S. Augustinus cap. 10. de fide contra Mani-  
 chæos. *Quis enim non clamet stultum esse præceptum dare ei, cui*  
*liberum non est, quod præcipitur facere, & iniquum esse eam dam-*  
*nare, cui non fuit potestas iussa complere? & has iniustitias & ini-*  
*quitates miseri non intelligunt Deo se adscribere.* Eadem Pau-  
 linus ad Celantiam inter epist. S. Hiero. *Domino reclama-*  
*mus, & dicimus nos vel difficultate, vel impossibilitate mandato-*  
*rum premi: nec sufficit, quod iussa non facimus, nisi etiam iuben-*  
*tem iniustum pronunciamus.* Omnes peccamus, argumenta-  
 ris folio 75. ergo præcepta non perfecte seruamus. Multi  
 non seruant, quæ seruare possunt; sed nec nos de tam per-  
 fecta obseruantia vobiscum disputamus, quæ leuia quoq;  
 & venialia peccata excludat; absq; crimine seu mortali  
 culpa legem à quouis, Diuina opitulante gratia, quæ non  
 deerit, impleri posse dicimus. Vt tam perfecte Deum di-  
 ligamus sicut Sancti in cælo, non præceptum; sed præ-  
 cepti



cepti finis est; si non nemo Patrum præceptum appellat; loquitur eo more, quo dicimus militi præceptum esse viacere; medici officium esse sanare ægros; cum tamen miles ad fortiter pugnandum teneatur; quod medium tantum ad victoriam est: & medicus perfecte suum munus explet, si conuenientia remedia adhibeat; licet sanitas non consequatur.

§ 4. Folio 76. in supererogationis & consilij opera impetum facis. *Si præcepta, implere nequimus, multo minus possumus plus facere, quam præceptum sit: Antecedens est verum, ergo & consequens. sed nec decet nos plus facere, quam præceptum sit; quia id Deus prohibuit; Deuteronomij 4. In pauca verba congeris non pauca falsa, & absurda. primo enim ad opus supererogationis non requiritur, vt quis præcepta omnia impleat, modo opus bonum extra præcepta exerceat. Deinde falsum est, nos non posse ita seruare præcepta, vt nullo graui delicto violentur; nec ob leue delictum quis absolute præuicator legis denominatur. Insuper inauditum paradoxum est, non decere vt plus oremus, plus eleemosynæ demus, &c. quam præceptum sit; & tamen ad hoc stabiliendum Scripturam testem vocas. Non addes ad VERBUM, quod VOBIS LOQVOR, nec auferetis ex eo. Deut. 4. Moses certo loco & tempore, sermonem quendam ad Iudæos habuit, in quo nihil de Christi natiuitate, morte, resurrectione, nihil de Christi Ecclesiæ, & nouæ legis sacramentis, ac ceremonijs; sed ceremonias, aliaq; mandata in sermone illo, non per Scripturam, Synagogæ tradita integre seruari præcepit: ita vt nihil omitteretur, nihil etiam mandatis illis aduersum admitteretur à Iudæis: Ergo nihil credendum, nihil faciendum vnquam fuit ab vilo homine Iudæo, aut Christiano, nisi quod scriptum legimus. An placet vobis hæc consequentia? Vestram gnatam paren-*

res agnoscite; quam vero illa multorum errorum & si maius beatissimorum, secunda sit; satis it. Colloquio, & editis de eo scriptis ostensum est; idq; superiore anno te vir amplissimus Ioannes Pistorius perbene docuit. Verū in Colloquio contendebatis nihil credendum, vel ad cultum Deifuscipiendum esse. (quod ipsum verborum Moſis, qui nec fidei nec cultus meminit, assumendum est) nisi quod scriptum legeretur; nunc longe maius paradoxū obtruditur, nullum scilicet Deo gratum opus fieri, nisi quod in scriptura mandatum esset. Prædicavit Deus ipse per Ieremiam prophetam cap. 35. Rechabitas; quod sibi in perpetuum vino interdixerint; in qua scriptura id legerant? Diem festum ob victoriam de Holoferne obtentā instituerunt Hebræi, Iudith ultimo; dedicationis diem quotannis celebrant; sanxerunt Machabæi 1. Mach. 4. neutri ex præcepto. Respondes fol. 551. gratiarū actionem in præcepto esse, ex qua festa illa sint instituta. Et si gratiarum actio, oratio, eleemosyna &c. in scripturis generatim præcepta sint; ea tamen præcepta non quouis loco, & tempore obligant; nec ad quosvis actus de his quæritur, an in particulari hoc ieiunium, hæc oratio, hæc festi celebritas, & quicquid pie quouis loco & tempore agitur, sit in præcepto; quod non nisi stolide affirmare potes, nec negare, nisi supererogationis opera admittas.

§3. Negas folio 77. consiliū dedisse Christū adolēscēti, cui dixit Matth. 19. *Si vis perfectus esse, vade, vende quæ habes, & da pauperibus; & habebis thesaurum in celo.* præceptū hoc esse vis. Hæne Prædicans est Catholica interpretatio? an non quotquot interpretati sunt, consiliū esse docuerunt? quod re ipsa secuti sunt tot sanctitate & doctrina eximij viri, tot monachorum millia. De veterum interpretum sententia vnum ex Græcis, alterum ex Latinis te-

stom

Item do. S. Chrysostomus hom. 21. in 1. ad Corinth. eisdem Christi verbis auditores suos ad supererogationis & consilij opera non sine desidia exprobratione prouocat. *In diuite alia quidem precepit Dominus, alia vero permisit libero animi arbitrio. Non dixit enim; Vende quæ habes; scia, si vis esse perfectus, vende.* Nos autem non solum non contendimus; ut laudem & honorem consequamur, neque quæ sunt precepta exsuperamus, sed longe etiam abest, ut preceptorum mensuram impleamus. S. Hieronymus epist. 8. cap. 7. *Si vis, inquit Christus, perfectus esse. Non cogo, non impera; sed propono palmam, ostendo premia: tuum est eligere.* Verum ut Scripturæ sensum inuertis, ita mox folio 79. S. Gregorio vim infers; quasi neget opera nostra esse meritoria; & fraudulentè verba quibus ille suos inculat defectus; ad omnia fidelium opera extendis. quare omisisti verba proxime sequentia? *fraternis auribus omne quod in me latet ipse reprehendo, insuauiter aperio*, lib. 35. in Iob cap. vlt.

§ 6. Nolui tacere eleganter Hebraizantem passim Prædicantem, ut folio 73. *da der König Hiskia das Passah aufgeschriben. Cum Rex Hiskia (Ezechias) per epistolam Passah (Phase) ediceret.* Si Hebraicas voces adeo deamas; scribas, cum Chizehijahu Rex ediceret Pesach. Verum si Apostoli & Euangelistæ, cum Græce scripserunt, Hebræa vocabula Græca formatione nonnihil leuigarunt, cur vos tam Euangelici adeo Rabinorum studiosi estis? De Basilidianis hæreticis scribit S. Hieronymus epist. 29. *Armagil, Barbelan, Abraxas, Balsamum, & ridiculum Leusiboram, ceteraq; magis portentosa, quam nomina, ad imperitorum & muliercularum animos concitandos, quasi de hebraicis fontibus hauriunt, barbaro simplices quosq; terrentes sono, ut quod non intelligunt, plus mirentur. de vobis hæc scripta accipio.*

## ARTICVLVS QVARTVS.

*De quibusdam bonis operibus in particulari; ie-  
iunio scilicet, vita monastica, vo-  
luntaria flagellatione.*

## Caput I. De ieiunio:



**N**on particulari delirare incipis; ad quid enim  
hac oggeris? *pisces in Scriptura vocantur carnes;*  
*ieiunare in veteri ac nouo testamento semper significat*  
*abstinentiam ab omni cibo: unde colligis nos non ieiunare,*  
*quia comedimus. Qua ieiunamus, formaliter loquendo*  
*(si hos terminos capis) non comedimus; eodem tamen*  
*anno, mense, die, quo ieiunium peragitur, cibis permixtis*  
*vesclicet. Laudat S. Hieronymus epist. 25. cap. 5. Pau-*  
*lam orationi, ieiunijs, lectioni vacantem quotidie; te in-*  
*terprete, nunquam illa comederit. In Scriptura, inquis,*  
*ieiunium semper significat abstinentiam ab omni cibo.*  
*De viris labes Galaad legimus 1. Paralipo: 10. eos septem*  
*diebus ieiunasse; hos nihil omnino comedisse asserere au-*  
*sis? amplius audebis, Iuditham scilicet pluribus annis ex-*  
*tra dies festos cibum non gustasse, de qua legimus Iudith*  
*8. ieiunabat omnibus diebus vite sue, prater sabbata, & neome-*  
*nias, & festa domus Israel.*

§ 2. Apostolus de se ipse scribit 2. Corinth. 11. *in vigilijs*  
*multis, in fame & siti, in ieiunijs* **MVLTIS.** Prædicantis sen-  
tentia est folio 80. Paulum ieiunasse ex necessitate, quan-  
do deerat, quod comederet; quod Prædicanticum iei-  
unium est, nec aduertit delirus S. Paulum ieiunia discerne-  
re à fame & siti, num victus inopiam suavit idem Apосто-  
lus:

lius cum scribit ead. epist. cap. 6. exhibeamus nosmetipsos sicut Dei ministros in vigilijs, in ieiunijs, in castitate, &c.

§ 3. Ieiunij leges à Montano originem ducere mentiris, folio 82. *Quadragesimale ieiunium ne spernatis*, scribit ad Philipenses S. Ignatius discipulus Apostolorum; à quibus id esse institutum unanimiter sentiunt veteres, & vere Catholici Patres; ab his tu fidelius, quam à tuis Magdeburgensibus didicisses Montani qui errōres fuerint. Quæ contra eum ad Marcellian. epist. 154. tradiderit S. Hieronymus audiamus: *Nos unam Quadragesimam secundum traditionem Apostolorum toto anno, tempore nobis congruo, ieiunamus: illi (Montanistæ) tres in anno faciunt Quadragesimas, quasi tres passi sint Salvatores: non quod & per totum annum, excepta Pentecoste, ieiunare non liceat: sed quod aliud sit necessitate, aliud voluntate munus offerre.*

§ 4. Transis ad alterum mendacium eodem folio, quod repetis fol. 107. S. Chrysostomum contra Quadragesimale ieiunium scripisse homil. 47. in Matth. & homil. 11. in Genesin: Aduertite quæso vulpem hanc. S. Doctor dicta hom. in Matth. tradit potiori loco habendas caritatem, misericordiam, & similes virtutes; quam ieiunium, cilicium, & alias corporis afflictiones; illas expresse Christum docuisse, non autem has. Verba citat impostor, subiciens sequentia: *Hæc dixi, non quia ieiunium mihi non placeat; quod magnis soleo efferre laudibus: sed quia doleo, si ceteris neglectis satis ad salutem vobis ieiunium existimetis.* Ex hom. 11. in Genesin profert hæc: *Nec erat institutus delectus ciborum; quod Apostolus dixisset: Mundi omnia esse munda. Nihil horum ibi Chrysostomus; sed hæc habet: sicut in mari littora sunt & portus, ut in eos à iactatione se recipiant nauticantes; & expectent donec ventorum impetus conquiescant; & sic iterum navigare incipiant: ita & nunc hi, qui in hac Quadragesima ieiunij cursum susceperunt*

F.

&amp;c. Et

&c. Et paulo post : *Hac nunc dico, non ut caritatem vestram contristem, sed ut excitem & instruam, non simpliciter ieiunij corpus castigare, neque temere & in vanum dies Quadragesimæ SANCTÆ transmittere.*

§ 5. Præter S. Chrysostomum citatur S. Augustinus, qui ad Casulanum scribit : non inueniri definitum, in sacris puta litteris, à Christo vel Apostolis ieiunij tempus, quod nihil aduersum nos est. Et tamen folio 84. vanissime gloriaris te palpabiliter (*handgreifflich*) ex doctrina Christi. Apostolorum, & veterum Doctorum demonstrasse Quadragesimæ ieiunium minime ex Apostolica traditione natum esse. Scriptura nihil omnino nos, sed Encratitas, Manichæos & similes feriuat, quare tam de his, quam de Patribus palpabiliter mentiris. Quo veto apud Catholicos Patres loco A catholici Prædicantes sint, ex S. Augustino intelliges, qui hæresi 53. inter cetera hæresiarchæ Aërij dogmata hoc numerat ; *ne STATUTÆ solemniter celebranda esse ieiunia, sed cum quisque voluerit ieiunandum, ne videatur esse sub lege.* Hæc ipsissima Evangelica vestra libertas est.

§ 6. Eodem folio tanquam insolubilem ponis hanc questionem ; si Apostolica traditio est carnibus in Quadragesima abstinere, cur Papa & sacerdotes accepta pecunia dispensant ? Cur tu sine pecunia, tuomet genio toties mentiris & calumniaris ? Superiorum esse dispensare in legibus, nemo ignorat ; hoc si tu in statutis Apostolicis illicitum esse opinaris, is è mille erroribus tuis vnus erit. Cuiusq; etiã loci circa quædam ieiunia probatas consuetudines esse obseruandas, S. Augustinus epistola 118. docet ; tu folio 85. inde scite colligis esse comedendum, quidquid apponitur. Quare non legisti quæ de ieiunijs, alijsque Ecclesiasticis moribus eadem epistola traduntur ? *Si quid horum*

*horum tota per orbem, vt Quadragesimam, frequentat Ecclesia: quin ita faciendum sit disputare insolentissima insania est.*

## Caput II. De vita Monastica, & Religiosa.

**A**IT XIOVES, DIAI XIP XIAOWES, ait Plato lib. 8. de Rep. Catulæ tales, quales dominæ. Quid de Monastica, & statu Religioso expectare poteramus à transfugæ & toties periuri ac sacrilegi Monachi catulis, quam mendacia, calumniæ, rabiosos latratus & Sectæ criminantium furore & astu non abripiar. Oderunt reliquum Societatis Iesu nomen; tuid superbiæ adferibis, quasi non contenti communi Christiani nomine ceteris eminere cupiamus. Christiani sumus, sed in Christianorum multitudine sunt distinctæ functiones, status, & partes; sicut in quouis corpore, quauis Rep. tu manum in ius voca, quod non membrum tantum, verum etiam manus vocetur. Reprehende Apostolos qui se Christi Iesu seruos scribunt. Nobis Iesu nomen coram mundo circumferendum suavit non fastus; nihil enim in illo fastuosum, sed amor. Et si à Christo denominati fuissetis, non minus in hoc nomen blasphemi fuissetis, quam in Iesu nomen estis; dum à vobis audimus Suiæ, Iesauitæ, Gieziæ; & alia verborum portenta. Societatis Iesu nomen, inquis, Ioannem Apostolum prophetico spiritu nobis ab iudicasse epist. 1. cap. 1. *Si dixerimus, quoniam Societatem habemus cum eo, & in tenebris ambulamus, mentimur.* Elegans de Prædicantibus prophetia, qui se Christum, Angelos, Prophetas, Apostolos habere collegas iactitant Christus seipsum in Euangelischer Prædicant, der Prædicant stand von Christus selber eingesetzt; Propheten von Apostel Prædicant gewisset.

F. 2

Engle

*Englische Prædicanten. fol. 591. & 592. Christus ipse est Euangelicus Prædicans; ordo Prædicantium ab ipso Christo institutus est; Propheta & Apostoli fuere Prædicantes; Angelus Dei Prædicans, Angelici Prædicantes. sed quia in tenebris ambulat, mentiuntur; nos in vniuersalis Ecclesiæ luce versamur. Habetis Ecclesiam ubique diffundi, & crescere usque ad messem. Habetis ciuitatem, de qua ipse, qui eam condidit, ait: Non potest ciuitas abscondi supra montem posita. Ipsa est ergo, quæ non in aliqua parte terrarum, sed ubique notissima est. S. Augustinus cap. 25. de vnitæte Ecclesiæ.*

§ 2. Aliqui Religiosi Ordines non multis abhinc annis exorti sunt, obijcis folio 88. plerique tamen antequam Christus visus erat Prædicans. Sed nec agitur antiquus, vel recens sit hic vel ille Ordo; omnes in certis Religiosæ vitæ principijs, & scitis conueniunt, tamen si pluribus victus maxime & amictus rationem attinentibus non conueniant. Modo hi, modo alij, semper tamen Religiosam vitam excoluerunt aliqui ab ipsa Apostolorum ætate; & multum fallitur tibi in amoribus Polydorus Virgilius, ex cuius, quantum viri testimonio tu argumentaris: Si Antonius primus monachus in Ægypto, Basilus in Græcia, Hilarion in Syria fuit; vt Polydorus Virgilius scripsit, necessario sequitur in omnibus istis regnis trecentos & plures annos nullam Monachi notitiam fuisse. Nimis ineptus es, qui Monachorum originem venaris in Virgilij vario errore confitis lucis; quo teste haud aliter triumphas, quam si ipsius Antonij, Basilij, &c. coætaneum aliquem produceres. ex vetustis Patribus hæc non ex recentiorum fabulis indaganda sunt. Religiosi status substantia in perpetuæ paupertatis, castitatis, & obedientiæ votis consistit; quibus ipsos Apostolos se obstrinxisse S. Epiphanius hæresi 8. & S. Augustinus lib. 17. de ciui. Dei, cap. 4. testatur.



tur. Apostolorum exemplo cœpisse. Religiones docent Eusebius lib. 2. hist. cap. 16. S. Hieronymus de viris illustribus, in Philone; Possidonius in vita S. Augustini, Cassianus collat. 10. cap. 5. & alij. Vel Monachi, vel Christiani Monachorum ritu viuentes fuerunt Iesæi, seu Esseni, qui sub Marco Euangelista Alexandria vixerunt, de quibus Philo Iudæus Apostolorum synchronos. In Ægypto ante Antonium fuisse Monachos optime nouerit Magnus Athanasius Antonio Magno familiaris, cuius & vitam scripsit, in qua non procul ab initio hæc: *Necdum autem* (quando seculum reliquit Antonius) *tam crebra erant in Ægypto monasteria.* Idem de Græciæ monasterijs ante S. Basilium, dixerim. In Syria ante S. Hilarionem monachi noti & clari non fuerint; primus ibi instituti huius fundator certus & celebris sit Hilarion; nullos omnino non tam in exstructis monasterijs, quam in viculis, vel saltibus monastice vixisse quomodo probabitur?

§3. Sed esto, trecentis circiter annis à Christo nato cœperint habitari monasteria; quando sedata tyrannorum persecutione facta est maior in Ecclesia tranquillitas; at tamen sanctam, & Christi Apostolorumq; doctrinæ consentaneam esse monasticam tam vetusti, tam graues pietate, tantis miraculis corusci Patres nihil dubitarunt. Nisi in calcaneis tibi cerebrum esset, aduerteres quanti viri veteris Catholice Ecclesie vestris sacrilegis dogmatibus resistent, Ex Orientis Patribus S. Athanasius Monachi vitam celebravit; Monachi vitam ipsi excoluerunt S. Basilus, S. Gregorius Nazianzenus, S. Epiphanius, S. Ioannes Chrysostomus; ex Patribus Latinis celeberrimi ac Monachi S. Hieronymus, S. Augustinus, S. Paulinus, S. Gregorius; Monachorum fautor S. Ambrosius; vt taceam alios, si non litteris, sanctimonia tamen clarissimos S. An-

tionum, S. Hilarionem, S. Martinum, S. Benedictum, & ceteros, qui Monachi vixerunt. Vnius Antonij illiterati auctoritas omnibus vestris pseudotheologis prudentissimè antefertur. Illum inter tantas positum solitudines, vt S. Athanasius loquitur, sincerissima Religio Africæ, Hispaniæ, Galliæ, Italiæ, Illyrico commendauit. Quisquis Orthodoxus est, consideret, monet S. Chrysostomus homil. 8. in Matth. *virum per cunctorum vsque hodie ora volitantem, quem Apostolis proximum Ægyptus protulit, beatum dico. & magnum illum, de quo saepe audistis, Antonium. Quod certe vel precipuum CATHOLICÆ fidei documentum est, NVLUM videlicet Hæreticorum talem posse monstrari.* ΕΙΣΚΟΡΑΚΕΣ. Luthetus, Pomeranus, Rabus, & reliqui spurcissimi Apostatæ.

§ 4. In Italia tenes primum Monachorum fuisse Benedictum, vbi tunc fuit primus Prædicans? In Italia soli Benedictus das erste Klosterleben angefangen haben / quoties ita loqueris, te mentiri suspicor, & plerunque nec fallor; vno seculo Benedictum antegressi sunt S. Hieronymus & S. Augustinus; Romæ Monacha vixit B. Marcella, teste S. Hieronymo epist. 16. in qua cap. 4. de Roma scribit: *Crebra virginum monasteria, monachorum innumera bilis multitudo.* & epist. 26. cap. 2. *Nostris temporibus Roma possidet, quod mundus antea nesciuit. Tunc rari sapientes, potentes, nobiles, Christiani: nunc MULTI Monachi, sapientes, potentes, nobiles.* epist. 30. cap. 3. de B. Fabiola narrat: *peragrabat ergo insulas, & totum Etruscum mare: Volscorumque prouinciam, & reconditos curuorum litorum sinus, in quibus Monachorum consistunt chori.* Si de Dalmatis Monachis quid scire lubet, audi eundem epist. 3. cap. 3. ad Iulianum: *Extruis monasteria, & multas à te per insulas Dalmatia Sanctorum numerus sustentatur, sed melius faceres si &*

ipse

*ipse sanctus inter sanctos viueret.* Nunc Augustinus prodeat, lib. 8. Confess. cap. 6. *Erat Monasterium Mediolani plenum bonis fratribus extra urbis mœnia sub Ambrosio nutritore.* S. Martinum, antequam Ambrosius esset Episcopus, Mediolani, & postea in Gallijs extruxisse Monasteria refert in vita eius. cap. 4. & 7. B. Seuerus Sulpitius. An tibi Roma in Ægypto; Mediolanum Græciæ vrbs est? lazere hæc non debebant in Catholicis Patribus tam versatum didascalum.

§ 5. Monasteria olim aïs fuisse tantum scholas, in quibus adolescentes bonis artibus instruerentur, qui postea Ecclesiasticis, alijsq; muneribus fungerentur. Os hominis! Antonius scilicet, monachorum suorum greges forte Grammaticam docebat? Ab Hilarione ad Episcopatus regendos exercebantur? Huiusmodi munia summo studio fugiebant, & non nisi inuiti suscipiebant veri monachi; eorum proprium erat orare, sacra legere, corpus cilijs, vigilijs, inedia, flagris domare; quæ Prædicantes nec audire volunt gymnasia. *Credite mihi experto hortatur suos Magnus Antonius, pertimescit Satanas recte viuentium vigilias, orationes, ieiunia, mansuetudinem, voluntariam paupertatem.* Hæc vobis *ἡ ἀλοφροσύνη*, & abominandæ superstitiones sunt. Scio postea, atque etiamnum à Religiosis viris apertas esse scholas, in quibus publice iuuentus bonis disciplinis imbueretur; quæ sancta aliquorum occupatio, nec communis omnium; nec propria Religionis, seu præcipua functio est.

§ 6. De sanctimonialibus quid senties; forte educabantur, vt Ministri Evangelici scorta haberent; tu Nonnas vocas; non repudiò nomen, quod vetustum esse ex S. Hieronymo epist. 22. cap. 5. intelligo; qui eorum magnam testatur fuisse numerum. S. Chrysostomus homil. 8. in

Matt. Non ita varijs astrorum choris caelum refuget, ut Egypti eremus innumeris Monachorum, ac Virginum distinguitur, atque illustratur habitaculis. Luculentè B. Theodoretus in historia SS. Patrum cap. 30. *Multæ aliæ (præter B. Dominam) partim quidem vitam amplexæ sunt solitariam; partim autem vivere amant cum pluribus: adeo. ut ducentæ & quinquaginta & plures, & pauciores simul uiuant; vno cibo vescentes; super solios stœreas ex instituto dormientes; & manus quidem lana attribuentes, hymnis vero linguam consecrantes: Sunt autem eiusmodi innumera- rabilia sapientiæ gymnasia, non solum in nostra regione, sed etiam per totum Orientem. Ijs autem plena est & Palaestina, & Egyptus, & Asia, & Pontus, & tota Europa: Ex qua enim Christus Dominus, honorauit virginitatem, ut qui natus sit ex virginitate, præta virginitatis natura germinauit, & hos sua uolentes; & qui non marcescunt, flores offert Creatori. His bene coherent S. Cypriani de Virginibus verba: Gaudet per illas, atq. in illis largiter floret Ecclesiæ matris gloriofa sæcunditas: quantoq. plus copiosa uirginitas numero suo addit, tanto gaudium matris augetur. Hæc tu, si potes, transfer in Lutheranam Synagogam, cuius Archisynagogus Monialem constuprauit; apud cuius sedatores monasteria depeculari, claustra effringere summa Religio est.*

§ 7. Olim, inquis, etiam quæ ex voto uirgines erant, permittebantur nubere. Sed Cyprianus, quem citas, non loquitur de eiusmodi Deo factis virginibus: has grauius peccare, si tanquam coniuges uiris copulentur; quam si fornicentur inconcessæ sibi. Veneris conscia, ex antiquis Catholicis Patribus traditur; tu in Iesuitas furiose conscis. An non simplici, ut vocamus, fornicatione grauius est adulterium? cetera ex S. Ambrosio ad virginem lapsam accipe; & Lutheri tui Catharinam concipe. *Facilius te oportuit sanguinem cum spiritu fundere, quam perdere castitatem tuam.*

Nam:

*Quam si inter decem testes confectis sponsalijs, nuptijs consummatis, quamvis viro femina coniuncta mortali, non sine magno periculo perpetrat adulterium; quid putes fore si inter innumerabiles testes Ecclesia, coram Angelis, exercitibus cæli, facta copula spiritalis per adulterium soluitur? Nescio an possit ei digna mors, an pena cogitari. Dicit aliquis: Melius est ergo nubere, quam vri. Hoc dictum ad non pollicitam pertinet, ad nondum velatam. Ceterum, qua se sponndit Christo, & sanctam velamen accepit, iam nupsit, iam immortali iuncta est viro. Et iam si voluerit nubere communi lege connubij, ADULTERIVM perpetrat, ancilla mortis efficitur.*

§ 8. Cuculas adultiorem quondam ætatem desideratam, quando ad Monasteria admittebantur. Hæc omnino variari possunt. Concilium Triburienſe ad Religiosam professionem admisit etiam duodennem. Eleganter S. Ambrosius lib. 3. de Virginibus: *Non aetas rejicitur florentior, sed animus examinatur, ac certe Theclæ non senectus sed virtus probavit: nec mirere in adolescentulis professionem, cum legeris in parvulis passionem.*

§ 9. Errarunt olim Massaliani seu Euchitæ opinati nulli Monachorum licere operari manibus, eiusmodi etiam laborem fugientes, quem ex sui Ordinis instituto exercere debebant, reprehendit S. Augustinus lib. de opere Monachorum. Tu paupertatis studium calumniaris, malles etiam Religiosos manibus, quam capite laborare; quo impunius lupis rapacibus in caulas Domini grassari liceret.

### Caput III. De flagellationibus.



*T* virtus inter vitia; ita fides & veritas inter errores media consistit. Hæretici extrema secuti Catholicæ Ecclesiæ contrariis imponunt hæreses. Arianis Catholici sunt Sabelliani, Eutychianis

**G**

sunt

30 ART. IV. DE BONIS OPER. IN SPECIE.

sunt Nestoriani, Montanistis sunt animales & psychici; Lutheranis sumus Montanistæ, folio 82. sectæ Flagellantium, folio 89. Nouatianis, folio 96. Donatistæ, folio 100. tantum ab his absumus, quantum à falso abest veritas; quod cuius perspicuum fuerit, qui non lippis oculis illorum hæreticorum dogmata, & Catholicam doctrinam considerarit. Vos Iouiniani, Vigilantij, Aërij, aliorumque placita probatis, quod adeo certum est, ut aperte nonnunquam ipsimet harum pestium patrociniū suscipiatis. Tua sunt verba folio 611. *Si Iouinianus non habuisset maiorem errorem, quam quod Monialium, & Monachorum castitatem quoad meritum æquasset coniugio; scelerius cum eo actum esset, si deo inter hereticos numeraretur. An non apertus Iouinianista est Vigilantij cum laude meministi, folio 262.*

§ 2. Ab Euchitarum tamen ac Flagellantium errore vos libero; quamuis tu vel ob hunc tuum librum flagrio non vnis cædi flagris merearis. Times folio 90. ne si te flagelles, in Christi flagella impius sis: excute timorem; nam post Christum flagellis propter nos castigatum Apostolus corpus suum castigare non destitit, *ne forte, inquit, cum alijs predicauerim, ipse reprobus efficiar.* 1. Corinth. 9. Sed Prædicantes iam certi sunt de sua salute; cum Iouiniano suo cauent solicite ne carnem suam videantur odisse. *Cito caro marcescit, nolite timere fornicationem. Qui semel in Christo baptizatus est, cadere non potest; habet enim ad despumandas libidines solatia nuptiarum:* Hæ Iouiniani voces sunt apud S. Hieronymum lib. 2. aduersus eum cap. 19. Sed enim optiohem tibi do; si adeo flagellationes odisti; cilicio vtere imitatus B. David, qui de te scribit, *induebar cilicio, psal. 34. posui vestimentum meum cilicium, psal. 68. vereor, ut neutrum tibi arrideat.* Nam & ieiunia, & quasuis corporis afflictiones abominamini, assueti hilarioribus dijs deabusque *ad in-*  
*festino.*

*testinorum aras*, vt S. Augustinus loquitur lib. 6. contra Faustum cap. 6. quotidie litare; *Volupia* scilicet, *Stimula*, *Rumina*, *Edulica*, *Potina*, *Mellona*. S. Augustinus lib. 4. de ciuitate Dei cap. 11. & 34. Quare nunquam te ad seueriorem vitam disciplinam induxero; nec actum agam; praesertim cum super hoc argumento plura R. P. Iacobus Gretserus eleganter conscripserit.

## ARTICVLVS QVINTVS.

*De Christiana, veteri Catholica certitudine gratiae, & remissionis peccatorum.*

**R**adicantes vt disputant, ita scribunt; sine ordine, & methodo; iam de hac re egeras; nunc regeris: Promittis in titulo vetus Catholicum dogma; & repetis putida Lutheri Caluiniq; paradoxa; pro thesauro carbones. Agitur an quiuis in hac vita iustus sit infallibiliter certus; 1. se esse iustum; 2. nunquam fore, vt iustitia excidat; 3. se esse ad vitam aeternam praedestinatum; omnia tria mirifica caecitate asserunt Sectarij. Diuina fide, adeoq; tam vere, quam Deus est, credere debet omnis fidelis se in Dei gratia ad mortem usque persecraturum; ac tandem beatum fore; & nihilominus fieri potest, & fit, vt is gratia excidat, & damnetur. Quis tant plumbeus fuerit, vt haec asystata & secum pugnancia esse non palpet? Verum de hoc iam egi ad calcem i. articuli. Tu quidem qua potes arte horum errorum turpitudinem regis; & nec tam rotunde profiteri, nec negare audes.

§ 2. Et haec infania est Christiana, vetus Catholica! Vt articuli titulum legi, credidi te veterum Patrum quacumq;

fide accumulatutum testimonia. Legi, relege; nec inueni nisi tres produci S. Ambrosium, S. Augustinum; S. Hilarium; his addis S. Bernardum, quem tamen scribis in Papatu profunde immersum fuisse. Audiamus singulos. Ambrosius, inquis lib. 1. & 2. de pœnitentia scripsit contra Nouatianos, ubi ex promissione Christi, Ioan. 20. *Quorum remiseritis peccata, remittuntur eis*, & ex Diuinis promissis pœnitenti peccatori factis docet, eos de remissis peccatis certos reddendos esse. Nouatiani sacramentum pœnitentiæ denegabant lapsis post baptismum, seu quibusuis; seu eis, qui grauius deliquerant; neque enim, vt mos est hæreticis, sibi ipsi consentiebant. His succenturiantur noui Cathari, & puri Euangelici, qui negant virtute sacerdotalis absolutionis peccata remitti, & pœnitentiam è sacramentorum numero eximunt; cuius institutionem habemus Ioan. 20. *Quorum remiseritis, &c.* ex qua Ecclesiæ commissa potestate certus reddor de remissis peccatis, *se pœnitentiam, vt oportet, ago*; S. Ambrosius ser. 5. in psal. 118. yer. 7. adeoq; à me ad huius sacramenti participationem requisita præstitero, quæ præstita esse nulla asserit Scriptura, nullus Patrum docet, nec seclusa speciali reuelatione infallibiliter sciri potest. Falso ergo Ambrosium nobis opponis, qui te, & tuos in Nouatianis condemnat, *Siunt se Domino deferre reuerentiam; cui soli remittendorum criminum potestatem referunt; imo nulli maiorem iniuriam faciunt, &c.* lib. 1. de pœnitentia, cap. 2. *Quid interest utrum per pœnitentiam, an per lauacrum hoc ius sibi datum sacerdotes vendicent? unum in utroque ministerium est. Sed dices; quia in lauacro operatur mysterium gratia. Quid in pœnitentia? Nomen Dei operatur? Quid ergo, ubi vultis, vobis vendicatio Dei gratiam, ubi vultis repudiatis? Hæc eodem lib. cap. 7. noster Ambrosius: qui vestram stultam plerophoriam oppugnat quoq;*  
ex illo



ex illo psal. 118. *Aufer opprobrium meum quod suspicatus sum, penitentia licet abolitum, suspectus tamen erat; ne forse adhuc maneret eius opprobrium; & ideo Deum precatur, ut illud auferat, qui solus novit, quod nescire potest etiam ipse qui fecit.*

§3. S. Augustinus in psal. 88. Dei firmam esse promissionem, eamque sine trepidatione prædicandam asserit; quis Christianus ex parte Dei promittentis hæsitet? an suas quisque partes expleverit certum non est. *Ad me ipsum* inquit B. David psal. 41. non ob Dei promissa, *anima mea turbata est*, in quæ verba S. Augustinus: *noni quia iustitia Dei mei raanet, utrum mea maneat, nescio. Terret enim me Apostolus dicens: Qui se putat stare, videat ne cadat. Et cap. 13. de correp. & gratia: Quis ex multitudine fidelium, quamdiu in hac mortalitate vivitur, in numero prædestinatorum se esse præsumat? omnes etiam, qui bene currunt, timeant, dum occultum est, quo perveniant. Quod vero in psal. 85. ait fidelem Deo ingratum esse, si se neget sanctum; contra vestrum paradoxum est; nam qui spe bona fruitur se per fidem viam Christi corpori insertum esse, beneficium deuote recognoscet, tametsi infallibiliter non constet, quantum acceperit. De hoc certissimus est, se sanctum esse, si viuum Christi membrum sit; secundum vos autem in Christi membris diabolus, seu mortale peccatum altissimis radicibus, ut in cap. 6. ad Rom. Hunnius loquitur, infixum est.*

§4. S. Hilarius canone 5. in Matthæum certam de regno cælorum spem à nobis exigit. certissima est ex parte Dei; de quo S. Pater loquitur. *Regnum cælorum, quod Dominus noster in se positum esse est professus, vult sine aliqua incerta voluntatis ambiguitate sperari.* Quantum in Salvatore nostro situm est, nihil vacillare debet fiducia; quia tamen ille à nobis exigit sedulum & non negligens seruitium, *vult in omni seruitutis officio admisceri timorem, ut in psal. 2. Hilarius noster differit.*

§ 5. S. Bernardus certus est, quia Deus nimia charitate nos adoptauit; quia verax est in promissione; & potens in exhibitione; hic est funiculus triplex, quem *firmiter obsecro teneamus*. quæ postrema verba maiusculis signas. Signa & hæc eiusdem S. Bernardi ser. 2. in Octaua Paschæ: *Nouit Dominus, qui sunt eius, & solus ipse scit, quos elegerit à principio. Quis vero scit hominum, si est dignus amore, vel odio? Quod si, ut CERTVM est, CERTITUDO nobis OMNINO NEGATUR, numquid non tanto delectabiliora erunt, si qua forte electionis huius signa possumus inuenire?* Aduertis, qua fide, an dolo Catholicorum Patrum sententias alleges: qui nostram doctrinam aperte tenent; & ex Scripturis egregie confirmant.

§ 6. De qua tu inteteratorie rogas; an de remissione peccatorum dubitandum sit: non exigimus ut quis actu dubitet; sed infallibilem certitudinem excludimus, qua fiat, ut iustus nec possit dubitare; vtrum iustus, vel prædestinatus sit. Est quis iustus; iam se perfecte conuertit; sed adhuc se perfecte in securitatem non erigit; quia dum quanta sit distractio extremi examinis pensat, inter spem formidinamq. solícite trepidat: quam praua commiserit meminit, sed an commissæ digne defleuerit, nescit. S. Gregorius lib. 4. Moral. cap. vlt.

§ 7. Orthodoxe à nostris traditur, Diuina fide nobis non constare, an sacramentum rite sit administratum, quandoquidem intentio saltem ministri nos latet. tu vis vere baptizatum esse infantem, quem in nomine Patris, & Filij, & Spiritus sancti lauat ancillula, de sacramento conferendo nihil omnino cogitans; & nisi quis tecum sentiat, in Donatistis sit oportet. quid ita? illi enim negabāt valere baptisma à malo ministro collatum. nihil nos de moribus ministri; sed de baptizandi voluntate, quam & mali, & boni habere possunt. Verum Prædicans namquam  
crube-

ART. VI. DE SACRAMEN. POENITEN. 55  
*erubescit; nec considerat quid, sed quantum dicat, vt de Iouiniani  
studio scribit noster Hieronymus, epist. 51.*

ARTICVLVS SEXTVS.

*De Pœnitentia.*

**P***Acis ergo, inquis, admitteremus non omnino perperam Pœ-*  
*nitentiam sacramentum dici; quandoquidem ex Diuinis, &*  
*in Scriptura pluries reuelatis mysterijs est. Quæ pax: pœ-*  
nitentiam amplo quodam significato sacramentum vo-  
cas; & id salua Scriptura negari non posse agnoscis; & ta-  
men pacis causa veritati cedis; alioqui scilicet nihil pensi  
duceres mentiri, & mysterio diuinitus patefacto nomen  
mysterij seu sacramenti abrogare; nisi pacis tam amans  
fores.

§ 2. Pœnitentiam vere ac proprie nouæ legis sacramen-  
tum esse pernegas; quia non est visibile gratiæ signum.  
Est sensibile; nec amplius desiderauit S. Augustinus, cum  
sacramenta tradidit esse inuisibilis gratiæ visibilia signa, si-  
cut enim gratiam vocauit inuisibilem, id est, nec visu, nec  
auditu, nec vlllo sensu perceptibilem; ita visibile dixit,  
quod seu oculis, seu auribus, seu alio sensu cognoscitur.  
Et vbinam in tota Scriptura, extra quam nihil vos credere  
profitemini, quo libro, qua parte legitis sacramentum de-  
bere sub oculos nostros cadere? Vt in baptismo SS. Trini-  
tatis inuocatio, & ablutio; ita in pœnitentia tam delicti  
confessio, quam sacerdotalis absolutio symbola sensibilia  
sunt; vt de baptismo, ita de pœnitentia certam habemus  
gratiæ conferendæ promissionem; *Quorum remiseritis pec-*  
*cata, remittuntur eis.* Ioan 20. cur ergo non vtrumq; pro-  
prie sacramentum esse credamus? Crede saltem Apolo-  
giæ Augustinæ, quam eodem anno, quo Confessionem

Augustanam, Carolo V. tanquam fidei expositionem tradidistis, in cuius cap. 33. profitemini: *VERE igitur sunt sacramenta, Baptismus, Cæna Domini, Absolutio, quæ est sacramentum pœnitentiæ: nam hi ritus habent mandatum Dei, & promissionem gratiæ.* Hæc vestra Anno 1530. doctrina fuit, approbata postea in conuentu Schmalkaldico, Anno 1537. in quo Principum Protestantium insu conuenerunt præcipui totius Germania Theologi, qui Augustanam Confessionem profitebantur, ut tuus Lucas Osiander in historia Ecclesiastica scribit. Lutherus ipse vno anno ante mortem suam, contra 32. Lonanensium articulos negat Confirmationem, Ordinem, Extremam Vñctionem, Matrimonium esse sacramenta; Pœnitentiam vero, ait, cum virtute elanum absoluensium Sacramentum libenter consitemur. Habet enim promissionem, & fidem remissionis peccatorum propter Christum. to. 2. Witeber. Anno 1546. folio 545. Post aliquot annos forte etiam cœna vobis mysterium esse desinet, & in prophanum prandium demutabitur.

§3. Baptismi virtute etiam post baptismum commissæ peccata dimitti vultis. sed vnde hoc dogma procuditis? quia ad Rom. 11. legitur: *sine pœnitentiâ enim sunt dona, & vocatio Dei,* id est, quæ Deus semel homini prædestinauit, certissime conferet; nec fidem, & similia dona, quæ ideo dantur, vt permaneant, & fructum afferant, ipse per se & quasi dati cum pœniteret, sine hominis demerito, aufert. S. Chrysostomus, B. Theodoretus hoc loco, S. Augustinus epist. 59. Tu quid infers? hominem acceptam in baptismo gratiam nunquam amittere? id falsum esse nobiscum tenes. an vis baptismum, qui præterijt, manere semper, aut identidem redire; seu reiterari? & hoc mirificum delirium est. Gratia, inquires, in baptismo collata pœnitenti reddi-  
tur. sed per pœnitentiam, non per baptismum. si membrum  
emor-

emortuum vires recipiat; non amplius natiuitate, sed medica curatione fit. renascimur semel spiritualiter, non bis, aut sæpius. quare baptismus dicitur regeneratio, Tit. 3. & facere nouam creaturam, quia homo percipit vitam gratiæ, quam nunquam ante habuit; quod de pœnitentia baptismum consequuta non legitur; quæ vulneribus medetur, aut à morte resuscitare dicitur. *Eos enim qui iam baptizati fuerint, curari melius dicimus per pœnitentiam, non renouari, quia renouatio in baptismo est.* S. Augustinus in exposit. inchoata epist. ad Rom. versus finem. Idem epist. 23. *Semel perceptam paruulus Christi gratiam non amittit, nisi propria impietate, si ætatis accessu tam malus euaserit. Tunc enim etiam propria incipiet habere peccata, quæ non regeneratione auferantur, sed alia curatione sanentur.* Quare & Apostolus ad Hebræos 6. scribit; *impossibile est eos, qui semel sunt illuminati; renouari ad pœnitentiam.* Vbi negat per baptismum, & quæ cum præcessit, pœnitentiam illuminatos, ac renouatos rursus renouari posse, vt S. Chrysostomus alijq; exponunt; quia hic proprius baptismi effectus est. At secundum vestram phantasiam quoties peccator iustificatur, toties non quidem aqua, sed spiritualiter renascitur; & rebaptizatur; contra Scripturæ, & Catholicorum Patrum phrasin ac sententiam, in quibus pœnitentia à baptismo tam aperte distinguitur; & per vtrumq; remitti peccata prædicatur. *Quid interest, utrum per pœnitentiam, an per lauacrum hoc ius (remittendi peccata) sibi datum sacerdotes vendicent?* S. Ambrosius lib. 1. de pœnit. cap. 7.

§ 4. Pœnitentiæ tres partes Contritionem, Confessionem, & Satisfactionem constitui improbas; quia omittitur fides. Infantissime Prædicans, an agitur de pœnitentia hominis infidelis? an non fides in qualibet parte prærequiritur, & præsupponitur? Stomachum tibi moueat

decalogus, quia fidei non fit mentio. In duobus caritatis præceptis ait Christus *uniuersa lex pendet & propheta*. Matt. 22. Tu fidem omiffam quirirare.

§ 5. Negas folio 105. Confessionis; qualis apud nos fit, meminiffe Scripturam, ac veteres Patres; folemne tuum feruas; id est mentiris. De Christianorum primitijs legimus: *multi credentium veniebant confitentes, & annunciantes actus suos*. Act. 19. *Confitemini alterutrum peccata uestra*; ait S. Iacobus, cap. 5. & hoc ipfo peccatorum confessio exigitur, quia illorum remittendi, & retinendi potestas traditur, Matth. 18 Ioan. 20. 2. Corinth. 5. Veterum Patrum idem testantium loca à Bellarmino, & alijs prolata cur non legisti, aut lecta diffimulasti? Ad Demophilum scribit S. Dionysius Pauli Apostoli discipulus. *Tu vero ut littera tua declarant, cum etiam qui se ad Sacerdotem submisisset, & abieciisset ad eius genua, impium, ut ais, & peccatorem, haud scio, quomodo contra te præfens, calce destruxisti*. Deinde ille quidem rogabat, seq. *medicina peccatorum causa venisse fatebatur*. Origenes homil. 2. in Leuiticum, de pœnitente ait: *Non erubescit sacerdoti Domini indicare peccatum, & querere medicinam*. Latinorum scriptorum antiquissimus Tertullianus, cap. 10. de pœnit. *Plerosq. tamen hoc opus (exomologesin seu confessionem) ut publicationem sui aut suffugere, aut de die in diem differre, præsumo, pudoris magis memores, quam salutis: velut illi qui in partibus recundioribus corporis contracta vexatione conscientiam medentium vitant, & ita cum erubescencia sua percunt*. S. Cyprianus martyr de lapsis: *Confiteantur singuli, quæso vos fratres dilectissimi, delictum suum, dum adhuc qui delinquit in sæculo est, dum admitti confessio eius potest, dum satisfactio, & remissio facta per sacerdotes apud Dominum grata est*. Vixerunt isti ante annos 1300. 1400. 1500. an antiquiores desideras? Obijeis Nestarium, qui publicam non priuatam Confessionem inhiuit. S.

Chryso-

Chrysostomus Nestarii successor eum monet, ut Deo fiat confessio, non homini qui exprobrat, hom. 2. in psal. 50. aperte significat se non exigere publicam confessionem; secretam enim reuelare sacrilegum foret; eaq; non homini, sed Deo principaliter fit. Vnde B. Anastasius Sinaites Patriarcha Antiochenus orat, de S. Synaxi: *ἐξομολόγησας τῷ θεῷ διὰ τῶν ἱερέων τὰς ἀμαρτίας σου. Confitere Deo per sacerdotes peccata tua.* Hancq; Confessionem necessariam esse aperte ostendit S. Chrysostomus dial. 3. de sacerdotio: Corporis lepram purgare, seu ut verius dicam, haud purgare quidem, sed purgatos probare Iudeorum Sacerdotibus solis licebat, neq; nescit quanta cum ambitione, quanto cum studio ac concertatione sacerdotalis dignitas id temporis acquireretur: At vero nostris sacerdotibus non corporis lepram, verum anima sordes, non dico purgatas probare, sed purgare prorsus concessum est. S. Augustinum lib. 10. Confess. cap. 3. non loqui de confessione, quæ per hominem Deo fit, intelligitur vel ex his verbis: unde sciunt cum à meipso de meipso audiunt, an verum dicam? de sacramento confessione scribit in psal. 66. *Agnosce medici manum, confitere, exeat in confessione, & defluat omnis sanies.*

§ 6. Satisfactionem aliam præter eam, quam Christus consummauit, non agnoscis, folio 108. quicquid Scriptura; quicquid ynanimis Catholicorum Patrum chorus tradat. Sed probas ex Marco cap. 1. *penitemini, & credite Evangelio; ἰδοὺ ὁ βασις* ut tu ipse reddis; ergo, *νῆστε γὰρ*. Posses quoq; probare ex Lucæ 3. *facite fructus dignos penitentiae*: id est, nihil facite, quandoquidem Christus fecit omnia. Ex omnibus Patribus tres affert sententiolas, primam S. Gregorij: *Non ergo in fletibus, non in actibus nostris, sed in Advocati nostri allegatione confidamus.* homil. 7. in Ezech. Quis negat in Christo potius confidendum esse; quam in nostris operibus; quæ tamen necessaria quoque esse apertissime docet

60 ART. VI. DE SACRAMEN. POENITEN.

cet S. Gregorius lib. 6. in c. 15. l. 1. Reg. *Quid prodest confiteri flagitia, si confessionis vocem non sequitur afflictio poenitentia?* Tria quippe in unoquoque considerata sunt peraciter poenitente: videlicet conuersio mentis, confessio oris, & vindicta peccati. Secundo citas S. Chrysostomum, quanta fraude detexi art. 4. cap. 1. Tertio, S. Ambrosium; lib. 10. in Lucam cap. 96. *Lacrimas eius (Petri) lego; satisfactionem non lego. Quam bene tibi consentis; iam probas lacrimas; contra quas ante Gregorium produxeras: nam & lacrimarum satisfactionis opus sunt; nec hanc se legisse abnuuit S. Ambrosius, sed satisfactionem verbalem, seu excusatoriam; ut ex antecedentibus & consequentibus conspicitur. Non inuenio quid dixeris, inuenio quod fleuerit: lacrimas eius lego, satisfactionem non lego; sed quod defendi non potest, abluipotest. Lauens lacrima delictum, &c.* Christi verba Lucæ 11. *date elemosynam; & ecce omnia munda sunt vobis*, interpretaris de patinis & scutellis, quæ mudentur, si in pauperes cibi distribuuntur, quis non rideat?

§ 7. Indigne fers folio 110. à Summo Pontifice casus aliquos suæ Absolutioni reservari, cum omnes sacerdotes sint paræ potestatis, sed falsum loqueris. Sicut enim cuilibet sacerdoti datur peccata remittendi licentia; ut à Superioris sui minime eximatur dispositione & obedientia. Legisti apud S. Cyprianum lib. de vnitæ Ecclesiæ: *Hoc erant ceteri Apostoli, quod fuit Petrus, paræ consortio præditi & honoris & potestatis; cur taces verba statim sequentia?*

*Præmissis Petro datur, ut una Christi Ecclesia & Cathedra una monstretur. Compositus ex fraudibus es.*

ARTI-



De Purgatorio, Sacrificijs pro Defunctis,  
& Indulgentijs.

## Caput I. De Purgatorio.



Purgatorium non credis, quia scriptum non est. Agnosco. coccysum Arij, Eunomij, Pelagij, &c. Legis Matthæi 5. carcerem in quo satisfat vique ad nouissimum quadrantem; num credis? hunc enim locum de purgatorio acceperunt antiquissimus martyr Cyprianus de laude martyrij, & epist. 52. S. Ambrosius lib. 7. in Lucam cap. 59. & alij sacri interpretes. Purgatorium describit Apostolus 1. Corinth. 3. *ipse autem saluus erit, quasi per ignem*; attestantibus Origene hom. 6. in Exod. S. Hieronymo in cap. 4. Amos S. Augustino in psal. 37. &c. Duo tantum loca, aut status alterius vitæ, si quando asserantur; id intelligitur de locis, seu statibus perpetuis eorum, qui aliquando rationis vsum habuerunt; vel etiam infantes in originali peccato mortui damnatis accensentur; quia gratia & gloria perpetuum priuantur.

§2. Inexplicabile esse ais folio 113. *quomodo anima, cum spiritus sint, à corpore separata naturali igne uri possint. Corporeus seu naturalis ignis requirit corpoream seu naturalem materiam; qua consumpta, nequit diu conservari ignis. Si ergo ignis iste non habet corporalem seu naturalem materiam, in quam agat, quomodo consistet?* Dei virtute, cuiusque facile est ignem sine lignis, aliæque materię pastu conservare, quam hominem sine cibo; quo nec Beati in cœlis, nec damnati in tartaris nutriuntur. Si dextera Dei hanc negas potentiam, explica nobis qua inferni flamma inextinguibilis pascatur materia;

forte ex silua Hercinia dæmones arbores cædunt. Vtriusque Deus potens est, & materiam subterraneis ignibus sufficientem subministrare, & sine tali materia eos conseruare; nihil dubita. Sed non vides, quomodo spiritus incorporei ab igne corporeo torqueri possint? Sic tandem consistet vestra specialis & infallibilis fiducia quam primum à morte transeundi ad æternam vitam; si nullum sit purgatorium; non limbus puerorum, folio 119. non infernus; nam si spiritus nequeant igne cruciari, extingatur ignis ille, vtique corporeus, *qui paratus est diabolo, & Angelis eius*. Matth. 25. At vero *cur non dicamus quamuis miris, tamen veris modis, etiam spiritus incorporeos posse pœna corporalis ignis affligi? si spiritus hominum etiam ipsi profecto incorporei, & nunc potuerunt includi corporalibus membris, & tunc poterunt corporum suorum vinculis insolubiliter alligari.* S. Augustinus lib. 21. de ciuitate Dei, cap. 10.

§ 3. Et si igitur de modo, quo spiritus ab igne excruciantur, aut alijs quibusdam ex fide nihil certum sit; purgari tamen animas in altera vita constans etiam veteris Ecclesiæ sententia fuit. Tu ipse folio 115. fateris hanc doctrinam in Christiana Ecclesia valde cito incepisse; eamq; S. Gregorium aliosq; iam à 1000. annis Patres tenuisse negare non potes, folio 122. Opponis S. Cyprianum; sed is negat in altera vita satisfactionis locum esse illis, qui in peccato mortali sine vera pœnitentia moriuntur; in gratiæ Dei defunctos post mortem satisfacere astruit locis citatis. Quæstiones, quas Iustini & Athanasij nomine citas, folio 116. neutrius sunt; nec nobis aduersantur; definiunt, post mortem rapi ad infernum damnatorum animas; iustorum vero ad cœlum duci; ita est; si in perfecta iustitia sine vllius culpæ, aut pœnæ reatu decedant; cum eiusmodi vero reatu hinc egressas in purgatorio satisfacere non nega-

negatur in illis quæstionibus; quarum, vt dixi, nec certa est auctoritas. S. Augustinus ambigit de qualitate pœnæ, non de ipso purgatorio; quod non ab hac vel illa, sed generatim ab Ecclesia teneri asserit l. 21. de ciuitate Dei cap. 24. *Pro defunctis quibusdam vel ipsius Ecclesiæ, vel quorundam piorum exauditur oratio.* Orientalem Ecclesiam in V. generali Synodo simpliciter reprobasse purgatorium, est tuum folio 117. mendacium.

§ 4. Vt probetur purgatorij Catholicum dogma rationi quoque congruum esse; in idem ipsius naturæ ductu plerasq; Gentes consensisse ostenditur: ita irrefragabile esse folio 115. erocitas, à Gentibus, non à fidelibus originem ducere. Deus est, cuius iustitia nullum malum relinquit impunitum, seu in hac, seu in futura vita; quam Numinis æquitatem à se cognitam Gentes suspexerunt; sapientiores scilicet mulis, in quibus non est intellectus; & cœcæ Prædicantium gente, quorum obscuratum est cor insipiens.

§ 5. Apparuerunt non raro animæ pœnarum, quas in purgatorio luunt nunciæ; vt testantur S. Gregorius Romanus, S. Gregorius Turoni in Gallia Episcopus; in Anglia venerabilis Beda, & S. Anselmus Cantuariensis Archiepiscopus; alijq; sapientia, virtute, miraculis clari Prædicans horum auctoritatem facescere iubet, folio 122. non animas, sed diabolos apparuisse ait. *Magnam quandam potentiam arripueris, si tibi licuerit præcipiendo consequi, quod varijs & insidiosis artibus suis diabolus ipse non obtinuit, id est, si nobis persuaseris vt traditionem superioribus omnibus seculis, a tot Sanctis obseruatam præ impijs vestris commentis aspernandam statuamus.* Hæc tibi ego, quæ impio Eunomio lib. 1. S. Basilii scripsit. S. Chrysostomus homil. 29. in Matth. tradit, diabolos esse qui hominibus apparent; & se ex animabus

in demones transisse clamant: subdit, animas non versari in his terris; puta ordinarie, & tanquam in locis proprijs. Deo, cuius arbitrio parent, cum apparent, leges ille neutiquam præscribit. Purgatorium, de quo in primis agitur, aperte testatur homil. 32. in Matth. *putas filium maculis inquinatum obvisse? da illi sua* (per eleemosynas) *ut illis se à maculis detergat.*

## Caput II. De sacrificio Missæ pro defunctis oblato.



**S**ancit pro defunctis sacrificari euincitur, ex 2. Machabæ. 12. tu folio 125. futilibus ratiunculis Machabæorum libros è sacro canone pertinaciter extrudis, quos *nec Iudæi, sed Ecclesia pro canonicis habet.* S. Augustinus lib. 18. de ciuitate Dei, cap. 36. Rationes toties prostratas non repeto.

§2. Pro defunctis orandum esse tradidit S. Augustinus; pro eisdem Missas fieri debere definiuit sub Carolo Magno Synodus Cabilonensis; idem antea tenuerunt Gregorius Magnus, & 1055. abhinc annis Pelagius I. Hæc omnia tu sponte refers pessimus causæ tuæ patronus. Sub Pelagio ais hunc morem fecisse initium; teste Platina; idem repetis folio 139. 140. 157. sed toties mentiris, nec Platinam intelligis; is enim à Pelagio scribit institutam mortuorum commemorationem in Missa; certam scilicet precem, quam Momento mortuorum vocamus; sed sine illa sacrificium vel sola mente, vel alia ad cuiusq; libitum precatione pro defunctis offerri poterat, & offerebatur.

§3. Vbi Patres, Prædicans, historia Ecclesiasticæ, iura canonica, vt sacrificandi pro mortuis perpetuum Catho-

*licæ*

Itæ Ecclesiæ vsum ostendas Acatholicum? Cypriani sententiolam affers, quam nihil vobis patrocinari priori cap. § 3. exposui. Addis Hieronymum, qui in cap. 6. epist. ad Galatas scribit: *dum in presenti seculo sumus, sine orationibus, sine consilijs inuicem posse nos coadiunari: Cum autem ante tribunal Christi venerimus, non Iob, non Daniel, nec Noe rogare posse pro quoquam, sed unumquemq; portare onus suum.* Onus hoc sunt crimina, & pro eis luendus gehennæ ignis, à quo nulla preces liberabunt. Imposturam tuam ex veroque hoc sancto Doctore mox detegam.

§ 4. Tibi vnicum Tertullianum obtrahis, quem in tuas partes trahere frustra niteris, folio 126. taces tantos, & tanto numero Patres, ne mendacij conuincaris, qui ante Pelagium pro mortuis sacrificatum esse inficiatis. Tertullianus cap. 3. de corona militis: *Oblationes pro defunctis, pro natalijs; annua die facimus.* S. Cyprianus epist. 66. *Episcopi antecessores nostri religiosè considerantes & salubriter providentes, censuerunt ne quis frater excedens, ad tutelam vel curam clericum nominaret, ac si quis hoc fecisset, non offerretur pro eo, nec sacrificium pro dormitione eius celebraretur: neq; enim apud altare DEI meretur nominari in sacerdotum prece, qui ab altari sacerdotes & ministros voluit auocare.* S. Hieronymus fideles in hac vita satisfacere posse pro defunctis eleganter scribit ad Pammachium, quem de coniugis morte consolatur, epist. 26. cap. 2. *Pammachius noster sanctam familiam, ossaq; veneranda, elemosyna balsamis rigat: his pigmentis atque odoribus fouet cineres quiescentes, sciens scriptum: sicut aqua exstinguit ignem, ita elemosyna exstinguit peccatum.* Et quid aliud teneret vir sanctus, quam quod tota tenebat Ecclesia? cuius calculo Aërius inter Hæreticos habitus est, *dicens orare, vel offerre pro mortuis oblationem non oportere*, vti S. Augustinus refert hæresi § 3. ipse vero ex Catholica sententia in Enchiridio c. 110. scribit:

scribit

## 66 ART. VII. DE SACRIFI. PRO DEFVN.

scribit: *Neque negandum est defunctorum animas pietate suorum uiuentium releuari, cum pro illis sacrificium mediatoris offertur, vel eleemosyna in Ecclesia fiunt. Sed eis hæc profunt, qui cum uiuerent, ut hæc sibi postea prodesse possent, meruerunt. Cum ergo sacrificia siue altaris, siue quarumcung, eleemosynarum pro baptizatis defunctis omnibus offeruntur, pro valde bonis gratiarum actiones sunt; pro non valde malis PROPITIATIONES sunt; pro valde malis, etsi nulla sunt adiumenta mortuorum, qualescung, uiuorum consolationes sunt. Idem luculentissime testantur græci Patres; S. Cyrillus Hierosolymitanus cathechesi mystago. Pro omnibus oramus, qui inter nos uitæ funti sunt, maximum esse credentes animarum iuuamen, pro quibus offertur consecratio sancti illius & tremendi, quod in altari positum est, sacrificij. S. Ioannes Chrysostomus homil. 3. in epist. ad Philip. Non frustra ab Apostolis sancitum est, ut in celebratione venerandorum mysteriorum memoria fiat eorum, qui hinc discesserunt; nouerunt illis multum hinc emolumenti fieri, multum utilitatis. Ad hæc respondendum tibi erat; sed silentio tegere maluisti, quam cum Kemnitio tuo p. 3. in examine Concil. Trident. fol. 101. fateri Chrysostomum pro nobis esse; subdit Kemnitius; ex Scripturis canonicis assertio illa probari non potest. Verum hanc non propriam S. Chrysostomi, sed communem Catholicæ Ecclesiæ etiam tum fuisse sententiam, vel inde ostenditur, quod Chrysostomi hostes plurimi, potentissimi, & in eius fidem uitamq; oculatissimi non intermisissent tam grauem errorem, ut Lutheristis erroneis placet, in illo culpæ. S. Chrysostomo antiquior, & Magno Basilio familiaris erat B. Ephræm, qui ad tantam venit claritatem, ut post lectionem Scripturarum publice in quibusdam Ecclesijs eius scripta recitentur, inquit S. Hieronymus de scrip. Ecclesi. Tanti vero patris hæc postrema vota sunt: *Accedite ad me igitur, ô fratres mei, & extendentes componite me: nam Spiritus**

*meus*

*meus penitus defecit. Et comitamini me in psalmis, atque orationibus vestris; & assidue pro mea paruitate oblationes facere dignemini: & quando diem trigesimum complevero, mei memoriam faciatis. Mortui enim in precationibus atque oblationibus commemorationis sanctorum viventium beneficio afficiuntur. His heroibus se petitores, & in Scripturis intelligendis perspicaciores iudicant nani prædicantici pepone magis insulsi. In antiquis est sapientia. Iob. 12.*

### Caput III. De Indulgentijs.

**I**N hac materia Prædicantes plerumque laxas mendacijs & conuitijs indulgent habenas; tu & Æsopo plenus, ac totus ridiculus es. Scurraris, nos opinari thesaurum ex Christi Saluatoris nostri, omniumq; Sanctorum satisfactionibus collectum instar pecuniæ in aliquo loco, seu arca Romæ detineri; & super hac fabula Lamiæ turres extruïs, folio 129. & 130. 1. *Nihil in Scriptura de tanto thesauro in templis Roma deposito. 2. Quomodo satisfactiones supererogationis in 4. templis S. Petri, S. Pauli, S. Ioannis in Laterano, S. Maria maioris deposuerint Sancti, quorum pleriq; Roma non vixerunt? 3. Cum Roma sit à Spiritu S. dicta Babylon; credibile non est thesaurum in hac urbe esse depositum. 4. Ex Christi verbis discimus ab eo thesaurum suum non in vno loco elusum, sed toto orbe diffusum esse. 5. Christus non vnum, sed plures constituit dispensatores nobis à se obtenta indulgentia; quam verbo suo, non aureo vel argenteo malleo recludi voluit. 6. Si omnes Sanctos rogemus, an eorum supererogationis opera Roma in vnum cumulum congesta sint, negant. Verum te insanire dii hominesq; affirmabunt. De asino mulum pingis; ex delicta phantasia hæc tam ridicula argumenta parturis. Iste*

1 2

scribit

feribit de fratre tuo Eunomio S. Basilius lib. 1. *sibi ipsi contrarationem substratis, quacunque voluit; & ijs quæ inde consequuntur assumptis se ipsum postea in absurdas cogitationes detrudens hinc sese demonstrasse putat sua placita necessario recipienda. Nec mereris aliud responsum; quia tamen insipientibus quoque debitores sumus, ex ijs, quæ subiungam, discere sapere.*

§ 2. Et potestatem concedendi Indulgentias, & potestatis usum inuenires in sacris litteris, si in eas non offenderes, ut cæcus in petram, qui læditur, non illuminatur. *Quorum remisistis peccata, remittuntur eis,* Ioan. 20. *Quacunque solueritis super terram, erunt soluta & in celo.* Matth. 18. Audis remittendi & soluendi auctoritatem, & negas indulgendi facultatem. Quæ usus est Apostolus 2. ad Corinth. 2. *Cui autem aliquid donatis, & ego. Nam & ego quod donari, si quid donari, propter vos in persona Christi, ut non circūueniamur à Satana,* Quam donationem fuisse præfatæ soluendi potestatis functionem testantur S. Epiphanius hæresi 59. & S. Ambrosius lib. 1. de pœnit. cap. 6. sed quid indulgit? non culpam remisit; nec inferni reatum; quæ per pœnitentiam iam remissa erant; quid ergo? pœnam temporalem dimissa etiam culpa luendam. Huiusmodi pœnæ relaxatio est Ecclesiæ Indulgentia: quæ si interdum prædicetur peccatorum plena remissio, id non asseritur, quasi culpas ipsas eluat; sed quod peccata pœnitentiæ virtute quoad culpæ maculam absterisa, etiam quoad temporalem pœnam relaxet; quæ remissionis peccatorum quædam perfectio, seu plenitudo est. Quamuis enim pœnæ temporales non sint culpæ; sunt tamen culparum effectusque reliquiæ; quin ipsæ quoque vsitata Scripturis phrasi, Gen. 43. Dent. 5. lib. 3. Regum cap. 1. Prouerb. 16. peccata dicuntur. perfectò peccatorum nomine comprehenduntur in Domini verbis: *Quorum remisistis peccata, &c.* seu culpas, seu ex eis enatas



enatas illas pœnas, quæ in foro Dei luendæ essent in hac vel altera vita; nisi ab eis absoluiamur, quibus soluendi credita est dispensatio. Ex his facile disijciuntur, quas inextricabiles somnias contradictiones.

§ 3. Dispensatorum omnino plures sunt; sed vni subsumunt; cuius autu ad opus suum egrediuntur & regrediuntur. Omnibus Apostolis dixit Christus: *Quorum remiseris peccata, &c. tamen ut unitatem manifestaret, unam Catholicam constituit; & unitatis eiusdem originem ab uno incipientem sua auctoritate disposuit.* S. Cyprianus cap. 3. de unitate Ecclesiæ.

§ 4. Thesaurus vero, quem Christi Vicarius, aut eius permisso alij Prælati dispensant non muro, aut loco clauditur; quia corporalis non est; sunt enim ipsa Christi Sanctorumque eius satisfactoria opera in Deo ad satisfactionem ea acceptante tanquam in scrinio reposita. Huic thesauro, quia indies adhuc fit accessio; concludis folio 136. credibile non esse clauis ad eum Apostolis traditas. Nam si princeps alicui clauis ærarij committat; id non amplius locupletari poterit. Isti mox subtendis aliud nugamentum. Si S. Petro, & Pontificibus Dominus ad Indulgentiarum thesaurum clauis dedit; cur Papa portam clausam non clauibus, sed aureo, vel inaurato malleo aperit? Ebrius es nimio hæresis musto; edormi tandem istam de sensibilibus thesauro ac clauibus crapulam.

§ 5. Et quis sobrius hanc thesin Ingolstadij olim datam: *Estsi probabilis est sententia asserentium iam restrictam sublatamque esse Episcoporum potestatem ad concedendas defunctis Indulgentias; ita Germanice redditur? Ob wol etliche darsûr hatten / die Bischoff oder Ppst haben keinen Gewalt / den Verstorbenen Ablass zugeben.* folio 131. *etsi quidam sentiant, Episcopos vel Papas non habere potestatem ad concedendas defunctis Indulgentias.*

Si Episcopis restricta est hæc facultas, per Romanum Pontificem restricta est. quod ipsi Pontifici olim concessa, iam sublata sit, tuum quæ legis non intelligentis figmentum est.

## ARTICVLVS OCTAVVS.

*De sacrificio Missæ.*

*Spiritus manifeste dicit, quia in nouissimis temporibus discedent quidam à fide, attendentes spiritibus erroris & doctrinis damoniorum, ait Apostolus 1. Timoth. 4. Omnis quidem hæresis diaboli proles est; sed potiori iure hunc sibi patrem vendicant, qui, Luthero magistro, iuge & vnicum nouæ legis sacrificium immanibus, blasphemijs proscindere didicerunt. Alijs hæresiarchis errores instillauit cacodæmon transfigurans se in Angelum lucis; his deplorandis temporibus inuenit virum secundum cor suum, quem facie ad faciem alloqui, & de Christi Ecclesia ab erroribus repurganda instruere voluit: Missæ sacrificium quem vt supremum Dei cultum vniuersa semper suspexit Christianitas; abominandam idololatriam esse detexit: & primus eius abolendæ auctor fuit. Pessime habuit diabolus tot millia hominum perire sub Antichristi regno, nec Deum, vt Scriptura iubet, coli: & ex inimico nouus Euangelista atque Apostolus factus. fecit salutem hanc magnam in Israël. Lutherus quindecim annis sacrificium Missæ operatus, & pro sacrosancto veneratus est vsque ad ipsam horam, qua cum eo diabolus disputauit; cuius argumentis conuictus de Missa abroganda cogitare cœpit. Quæ omnia non paucis verbis comprehensa, sed in longum singulari Dei prouidentia posteris descri-*

descripta reliquit; & leguntur in tomo 7. Latino, fol. 228. Witebergæ, & in tomo 6. Germanico folio 83. Ienæ edito. Diabolum interim Diuina virtute compulsus vix pauculis verbis veritatem falsum legimus; sed quod tanto ipse opere ad eradicanda in Ecclesiæ agro superstitionis lolia desudarit inauditum, nec ab vilo cor & cerebrum habentē creditum est. *Inimicus qui zizania seminauit est diabolus*, inquit Christus, Matth. 13. Missæ abrogationem seminavit diabolus: Conclusionem Prædicantibus cogitandam relinquo. Irruit etiam olim Christi aduersarius in veneranda hæc mysteria; sed in ea tam horrendis blasphemijs non desultauit. Magnum Antonium testatur S. Athanasius cælesti visu, ac prophetico spiritu cognouisse instantem Arianorum in sacra altaria debacchationem; & post vberes lacrimas ac suspiria in has voces erupisse. *Magnum quoddam & vniuersis seculis inauditum imminet nefas. Magno fides Catholica turbine subuertetur, & homines iumentis similes Christi sancta diripient. Vidi enim altare Domini mulsorum circumdatum multitudine, qui crebris calcium ictibus omnia dissipabant. Hæc est causa gemituum meorum quos audistis. Et facta est vox Domini dicens: Abominabitur altare meum; nec mora, visionem sequitur effectus. Nam post annos duos saua Arianorum irrupit insania. Tunc Ecclesiarum fuerunt rapina, tunc diuinorum temeratio vasorum, tunc polluti (Hæreticorum) Ethnicorum manibus sacra polluta sunt ministeria.*

§ 2. Sacrificium Missæ argumentaris folio 183. esse contra sacramenti Eucharistiæ institutionem; idem erat diaboli præcipuum argumentum. Sed tantum abest, vt verbis Institutionis repugnet sacrificium, vt hoc per illa ab ipso Christo primum peractum sit. Nam qui semel in ara crucis cruenta cecidit victima; idem verus secundum Ordinem Melchisedech Sacerdos & Pontifex, psal 109. ad

Hebræ. 7. seipsum modo inuento Patri in vltima cœnâ obtulit; & vere sacrificauit; idemq; in suâ mortis commemorationem ab Apostolis suis, eorumq; in sacerdotio successoribus fieri voluit; vt veteres quoque Patres attestantur; S. Cyprianus epist. 63. S. Chrysostomus homil. 83. in Marth. B. Theodoretus in cap. 8. epist. ad Hebræos, &c. quæ Saluatoris nostri iussu 3500. & pluribus annis vniuersa Ecclesia religiosissime obseruauit; vt ex veterum monumentis & Ecclesiasticis historijs certissimum est. Occurrit inter alia S. Laurentij nobilissimum martyrium; quod 1346. ante annis ad B. Sixtum Papam acclamabat: *Quo sacerdos sancte sine diacono properas? Tu nunquam sacrificium sine ministro offerre consueueras* refert S. Ambrosius lib. 1. Officij. cap. 41. Quanto eiusdem sacrificij desiderio teneretur Maris magnæ sanctitatis vir ante annos 1200. narrat B. Theodoretus in historia SS. Patrum cap. 20. *Cum autem longo tempore desiderasset videre offerri spiritale & mysticum (quia mystica non corporali maturatione peragitur) sacrificium, rogauit vt diuini domus illic fieret oblatio. Ego vero lubenter parui, & in sacra vasa afferri, pagus enim haud longè aberat: & pro altari vsus diaconorum manibus, mysticum, diuinum & salutare obtuli sacrificium. Ille autem omni spiritali implebatur voluptate & existimabat se ipsum cælum videre, dicebatq; se nunquam tantam capisse letitiam.*

§ 3. Verum vt fidelibus desiderabile, ita dæmonibus fuit semper formidabile hoc sacrificium; quo dæmonum cultus pessum ibat. *Huic summo verog. sacrificio cuncta sacrificia falsa cesserunt*, inquit S. Augustinus lib. 10. de ciuitate Dei. cap. 20. Sed & illius virtute passim dissipantur dæmoniacæ insidiæ & præstigiæ, cuiusmodi exemplum idem S. Augustinus lib. 22. cap. 8. describit: *Vir Tribunitus Hesperius, qui apud nos est, habet in territorio Iussalensi fundum Zabedi appellatum;*

pellatum, ubi cum afflictione animalium & feruorum suorum, domum suam spirituum malignorum vim noxiam perpeti comperisset, rogauit nostros me absente presbyteros, ut aliquis illorum illo pergeret, cuius orationibus cederent, perrexerit unus, obtulit ibi sacrificium corporis Christi, orans quantum potuit, ut cessaret illa vexatio, Deo, protinus miserante cessauit. Aduertis quam gratam rem familiari sibi dæmoni præstiterit sacrilegum caput Lutherus; cuius vos impietatem æmulamini. ἔτι γὰρ ἐκ σκίλλης ῥόδον φύεται, ait vetus poëta; ex squilla non nascitur rosa.

§ 4. Admittis Missam iam à 1000. annis in Ecclesia frequentatam; prioribus 5. seculis incognitam fuisse mentiris, & stulte laboras, ut ostendas Kyrie eleison, Gloria in excelsis, & alia tempore Apostolorum nec dum in usu fuisse; in testem vocas S. Gregorium: *mos Apostolorum fuit, ut ad ipsam solummodo orationem* (dominicam) *oblationis hostiam consecrarent.* lib. 7. epist. 63. nihil id nobis aduersatur, qui agnoscimus in verbis consecrationis ita hoc compleri sacrificium, ut præter ea nec Dominica oratio, nec aliæ seu Canonis, ut vocamus, seu extra canonem preces desiderentur ad sacrificij substantiam: Quia tamen tantum mysterium nunquam satis digne celebrari potest; variâ quasi emblemata ad id condecorandum, & deuotius peragendum à sanctis Pontificibus adiecta sunt. An ideo Christum Apostolosq; concionatos esse negabimus; quando non prælegebant textum Euangelij; ad nullum hymnum vel psalmum cantandum plebem ante & post concionem inuitabant; ut hæc minime ad concionis naturam, ita nec aliæ præter Christi verba preces ad sacrificij Euangelicæ rationem pertinent & essentiam.

§ 5. Missam in qua solus sacrificans corpore & sanguine Christi reficitur, nec ea alijs distribuit, priuatam dicitis,

K

quæ

## 74 ART. VIII. DE ORIGINE SACRIF. MISSÆ.

quæ vel id eo priuata non est, quia pro salute omnium fidelium offertur; sed sic loqui Lutherum docuit diabolus, quem affatur: *audi Luthere, Doctor perdocte, nesci etiam se 15, annis celebrasse Missas priuatas, pene quotidie?* Pergit diabolus: *Mens, & sententia, & clara institutio Christi est, ut sacramento communicent & alij Christiani.* Vides ex cuius pharetra tua petita sint tela, quæ in sacra iacis mysteria; mendacijs tamen ipsum quoque diabolum hoc loco vincis; multis seculis audacissime folio 144. asseris nullas priuatas Missas esse celebratas. Perpetuus Apostolorum comes fuisti; nec te clam sacrificare poterant. S. Augustinus lib. 10. de ciuitate Dei, cap. 20. scribit, Christum voluisse, ut quotidianum in Ecclesia esset corporis sui sacrificium; an & laicos quotidie omnibus seculis communicasse affirmabis? Producis decretum cuiusdam Concilij, quo statuebatur, ne solus sacerdos sacrificaret; sine ministro scilicet; quod etiam hodie à plerisque obseruatur. Si qui propter ministri idonei defectum, aliamue ob causam non obseruent, non ideo consuetas preces Dominus vobiscum, Oremus, &c. mutare decet; & orare ex persona ac pro salute populi etiam absentis licet. S. Chrysostomus, inquis, *valide se opposuit, ne cæna Dominica verteretur in priuatum symposium* Quid sacrificio & symposio? In verbis, quæ allegas, S. Pater contra eos agit, qui à communione populum arcant; ut inuitus quis adigatur, vel ob communicantium defectum à sacrificio destitatur, minime tradit.

§ 6. Folio 146. originem nominis Missæ exquiris; & ad Antichristi idolum Maozim refers; cum quo magnam habeat convenientiam. quæ ut maior appareat, pro Maozim legis Maosim; cum tamen in Hebræo legatur מַזְזִים Mauzim, an Maozim; quod non plus conuenit cum nomine Missæ, quam cum Martinus, quod Luthero suo no-

mca

# ART. IX. DE SUBSTANTIA ET EFFEC. MISSÆ. 79

men fuit. Missæ nomen ais folio 150. non inueniri apud antiquiores Ambrosio & Augustino. & quis te tuosq; his comparet? tanti vitreum, quanti margaritum? sed & mendacium loqueris; nam Missæ nomen habetur in verustissimorum Pontificum & martyrum epistolis S. Felicis I. S. Cornelij, S. Telesphori, S. Alexandri, qui 1482. abhinc annis in Cathedra Petri sedit, & forte Apostolos vidit; eius in epist. 1. cap. 4. verba sunt: *In sacramentorum quoq; oblationibus, quæ inter Missarum sollemnia Domino offeruntur, passio Domini miscenda est; ut eius, cuius corpus & sanguis conficitur, passio celebretur.*

## ARTICVLVS NONVS.

### *De substantia & fructu sacrificij Missæ.*



**A**D sacrificium, quia ita vis, redeo nec sine causa adhuc de eius substantia quæris, quia superiore articulo, quas à diabolo didiceras, euomisti blasphemias; ad quod venimus, hoc age. Tanquam potestatem habens loqueris folio 152. negamus Missam esse sacrificium vere propitiatorium; quia vnicum est Christi in cruce eruentum propitiatorium sacrificium, ad quod nobis applicandum nullum aliud sacrificium, sed concionandi officium institutum esse vis, folio 153. A catholicum hoc & Antichristianum paradoxum est. Ex Ecclesia Christi tollis omne verum sacerdotium; subvertis templa & altaria; Cathedras & suggestus erepas. Hoc facite, ait Christus, in meam commemorationem; de concione ibi nulla mentio. Luculenter S. Cyprianus epist. 63.

K 2

*Quis*

*Quis magis sacerdos Dei summi, quam Dominus noster Iesus Christus? qui sacrificium Deo Patri obtulit, & obtulit hoc idem (quoad symbola & species sensibiles) quod Melchisedech obtulerat, id est panem & vinum, suum scilicet corpus & sanguinem. Et: Si Iesus Christus Dominus & DEVS noster ipse est summus sacerdos Dei patris, & sacrificium patri seipsum primus obtulit, & hoc fieri in sui commemorationem praecepit, utique ille sacerdos vice Christi verè fungitur, qui id quod Christus fecit imitatur, & sacrificium verum & plenum tunc offert in Ecclesia Deo patri, si sic incipiat offerre, secundum quod ipsum Christum videat obtulisse. S. Chrysostomus homil. 24. in 1. Cor. Pro brutorum eade seipsum offerendam praecepit. Sic & S. Augustinus. Nonne semel immolatus est Christus in semetipso? & tamen in sacramento non solum per omnes Pascha solemnitates, sed omni die populis immolatur, nec utique mentitur, qui interrogatus eum responderit immolari. epist. 23. De Christo seipsum immolante in ultima cœna eleganter S. Nyssenus orat. 1. de resurrect. Sese oblationem offert pro nobis, simul Sacerdos & Agnus qui tollit peccata mundi. sed dicet mihi quando hoc accidit? Tum cum corpus suum ad comedendum, & sanguinem familiaribus prae-buit ad bibendum. Homo enim oues vestri non potest nisi mactatio prae-cesserit. Qui igitur dedit discipulis corpus ad comedendum, aperte demonstrat, iam perfectam & absolutam esse Agni immolationem. Ita de corporis Christi sacrificio veteres; quam doctrinam falso nouitatis postulas fol. 157. addis alterum mendacium, Petrum Lombardum ante 447. annos negasse id esse proprie sacrificium; refert ad longum verba ex lib. 4. dist. 12. quæ te mendacij arguunt: nihil ibi negat, sed sacrificium vocari ait; quia est memoria & repræsentatio veri sacrificij crucis: ergo, inferes, ipsum non est proprie sacrificium. rectius inferes; ergo, si perfecta est repræsentatio, id quoque erit vere sacrificium, nam sacrificium plenius à sacrificio repræsentatur, quam*

a non



à non sacrificio ; sicut hominem perfectius repræsentat alius homo, patrem filius ; quam sculptræ aut pictæ imago. & vetera sacrificia figuræ erant sacrificij crucis, illudq; repræsentabant, verè tamen, ac proprie sacrificia erant.

§ 2. Præcipuus porro sacrificij huius fructus est, pœnæ temporalis ex peccatis personalibus contractæ remissio ; nam sacrificium in cruce peractum nos ab omni culpa, & pœna plenissime redemit quoad sufficientiam ; sed hanc redemptionem nobis applicari per instituta ab eodem media ipsi fatemini, in quibus medijs vniuersus orbis Christianus semper sacrificium altaris recensuit : vos instar Iudæorum sine Pontifice, sine sacerdote, sine altari speciem quidem pietatis in sacras Scripturas habetis, virtutem autem eius abnegatis. Sed ais folio 154. secundum Thomam Aquinatem in opusculo de sacramento altaris cap. 1. Christum pro solo originali peccato mortuum esse. falsum est, non sentit id S. Doctor ; hoc tenet, Christum ita pro originali mortuum, vt ad illud abolendum non sit reliquum verum aliquod sacrificium ; sicut ad tollendum quotidianorum delictorum reatum habemus Christum quotidie in altari verè immolatum ; vtrumq; B. Thomas comparat sacrificium, neutrius integrum determinat effectum.

§ 3. *Quid si in Missa non corpus Christi, sed tantum particula panis & vini pro vinorum ac defunctorum peccatis offerretur ?* Hæc tua folio 155. verba sunt. quam bene in diaboli schola profecisti : eadem enim ille perfidia interrogat : *quid si ibi non adfuisse corpus & sanguis Christi, sed tantum panem & vinum adorasses, & alijs adorandum proposuisses ?* to. 7. lati. Lutheri Witeb. folio 228. Tu cum diabolo Calvinistis viam sterne ; nos regiam tenemus. *Hoc sciens* ait S. Cyrillus Hierosolymitanus catech. 4. *Myrta. & pro certissimo habens,*  
K 3
panem

*panem hunc qui videtur à nobis, non esse panem, etiam si gustus panem esse sentiat; sed esse corpus Christi; & vinum quod à nobis conspicitur, tametsi sensui gustus vinum esse videatur, non tamen vinum, sed sanguinem esse Christi. Et S. Ambrosius libi 4. de Sacramentis cap. 4. Panis iste panis est ante verba sacramentorum, ubi accesserit consecratio, de pane fit caro Christi. S. Gregorius Nyssenus orat. catech. cap. 37. Recte igitur nunc quibz panem, qui verbo Dei consecratur, in corpus Verbi Dei transmutari credimus.*

§ 4. Quam mendaciter ergo hanc de Transubstantiatione fidem asseris fol. 156. veteribus Doctoribus incognitam fuisse: cui adeo aduersa non sunt instituta SS. Eucharistiæ verba, vt ex illis ipsis rectissime comprobetur. *Hoc est corpus meum*, ait Dominus; pronomen *Hoc* natua suæ proprietate designat substantiam accidentibus proxime suppositam; adeoq; panem si remanet; qui tamen ipsi sunt Christi corpus esse non nisi falso asseritur. Tu qui Transubstantiationem negas, fateris ipse Christum non proprie, sed tropice locutum; tropum vero vsitatum esse Verum proprio sensui præferri nequit figuratus, quando id non exigit fidei regula; & hic insolentissimus tropus fingitur; etsi enim per vasa ad aliquid intra se continentur: apparatus sæpe intelligamus res ipsis contentas; eiusmodi tamen vas non est panis; & tropus insuetus foret, si quis auro in panem abscondito diceret: *Hoc est aurum*. Pauescite tropistæ; nos verborum proprietati sancte inhæremus:

§ 5. *Libenter, inquis folio 159. intelligeremus quæ potestate & coram Deo excusatione verum substantiale corpus Christi in duas aut tres partes frangat; cum de Agno paschali; & Christi corpore scriptum sit. Os non comminuetis ex eo. Exo. 12. Ioan. 19. Quæram & ego, quæ impudentia profitearis te dogmata nostra demon-*

demonstraturum falsa & acatholica; in quibus adeo infans & hebes es. Species franguntur, sub harum qualibet parte est totus Christus, & integer ac illæsus permanet, in quotquot illæ partes abeant. Hæc te non intellexisse ridebunt fratres tui Ubiquistæ, qui corpus Christi ubique vere, substantialiter adesse tecum prædicant; an Christum diuiditis, quoties panem, carnem, aliudue scinditis? Tam rudis cum sis, nihil miror te Canonis verba non intelligere; nec ea te docebo; in manibus est Bellarminus, qui Kemnitio, quem tunc legisti, ad omnia respondet lib. 2. de Missa.

§ 6. Scurratis nos vilius Christum in sacramento vendere, quam Iudas vendiderit, folio 157. An quia sacerdotes stipendium accipiunt, Christum vendunt? ergo qui pro concionandi munere sustentationem recipiunt, Evangelium vendunt. *Quis militat suis stipendijs unquam? & Dominus ordinavit ijs, qui Evangelium annunciant, de Evangelio vivere.* ad Rom. 9. sic & qui sacrificant, de altari viuunt; quod altare vel victimam vendant mera sycophantia est.

## ARTICVLVS DECIMVS.

*De festo Corporis Christi.*

**I**nstitutum est hoc festum ab Urbano IV. 349. abhinc annis, consentientibus omnibus Episcopis, Regibus, Principibus; & vniuerso orbe Christiano; quando nullus adhuc fatus erat Lutheranus, Calvinista, Zuinglianus, viperina nostrorum temporum genimina. Quia tamen eos nascituros Spiritum S. latere non poterat; is pro sua in Christi Ecclesiam, quam regit, prouidentia tanto ante tempore fideles ad egregiam

erga ineffabile hoc sacramentum pietatem ac deuotionem excitare voluit, vt aduersus mundi rectores tenebrarum, contra spiritualia nequitia, Lutheri, Zuinglijq; magistros possent resistere in die malo, & in omnibus perfecti stare. Profecto ex Christianis Principibus SS. Eucharistiam deuotissime hereditaria Religione coluerunt Regiæ familiæ Austriaca & Bauarica; eadẽ in fide Catholica contra typhonicos hæreicos flatus immotæ perstiterunt. Sensit ergo Diuini spiritus consilium Vrbanus Pontifex: qui in sua de hoc festo constitutione sic scribit: *Licet igitur hoc memoriale sacramentum in quotidianis Missarum solemnijis frequenteretur: conueniens tamen arbitramur & dignum, vt de ipso semel saltem in anno ad confundendam specialiter hæreticorum perfidiam, & insaniam memoria solemnior & celebrior habeatur.* Hæc radix est furoris, quo in hoc festum dæmon eiusq; satellitium Prædicantes tumultuantur.

§ 1. Ex Vrbani Constitutione tria colligis folio 162. *Primum, festum hoc ad dignam sacramenti sumptionem institutum est, non ad illam pompam, & circumgestionem, qua nunc celebratur.* Vtrumq; ad Pontificis intentionem pertinet: nullum ille Deum glorificandi præfixum terminum esse voluit; qui spiritu exultans exclamat: *O excellentissimum sacramentum. O adorandum, venerandum, colendum, glorificandum, præcipuis magnificandis laudibus, dignis præconijs exaltandum, cunctis honorandum studijs, deuotis prosequendum obsequijs, & sinceris mentibus retinendum.* Secundo, affirmas olim hoc festum dictum esse corporis & sanguinis Christi; opinor, quia Pontifex appellat sacramentum corporis & sanguinis: sed ipsum diem sic denominatum non inuenio; nec inuiti hoc nomen feremus, qui viuum, hæud ex sanguine Domini corpus credimus. Tertio, ex festi Responsorio: *Omnes qui de vno pane, & de vno calice participamus; concludis fideles eo tempo-*

tempore sub utraque specie SS. Eucharistiam sumpsisse. Erras, quia hæc & similia etiam hodie in Divino Officio repetimus: etsi enim non omnes de calice participant sacramentaliter, participant tamen spiritualiter, quia pro omnibus in Missæ sacrificio offertur. Verum & calicis nomine constat non scyphum, sed Christi sanguinem intelligi, cuius omnes sunt participes. Ipsius calicis argentei non ita pridem Lutheranus Prædicans se fecit participem, sibi integrum retinendo; quem tamen non instar furis clam, sed conscijs alijs à se retentum nuper edito Germanice apologetico protestatus est; si vas in quo Christi sanguis (ut vobis persuadetis) dispensabatur, nunc in symposijs vsui sit, absurdum nihil habet apud Prædicantes; qui toti in eo sunt, ne tanto sacramento honor, cultus, adoratio exhibeatur.

§ 3. In hunc enim scopum diriguntur tela tua: *hoc festum non est ex traditione Apostolica, folio 162. non est adeo necessarius, & Deo gratus cultus; qui prima sacramenti corporis & sanguinis Christi institutioni contrarius; cum etiam Christianus populus ultra 200. annos hoc festo caruerit, sine incommodo in posterum quoque caruisset. folio 163.* Celebratis ipsi Apostolorum festa; an ex Apostolica institutione? Christus suum corpus in ecclesia instituit: ergo contrarius est Christo, qui hoc cæleste ferculum solempni pompa gratitudinis indice, & amoris symbolis veneratur, adorat, & non statim ori infert, huiusdem *Maul* id est si princeps de mensa sua alicui edulium mitteret, valde ei ingratum faceret, quid festiuo comitatu, & cum singulari reuerentia exciperet. Huiusmodi sunt Prædicantium deliria.

§ 4. Longe aliter Catholici Patres, qui huius sacramenti adorationem nobis imperatam tradunt in illo psal. 98: *adorate scabellum pedum eius*; quo loco S. Hieronymus: *hic*

*Propheta corpus Dominicum dicit, in quo maiestas Diuinitatis tanquam super scabellum stat. Et S. Augustinus: Suscepit enim de terra terram, quia caro de terra est, & de carne Maria carnem accepit. Et quia in ipsa carne hic ambulauit, & ipsam carnem manducandam nobis ad salutem dedit: nemo autem illam carnem manducat, nisi prius adorauerit: inuentum est quemadmodum adoratur tale scabellum pedum Domini, & non solum non peccemus adorando, sed peccemus non adorando. Eadem S. Ambrosius lib. 3. de spiri. & litt. cap. 12. Itaque per scabellum terra intelligatur; per terram autem caro Christi, quam hodie quoque in mysterijs adoramus, & quam Apostoli in Domino IESU adorarunt. Quod si recte adoratur in sacramento Christus; quis de adorationis nimia celebritate conqueretur, nisi ludæus, aut ludæo non multo melior? De sumptu in Christi corpus facto murmurat Christi proditor. Ioan. 12. solemnī pompa & acclamatione excipi Dominum indignantur inuidi, Matt. 21. Arcam fœderis nostri sacramenti vmbra rex sanctus & omnis Israël adduxerunt in omnibus lignis fabrefactis & ci-tharis, & lyris, & tympanis, & sistris, & cymbalis, lib. 2. Reg. cap. 6. nec quaesierunt an id foret necessarium ac Dei præceptum; aut superioribus sæculis suetum: & David saltabat totis viribus ante Dominum, quem tanquam scutram impie derisit Saulis filia; sicut nunc rîdiculis scommaticisq; di-sterijs Christum cum iubilo adorantes persequuntur Apostata Lutheri pulli. Si ad honorandum principem, aut sponsum vobis licet ingeniosis esse in excogitandis choris, dramatibus, carminibus, splendido apparatu, liceat id nobis in Regis ac cœlestis sponsi laudem; de quo pulcre B. Thomas.*

Quantum potes, tantum aude  
Quia maior omni laude,  
Nec laudare sufficis.

Et quia ut à Iudæis olim visibile Christi corpus, ita nunc idem corpus ab Hæreticis sub speciebus Eucharisticis indignissime tractatur & blasphematur, decet ut à Christianis omni honorum & gloriæ genere quam solemnissime celebretur.

§5. Danielis 11. prædicitur de Antichristo: *Deum, quem ignorauerunt patres eius, colet auro, & argento, & lapide pretioso, rebusq; pretiosis.* Hæc folio 164. ad cultum, quem Christo deferimus, trahis. Vindicabit Dominus in te tantam blasphemiam. An Christum ignorarunt Patres nostri? an non Gentium primitiæ eum auro & pretiosis muneribus honorarunt? Matth. 2. Indignum iudicabat B. Dauid, ut arca Dei sub pellibus poneretur, & ipse in domo cedrina habitaret: & eiusmodi viri sancti cogitatus gratissimi Deo erant, lib. 2. Reg. cap. 7. ecce plus quam arca hic: ipse Dei filius, quem in cupro, plumbo, ligno reponemus, in manieis circumferemus, si Prædicantibus credimus; aurum & argentum patinis & scyphis sine ulla reprehensione reservabitur. Inuiderat gloriæ Christo olim Felix Iuliani Apostatæ quæstor Apostata, qui *vasorum sacrorum magnificentiâ conspicatus; ecce, inquit, quam sumptuosis vasis filio Mariae ministretur?* Theodoretus lib. 3. histo. cap. 11. Idem Lutheri est spiritus.

§6. Folio 167. sumus tibi Calvinistæ, quia nolumus esse Vbiquistæ; in neutris est, quisquis Catholicus est; & mirum est, quomodo utriq; adeo inter se dissidentes in vnam impietatem conspirent; quod in venerabili Eucharistiæ sacramento non plus de corpore & sanguine Christi sit, quam in quouis panis frustulo; in neutro corporis & sanguinis Dominici substantiam inesse contendunt Calvinistæ; quam non minus impie in utroque adesse prædicant Lutheristæ; utriq; puri puti Evangelici, an putidi & phanatici Schwermeri!

L. 2.

§7. Io.

§ 7. Ioculariter & chleuismo negas à sacerdote per Christi verba sacramentum confici: ore ne manducantis, dentibus, ap palato fit? de quo lego; *dixit & facta sunt*, hunc audio dicere, *Hoc est corpus meum*, cur verbo suo operatum esse negem? subscribunt vnanimiter sancti Patres. Ex Oriente testem do S. Chrysostomum, ser. de prodit. Iudæ. *Sacerdotis ore verba proferuntur, & Dei virtute consecrantur.* Ex Latinis Patribus id tanquam indubitatum tradit S. Ambrosius cap. 9. de ijs, qui inicianur, &c. *Quid dicimus de ipsa consecratione Diuina, ubi verba ipsa Domini Saluatoris operantur? Nam sacramentum istud quod accipis, Christi sermone conficitur: quem tu solita impietate demurmurationem vocas.*

## ARTICVLVS VNDECIMVS.

### *De Inuocatione Sanctorum.*

#### Caput I. Vtrum Romanæ Catholicæ Ecclesiæ Theologi in hac materia dissentiant.



Vtro amplissimo Ioanni Pistorio imponis, ex eius sententia Scripturam esse vnicam normam omnis fidei ac cultus Diuini, cum tamen in libro quem ad hæresi seductos in viam reuocandos Germanice scripsit, & viæ ducem inscripsit, quemque centies in hoc volumine allegas, mox 2. cap. hanc vestram hæresin egregie destringat. Recipit, ais, te nobiscum ex sola Scriptura de quibusuis Controversijs disputaturum. an non clare folio 33. quo sensu id dicatur, exponit? *omnia, inquit ad credendum necessaria modo quodam inuolute, atque implicite in Scriptura*



*Scriptura continentur, & ex Scriptura (à sola tamen Ecclesia) declarari & explicari possunt, si Ecclesiæiusq; interpretatio recipiatur.* Verissime; idem scite S. Augustinus lib. 1. contra Cresconium cap. 33. *Scripturarum etiam in hac re à nobis tenetur veritas, cum hoc facimus quod uniuersæ iam placuit Ecclesiæ, quam ipsarum Scripturarum commendat auctoritas: ut quoniam sancta Scriptura fallere non potest, quisquis falli metuit, huius obscuritate questionis, eandem Ecclesiam de illa consulat, quam sine ulla ambiguitate sancta Scriptura demonstrat.* Eadem omnium Catholicorum sententia est; inter quos cum vnanimis consensus sit, tu nescio qua phrenesilites & bella somnias. Pistorius, ais folio 173. negat Scripturam esse fidei regulam, alij admittunt. negat ille esse vnicam normam & adæquatam regulam; alij partialem esse admittunt, quanta contradictio!

§2. In Ratibonensi Colloquio argumentis adacti admisistis aliquid, non tamen articulum, fide credendum esse; quod in Scriptura aperte non contineatur, sess. 11. folio 131. R. P. Adamus Tannerus in compendiarie Colloquij relatione folio 37. scripsit, nos vobis non magnam litem moturos de nomine articuli, modo fateremini Inuocationem Sanctorum, & alia vos credere, quæ ex sola Scriptura euidenter non deducuntur. Ex hos colligis Inuocationem Sanctorum inter traditiones non scriptas à nostris numerari; quam inepte id concludas, ostendunt quæ ex Colloquio Ratibonensi eodem folio 172. citas, si non mutila, sed integra producantur. Nulla hæresis respondet P. Tannerus sess. 8. folio 73. *ex sola Scriptura potest sufficenter refutari; quia nec de ipsa Scriptura, seposita auctoritate Ecclesiæ, sine traditione constare potest, quod sit canonica.* Sine aliqua ergo Ecclesiæ traditione nullum omnino fidei dogma creditur; yt nec tu negaueris, nisi à tuo Brentio in diabolis

haberi velis. Brentius enim in postrema pericope Apolo: pro confels. Wirtemb. agnoscit ex traditione nos habere Scripturas; & addit: *hac traditione nibile est certius, nihil stabilius, & qui ei pertinaciter contradicit, non iam ad hominum, sed diabolorum cœtum pertinet.* Sine traditione igitur nec Christi ex virgine: natiuitas, nec eius mors & resurrectio fide Diuina à nobis creduntur, etsi in Scripturis apertissime legantur; non tamen hæc, sed ea absolute traditiones appellitantur, quæ in sacris litteris manifeste non traduntur: in huiusmodi traditionum numero si quis reponat Sanctorum inuocationem, cum hoc nolim contendere, modo eam firmiter credat. Probatur per bene ex Scripturis, ita ut cui intellectus non est obrusior, non difficulter assensurus sit; etsi tanta non sit euidencia, ut ad assensum cogatur, cuius tardiusculam mentem impedit & suæ sententiæ præiudicium, & peruitacia grauissima vinculum. ut in Italia re loquitur S. Augustinus lib. 3. de peccat. meri. & remis. cap. 8.

## Caput II. Vtrum Inuocatio Sanctorum in Scripturis fundamentum habeat.

**I**te & religiose inuocari Sanctos cum Christo viuentes probatur ex Scripturis, quibus constat à nobis inuocari posse eos, qui in hac vita degunt; *Necesses pro nobis clamare ad Dominum,* rogat Samuellem populus Israël, 1. Reg. 7. & populum B. Esther, *orate pro me,* cap. 4. Apostolus, *orate pro nobis,* 1. ad Thessa. cap. 5. ad Hebræ, cap. 13. Si ergo sine Dei ac Christi mediatoris iniuria inuocantur mortales in terris, ubi sine Dei offensu cunctis diu non viuitur; cur non licite inuocentur, qui in cœlis ab omni labe puri, in caritate perfecti regnant?

Si id

Si id impermissum sit, causa alia nec fingi potest; quam quod Sancti illi spiritus preces nostras non audiant: sed hunc errorem excludunt varia Scripturæ loca. Angelos non latere, quæ hic geruntur, constat ex Tobia 12. Daniel 9. & 10. Luca 15. & facetur Prædicans folio 179. sed ab hac mortalitate cœlum ingressi, erunt sicut Angeli Dei, Matt. 22. Angelis in omnibus scientia & gloria pares; nihil enim Scriptura excipit. Hinc S. Chrysostomus homil. 32. in Acta: *Parumper ab Angelis minores fecit nos, morte inquam, sed & hanc accepimus, breuissimam.* Item, Sancti in hac vita non raro cognouerunt in locis longe distitis gesta; & intima cordium sensa. Quid Giezi faceret vidit absens Eliseus: *Nonne cor meum in presenti erat, quando reuersus est homo de curru suo?* &c. 4. Reg. 5. & Regi Syriæ dicunt serui eius: *Eliseus propheta, qui est in Israël, indicat regi Israël omnia verba, quæcumque locutus fueris in conclauituo.* 4. Reg. 6. Sauli ait Samuel: *omnia quæ sunt in corde tuo, indicabo tibi.* 1. Reg. 9. Si ergo in huius mundi carcere, & corporis animam aggrauantis ergastulo non raro talia amicis suis reuelauit Deus; quis ferat asserentem nihil eiusmodi reuelari spiritibus, qui carnis mole exuti non iam in tenebris sedent, sed ad fluium aquæ viue, splendidum tanquam crystallum, procedentem de sede Dei, & Agni & non egebunt lumine lucernæ, neque lumine solis, quoniam Deus illuminabit eos, & regnabunt in secula. Apocal. 22. In exilio peregrina nouerunt sancti; & nihil eorum sciant accumulantes in mensa Regis? Eleganter S. Augustinus lib. 22. de ciuitate Dei, cap. 29. *Si ergo in hac vita, ubi hominum mirabilium prophetia ita comparanda est illi vita, quasi paruuli ad iuuenem, vidit tamen Eliseus accipientem munera seruum suum, ubi ipse non erat; itane cum venerit quod perfectum est, nec iam corpus corruptibile aggrauabit animam, sed incorruptibile nihil impedit; illi Sancti, quæ videnda sunt oculis*

corporeis, quibus *Elifaus absens ad servum suum videndum non indiguit, indigebunt?* Huc pertinent omnes Scripturæ, quibus describitur cœlestis gaudij plenitudo; *supra modum in sublimitate æternum gloria pondus*, 2. ad Corinth. 4. *quod oculus non vidit, nec auris audiuit, nec in cor hominis ascendit, quæ preparavit Deus ijs qui diligunt eum*, 1. ad Corinth. 2. *ut ostenderet divitias gloriæ suæ*, ad Rom. 9. Quomodo tam diues & superfluens est in cœlis beatitudo, si non expleatur desiderium, quo quisque suorum, quos amicos habet, statum & vasus scire discupit? An de sua salute securi, nihil nostra cura euerint? at non est illis ferreum pectus, nec dura præcordia, nec ex silice natos Hyrcanq; nutrire tigres, sed Deo, adeoque caritate pleni suorum clientum curam utiq; agunt; & ut canit B. Prudent. Hym. 1. de Calaguritanis martyribus,

*Non fuerant inane ut ullus*

*Vocemur murmur faderit.*

*Audiam, stragemq; ad aures*

*Regis æterni ferunt.*

§ 2. Habes plura loca, vel potius classes & genera locorum, ex quibus deducitur Sanctorum Inuocatio: omitto, quæ à varijs in eandem sententiam apposite explicantur; tu si ideo omiffa dixeris, ut folio 176. de D. Pistorio lallas, quod infirma ad causæ probationem agnoscantur, de more mentieris. Disputas, an non tantum concessum, sed & in præcepto sit inuocare cœlites. paucis te expedio, præceptum id est ad modum, quo fideles huius vitæ comites inuocare debemus, ita scilicet ut eiusmodi intercessionem, quando ad eam nos euocant vel bona, quibus fruimur, vel mala quæ patimur, sine negligentia saltem culpa vix intermittamus, nunquam sine impietatis crimine tanquam inconcessam, aut infructuosam spernamus.

§ 3. Prohibitam probas ex 2. Paralip. 34. nam ad Iosiam dicit

dicit Dominus : *infereris in sepulcrum tuum in pace, nec videbunt oculi tui omne malum, quod ego inducturus sum super locum istum.* Egregium non contra cœlites, sed tuæ insectiæ argumentum : Iosias mala illa non vidit oculis, seu in corpore, quæ sine afflictione non vidisset ; ergo nec spiritus eius Deo reuclante, nec tristitia angente, intelligere potuit. Iosias non videt mala ; ad quæ auerrenda nec inuocabatur ; ergo nihil eorum, quæ infernis fiebant, agnouit. Iosias in limbo, nec dum in Domini gaudium ingressus nesciuit, quid hic ageretur ; ergo eadem ignorantia caligant, qui facie ad faciem Deum vident. Alia Scriptura ; *Abraham nesciuit nos &c.* Isa. 63. tua sane multiplex est nescientia. Abraham nesciuit, id est, auersabatur Iudæos peccantes, interprete S. Hieronymo ; vel nescire dicitur, quia non succurrerat ; sicut Deus dicitur non audire, quando non exaudit ; tandem, Abraham tunc à cœlo adhuc exulabat, in quo *Beati quid est quod nesciant, ubi scientem omnia sciunt* ? S. Greg. lib. 4. dial. cap. 33.

§ 4. Folio 180. contendis, quod *istorum anima ante Christi ascensionem non in limbo decant, sed apud Deum cœlesti gloria posita fuerint*, idq; ais probare illos, qui diu ante ascensionem Christi *vixerunt, David ps. 37. cum Spiritu suo in manibus Domini commendat, &c.* In manus, id est, potestati Dei cōmisit se, psal. 30. B. Rex, ut SS. Hieronymus, Augustinus, &c. exponunt ; cui minime se subtrahebant spiritus, qui in limbo, *non acceptis repromissionibus*, Hebr. 11. salutem expectabant ; tamen beatitudinis gloriam non obtinuerint ante mortem Christi, de qua potius, quam de ascensione loqui debebas. Tu, qui hæc non credis, dic ad quos Dominus venerit ; quando, ut in symbolo legimus, descendit ad inferos ; non ad lignum, non ad purgatorium, an ad Cain, Herodem, Iudam proditorem ? Magdeburgenses tui Centu. 1. lib. 11.

M.

cap. 10.

cap. 10. aiunt se nescire, tu si quid scieris, me certiore feceris. forte cum Calvinistis Christum ad subterraneum aliquem locum descendisse rotunde negabis; & inferi erunt superi. In Concordiæ libro miræ de Christi ad inferos descensu referuntur Theologorum Confessionis Augustanæ sententiæ; ipsi vero Concordistæ scribunt: *unanimi consensu consulimus, de hac re non esse disputandum, sed quam simplicissime hunc articulum credendum & docendum esse*. Ita cum falsis dogmatibus omnem congruam responsionem sibi intercludunt, silentium consulunt; & tacebitur quod Prophetæ & Apostoli annunciant: *emisisti vinctos tuos de lacu*. Zachariæ 9. *his, qui in carcere erant, spiritibus veniens prædicaui*, salutem scilicet, & redemptionem, 1. Petri 3. Scripturæ, quas tu opponis, nihil omnino ad rem faciunt; quare iam dudum S. Chrysostomus, seu alius in Scripturis apprimè versatus auctor, professus est: *Quantum in meo corde est, legens legem, legens Prophetas, legens psalterium, nunquam regnum cælorum audiui, nisi in Evangelio; quia antequam Christus ianuam regni cum latrone aperiret, omnes Sanctorum anima ad inferos deducebantur*. homil. 4. in Marcum, tomo 2, Chrysostomi.

§ 5. *Moses & Elias, ais, in monte cum Christo visi sunt in cælesti claritate*, Matth. 17. Marc. 9. Lucæ 9. sed clare contra 3, Evangelistas mentiris; Matthæus enim & Marcus apparuisse scribunt tantum; Lucas refert apparuisse *in dōfñ*, in gloria, sed cælestem fuisse nihil scribit Lucas, tu fingis; & eadem ratione probabis Moysen adhuc in terris viuentem fuisse Sanctorum in cælis gloria beatum; visus est enim *in dōfñ*, in gloria; ita ut non possent intendere filij Israël in faciem Moysi propter gloriam, *dux tñ in dōfñ*, vultus eius quæ euacuatur. 2. ad Corinth. 3. ita euacuata quoque est, quæcunq; fuerit Moysi in corpore seu vero seu ætereo gloria, Elias, ex SS.

Patrum

Patrum veraque sententia; needum in cœlis gloriosus est. Ipsius etiam Christi gloria corporea, quam Apostoli viderunt, euacuata est; nec ante resurrectionem suam impassibilis, adeoq; nec ea, quæ Sanctorum corporum in cœlis propria est, gloria beatus fuit; ante Christum vero nullum omnino ad gloriam resurrexisse discimus ex Apostolo, à quo Christus prædicatur *primitia dormientium*, i. ad Cor. 15. primogenitus ex mortuis, ad Coloss. 1. si in vna Scripturæ allegatione tot inuoluis errores; quot mihi volumina crescerent, si omnes toto libro tuo tam dense profeminatos euellere cogitarem?

§ 6. Quia iustos olim ante Christi mortem negamus cœlesti beatitudine fructos esse, commotior in nos insurgis folio 176. & concludis meras fraudes atque imposturas esse, quæ ad probandam Sanctorum inuocationem ex veteri Scripturâ à nobis afferuntur. Hypobrychium irrespirabile. Sanctos scire quæ apud nos aguntur, & ad cuiusq; statum & personam pertinent, probamus à maiori tam ex spiritibus iustorum in limbo olim detentis; quam ex prophetis & prophetiæ dono præditis: nam si in hac mortalitate, aut in limbo positis multa reuelauit Deus, quæ in locis distantissimis gerebantur; qua veri specie nihil eiusmodi in cœlis reuelari negabitur, vbi scientiæ suæ diuitias maiori, quam in cor hominis vnquam descenderit, copra effundit Diuina Sapientiâ? Item, negamas animas iustorum fuisse tunc beatas; ergone male Sanctorum inuocatio probatur ex inuocatione Angelorum? Gen. 48. Iob 5. Sed & iustos in limbo, vt non omnia, tamen aliqua Deo reuelante cognouisse non abnuimus; & confirmat illud Domini: *Abraham vidit & gavisus est*. Ioan. 8. eiusmodi reuelationis confidentia magnos illos Patriarchas Abraham, Isaac, Iacob à veteri interdum populo inuocatos esse cre-

abile est; licet ille tam certus non fuerit vota sua sanctis illis reuelatum iri, quam certum est, fufas à nobis preces scire cœlites cum Christo regnantes.

### Caput III. Vtrum Sancti in Christiana, veteri, Catholica Ecclesia sint inuocati.



Primo Apostolorum seculo non inuocatos esse Sanctos vnius Eckij testimonio tanquam rem indubitatam relinquis; quasi vero fides Catholica ab vnius priuati Doctoris ore pendeat; sed & verba Eckij quæ folio 174. adduxisti, te mendacij arguunt; illis enim asseritur Apostolos non præcepisse Sanctorum inuocationem; ne suam post mortem gloriam quærere viderentur; nihil eos scripto, aut ore tenus de inuocatione Sanctorum tradidisse, tu ab Eckio assertum refers hoc cap. folio 181. sed mentiris. Impudentius contra ipsum Apostolum mentiris eum dampnasse Angelorum inuocationem: quam tamen prohibitam esse negare ausus non es, folio 179. Diuinum seu superstitiosum cultum Angelis delatum inhibuit Paulus, vt ex Patribus ostendit Bellar. lib. 1. de Sanctis cap. 20.

§ 2. Ab Apostolis descendere Sanctorum inuocationem ex probatissima S. Augustini regula patet: *Quod vniuersa tenet Ecclesia, nec Concilijs institutum, sed semper retentum est: non nisi auctoritate Apostolica traditum rectissime creditur.* lib. 1. contra Cresconium, cap. 33. Prouoco quotquot estis, nominate locum, aut tempus, quo tam impius, vt deliratis, error cœperit. Ex antiquissimis siquidem Patribus non errorem, sed sanctum Christianorum morem esse constat. A nobis stare veteres Patres te fugere non potuit, sed



sed maluisti impudentissimus impostor esse, quam causam tuam prodere. Mihi in promptu essent plurimorum pro nobis testimonia; sed vno verbo de sexcentis, qui in generali Chalcedonensi Concilio Aët. II. exclamant: *Flavianus post mortem viuit, Martyroret pro nobis.* Tu septem producis, Eusebium, Irenæum, Epiphanium, Cyrillum Alexandrinum, Ambrosium, Chrysostomum, Augustinum. Recte mentitus es in caput tuum; hos audiamus.

§ 3. Ex Eusebio lib. 4. hist. c. 14. refertur epistola Smyrnenfium; qui scribunt: Iudæi (Confessionistæ) *miseri ignorabant nos non aliquando in animum posse inducere, ut vel Christum deseramus, vel alium quempiam aliquando colamus, Vt DEVM. Illum enim qui vere Dei filius est, adoramus. Martyres autē ut discipulos & imitatores Domini merito amplexamur.* Hæc vestram in nos calumniam amoliuntur; subdis, Polycarpi cineres collegisse Christianos non ea intentione, ut illos adorarent, vel opem aut indulgentiam coram ijs quærent; nihil horum Smyrnenfes, sed hæc: *Nos postea ossa eius potiora lapillis pretiosis, auroq; puriora, ex cineribus selecta, eo loco reposuimus, qui illis erat decorus consentaneusq;. Vbi sane in vnum nobis aliquando coactis, Dominus præstabit ut celebrem eius martyrij diem, instar natalis festi cum exultatione & gaudio, quantum fieri potest maximo recolamus.* At hoc festum scribunt se tum ad memoriam antehac pro Christo mortuorum, tum ad futurorum martyrum præparationem instituturos; ergo non inuocationis gratia, quia inuocans martyrem non est eius memor; nec inuocatio facit ad martyris gloriam; & consequenter nec ad martyrij coronam expetendam alios inuitat. Pro nobis potius facere hæc ex Eusebio allata sentiet, quisquis sapit. Aliud testimonium ipse refert, folio 186. ex lib. 6. hist. cap. 4. de S. Potamiena, quæ post mortem apparuit, coronamq; imposuit Basilidi; sed historiam hanc impro-

bas. en, quem testem pro te attuleris. Audi eundem clarius, lib. 13. præparat. Euang. cap. 7. *Hæc nos quotidie facitamus, qui veræ pietatis milites, ut DEI amicos honorantes, ad monumenta quoque illorum accedimus, votag, ipsis facimus tanquam viris sanctis, quorum intercessione ad Deum non parum iuvari profitemur.*

§ 4. S. Irenæus lib. 2. cap. 28. scribit suo tempore Ecclesiam non inuocasse Angelos. ita tu; non habet hoc S. Irenæus in illo cap. ubi nulla Angelorum mentio; nec in cap. præced. ubi excludit inuocationes Angelicas hæreticorum, de cuiusmodi scribit lib. 5. cap. 19. *Alij autem ab Angelis quibusdam dicentes factum esse mundum, & substantiam eius; vel Gentilium errorem perstringit, quos dæmonas inuocasse, ut à morbis liberarentur, refert Origenes lib. 8. contra Celsum. Verum nec loquitur S. Martyr de communibus fidelium precibus; sed de miraculorum gratia præditis, qui miracula patrabant inuocato nomine Iesu, nec inuocationibus Angelicis, nec incantationibus, nec aliqua praua curiositate. Esto, in miraculorum operatione non sint inuocati Angeli, ne vlla Gentilibus, aut Hæreticis, qui tunc erat, errandi præberetur occasio; an ideo conficitur nuspiam ab vllis Angelos esse inuocatos? Atqui verba consequentia satis indicant S. Irenæum loqui de Hæretica inuocatione, qualem esse, si Angeli rogentur, ut pro nobis intercedant ad Deum, nec tu quantumvis effrons, asserueris. Patrocinium Dei-paræ Virginis inuocasse Ecclesiam testatur S. Irenæus lib. 5. cap. 19. *sicut illa (Eua) seducta est, ut effugeret Deum; sic hæc (Maria) suasa est obedire Deo, uti virginis Eua virgo Maria fieret aduocata, audis patronam peccatorum, & filiorum Eux, qui matris nomine designantur? Magdeburgenses tui Centu. 2. cap. 4. folio 63. hoc S. Patris dictum videri incommodum admittunt; Gallasius exclamat per id magnam**

gnam Christo iniuriam inferri; quasi vero solus in cum-  
pius sit, qui in sanctissimam ipsius parentem est impius.

§ 5. Epiphani j *haresi* 78. & 79. *apertum & irrefragabile testi-*  
*monium est adorationem Virginis Mariae, & aliorum Sanctorum*  
*adhuc in 4. Centuria à Christianis Doctoribus tanquam idolola-*  
*triam & haesin damnatam, iisdemq. argumentis, quibus nos uti-*  
*mur impugnata esse.* Hæc tu folio 183. *Frons meretricis.*  
S. Epiphanius irrefragabiliter loquitur de adoratione soli  
Deo competente; contra quam omnino vestra sunt argu-  
menta; nugæ nugacissimæ, si contra Catholicam Sancto-  
rum venerationem exerantur. *Neque enim Deus est Maria;*  
*neque de cælo corpus habet, ut nemo in nomen huius offerat,* scri-  
bit S. Pater hæc. 78. Vos perstringit, qui Deo quoque sa-  
crificium subtrahitis. similiter S. Epiphanius hæc. 79.  
contra Collyridianos Diuino cultu Mariam adorantes dis-  
putat: *Reuera sanctum erat corpus Maria; nec tamen Deus,*  
*Quam deuotus vero Beatissimæ Virgini S. hic Pater fue-*  
*rit apparet ex homilia de eius laudibus habita; in qua Vir-*  
*ginem alloquitur: Quo pacto beatam predicabo gloria radice?*  
*solo enim Deus excepto cunctis superior existis: natura formosior es*  
*ipsis Cherubim, Seraphim, & omni exercitu Angelico, cui predi-*  
*canda cælestis ac terrena lingua minime sufficit, imo nec An-*  
*gelorum.*

§ 6. S. Cyrillus Alexandrinus lib. 6. contra Iulianum;  
*sanctos Martyres, neque Deos esse dicimus, neque adorare consueui-*  
*mus; non de inuocatione, sed latrica adoratione, quæ soli*  
*Deo debetur, loquitur.* Præfuit is S. Leonis Rom. Pon-  
tificis nomine Chalcedonensi Synodo, quam S. Flauia-  
ni martyris intercessionem vnanimiter desiderasse § 2.  
retuli.

§ 7. Ambrosium citas in cap. 1. ep. ad Rom. sed com-  
mentarij illi non sunt Ambrosij; nec aliud docet, quisquis

fit auctor, quam Diuinum honorem non esse tribuendum oraturæ; S. Ambrosij do sententiam: *Habes proximos, qui Deo pro te supplicent; habes Apostolos proximos, habes Martyres: OBSECRANDI sunt Angeli pro nobis, quod nobis ad praesidium dati sunt. Martyres obsecrandi, quorum videmur nobis quoddam corporis pignore patrocinium vendicare. Possunt pro peccatis rogare nostris, qui proprio sanguine etiam si qua habuerunt peccata lauerunt. Isti enim sunt DEI martyres, nostri Praesules, speculatores vita æliumq; nostrorum: Non erubescamus eos intercessores nostræ infirmitatis adhibere, qui ipsi infirmitatem corporis, cum vincerent, cognouerunt.* Libro de viduis.

§8. S. Chrysostomus homil. de profectu Euangelij agit contra eos, qui aliena intercessione confisi pro se ipsi orare negligerent, & circa salutem suam desides essent loquuntur potius de precibus iustorum huius vitæ, quam de Sanctis in cælo regnantibus; de vtrisque verissimum est, quod & in illa homil. & luculenter hom. 1. in priorem ad Thesalo, tradit: *Neque preces Sanctorum contemnamus, neque totum in eas conijciamus, tum ne pigri simus, & socordes, & temere insidijs circumueniamur, tum ne à magno lucro excidamus: sed & hortemur adorandum, & ad manus pro nobis porrigendas; & ipsi virtutem scilemur.* Hæc præstigias tuas satis detegunt. A Christianis Imperatoribus & Regibus Cœlitum inuocatam esse opem idem S. Pater eleganter testatur hom. 66. ad populum: *Ipse qui purpura indutus est, stat Sanctis supplicaturus, ut pro se apud Deum intercedant. Audebis igitur queso horum Dominum nuncupare mortuum, cuius serui vel mortui terrarum orbis regum sunt PROTECTORES!*

§9. S. Augustinum Sanctorum inuocationem approbasse tam clarum est, quam sol in meridie; & tamen adeo depudisti, ut cum in tuam hæresin trahere non sit veritus: profers 4. loca, in quibus docemur non colendos Sanctos  
sicut:

sicut Deum, vel Christum omnium summum Mediatorem; nec eis templa, inquit lib. 8. de ciuitate Dei, cap. 27. *sacerdotia sacra & sacrificia constituimus; quoniam non ipsi, sed Deus eorum nobis est Deus*: hæc allegas folio 184. indeq; Prædicantice confite, Sanctorum non expetendum esse patrocinium; item, Augustini tempore non fuisse in Martyrum memoriam, quod nunc fit, erecta templa, aut facta sacra. De quo postea, nunc de inuocatione agamus. S. Cyprianum inuocat B. Augustinus: *Adiuuet nos orationibus suis*. lib. 7. de baptis. contra Donat. cap. 12. eundem totius Catholicæ Ecclesiæ morem esse testatur lib. 20. contra Faustum cap. 21. *Populus Christianus memorias Martyrum religiosa solemnitate concelebrat, & ad excitandam imitationem, & ut meritis eorum confocietur, & orationibus ADIUVETUR*. Et tractatu 8. in iohannem. *Ideo quippe ad mensam non sic Sanctos commemoramus, quemadmodum alios, qui in pace requiescunt, ut pro ipsis oremus, sed magis ut orent ipsi pro nobis, & eorum vestigijs adheramus.*

§10. An non æquus tibi sum; qui ommissis apertissimis testimonijs aliorum Patrum; eos eligo arbitros, quos tuæ causæ testes aduocasti? quibus addo quos cap. seq. folio 186. ipse ad nos remittit vetustissimos ex Græcis Origitem, ex Latinis S. Cyprianum. verba tua sunt: *Intertia Centuria à Christo nato aliqui veteres Doctores, maxime Cyprianus Carthaginensis, & Origenes Alexandrinus incepterunt docere Sanctos in cælo pro nobis orare*; quam doctrinam vocas semina Inuocationis Sanctorum: nam si orant, neque in genere tantum; sed in particulari pro hoc aut illo; nostra eos non lateant oportet; & consequenter non minus pie, quam vitæ huius focij inuocari possunt. *Sentiunt* scribit de cælitibus Origenes lib. 8. contra Celsum, *qui sint digni fauore cælestis Numinis; quibus non solum ipsi bene volunt; verum etiam*

*dant operam, ut Deum ei servire volentibus conciliant; & una nobiscum precantur.* S. Cyprianus epist. 57. *Si quis illinc nostrum prior divina dignationis celeritate praeceperit, perseveret apud dominum nostra dilectio, pro fratribus & sororibus nostris apud misericordiam patris non cesset oratio.*

§ 11. Nunc de templis & sacrificijs. Ais nos Sanctis litare & templa erigere. Soli Deo sacrificamus, cum memoria tamen & inuocatione Sanctorum; similiter templa, qua sacrificij locus sunt, soli Deo dicantur; eisdem vero Sancti honorantur, quatenus deputantur ad sacras Reliquias asseruandas, & ut illorum ibi interpellemus patrocinium; nec senescere sinamus memoriam. Hæc Catholica esse patet inde, quod nulla unquam Gens aut natio fuerit inter Christianos, quorum moribus non recepta sint; qua per Tyrannos licuit. Primus Imperator Christum palam professus Constantinus Apostolorum Constantinopoli, Martyrum Hierosolymis, alias alibi ædificavit basilicas. S. Marcellam laudat B. Hieronymus epist. 16. cap. 2. *Apostolorum & martyrum basilicas secretis celebrans orationibus.* Idem de viris illustribus, templi à S. Clemente denominati tanquam vetusti meminit: *nominis eius (S. Clementis) memoriam usque hodie Roma exstructa Ecclesia custodit.* Sed ad Augustinum propero, quem ex omnibus vnum citas; ex quo & te criminatorem, & nostrum in templis exstruendis morem probabimus. *Etiā hinc nobis calumniatur Faustus (an Iacobus Heylbronner-) quod Martyrum memorias honoramus, in hoc dicens nos idola conuertisse. Populus Christianus memorias Martyrum religiosa solemnitate concelebrat, & ad excitandam imitationem, & ut meritis eorum confocietur, atque orationibus adiunctur; ita tamen ut nulli Martyrum, sed ipsi Deo Martyrum sacrificemus, quamvis in memorias Martyrum constituamus altaria. Quis enim Antistitem in locis Sancto-*

*Sanctorum corporum assistens altari aliquando dixit: offerimus tibi Petre, aut Paule, aut Cypriane: sed quod offertur, offertur DEO, qui Martyres coronauit. Et cum asseruisset peccatum esse si martyribus sacrificetur, subdit: sacrificare martyribus dixi, non dixi sacrificare DEO in memorijs martyrum, quod frequentissime facimus. lib. 20. contra Faustum, cap. 21.*

## Caput IV. De origine Inuocationis Sanctorum.



Platonis dæmonum tanquam minorum Deorum cultoribus exortum in Ecclesia Sanctos inuocandi morem calumniaris. Hanc fuisse Platoniorum sententiam probas ex S. Augustino, lib. 8. & 9. de ciuitate Dei, sed retices, quæ ad tuendum Catholicum Sanctorum cultum interponit; *Quæcumque igitur adhibentur Religiosorum obsequia in Martyrum locis, ornamenta sunt memoriarum, non sacra vel sacrificia mortuorum tanquam Deorum, &c. Nos itaque Martyres nostros nec Diuinis honoribus, nec humanis criminibus colimus. lib. 8. de ciuit. Dei, cap. 27.*

§ 1. Sensim in Ecclesia profeminatam dicis inuocationem Sanctorum; primo, quia in tertia Centuria post Christum natum aliqui veterum Doctores, in primis vero Cyprianus & Origenes, incepterunt tradere Sanctos in celo pro nobis orare: secundo, ex improbabili S. virginis & martyris Potamiana apparitione, apud Eusebium, lib. 6. cap. 4. tertio, miraculis ad sepulcra martyrum factis aut fictis. Hæc aliaque huiusmodi ab antiquissimis & sanctissimis Patribus tradita aut testata tanquam erronea ac fabulosa condemnare debet, quisquis Catholicus Heylbronnerianus esse uolet; nihilominus tamen uetus uetus Catholicus ex historijs Ecclesiasticis ad oculum de-

monstrabitur. Sanctos pro nobis orare non error; sed omnium Ecclesiarum testimonio roborata fides est; quam nec Lutherus simpliciter negare voluit, cuius hæc parte 2. articulo 2. Smalkaldico est professio: *Et si Angeli in celo pro nobis orent (sicut ipse quoque Christus facit) & Sancti in terris, & fortassis etiam in cælis, &c.* nec miraberis assensum titubantem in Luthero, qui toties etiam indubie asserta immutauit.

§ 3. Cœlitum apparitiones referunt probatissimæ historiæ. Apparuisse S. Gregorio Thaumaturgo Deiparam & Euangelistam Ioannem scribit S. Gregorius Nyssenus, Magni Basilij frater. *Dum parentes B. Agnetis assiduis pernoctationibus vigilarent, ad tumultum eius vident in medio noctis silentio exercitum Virginum, quæ omnes auro textis cycladiis induta cum ingenti lumine præteribant, inter quas vident Beatissimam Agnetem simili veste fulgentem, & ad dexteram eius agnum nunc candidiorem, hæc S. Ambro. ser. de S. Agnete. Et S. Augustinus, cap. 16. de cura pro mortuis. Non solum beneficiorum effectibus, verum etiam ipsis hominum affectibus confessorem apparuisse Felicem, cum à Barbaris Nola oppugnaretur, audiuius non incertis rumoribus, sed testibus certis.*

§ 4. Certissimos quoque de miraculis habemus testes, do ex utraque Orientali & Occidentali Ecclesia Patres clarissimos, S. Gregorius Nazian. orat. i. in Iulianum: *Nec magnos pugiles extimuisi Ispannem illum, Petrum, Paulum, Iacobum, Stephanum, quibus præclari honores & festa constituta sunt, à quibus Demones propelluntur, & morbi curantur, quorum vel sola corpora idem possunt, quod anima sancta, siue tangantur, siue honorentur; quorum vel sola sanguinis gutta aut exigua passionis signa idem possunt quod corpora.* S. Chrysostomus orat. cont. Gent. *Ea est sanctorum potestas, ut illorum superstitum Demones ne umbras quidem aut velles, vita autem functorum & locu-*

*los*



*los quoque reformident. Et S. Ambrosius in inuentione corporum SS. Geruasij & Protasij gesta describens. l. 10. ep. 85. Cognouistis, imo vidistis ipsi multos à Daemonijs purgatos, plurimos etiam ubi vestem Sanctorum manibus contigerunt, ijs quibus laborabant debilitatibus absolutos. Umbra quadam Sanctorum plerosq. sanatos cernitis. Quanta oraria iactantur, quanta indumenta super Reliquias sacratissimas, ut tactu ipso medicabilia reposcantur. S. Augustinus lib. 22. de ciui. Dei, cap. 8. Si miracula sanitatum ea tantummodo velim scribere, quæ PER hunc Martyrem gloriosissimum Stephanum facta sunt in Colonia Chalcamensi, & in nostra, plurimi conscribendi sunt libri.*

## Caput V. Vtrum Sanctorum inuocatio sit contra, vel præter Scripturam.

**S**cripturis consentaneam esse cap. 1. ostensum est; contra hic stolidissime pugnat Prædicans; primum telum quo aciem perumpat, est; *Dominum Deum adorabis, & illi soli serues.* Matth. 4. Ergo nulus amplius recognoscat Dominum alium præter Deum. quis non videt interdici, ne seruitus Deo propria creaturæ communicetur? idem dico de adoratione quam latrâ vocamus, & soli Deo conuenit; inferior vero, qua Sancti in cœlis vel in terris adhuc versantes adorantur, tantum abest vt soli Deo conueniat, vt non nisi blasphemæ ei tribuatur. An solus Deus sic inuocandus est: Pater Domini Iesu Christi ora pro me apud Deum? Adoratio est quædam honoratio; *Soli Deo honor*, inquit Apostolus 1. Tim. 1. ergone tollendæ erunt ceteræ Scripturæ? *Honora patrem:* Exo. 20. *personam feris*, Leui. 19, *nimis honorificati sunt amici tui Deus*, psal. 138. Soli Deo adoratio & honor Diuinus; inferior ceteris.

N 3

§ 2. Aequè

§ 2. *Æque imbellè est alterum telum: Non habebis Deos alienos coram me.* Exo. 20. meminèris ibidem scriptum; *Non loqueris contra proximum tuum falsum testimonium.* Sed quid immoror, retulisse tua argumenta est refellisse: tertium, *Inuoca me in die tribulationis.* psal. 49. quartum, *Maledictus homo, qui confidit in homine,* Ierc. 17. quintum, *quomodo inuocabunt, in quem non crediderunt?* Rom. 10. sextum, *omne, quod non est ex fide, peccatum est,* Rom. 14. septimum, Angeli non sunt inuocandi, Apoca. 19. & 22. octauum, qui non est omnipotens, omniscius, cardiognostes, ubiq; præsens, non est inuocandus. nonum, nullus sanctus eiusmodi honores expetiuit; decimum, Christus est adorandus, psal. 64. vndecimum, vnus est Mediator; duodecimum, Christus dicit; *venite ad me,* Matth. 11. O Scripturas; quin versuras, imposturas! quis tam plumbeus est, vt non aduertat hæc aut præstigias, & Scripturarum adulteria esse, vel eam etiam inuocationem, qua in terris viuentium exposcimus preces fore à Deo apostasiam? *Obsecro vós fratres, vt adiunctis me in orationibus pro me ad Dominum;* Rom. 15. Apostolo obgarni; cur fratres, vt pro te orent, inuocas, obsecras? *inuoca me; venite ad me,* dicit Dominus; quomodo inuocas fratres, in quos non credis? cur eos mediatores adhibes? an confidis in hominibus? nec Angelos licet nobiscum versentur, & nostras necessitates melius norint quam homines, inuocate potes, nedum mortales; qui non sunt omnipotentes, ubique, &c tandem cur eos aduocatos tuos apud Deum constituis; qui hunc à te honorem nunquam expetuerunt? Hostu contra Apostolum irritus ciēs; imo contra Deum, qui Iobi amicis imperat: *Ite ad seruum meum Iob; Iob seruus meus orabit pro vobis.* Iob 42.

§ 3. Præterea, cura ne Michaël Schäfer, Daniel Schröthlin, & alij qui tuo volumini se subscripserunt Magistros, posthac

posthac tam grauitè contra apertam Scripturam delinquant; *Nec vocemini Magistri, quia Magister vester vnus est, Christus*, Matth. 23. quandoquidem nullum, quantumuis inferioris ordinis Mediatorem agnoscis, eo quod legas *vnus est mediator Dei & hominum homo Christus Iesus*, 1. Tim. 2. citas Scripturas plane vt diabolus, Matth. 4. *scriptum est enim: Quia Angelis suis mandauit de te*: omittit sequentia, vt *custodiant te in omnibus vijs tuis*: quia hæc diaboli argumentum euerrebant: via enim hominis non sunt, vt per ærem in terras deuolet. Qua ratione Christus solus sit mediator statim explicat Apostolus, *qui dedit redemptionem semetipsum pro omnibus*; humiliore mediationis genere Moysen mediatorem ipse scribit, Galat. 3. quare tu perfectus, haud medius impostor es.

§ 4. Adoratio, quam S. Ioannes Angelo deferre voluit, vel ideo ab Angelo non recepta est; quod fuerit lattrica seu Diuina; vel, quod longe verosimilius est, ex submissione seu humillitate eam repudiauit Angelus, sicut quidam nolunt audire Gratosi, & apud Deum gratiam esse respondent; quamuis tali titulo digni & sine offensione Dei honorentur; vt intelligunt S. Gregorius, S. Anselmus & alij; quod optimum nobis argumentum præbet. prior vero expositio nihil contra nos habet: Ioannes enim maiestatem eius qui apparebat considerans, Deum esse opinabatur; ac proinde Diuinum ei cultum exhibiturus fuisset, ni Angelus se manifestasset: cuiusmodi cultum nec nos Angelis, alijsue sanctis deferimus.

§ 5. Antequam hoc caput finiam certior à te fieri cupio, an teneas Samuelem astitisse asinis Cis, quando eas inuentas cognouit; eumque fuisse Deum cardiognostam, cum quæ Saul in corde gerebat, Deo reuelante sciuit, 1. Reg 9. quam absurdus es! Solus Deus sua virtute corda rimatur;

ipsius dono alij etiam secretissima cognoscunt : item remotissima, à quibus longissime absunt. Cur negas intellectualibus oculis, quod carnalibus concedis? cælos & sidera intueris, arribres? & sanctos vis non posse cognoscere ad se emissæ cordis suspiria, nisi in corde resideant. Vbi quistarum ea sint insomnia.

### Caput VI. An vera sint nostrorum ad prædictas obiectiones responsa.



Vce clariora. nec eam obnubilant vapores ex male sano cerebro exhalantes: cuiusmodi sunt, adorationem & invocationem in Scriptura eundem sensum habere; cultum Religiosum non rectè diuidi in latriam & dulia. Atqui inuocatio corde aut verbis fit; adoratio flexo genu alioque reuerentiæ signo; quæ interdum non semper concurrunt. De latria & dulia parces nobis si te præterito S. Augustinum lib. 10. de ciuitate Dei, cap. 1. audiamus : *Latria secundum consuetudinem, qua locuti sunt, qui nobis diuina eloquia condiderunt, aut semper, aut tam frequenter, ut pene semper, ea dicitur seruitus qua pertinet ad colendum DEVM. Sed ea seruitus, qua debetur hominibus, secundum quam præcipit Apostolus seruos Dominis suis subditos esse debere, alio nomine græcè (Dulia) nominari solet.*

§ 2. Non solum Deum, sed etiam homines adorari licite, si adoratio non presse, & pro sola latria, ut nos loquimur, seu Diuino cultu sumatur, fateri te folio 195. compellunt Scripturæ : Iacob adorat fratrem Esau. Gen. 33. Dauid Saulem 1. Regum 24. Dauidem Nathan propheta, 3. Reg. 1. ex quo claret, si quis Patrum solum Deum adorandum prædicet; cum non de omni, sed strictius accepta adora-

adoratione intelligendum esse. Ais politicam adorationem hominum sine controuersia admitti, religiosam soli Deo tribui; Principem mortalem admittis adorari posse, aut factorem aliquem consulem; sed Cornelius sine crimine non poterat adorare S. Petrum Apostolorum principem, folio 191. & Angelum adorare nefas est; folio 190. 196. 251. At Iosue adorauit Angelum, Iosue 5. Dei filium contendis adorasse. Non Dominum, sed principem exercitus Domini, se esse dixerat Angelus; hunc adorauit Iosue.

## Caput VII. An Sanctis tribuatur Diuinus cultus.



**Q**uoties id inculcas à nobis fieri; toties impiū sycophantam agis. *Negare, inquis, non possunt se colere 14. non tantum intercessores, sed in necessitatibus adiutores. Ridicule, quasi oratione non inuemus alios; adiuuetis me in orationibus. Rom. 15. nec Diuinitatis rapinam arbitratus est S. Paulus se aliosq; Apostolos appellans Dei adiutores, 1. Cor. 3.*

§ 2. Rides, & nimis vncis naribus indulges, quod ad quædam impetranda præ ceteris vnus vel alter frequentius inuocentur; ab incarceratis S. Leonardus; pro auerrenda pestilentia SS. Sebastianus & Rochus; ad medendum dentium dolori S. Apollonia. Quia sæpius aliquorum experti sumus opem, ad eos sæpius redimus; cur autem Deus ad horum potius, quam aliorum inuocationem vota nostra exaudiat, non scrutamur, ne à maiestate opprimamur. *Vbiq; DEVS est, & nullo continetur vel includitur loco, verumtamen ad ista quæ hominibus visibiliter nota sunt, quis potest*

potest eius consilium perscrutari, quare in alijs locis hæc miracula fiant, in alijs non fiant? nam & nos nouimus Mediolani apud Memoriam Sanctorum, ubi mirabiliter & terribiliter Demones confitentur, furem quendam, qui ad eum locum venerat, ut falsum iurando deciperet, compulsum fuisse confiteri furtum, & quod abstulerat reddere. Numquid non & Africa Sanctorum Martyrum corporibus plena est, & tamen nusquam hic scimus fieri talia? Hæc S. Augustinus epist. 137.

### Caput VIII. Vtrum soli Sancti inuocentur.



Vi olim vixerint non ex Prædicantibus recens exclusis discemus; sed potius ex veteribus Patribus & Historiographis, atque per tot secula continuata traditione. Et licet in quorundam actibus legantur quædam apocrypha; non ideo tamen etiam probata & toto passim orbe commendata reiicienda sunt. Non desunt de Christo eiusque matre scriptæ fabulæ; sed ijs relictis tenemus, quæ Scriptura aut sacra traditio docet.

§ 2. Fol. 205. Iesuitarum Sanctum vocas eum, qui Henricum III. Gallia regem interfecit. Sed is nec Iesuita fuit, ut tua verba multi, te non inuito, accipient; nec ab Iesuitis vnquam pro Sancto declaratus; *Parisis fertur*, ais, *publice ab Iesuita laudatus*, ut qui alto inter Angelos loco confideat; sed iam supra monui eum dicis, *es solus* / mendacij graue indicium esse. Similiter Symysta tuus Lucas Osiander in historia Ecclesiastica, folio 1105. procaciter calumniatur iuuenem, qui Anno 1594. Henrico IV. necem intentauit, fuisse Iesuitarum alumnum; & in margine: *Iesuita Regem Gallia Henricum IV. occidere conatus est.* Te ex Galliis spiritus mendax

mendax transportat in Angliam, in qua beatum Christi martyrem Edmundum Campianum ob malefacta iusto affectum esse supplicio, impudentissime mentiris, cur non edidisti crimen, si cuius reum nosti? Sed quid mirum vos mentiri de rebus in Anglia aut Gallia gestis; qui hoc ipso anno Iesuitas aliquot ob interfecit, cum qua peccarant puellam seuerissimas publice pœnas Monachij dedisse prodigiose, expressis puellæ eiusq; parentis nominibus, commenti estis, idque in quatuor ciuitatibus Lauingæ, Stugardiæ, Lipsiæ, & Augustæ, ementita Augustanæ vrbis epigraphæ, typis euulgastis. Vbi ante hoc nouum Euangelium tanta vnquam audita est criminandi impotentia? cuius Prædicantes vel incentores, vel fautores sunt; in quos veterum Hæreticorum Genij immigrarunt; de quibus S. Hieronymus lib. 3. in Rufinum cap. 11. *Ista machina Hæreticorum, id est magistrorum tuorum sunt, ut conuelli de perfidia ad maledicta se conferant. Sic Eustathius Antiochenus Episcopus filios, dum nescit, inuenit. Sic Athanasius Alexandria vrbis Pontifex tertiam Arsenij amputauit manum; duas enim, qui mortuus prius fingebatur, videns postea habere monstratus est. Talia & condiscipuli tui & magistri, nunc de eiusdem Ecclesia sacerdote, quin de tanto sacerdotum numero confingunt.*

## ARTICVLVS DVODECIMVS.

*De salutatione & psalterio B. Mariæ  
Virginis.*



Enena quo latentius ministrantur, eo diffunduntur latius. In capitali odio serpenti antiquo est Virgo, quæ caput eius conterit, Gen. 3.

& sicut prima omnium mater mortem, ita secunda hæc Eva vitam hominibus attulit; ex cuius visceribus Iesus Christus Saluator noster carnem sumere voluit; apud quem etiam inexplicabile quot quantaque humano generi sua intercessione beneficia impetrarit, atque etiamnum impetret. Nec enim quicquam matri negat filius, quam tam dulciter diligit, & à qua ineffabiliter diligitur. Hoc ferat generis nostri hostis? imo furit; sed compressa non nihil rabie, amici specie insidiatur Virginis calcaneo. Benedictam, & laudibus concelebrandam prædicant Deiparam stygij satellites; in cuius venerationem & religiosam obseruantiam quibus possunt artibus odium struunt; Mariam astiges eo perniciosiores, quo rectiores.

§ 2. Ave, gratia plena, salutauit Dei genitricem tot seculis orbis Christianus; & vocem *αχαιρωμιν* hanc vna habere agnouerunt antiquissimi & Græcæ linguæ peritissimi Patres S. Ambrosius in Lucam, S. Hieronymus epist. 22. cap. 16. & alij; nec apud vllum sanctorum Doctorum inueneris, Ave gratiosa, vt speciosi isti nouatores reddunt. *Solus Christus*, inquis folio 268. *in scriptura dicitur plenus gratia, actiue*, quid est actiue? dolum pallias. Vis, solum Christum esse fontem gratiæ, quam ipse singulis prout vult diuidat? & hoc sensu nemo Catholicus Virginem gratia plenam salutari an negas vllum hominem ex Christi plenitudine tam copiosam recipere gratiam, vt plenus gratia, quam intra se habeat, dici queat? aduertis vocem Plenus non imputatiuam tantum, sed inharentem designare sanctitatem: quomodo enim plenum aqua dicatur vas, nisi quia aquam in se continet? Plena omnino Beatissima Virgo est Diuinæ gratiæ fluminis; quam secundum filium suum habet abundantissimam: si ministro suo Christus Datus, non solum datam reputat ceu fingit, gratiæ aquam,

quæ



quæ In Eo fit fons saliens in vitam æternam, Ioan. 4. quomodo non vberes profuderit fontes in Virginem, ex cuius sanguine prognatus, cuius vberibus nutritus est: si seruis à Scriptura commendatur Spiritu sancto plenus Acto. 7. cur plenam prædicare matrem Domini dubitabimus; & quis nisi maligno Spiritu plenus ei hanc nominis prærogatiuam, tanto seculorum tractu præscriptam obrogauerit?

§ 3. Dei matrem salutarunt & inuocarunt quotquot Christum nouerunt Gentes; eo deuotius, quo quisque vixit sanctius. id improbat improbus Prædicans, folio 209. *quia non videmus illam, nec illanos.* Nec Deum vides, quem tamen semel saltem in anno, ni fallar, adoras. At non nouit illa nos? Prædicantes non nouerit tam fatuos; sicut nec filius Virginis nouit mulieres fatuas, Matth. 23. Si de deuote implorantibus Virginis subsidium loquamur; quod de S. Cassiano cecinit Christianus poëta Prudentius, ad gloriosam Dominam nostram accommodo.

Audit crede preces Virgo sanctissima cunctas,  
Ratasque reddit, quas videt probabiles.

§ 4. Mariam virginem corpore & anima in cælum assumptam semper in Ecclesia pie plures tenuerunt: dubitauerint aliqui, cur vitio datur Ecclesiæ, quod melius sentientium partem veteri multorum traditione firmatam, & rationi ipsi, ac tantis filij in matrem amoribus adeo consentaneam receperit; tametsi eam sub anathemate credendam non proposuerit? Tu folio 213. seruis concessum indubie asseris, quod matri negas. Eliam & Enoch corpore & animo in cælis viuere nihil ambigis, quod apud sanctos Patres non solum dubium, sed aperte à plerisque negatum, atque etiam falsum est. Non omnino certum est, an qui Matth. 27. scribuntur resurrexisse, assumpto

solum ad tempus corpore apparuerint, vel iam corporis quoque æternam gloriam adepti sint; hoc negat S. Chrysostomus hom. 39. in 1. ad Corinth. & alij quidam; tu indubie asseris. Vnde quæso de ceteris tam facile id credis, & Virgini quæ alios tot paraſangis poſt ſe relinquit tam durus es?

§ 5. Fugiendum erit: nam ſcœnum in cornu habet Prædicans, irruit in pſalterium, quod ad Virginem accommodauit S. Bonauentura; idque ſupra omnem modum horrendum eſſe exclamat, & Bonauentura audit Maſeuentura. Tam de Bonauenturæ viri ſanctiſſimi pſalterio, quam de alijs Eccleſiæ precibus breue reſponſum habes: eadem interdum Deo ac ſanctis vocabula aut elogia tribui, ſed diſpari ſenſu. An non Reges dicuntur potentiſſimi, magni, &c: ſed infinite digniori modo canit B. David; *Magnus eſt Dominus*; pſal. 47. & *Dominus fortis, & potens*. pſal. 23. dixerit nescio quis, Domina noſtra omnipotens; cur non in filio poſſit omnia mater, quod in Domino ſe poſſe confidunt ſamuli? *omnia poſſum in eo, qui me confortat*. ad Philip. 3. Poëtica quidam licentia Virginem in carmine appellat Deam, horrendum facinus! cuius reus quoque eſt Regius pſalter; *Deus ſtetit in Synagoga Deorum: in medio autem Deos diiudicat: ego dixi, Diſ eſtis*. pſal. 81. Rectiſſime illud S. Hilarij ad Conſtantium Imp. uſurpamus; *ſenſus, non ſermo crimen eſt*. Quid ſacra reſero? ſine crimine ſic amicas anſcorta appellitare fas eſt Neoeuangelicis; è quorum grege vnus: At pia, quo miſeros conſolaretur amores,

Porrexit facilem comoda Diua manu.

Si tetigit & flamma fui. Quid fiet ab ira:

Sic de Clementi ſtant mala tanta Dea?

Ad pellices & lupas vos adhinnite; nos caſtiſſimo amore ad Virginem ſueclamabimus; ô clemens, ô pia, ô dulcis Virgo Maria.

§ 6. Cul-

§ 6. Cultus quem Virgini deferimus Hyperdulia dicitur; non capit Prædicans, quomodo latruiam à dulia; vel ab hac Hyperduliam discernamus *cordene, an manibus, oculis, pedibus, genibus*, folio 219. quare non ocreis & calcaribus? quomodo te ab asino discernemus, qui eiusmodi ruditus edis; & vel rudimenta seu principia rationis non intelligis? quid notius, quam verba, & gestus, actusque nostros imprimis ab animo & affectu operantis pendere? Alloquitur quis virum nobilem, cui nullatenus subest; aut proprium principem, aut Deum; cui libet dicere, Domine, eadem voce disparatissimum honorem exhibet; in primo proficitur excellentiam quandam nobilitatis, alteri se submittit tanquam proprius illius subditus; Deo ut supremo omnium rerum Domino se subijcit; qui latruiæ cultus est; priores duo ad dulam ciuilem pertinent; in quibus tamen alter eminentior est priori; & eatenus quædam hyperdulia. Simili modo eisdem verbis ad Deum, Deiparam, alium cœlitum directis, minime parem eis honorem habeo; sed Deo supremum, & diuinum, cœlitibus infinita parte inferiorem; hoc aliquanto maiorem Christi matri, tanquam Dominæ & Reginae nostræ; qui honor vera; sed excellentior quædam dulia est, & eleganter hyperdulia appellatur.

§ 7. Hyperdulam porro hyperbolicus Prædicans folio 193. insulse vertit, *dem übermehligen dienst*, *supra modum*, seu, *redundantem cultum*. ut asinus ad lyram, sic vos ad sacras & Ecclesiasticas voces; cuius inscitia addo alterum è pluribus exemplum: folio 189. præter Scripturam, *aufferhalb der Schrifft*, tu insipide & infidiosè reddis, *über die Schrifft*, *supra Scripturam*: quare non infra potius, vel ad latus? ferula dignus es. Par tibi inscitia est Lucas Osiander, qui in historia sua Ecclesiastica, folio 1141. Agnum Dei vocat  
O 4
hostiam

hostiam consecratam: Cum Tyberis Roma magnocum incommodo urbs exundaret, Pontifex Romanus Monsorium Sacrifarium ablegauit, ut dictis aliquot precibus praescriptis consecratam peculiaribus ceremonijs hostiam (Agnum Dei dictam) in Tyberim projiceret. Et in margine: Papa iubet hostiam consecratam in Tyberim projicere. Hostia est sacrificij materia: proprium vero nouae legis sacrificium est vnicum, in quo corpus & sanguis Christi offeruntur; ceream Agni Dei iconem nemo sacrificat, adeoque nec hostia est. Si tam blitei sunt Doctores Lutherani, quid de cetera Praedicantium turba tenebimus?

§ 8. Nefanda res tibi videtur folio 22. quod Salue Regina, aliasque preces in prima veteri Catholica Ecclesia non auditas usurpemus; sed quas Lutherus, aut Haberman male consuit; haud dubie Corinthi, vel Thessalonicae Apostolorum tempore in usu fuerunt. Quotidie vos inaudita in caelites conuitia & blasphemias inuenitis, & nobis in eis honorandis non liceat quicquam meditari. Aemulamur sanctos vere Catholicos Patres, qui nobis sermones & preces affectu & pietate in Virginein plenissimas reliquerunt. Libet referre vnum, cuius sanctitas toto orbe celebrata; cuius scripta in Orientalibus Ecclesijs publice tanquam hagiographa lectitata sunt; S. Ephraem dico, qui 1200. abhinc annis Dei matrem sic inuocauit: *Inuiolata, integraplanēq. pura ac casta Virgo DE Igenitrix Maria, Regina omnium, spes desperantium, domina nostra gloriosissima, eademq. optima ac praeclentissima; sublimior caelitis, candidior solis radijs atque fulgoribus, honoratior Cherubim, & multis oculis claris spiritibus perspicacior, sanctior Seraphim, & incomparabiliter reliquis omnibus supernis exercitibus gloriosior. Unica spes Patrum, gloria Prophetarum, praconium Apostolorum, honor Martyrum, latitudo Sanctorum. Non nobis est alia quam in te fiducia. O Virgo*

*Virgo sincerissima. Ex vlnis siquidem maternis tibi, Domina nostra, dediti sumus miseri tuig, clientes appellati. Ne igitur à maligno Satana ad inferni portas abduci nos sinas. Tu enim noster es portus ò Virgo intemerata, & præses, pia auxiliatrix. Sub tua denique tutela & protectione toti sumus. Quare ad te unicam confugimus, crebrisq, te lacrimis, ò beatissima mater, imploramus, tibiq, procidimus; suppliciter clamantes ac deprecantes, ne dulcis filius tuus, Saluator noster & omnium vita dator, ob plurima quæ commisimus scelera è medio nos tollat; miserabilesq, animas nostras instar leonis diripiat, aut sicut ficum sterilem nos excadat. Reple deinceps os meum gratia dulcedinis tuæ ò Domina: & illumina mihi mentem ò gratia plena. Moue linguam meam & tabia ad laudes tibi alacriter letosq, animo decantandas: & præsertim dulce illud melos Angelicum longè celebratissimum: quod Angelus Gabriel in Nazareth, seruili habitu ad te Virginem Matremq, DEI mei integerrimam clamans cecinit: Salutationem inquam, maximè congruentem atque decontem & dignissimam mundi salutem, cunctarumq, animarum medelam atque tutelam. Dignare me seruum tuum humilem laudare te, Virgo sacra, ac suauiter dicere. Ave præclarum & electum Vas Dei. Ave domina Maria gratia plena. Ave inter mulieres Virgo beatissima. Ave stella lucidissima ex qua Christus processit. Ave lux splendidissima Mater & Virgo. Ave qua admirabilem Regem omnium peperisti. Ave Regina ac Domina cunctis sublimior. Ave canticum Cherubim ac Seraphim, & hymnodia Angelorum. Ave pax, gaudium, consolatio & salus mundi. Ave humani generis latitia. Hos spargere volui odores, ne olfaciamus Prædicanticos fœtores.*

*De veneratione imaginum sacrarum, votis,  
peregrinationibus, & Reliquia-  
rum cultu.**Caput I. De votis in Sanctorum ho-  
norem editis.*

Vo longius progredieris, eo amplius stultescis. toto capite impugnas eos, qui ipsis imaginibus vota faciunt: nos non ligno & lapidi, sed Deo Deiq; amicis vota nostra edimus, reddenda hoc vel illo loco sacro, sicut promissimus. Quem veterem Christianorū morē esse testatur Eusebius l. 13. de præparat. Euang. cap. 7. De magno & Catholico Imperatore Theodosio refert Socrates lib. 7. cap. 46. *Eudociam coniugem Hierosolymam misit. Quippe pollicitus erat illam hoc votum persoluturam, si filiam in matrimonio collocatam cerneret. Quin illa ipsa & Ecclesias Hierosolymorum & omnes alias in urbibus versus Orientem sitas, tum eo proficiscendo, tum domum redeundo varijs ornamentis honorifice illustrauit. Optime B. Theodoretus lib. 8. de curati. Græcarum affectio. Martyrum templa conspicua cernuntur magnitudineq; præstantia, omni præterea ornatus genere variata, splendoremq; quodammodo pulchritudinis sua late fundentia. Neque vero hac per annum semel, aut bis, aut quinquies aduentamus, sed in eis sepe numero dies festos peragimus: sepe diebus singulis eorum Martyrum Domino laudes hymnosq; cantamus. Quique homines prospera sunt valetudine, conseruari eam sibi MARTYRIBVS petunt: qui vero egritudinem aliquam patiuntur, sanitatem exposcunt. Insuper & steriles viri & mulieres dari sibi filios*

filios petunt, qui vero parentes sunt, integra sibi & propria custodiri, quæ consecuti sunt dona. Item qui peregre aliquo profisciscuntur, petunt Martyres sibi comites esse in via, vel potius itineris duces; qui vero iam sospites redierunt, gratias agunt, acceptum beneficium consistentes. Non qui se ad DEO accedere arbitrentur, sed qui orent DEI Martyres tanquam divinos homines, INTERCESSORESQUE sibi eos apud Deum advoceat ac precensur. PII vero fideliterq; precatos eos maxime consequi quæ desiderant, testantur illa quæ votorum rei dona persolvunt, manifesta nimirum adepta sanitatis indicia. Nam alij quidem oculorum, alij vero pedum, alij porro manuum simulacra suspendunt argento auroq; confecta. Gratiissime namque accipit eorum dominus, qualiacumq; sunt dona, nec exigua nec vilia dedignatur, quippe quæ ea pro ferentis facultate metitur. Hæc itaque omnium spectaculo exporrecta, testantur morborum depulsionem, cuius ipsa certissima signa sunt, a sanitatē consecutis allata: hæc inquam, sepulcrorum ibi Martyrum quæ sit virtus ostendant. Ex Occidentali Ecclesia testis prodeat S. Augustinus, qui epist. 137. refert quid duobus inter se litigantibus suaserit: Elegi aliquid medium, ut certo placito se ambo constringerent, ad locum sanctum se peregrinatuos, ubi terribiliora opera DEI non sanam cuiusq; conscientiam multo facilius aperirent, & ad confessionem vel pœna vel timore compellerent. Vbiq; quidem DEVS est, & nullo continetur vel concluditur loco, qui condidit omnia, & cum à veris adoratoribus in spiritu & veritate oportet adorari, ut in occulto exaudiens, in occulto etiam iustificet & coronet. Veruntamen ad ista quæ hominibus visibiliter nota sunt, quis potest eius consilium perscrutari, quare in alijs locis hæc miracula fiant, in alijs non fiant?

## Caput II. De Peregrinationibus.

**I**N veteri lege ter Hierosolymam adire debuerant Iudæi, Deut. 6. quo Christus ipse & beatissima eius mater peregrinati sunt. Lucæ 2. Sub lege Euangelica ad loca Religiosiora insigni pietate adire consueverunt semper Christianis ut testificentur veteres Patres; S. Chrysostomus in psal. 115. *contemplare ciuitates ad martyrum sepulchra concurrentes.* & hom. 26. in 2. Corinth. *Ad sepulchra Apostolorum magnus concursus.* Nec vnquam ab illo sanctorum Patrum hic Christianorum mos reprehensus tanquam sacris litteris contrarius, sed mirifice potius commendatus est. Sanctas Maraniam & Cyram laudat B. Theodoretus cap. 29. historię SS. Patrum; *Cum aliquando desiderassent salutarium Christi passionum sancta loca contemplari, venerunt Eliam, cum in via nihil cibi sumpsisset, Sed postquam in illam urbem venerunt & adorationem impleuerunt, cibum sumpserunt, & reuersa sunt rursus à ieiuniis confecto itinere.* Est autem iter non pauciorum quam viginti dierum. Quin etiam cum vicloris insignis Thecla cupissent videre eadem, quę est in Isauria, ut dilectionis in Deum flammam undique accenderent, sic profecta sunt & reuersa sunt ieiuna. Tantum eas diuinum amatorium fecit diuino quodam furore debacchari, Ecce Patres, & Ecclesiarum praxin.

§ 2. Ex omnibus vnum profert Hieronymum, de quo scribis; *cum in peregrinationibus magis magisque cresceret supersticio, S. Hieronymus, iametsi ipsemet in terram sanctam profectus esset, valide & bonis argumentis se opposuit.* an argumentis improbat, quod opere probat? absit, sed ne ideo sanctior haberetur, quia in terra sancta habitaret; & ut Paulinus Monachus desiderium viuendi in vrbe populosissima ne

conci-



conciiperet, nonnulla contra Hierosolymam ciuitatem; quæ tu affers, scribit epistola 13. peregrinandi consuetudinem minime reprehendit, quam à clero populoq; Christiano receptam commendat; quare cum Paulino urbem dissuaderet, subdit: *Quod loquor, non de Episcopis, non de presbyteris, non de clericis loquor, quorum aliud officium est, sed de monacho. De toto huc orbe concurritur, plena est ciuitas uniuersi generis hominum, & tanta utriusq; sexus constipatio, ut quod alibi ex parte fugiebas hic totum sustinere cogaris. Quæ consequentia? suadetur vita solitariam professo, ut populi turbas vitet; ergo validis argumentis conuelliur ad loca sancta peregrinatio; & ab eo, qui relicto Occidente in alterum quasi orbem peregrinatus sacram Christi natiuitatē Bethleemicam speluncam incoluit. Adhuc apertior tua fit impostura. In verbis sancti Doctoris cur foueam facis? cur hæc ad rem valde pertinentia transuolas? Neque vero hæc dicens memetipsum inconstantia redarguo, damnoq; quod facio; ut frustra videar, ad exemplum Abraham; & meos, & patriam reliquisse. His priora & posteriora ad longum describis; media nequiter dissimulas. S. Paulæ in visitandis sacris locis religionem miris laudibus noster Hieronymus commendat, epist. 27. ad Eustechium. *Si sancta*, incipit, *corporis mei membra verteantur in linguas, & omnes artus humana voce resonarent; nihil dignum sanctæ ac venerabilis Paulæ virtutibus dicerem.* cap. 1. *Cuncta loca tanto ardore ac studio circumuiuit, ut nisi ad reliqua festinaret, à primis non posset abduci, prostrataq; ante crucem, quasi pendentem dominum cerneret adorabat. Ingressa sepulcrum resurrectionis osculabatur lapidem, quem ab ostio monumēti amouerat Angelus: & ipsum corporis locum, in quo Dominus iacuerat, quasi sitiens desideratas aquas fidei ore lambebat. Quid ibi lacrimarum, quantum gemituum, quid doloris effuderit, testis est cuncta Hierosolyma, testis est ipse Dominus, quem rogabat.* cap. 3.*

§3. Quæ ex Scripturis contra tam inueteratam Christianorum consuetudinem profers; plane *à proposito & à scopo aliena sunt*. Christus, inquis, prohibuit peregrinationes Matth. 24. *Si quis vobis dixerit; Ecce hic est Christus, aut illic, nolite credere. Si ergo dixerint vobis, ecce in deserto est, nolite exire: ecce in penetralibus, nolite credere*. Hoc Christus cauit, ne ab Ecclesia toto orbe diffusa quis ad Hæreticorum latibula, plane arida, & nulla morum sanctitate irrigua secedat. *Si Christi Ecclesia canonicarum Scripturarum diuinis & certissimis testimonijs in omnibus gentibus designata est, quidquid attulerint, & undecunque recitauerint, qui dicunt; Ecce hic Christus, ecce illic; audiamus potius, si oues eius sumus, vocem Pastoris nostri dicentis; nolite credere*. Illa quippe singula in multis gentibus, ubi ista est, non inueniuntur, hæc autem, quæ ubique est, etiam ubi illa sunt inuenitur. S. Augustinus cap. 3. de unitate Ecclesiæ.

### Caput III. De Imaginibus.



Ibi eadem sunt imago, & idolum. eadem veterum Iconomachorum fuit infamia; in Generali VII. Synodo anathematizata. Christus est imago Dei, 2. Corinth. 4. adeoque Christum adorantes Dei adorant imaginem; tunc Dei filium patris idolum, & filium adorantes vocabis idololatrias? Homo quoque Dei imago est; exceptis Prædicantibus, qui sudes, statuae, & idola sunt: nihil ad nos quæ contra idola garris.

### Caput IV. De oblationibus, & cultu imaginum.

De



**D**E oblationibus sat dictum cap. 1. Scripturæ, quibus idola falforumq; Deorum simulacra ventantur, probatam apud nos imaginum venerationem non conucllunt, sed Gentium eas vt Deos colentium consuetudinem redarguunt. non oportet propter absurdum Gentium morem pium Ecclesia institutum auferre. S. Damascenus orat. 2. de imagi. Apostoli, vt à Christianis Saluatoris imago haberetur, sanxerunt in Antiochena Synodo, quam Magdeburgensibus obiecit aduersus eos scribens Turtianus lib. 1. cap. 25. de tali imagine Apostolum ad Galatas 3. non nemo ex Patribus exponit. Apostoli verba sunt: *ante quorum oculos Iesus Christus præsriptus est*, seu depictus. Eundem Christianorum morem testantur S. Basiliius contra Iulianum, & frater eius S. Gregorius Nyssenus, de laudibus S. Theodori, S. Damasus in Pontifi. de S. Siluestro, S. Paulinus epist. 12. &c. Deus ipse plurimis probauit miraculis, quibus omnibus fidem nemo Christianus abrogarit. Hæretici sunt, qui plus auctoritatis Tacito, Salustio, aut poëtis Virgilio, Silio &c. tribuunt, quam Christianis Doctoribus. Ex basi æneæ statuæ Christi, quam ab eo sanata hæmorrhoißa crexerat, enatam esse herbam omnis generis morbis salutarem referunt Eusebius lib. 7. hist. cap. 14. Sozomenus lib. 5. cap. 20. & alij. Imaginem S. Stephani Vzalensis ciuibus ab Angelo delatam testatur Euodius illorum Episcopus lib. 2. de miraculis S. Stephani, cap. 4. cuius Euodij fidem commendat S. Augustinus ser. 32. & 33. de diuersis, & lib. 22. de ciui. Dei, cap. 8.

§ 2. Crucis signum seu imaginem terribilem esse demonibus apud SS. Patres testatissimum est. Nam sicut ipse Christus, ait Lactantius lib. 4. cap. 17. *cum inter homines ageret, vniuersos daemones verbo fugabat*, ita nunc Scclatores eius eos-

*dem spiritus inquinatos de hominibus, & nomine Magistræ sui; & signo passionis excludunt.*

§ 3. Res sacras & veneratione dignas haberi ob relationem quandam ad Deum ex Scripturis perspicuum est. *Locus in quo stas, terra sancta est.* Exo. 3. Scriptura sacra dicitur, non præcise qua attramento consignata est; sed quia Diuina mysteria significat. Atqui & imago rei sacræ frangnum est. Ad nomen Iesu voce prolatum genu flectitur, caput nudatur; eaque reuerentia etiam à Lutheranis exhibetur. Sinaturam vocis absolute consideres, ea imperfectior est ligno aut lapide; nec ad illam, qua sonus quidam in aëre est, deponis pileum, sed eum quem vox significat honoras. eadem omnino est imaginis conditio; quod intelligere incipiunt Calvinistæ, qui vt Christi imaginem, ita & eius sacratissimum nomen nullo dignantur honore. Quod expertus nobilis & clarissimus vir Godefridus à Driel Canonici Iuris Moguntia Professor, qui in thesibus hoc anno, mense Iunio editis scribit: *Vids quoque aliud admirandum Heidelberge anno proximè præterito: nimirum vos Calvinistas ad auditum nomen vestri Principis, capita aperire, dexteram osculari, toto corpore assurgere, rectosque aliquantisper consistere. Et rectè, at ad auditum sanctissimum illud D E I ac Domini nostri nomen, quod est super omne nomen, I E S V S vt truncos, vt Asinos, vt at heos, nulla prorsus exhibita reuerentia, ne politica quidem, confedere.*

§ 4. Hæc illi plane vestris fundamentis nixi. nam si vocem & pictam in tabula imaginem materialiter seu secundum substantiam comparemus; res quædam nobilior est pictura quam vox, si vtraque quatenus Christi v. g. representatiua est conferatur, idem significant; melius & expressius pictura quam vox:

Segnius irritant animos demissa per aures:

Quam

Quam quæ sunt oculis commissæ fidelibus.

pictura quoque omnibus qui Christum norunt Christi memoriam reducit; vox non nisi idioma seu linguam hanc vel illam intelligentibus. Si ergo ad vocis auditum recte honoratur, qui illa designatur, quare non ad imaginis conspectum? Profecto, ut Calvinistæ absurdi sunt honorandæ sui principis, non autem Christi nomen; ita Confessionistæ impie & insipienter Regum & Principum statuas, parentum, coniugum, liberorum imagines venerantur, exoscalantur, vultus fouent; quod si ad honorandam osculo Saluatoris, Deiparæ, S. Petri, &c. imaginem inuitentur; ad spûta & ruëtus, quam basia promptiores sunt.

§ 5. Ais idolorum cultum esse fontem omnium scelerum, folio 242. quid ad nos idola? imaginum vsus ac veneratio omnis honestatis mater est. Vos Venus, adulter Iupiter, aut ex Æsopo pictæ fabulæ exstimulabunt ad virtutem; vires scilicet exsaturandæ libidinis addent. Sacra ad sancta vocant. Casti Polemonis imaginem intuita quondam mulier scortum turpes amores detestari cœpit, ut S. Gregorius Nazianzenus testatur. Et hic insignis sacerarum imaginum fructus est. Incredibile enim, quanta ad bonum aut malum oculorum vis sit; his siquidem percepta & facile animum commouent; ac non facile è memoria exeidunt. Profecto si sacræ abolerentur imagines, à multis Christianis, qui non norunt legere; pauca de rebus sacris audiunt; Christi Saluatoris nostri natiuitas, acta vitæ, passio, mors, resurrectio vix vnquam cogitaretur, vel etiam nesciretur.

§ 6. Ex antiquis Patribus qui ante 1000. & plures annos floruerint, nullos profettere ausus es, præter paucos quosdam Elibertini Concilij, qui pro nobis sunt. prohibe-

Q  
runt

runt enim tantum, ne imagines in templi parietibus depingerentur; ideo forte, ne à Gentilibus, quorum tunc multi, aut defluentibus parietum crustis aliaue ex causa deformarentur: quare adhuc hodie in Hispania, ubi Synodus illa habita est, templa plurima tabulis & statuis sacris instructa, rarè in parietibus picturæ visuntur; sicut restantur, qui ibidem fuerunt. Nam Gentilium aut Hæreticorum furori facile tabula subtrahitur; non autem in pariete hærens pictura. S. Irenæum, & S. Epiphanium ipse aduertis damnare Hæreticos, qui Christi effigiem cum Platonis aliorumq; Philosophorum imaginibus superstitione colebant.

§ 7. Aliqui Imperatores, ais folio 244. vt Philippicus, Leo Isaurus, filius eius Constantinus Copronymus imagines exterminarunt. Monstra hominum erant, spurcissimi, & vel nomen Copronymi fœtet. Vtique non vos primi estis imaginum hostes; odit illas semper odio implacabili diabolus. Ab Auctore quæstionum ad Antiochum, quæst. 39. & in Prælo spiritali Ioannis Moschi, cap. 45. atque in Nicæna II. Oecumenica Synodo refertur apparuisse cuidam dæmonem pollicitum ab eo tentando defuturum, si ille ante B. Virgini imaginem precari desineret. A dæmone persuasus Xenaias, à scelesto Petro Gnaphæoprius Episcopus creatus, quam baptizatus, docuit imagines non esse venerandas, Nicephorus lib. 16. cap. 27. Sed non audierunt eum oues Christi; & sopita iacuit hæresis, donec non prædicatione, sed impijssimorum Imperatorum tyrannide reuiuisceret. Pro imaginibus sunt Constantinus, Theodosius, & alij antiquissimi ac religiosissimi Imperatores; tuus sit Philippicus Monothelita, quem tanquam amicum suo favore ad Imperium peruenisse ex puella arreptitia proclamauit diabolus, diu regnare non permi-

permisit Deus impium; sed post sesquiannum excæcatus in exilium eiectus est, anno Christi DCCXIII. Crudelissimus Leo Isaurus à Iudæis veneficis incitatus contra sacras imagines arma sumpsit. Copronymus insana libidinis, Christum neque Deum, neque ex Virgine natum credebat; moriturus clamabat; vivens adhuc igni sum inextinguibili traditus; & sero nimis Dei Genitricem laudari expetijt. de his Theophanes, Cedrenus, & alij Historici. Attendite, Illustrissimi Principes, cuiusmodi belluarum vos imitatores esse instituant Prædicantes.

§ 8. Tuis Imperatoribus dæmonum ministris minime annumerandus est Carolus Magnus, qui singulari semper amore profecturus est Adrianum Pontificem, à quo anathemate percussi sunt Iconomachi; & pseudëpigraphi sunt libri, à nescio quo Eli. Phili. sub Caroli nomine annis abhinc 58. editi, tamen si Caroli tempore conscripti videntur, & forte alicuius conciliabuli Francofordiensis Acta sint; legitima Francofordiensis Synodus ab Adriano confirmata nihil contra sacras imagines constituit.

## Caput V. Examinantur responsa Romanæ Ecclesiæ.



Anuimus nos ipsas imagines sine relatione ad prototypon colere. Tu etiam in idolis contendis idololatras adorasse verum Deum, quod à te generatim assertum aperte Scripturis aduersatur, psal. 113. Isa. 46. Baruch. 6. Sapient. 13. quidam vero non aurum & lapides, sed diuinos quosdam Spiritus in idolis, quæ eis sacrabantur, tanquam proprijs corporibus assistentes colebant, S. Chrysostomus hom. 20. in 1. Cor.

Q. 2.

S. Augu-

S. Augustinus lib. 8. de ciuitate Dei, cap. 23. nonnulli in idolis dæmones adorabant, Deut. 32. 1. Corinth. 10. aliud mundum, solem, alias mundi partes; aut è defunctis vnum, aliudue Numen idolo simile; qui verum Deum in idolo venerabantur paucissimi, errabant, quia eum corporeum, & ad idoli figuram concipiebant; vel idolo vim quandam ad Dei cognitionem consequendam, aliamue diuiniorum superstitione adscribebant. Lactan. lib. 2. Instit. cap. 2. S. Athanasius orat. contra idola. S. August. in psal. 46. & 113. & per se credibile est, eos quibus ignotum erat SS. Trinitatis mysterium, Deum effigiando facile quid erroris admiscuisse; quibuscum erroribus nihil nobis commune est, § 2. Cultus, quem cruci & imagini Christi exhibemus, latria dicitur, non absoluta, sed respectiua. Hoc Prædicanti videtur inextricabile naufragium. Au qui Regem adorat, cultum disparat, & non vno actu in animam, corpus, purpuram Regis tendit; ita tamen vt Rex per se, purpura cum rege adoretur? Hinc S. Ambrosius lib. 5. hexameron cap. 2. quia purpuras mari debemus; *aquarum est*, inquit, *quod in Regibus adoratur*. Tantum vero abest, vt ea quæ per latram solum coadoramus, pro Deo habeamus, vt hoc ipso cultu testemur non esse Deum, in quem præcipue & absolute, non secundo & respectiue dirigenda est adoratio. Qui ad sceptrum se inclinat, purpuram osculatur, ea tanquam aliquid Regis, seu Regis cultu honorat; quibus tamen Regi propriam Maiestatem minime tribuit. Ceterum vnum esse motum in imaginem & rem significatam agnouit quoque Aristoteles solius naturæ ductu; quod Prædicantes ideo non capiunt, quia fatentur se contra rationem agere, folio 41. tu rides, quod Aristoteles in testem veniat Crucis Christi nescius. facilius ridere potes, quam sapere. si generatim verum est, & ex naturæ  
lumi,



lumine constat nos vno actu in effigiem & rem effigiatam ferri, id verum erit de cuiusque etiam post plura secula nascituri imagine; nam in pronunciato vniuersali comprehenduntur quæuis singularia, licet nec visa, nec audita vnquam fuerint. Sed tædet me hoc docere tam senem puerum.

§ 3. Cardinalis Bellarmini sententia est, imagines sicut in se, & vere habent prototypi similitudinem, ob hanc, & quia Diuino cultui dedicatæ sunt, secundum se vere ac proprie veneratione dignas esse, quam habes conuiuij materiam? sancta religiose tractanda sunt. nemo scyphos aureos aut kimelia in stabulo reponit, sed digniorem eis locum destinat; nec vasa aut alia sacra tanquam prophana habenda sunt. Honoranda esse crucem in qua Christus pependit, clauos quibus suffixus, spinas eius capiti infixas ipsemet fateris folio 255. hæc contactu carnis Dominicæ, alia repræsentatione rei sacre, aut peculiari benedictione constituta sunt sacra; veneranda utraq;.

§ 4. Monet D. Pistorius non tam verba, quam sensum Scripturæ attendendum esse; insultas folio 253. petulanter Ecclesiæ & Deum præcepisse ais vt *strictè & præcise littera seruetur*. ad litteram ergo exequimini illud Matth. 10. *Quod in aure auditis, predicate super tectâ* relictis cathedris domos conscendite. *Nulla vox Diuina*, inquit etiam antiquissimus Tertullianus cap. 9. de præscript. *ita dissoluta est, & diffusa, vt verba tantum defendantur, & ratio verborum non constituatur*, Eleganter S. Hieronymus in cap. 1. epist. ad

Galatas: *Non putemus in verbis Scripturarum esse Evangelium, sed in sensu: non in superficie, sed in medulla; non in sermonum folijs, sed in radice rationis.*

## Caput VI. De Reliquijs.



Curram agis non Theologum. Fuerint aliquæ Reliquiæ fictæ; quædam etiam olim circumferbantur Apostolorum nomine scripta Apocrypha; sicut ob hæc ergo non repudiamus veras Scripturas, ita nec ob illas certæ spernendæ sunt Reliquiæ; quas sacras esse constat; tametsi huius an alterius Sancti cines sint, incertum sit. Nec certas Reliquias, ut à nobis sit, venerandas esse probas folio 258. Gen. 3. *In sudore vultus tui vesceris pane donec reuertaris in terram, de qua sumptus es: quia pulvis es, & in puluerem reuerteris.* Ergo contra Dei ordinationem defunctorum corpora distrahuntur, & inuoluuntur. Quid non sculpsitis ex Scriptura? Tam parum præcepti inest his verbis; quam immediate præcedentibus; *comedes herbam terræ.* Sed præcepto quod fingis adde priore cap. traditam à te regulam; ipsa verba *strictè & præcise* seruanda esse; ac proinde hanc legem præuaricantur; quibus, cum panem edunt, in vultu non decurrit sudor; item præceptum dabitur ipsis mortuis, ut in terram & puluerem dissoluantur; & Dei ordinationi resistunt magistratus, qui fures ac latrones non terræ reddunt, sed volucribus cæli discerpandos exponunt. eidem ordinationi contraibunt Principes, qui suos mortuos balsamo & vnguentis condiunt, & in seros annos à corruptione præseruant: quod & Iacob patri suo præstitit Ioseph Patriarcha. Gen. 50.

§ 2. Ciuili quoque iure ais sancitum esse ne corpora diuidantur. *Nemo Martyres distrahat, aut mercetur.* C. de sacrosanctis Ecclesijs. Mirum, si à Iurisperitis non suprema tibi decernatur laurea; ob tantum legum interpretandi sciendi-

scientiam; distrahere minime est hinc in partes distribueret; sed, vendere. Reliquias ergo vendere & emere prohibuerunt Honorius & Theodosius Impp. quia sacra vendere simonia est. Tunc prius iuris peritus esse velis, quam Grammaticus.

## Caput VII. De cultu Reliquiarum.

**S**anctorum cineres, ossa & Reliquias semper veneratos esse Christianos certissimo constat. Lapidato Protomartyre Stephano Christianorum primitiæ fecerunt planctum magnum super eum. Act. 8. *utique planctus magnus non in plangentium exanimatione, sed in pompa funeris & exequiarum frequentia intelligendus.* S. Hieronymus ep. 25. Quantis honoribus Martyrum Reliquias sub Imperatoribus Gentilibus profecuti sint; patet ex Gentilium persuasionem, qua credebant Martyres adorari tanquam Deos, aut semideos; quam adorationem negant, si qui Reliquias adorandas negant. sed quod ad Sanctorum sepulcra nos prosternamus, eorum intercessionem imploremus, sacra pignora piè exosculemur, & pretiosis thecis asseruemus, nullus Patrum culpatur. Vigilantij ea hæresis est, iam ante 1200. annos vniuersæ Ecclesiæ calculo condemnata; hunc antiquum hæresiarcham tu causæ tuæ patronum laudare non erubuit folio 262. ex Patribus nullum proferri nisi S. Augustinum, S. Hieronymum, S. Cyrillum, & Eusebium. Sed ea ipsa loca quæ citas pro nobis sunt; & alia quæ omittis, te tuosque impietatis apertissime coniungunt.

§ 2. Eusebij verba non mutila, sed integra reddidi art. 11. cap. 3. § 3. S. Cyrillus Alexandrinus lib. 10. contra Iulianum scribit; *Defunctorum reliquias videri quissiam non nudas,*

*& negligenter in terram proiectas; sed bene compositas. Occulta-  
ta enim quodammodo sunt in sinu matris, in profundis terra.  
Quid inferis: Reliquiæ sunt bene in sepulcris compositiæ,  
ergo non sunt venerandæ. Christianorum morem ex eod-  
dem folio apud S. Cyrillum discere poteris; ijs enim ob-  
ijcit Iulianus Apostata: Omnia monumenta implellis, quan-  
quam vobiscum nunquam dictum sit, ADVOLVI sepulcris, & ex  
amplelli (venerari) debere: Quare ADVOLVIMINI sepulcris?  
neque vlllo verbo id fieri negat Cyrillus. Ex S. Augustino  
lib. 1. de ciuitate Dei, cap. 13. refert ista: Non contemnenda  
aut abijcienda sunt corpora defunctorum, maximèq. iustorum atq.  
fidelium, quibus tanquam organis & vasis ad omnia bona opera san-  
ctus vsus est Spiritus, &c. Vnde & antiquorum iustorum funera  
officiosa pietate curata sunt, & exequia celebrata, & sepultura pro-  
nisa: ipsiq. dum viuerent de sepeliendis, vel etiam transferendis suis  
corporibus filijs mandauerunt. Habes duas causas honoran-  
di factos cineres: vna est, quia is honor transit ad ipsos  
Sanctos; quare adhuc superstitibus quid de corporibus suis  
post mortem fieret, cogitarunt; nec de ijs tanquam ad se  
nihil amplius pertinentibus omnè curam abiecerunt. Al-  
tera causa, quia Sanctorum corpora sunt Spiritus sancti  
organa; adde ex Apostolo 1. Cor. 3. & templa; tertia cau-  
sa redditur in verbis, quæ tu media omisisti; quia id debita  
tantis Dei nostrisq. amicis caritas suadet: Si enim paterna  
vestis & annulus, ac si quid huiusmodi, tanto carius est posteris,  
quanto erga parentes maior extitit affectus, nullo modo ipsa sper-  
nenda sunt corpora. Hæc ibi S. Augustinus. Causam quar-  
tam fides & spes resurrectionis suppeditant; quomodo  
enim non exosculer ossa, quæ in æternum cum Christo  
futura credo? Honoro in carne Martyris exceptas pro Christi  
nomine cicatrices, honoro viuientis memoriam perennitate virtutis,  
honoro per confessionem Domini sacros cineres, honoro in cineri-*

bue

bus semita aternitatis, honoro corpus, quod mihi ostendit Domi-  
 num diligere. S. Ambrosius orat. de SS. Nazario & Celso.  
 § 3. S. Hieronymus aduersus Vigilantium scribens ne-  
 gat nos Martyrum Reliquias adorare, diuino scilicet cul-  
 tu; sacram venerationem apertissime testatur: Exortus est  
 subito Vigilantius, seu verius Dormitantiu, qui immundo spiritu  
 pugnet contra Christi spiritum, & Martyrum neget sepulcra vene-  
 randa. Et: Quis enim, ô insauum caput, aliquando Martyres ado-  
 rauit? quis hominem putauit Deum? Audes dicere: illud nescio  
 quid, quod in modico vasculo transferendo colis. quid est illud, ne-  
 scio quid? scire desidero, expone manifestius, ut totalibetate blas-  
 phemes. Putuisculum, inquit, nescio quod in modico vasculo pre-  
 tioso linteamine circumdatum. Dolet Martyrum reliquias pretio-  
 sa operiri velamine, & non vel pannis vel cilicio colligari, vel pro-  
 jecti in sterquilinum, vt solus Vigilantius ebrius & dormiens ado-  
 retur. Ergo sacrilegi sumus quando Apostolorum basilicas ingredi-  
 mur? Sacrilegus fuit Constantinus Imperator, qui sanctas reliquias  
 Andrea, Luca, & Timothei transtulit Constantinopolim, apud  
 quas Demones rugiunt, & inhabitatores Vigilanti illorum sese-  
 nire praesentiam consuevit? Sacrilegus dicendus est, & nunc Au-  
 gustus Arcadius, qui ossa Beati Samuelis longo post tempore de Iudea  
 transtulit in Thraciam? omnes Episcopi non solum sacrilegi, sed &  
 fatui iudicandi, qui rem vilissimam & cineres dissolutos in serico &  
 vase aureo portauerunt? Stulti omnium Ecclesiarum populi, qui oc-  
 currerunt Sanctis reliquijs, & tanta letitia, quasi praesentem viuem-  
 temq; prophetam cernerent, susceperunt; vt de Palestina vsque  
 Chalcedonem iungeretur populorum examina, vt in Christi laudem  
 vna voce resonarent? Idem profitentur S. Hieronymi spiri-  
 tualiter filia Paula & Eustochium, epist. ad Marcellam:  
 Martyrum ubique sepulcra veneramur, & Sanctorum fauillam  
 oculis apponentes, si liceat, etiam ore contingimus.

§ 4. Reliquiarum cultum sibi placere Deus innumerabi-

R

libus

libus miraculis demonstravit. Ipsi tanquam supremæ causæ accepta referuntur, quæ ad sacras tumbas & sanctorum inuocationem impetrantur beneficia: Dei latria est, non *κυριολατρία*, ut tu, nec Grammaticæ Græcæ doctus, criminaris. Horum miraculorum testes maximos Patres attuli art. 11. cap. 4. § 3. quia tu de eisdem egeras; hic in particulari quædam referam; amplissima testimonia non tantum prisca & ad nos usque derivati in colendis sacris lipsanis moris, sed & inuocatorum cœlitum, & aliorum quorundam Catholicorum dogmatum.

§ 5. Ad sepulcra Sanctorum frequentissimum est miraculorum genus, dæmonum ab obsessis expulsio; quam à digito Dei fieri, nec diabolo attribui posse confirmat Christus Lucæ 11. Nunc audiamus S. Chrysostomum, qui & honorem sepulcris habitum, & virtutem fusarum apud illa precum contra tenebrarum principes luculenter testatur hom. 66. ad Antioche. populum. sepulcra Apostolorum & Martyrum longe celebratiora esse ait, quam potentissimorum Imperatorum & Regum: *seruorum crucifixi sepulcra regijs aulis sunt clariora, non magnitudine & adificiorum pulchritudine (nam & in hoc quidem superant) sed quod multo maius est, conuenientium studio. Et hic quidem regnans alicui subiecto præcipit, ut hunc quidem soluat, illum vero liget, sanctorum autem ossa non habent miserabilem & abiectam hanc potestatem, sed illa multo maiorem. Dæmones enim sistunt & torquent, & vinctos ab illis solvunt sanctissimis vinculis. Quid hoc foro magis reuerendum, cum videatur nemo, nemo Dæmonis insitet lateribus, voces sentiuntur & lacerationes, flagella tormentaq; ac lingua ardentes, terribilem illam vim Dæmone non ferente? Et corpus induti incorporeas opprimunt potestates. Et cinis & ossa & sanilla inuisibiles illas potestates dilaniant. Itaque quo regis quidem anlas videat, nullus unquam peregrinatus fueris; multi vero reges ple-*

rumq;

*tumq; huius spectaculi gratia peregrinati sunt. Futuri namq; iudicij vestigia & signa Sanctorum ades exhibent; ubi Dæmones flagellantur, corriguntur homines; & liberantur. Vidisti vel mortuorum hominum virtutem? Eadem S. Ambrosius ser. 93. de SS. Gerualdo & Protasio: Et nunc audistis clamantes Dæmones & confitentes Martyribus, quod pœnas ferre non possint, & dicentes: quid venistis, ut ante tempus nos tam graviter torqueatis? Et Ariani dicunt. Non sunt isti Martyres, nec torquere diabolum possunt; nec aliquem liberare, cum tormenta demonum ipsorum voce probentur, & beneficia Martyrum remedijs cecorum & absolutorum indicijs declarantur. Dicebat diabolus, ut scriptum legimus: Scio te quis sis. Tu es filius DEI vivi. Dicebant Indæ: Nescimus quis sis. Dicebant hodie & superiore die vel nocte Dæmones: scimus quia Martyres estis: Et Ariani dicunt: nescimus, volumus intelligere, volumus credere. Dicunt Dæmones Martyribus: venistis perdere nos; Ariani dicunt: non sunt Dæmonum veræ tormenta, sed ficta & composita ludibria. Audivi multa componi, & nemini unquam fingere ponit, ut demoniacum se esse simularet.*

§ 6. Sunt quos dæmon spiritualiter obsidet; magni scilicet peccatores; & præcipue infideles, atque Hæretici. Sancti vero quorum Reliquiæ pie coluntur, & auxilio sunt ijs, qui in eradicandis infidelitatis zizanij laborant; & non raro errantes in veritatis viam reuocant. Hinc illud implacabile Dæmonum contra cœlites bellum. B. Theodoretus Cyri Episcopus in historia SS. Patrum cap. 21. describens res gestas à Iacobo viro sanctissimo, qui etiam mortuum suscitavit, de se ipse hæc refert. *Execrandus Marcio multas spinas impietatis seminavit in regione urbis Cyri. Eas cum conarer euellere radicibus, omnem laborem subibam, & omnibus machinis assidue utebar. Et noctu venit quidam Dæmon extialis clamans & lingua utens Syriaca. Cur tu bellum geris cum Marcione? cur hanc pugnam aduersus eum suscipis? quamam is te*

inquam affectit molestia? Desine belligerare, desiste à malevolentia; aut disces experientia quantum bonum sit quies. Scias quod te iam pridem confodissem, nisi chorum Martyrum te custodientem vidissem cum Iacobo. Hac ego audiui, & dixi cuidam ex familiaribus, qui prope me dormiebat; audis, inquam, qua dicuntur? Ille vero, omnia audiui, inquit; & cum vellem surgere, & respicere, & scire, quis loqueretur, tua causa quicui, cum te putarem quiescere. Ambo itaque surgentes respeximus, neque ullum qui moneretur vidimus, nec qui loqueretur audiuimus. Illa verba alij quoque, qui nobiscum habitabant, audiuerunt. Intellexi igitur quod Martyrum quidem chorum dicebat lecythum olei Martyrum, qui cum à multis Martyribus collectam haberet benedictionem, pendebat à meo leflo, sub meo autem capite erat magni Iacobi vetus amictus, qui quouis claustro adamantino fuit mihi validior. De infideli ad Christum conuerso mira S. Augustinus lib. 22. de ciuitate, cap. 8. Fuit ibi vir in ordine suo primarius, nomine Martialis, aetate iam grauis, & multum à Religione abhorrens Christiana; Habebat sane fidelem filiam & generum eodem anno baptizatum. Qui cum eum agrotantē multis & magnis precibus & lacrimis rogarent, ut Christianus fieret, prorsus abnuis; eosque à se turbida indignatione remouit. Visum est genero eius, ut iret ad memoriam S. Stephani, & illi pro eo quantum posset oraret, ut DEVS illi daret mentem bonam, qua credere non differret in Christum. Fecit hoc ingenti gemitu & fletu, & sinceriter ardente pietatis affectu. Deinde abscedens aliquid de altari florum, quod occurrit, tulit, eiq; cum iam nox esset, ad caput posuit. Tunc dormitum est; & ecce ante diluculum clamat, ut ad Episcopum curreretur, qui meum forte tunc erat apud Hipponem. Cum ergo audisset eum absentem; Venire Presbyteros postulat. Venerunt, & statim se credere dixit; admirantibus atque gaudentibus omnibus baptizatus est. Hic quam diu vixit, in ore habebat: Christe accipe Spiritum meum; cum hac verba beatissimi Stephani, quando lapidatus est à Iudeis, ultima esse



ma esse nesciret: quæ huic quoque ultima fuerunt. Nam non multo post etiam ipse defunctus est.

§ 7. Ad sanandos corporis morbos, & omnis generis mala auertenda quantum contulerint sacra lipsana infinitum foret enumerare: ab Augustino non abeo, sed ex pluribus, quæ dicto cap. scribit, nonnulla do. *Vir tribunitius Hesperius, qui apud nos est, (cuius domus à dæmonibus infestabatur) acceperat ab amico suo terram Sanctam de Hierosolymis allatam, ubi sepultus Christus die tertio resurrexit, eamque suspenderat in cubiculo suo, ne quid mali etiam ipse pateretur. At ubi domus eius ab illa infestatione purgata est, quid de illa terra fieret cogitabat, quam diutius in cubiculo suo reuerentia causa habere nolebat. Forte accidit ut ego, & collega tunc meus Episcopus Synicensis Ecclesia Maximinus, in proximo essemus, ut veniremus roganit, & venimus. Cùmq; nobis omnia retulisset, etiam hoc petiuit, ut infoderetur alicubi, atque ibi Orationum locus fieret, ubi etiam posset Christiani, ad celebranda quæ Dea sunt, congregari. Non resistimus: factum est. Erat ibi iuuenis paralyticus rusticanus, qui hoc audito, petiuit à parentibus, ut illum ad eum locum non cunctanter afferrent. Quo cum fuisset allatus, oravit, atque inde continuo pedibus suis saluus abscessit. Ad aquas Tibiltanas Episcopo afferente Proiecto RELIQUIAS Martyris gloriosissimi Stephani, ad eius memoriam veniebat magna multitudinis concursus & occurfus. Ibi ceca mulier, ut quæ Episcopum portantem pignora sacra ducetur, oravit: flores quos ferebat deatis: recepit, oculis admouit, protinus vidit. Stupentibus qui aderant præibat exultans, viam carpens, & via ducem ulterius non requirens. Memorati memoriam Martyris, quæ posita est in Castello Synicensi, quod Hipponensi colonia vicinum est, eiusdem loci Lucillus Episcopus populo precedente, atque sequente portabat: fistula, cuius molestia iam diu laborauerat, & familiarissimi sui medici, qui eam secaret, operiebatur manus, illius pia sarcina veneratione repente sanata est: Nam deinceps eam in*

suo corpore non inuenit. Eucharis presbyter ex Hispania, Calama habitans, veteri morbo calculi laborabat, per memoriam supra dicti Martyris, quam Possidius illo aduexit Episcopus, saluus factus est. Idem ipse postea morbo alio praualescente, mortuus sic iacebat, ut ei iam pollices ligarentur, OPITVLATIONE memorati Martyris, cum de memoria eius reportata fuisset, & super iacentis corpus missu ipsius presbyteri tunica, suscitatus est. Audurus, nomen est fundi, ubi Ecclesia est, & in ea memoria Stephani Martyris. Puerum quendam paruulum cum in arca luderet, exorbitantes bones, qui vehiculum trahebant, rota obtriuernunt, & correfectum palpitauit expirans. Hunc mater arreptum ad eandem memoriam posuit, & non solum reuixit, verum etiam illa sus apparuit. Sanctimonialis quaedam in vicina possessione, quae Casspaliana dicitur, cum agritudine laboraret, ac desperaretur, ad eandem memoriam tunica eius allata est, quae antequam reuocaretur, illa defuncta est. Hac tamen tunica operuerunt cadauer eius, & recepto spiritu salua facta est. Apud Hippontem Bassus quidam Syrus, ad memoriam eiusdem Martyris orabat pro aegrotante & periclitante filia, eoque secum vestem eius detulerat: cum ecce pueri de domo cucurrerunt, qui ei mortuam nuntiarent. Sed cum morante illo, ab amicis eius exciperentur, prohibuerunt eos illi dicere, ne per publicum plangeret. Qui cum domum rediisset, iam suorum eiulatibus personantem, & vestem filia quam ferebat super eam proiecisset, reddita est vita. Rursus ibidem apud nos Irenaei cuiusdam collectarii filius agritudine extinctus est: Cumque corpus iaceret examine, atque a gementibus & plangentibus exequia pararentur, amicorum eius quidam inter aliorum consolantiu verba suggestit, ut eiusdem Martyris oleo corpus parungeretur. Factum est, & reuixit.

§ 8. Ad haec & similia an vere Catholica sint, responde, an in Beelzebub reuixerunt mortui? An vniuersus orbis mentitur, fallitur; vobis solis illuxit veritas, caeci & caecorum duces? In quorum gratiam placet adhuc vnam de caeco

cæco historiam ex eodem S. Augustino referre. *Miraculum quod Mediolani factum est, cum illic effemus, quando illuminatus est cæcus, ad multorum notitiam potuit pervenire: quia & grandis est ciuitas, & ibi erat tunc Imperator, & immenso populo teste res gesta est, concurrente ad corpora Martyrum Protasij & Gernasij: Quæ cum laterent & penitus nescirentur, Episcopo Ambrosio per somnium reuelata reperia sunt, ubi cæcus ille depulsis veteribus tenebris diem vidit. Hoc tam euident in oculis tanti populi factum, an credent Hæretici? nec olim crediderunt; rem narrat à S. Augustino nominatus S. Ambrosius ser. 93. Negant Ariani cæcum illuminatum, sed ille non negat se sanatum. Ille dicit: video quæ non videbam. Ille dicit: cæcus esse desini, & probat factò. Isti beneficium negant, quod factum negare non possunt. Notus homo est, publicis cum valeret mancipatus obsequijs, Seuerus nomine, lanius ministerio. Deposuerat officium postquam inciderat impedimentum: vocat ad testimonium homines, quorum ante sustentabatur obsequijs. Eos indices suæ visitationis accersit, quos habebat testes & arbitros cæcitatis: clamat quod, ut contigit fimbriam de veste Martyrum, quæ sacra reliquia vestiuntur, redditum sibi lumen sit. Cæcus fui & modo video. Interrogate alios si mihi non creditis, interrogate extraneos, ne astipulari mihi parentes putetis. Detestabilior istorum quam Iudeorum pertinacia. Illi cum dubitarent, vel parentes interrogabant, isti oculis interrogant, palam negant, iam non operi intreduli, sed auctori. Sed quæro quæ non credant, utrum à Martyribus possint visitari, hoc est Christo non credere.*

§ 9. Fusius hæc retuli, quorum narratio & iucunda est; & ad Sectariorum nostrorum impietatem conuincendam accommodatissima. Superiore anno inertissimus quidam Episcopus Misnensis Superattendens contra D. Virginis à V. C. Iusto Lipsio, & S. Bennonis à Monacensibus (Iesuitis addit, sed fallit) conscripta miracula edidit

disputationem, quam ad me misit Nobilis & amplissimus Augustæ Vindelicorum Ilvir Marcus Vellerus, in fronte disputationis hæc S. Augustini sententia inscripta est; *Plurima sunt demonum talia facta; quæ quanto mirabiliora confitemur, tanto cautius ea vitare debemus.* hæc quam inique & impie contra miracula per Sanctorum reliquias impetrata torqueantur, demonstrant quæ ex sanctissimo Doctore dedi. Similia à grauissimis Patribus posteritati relicta singulis seculis ad nos vsque; & hoc nostro tempore tam Deiparæ Virginis varijs locis, quam S. Bennonis Monachij, aliorum alibi testatissima habemus. Quia enim Prædicantes Cæli Reginam præ ceteris cœlitibus impugnant acrius; & sedem Apostolicam tanquam Antiehiisti regiam erimantur; Deus miris operibus & cultum quem Virgini deferimus; & obedientiam, quam Romanæ Cathedræ (cuius tam studiosus S. Benno fuit) nos debere agnoscimus, sibi accepta & sancta esse magnifico ostendit. Aduersum quæ Superattendens Misnensis eadem plane cornicatur, quæ Neuburgensis, vt dubites vter alteri stoliditatis primas præripiat. *Doctrina vtriusque*, inquit Misnensis, *expresse docet, quod inuocatio sit cultus soli Deo debitus, non hominibus. Non habebis Deos alienos. Dominum tuum adorabis. Honorem meum alteri non dabo. Esa. 42. Inuoca me. psal. 50. Non facies tibi sculptilo. Exo. 20. Vt qui dicit ligno expurgiscere Abacuc. 2. Ex vngue leonem; ex thesi 4. discere vtrum.* De his iam ad eundem articulo 11. cap. 5. Præter asinina eiusmodi argumenta & hoc ille præstitit: Ex Iusto Lipsio refert miracula D. Virginis intercessione patrata; & ad marginem adnotat, quoties à viro clarissimo D. V. A. est appellata: Hussum enim, Lutherum, & ceteros Hæresiarchas posthæc Diuos scribemus; Dei matrem vocare Diuam inexpressibile piaculum erit. *Diuvs Ioannes Hussus, Diuvs Lutherus, ita vester Hun-*  

*nus*

ART. XIV. DE PRIMATV ROM. PON. 137  
nius in Articulis, de persona Christi, & de Ecclesia, Ab-  
esse, sine nobis insanite.

ARTICVLVS XIV.

*De Romano Pontifice.*



Anc materiam Prædicantes amplissimū meri-  
tendi & conuitiandi campū sibi constituunt.  
Tu ei quartam fere libri partem impendis; mi-  
hi esse breuiori licebit, tum quia repetis validissime à no-  
stris protrita; nec fabula tam mendax est, quæ tibi non  
veri speciem præbeat; modo in Pontificem eonficta fue-  
rit: tum quia plurima ex prioribus articulis pendent; vt,  
qui recogitat, quæ de tremendo Missæ sacrificio egimus;  
statim intelligit, quam impie de illo interpreteris Scriptu-  
ram, quæ prædicitur ab Antichristo cultum iri Deum  
Maozim; de qua blasphemia supra quoque dictum est.  
Principio quereris, vos iniuste à nobis hæresis condemna-  
ri eo quod Romanum Pontificem non agnoscatis omni-  
um Controuersiarum Religionis Iudicem; quandoqui-  
dem nos expresse fateamur id sine hæresi negari. Nullus  
vnquam vere Catholicus docuit salua fide negari, quod  
Romanus Pontifex vna cum Generali Synodo non ha-  
beat quasuis Religionis lites decidendi auctoritatem; vos  
autem non vno, sed multiplici anathemate percussit  
Occumenicum Tridentinum Concilium, à Roma-  
nis Pontificibus approbatum & confir-  
matum. Hæretici estis, nihil  
dubitate.

S

Caput

## Caput I. Vtrum Romanus Pontifex sit vniuersalis Ecclesiæ Iudex.



Egas, quod ni negares, Hæreticus non fores. Neque enim, scribit ad S. Cornelium martyr Cyprianus epist. 55. aliunde hæreses oborta sunt, aut nata sunt schismata, quam inde, quod Sacerdoti DEI non obtemperatur, nec vnus in Ecclesia ad tempus sacerdos, & ad tempus iudex vice Christi cogitatur. Cui si secundum magisteria diuina obtemperaret fraternitas vniuersa; nemo aduersum Sacerdotum Collegium quidquam moueret; nemo post diuinum iudiciũ, post populi suffragium, post coepiscoporum consensum iudicem se iam non Episcopi, sed DEI faceret; nemo discidio unitatis Christi Ecclesiam scinderet; nemo sibi placens ac sumens seorsum foris hæresim nouam conderet.

§ 2. De primatu summi Pontificis, ais, Christus nec per se, nec per sanctos suos Prophetas & Apostolos minimum verbum docuit; ille in se credentes fideliter monuit, ne prater se & caelestem suum patrem, eiusmodi aliquem parentem acceptarent, cui sine vltiore discussione (in dubijs fidem attinentibus, quod omitti non debuit) credendum & obtemperandum esset. Matth. 23. Nolite vocari Rabbi, vnus est enim Magister vester, Christus: omnes autem vos fratres estis. Et patrem nolite vobis vocare super terram; vnus est enim pater vester, qui in cælis est. Nec vocemini Magistri: quia Magister vester vnus est, Christus. Qui maior est vestrum, erit minister vester. Qui autem se exaltauerit, humiliabitur: & qui se humiliauerit, exaltabitur. Hæ Scripturæ fastum comprimunt, & ita hominem alijs præesse instruunt, vt se Christo subesse meminerit; ordinem & Hierarchiam Ecclesiasticam minime euertunt. Non negat Christus vnum ceteris maiorem esse, sed cum ad seruiendum subditorum

com-

commodis obstringit; neq; ad præfecturam hanc & Apostolatus dignitatem electus se ipse exaltat, quæ præcipitij occasio est; sed à Deo assumitur, à quo omnis potestas, & imprimis Ecclesiastica descendit. Omnes in Dei filios adoptati, & eatenus fratres sumus; officijs tamen valde impares. *Numquid omnes Apostoli? numquid omnes Prophetæ? numquid omnes Doctores?* 1. Cor. 12. de vobis loquar. *numquid omnes Magistri? numquid omnes Pastores? numquid omnes SUPERattendentes?* Quis non aduertat te Scripturæ sensa intervertere?

§ 3. Nec æquior es sanctis Patribus. *Veteres*, inquis, *Christiani Doctores nihil de tali iurisdictione Romani Pontificis sciuerunt.* Mentiri te euincam ex eo, quem primo loco testem aduocas. Cyprianus expresse scripsit contra filitium primatum Petri, tractatu de simplicitate Clericorum. Rectius hic liber inscribitur de vnitae Ecclesiæ; in quo manifeste asserit, & ex Christi verbis probat S. Mastyr primatum Petri, & consequenter successorum Petri; neque enim Petro mortuo Ecclesiæ vna esse desijt. Vetustate, doctrina, sanctimonia, fuso pro Christo sanguine clarissimus Cyprianus 2. illius libri capite tradit, quomodo e mentito luminis & fidei prætextu serpat Hæresis, subdit capite 3. *Hoc eo fit fratres charissimi, dum ad veritatis originem non reditur, nec caput queritur, nec Magistri celestis doctrina seruatur. Quæ si quis consideret & examinet, tractu longo atque argumentis opus non est. Probatio est ad fidem facili compendio veritatis. Loquitur Dominus ad Petrum. Ego tibi dico, inquit, quia tu es Petrus, & super istam petram edificabo Ecclesiam meam, & porta inferorum non vincens eam. Ego tibi dabo clauas regni celorum, & quæ ligaueris super terram, erunt ligatæ & in celis: & quæcunq; solueris super terram, erunt solutæ & in celis. Et iterum eidem post resurrectionem suam dicit. Pasco oues meas. Super illum VNVM edificat Ecclesiam suam.*

*suam, & illi pascendas mandat oues suas. Et quamuis Apostolus omnibus post resurrectionem suam parem potestatem tribuat, & dicat: sicut misit me pater, & ego mitto vos. Accipite Spiritum sanctum. Si cui remiseritis peccata, remittentur illi; si cui tenueritis, tenebuntur: tamen ut unitatem manifestaret, unam cathedram constituit, & unitatis eiusdem originem, ab uno incipientem sua auctoritate disposuit. Hoc erant utique & ceteri Apostoli, quod fuit Petrus, pari consortio pradii & honoris & potestatis. Hanc sententiolam excerpfit, ac mafusculis depinxit Prædicans, tacitis tam præcedentibus, quam his immediate sequentibus: Sed exordium ab unico profisciscitur, PRIMATVS Petro datur, ut una Christi Ecclesia & Cathedra una monstretur. Ex quo apertissimum est, Apostolos quidem pares fuisse quoad Apostolatū, ita ut nullus ab hac dignitate exclusus fuerit, eorum tamen principem & coryphæum constitutum esse Petrum,*

§ 4. Sexcenta alia mendacia tua non refero, quibus veritatis laruam iam detraxit Cardinalis Bellarminus. Causam vero cur omnes Hæreses primatum Petri & successorum eius cane peius & angue oderint, intactam præterire non debeo. ea est, quia Hæresis omnis diuisionem, & scissuram facit; Primatus unitatem firmat; adeoque è diametro sibi repugnant. Deinde, Hæresis enorme crimen est, quod impunitum non finit à Christo constitutus iudex; quidni fur & latro insurgant in eum, à quo eis imminet supplicium? Scripturam vertere, inuertere possunt; apertior est ludicis vox & sententia; Quid aliud omnes victi facere consueverunt, qui veritati consentire nolunt; nisi ut de iudicis iniquitate mentiantur? S. Augustinus cap. 1. ad Donatistas, post collationem. Rebellarunt contra Romanam sedem omnes sectæ; sed impietate & plus quam meretricia impudentia vincuntur veteres à nostris Neocuangelicis. Primatum



matum Petri confessi sunt olim multi, qui successores Petri oderant; hoc tempore maiora audent, de quibus postea. Ad antiquum autem Hæreticum Parmenianum lib. 2. B. Optatus Mileuitanus Episcopus, & S. Augustini synchronos fidenter loquitur: *Cathedra una est, & negare non audes, scire te Petro primam in urbe Roma cathedram esse collatam, ubi sederit omnium Apostolorum CAPUT Petrus, inde Cephæ appellatus, in quo uno Cathedra unitas ab omnibus seruaretur, ne ceteri Apostoli singulas sibi quisque defenderent, ut iam Schismaticus & peccator esset, qui contra singularem cathedram alteram collocaret. Ergo Cathedra una est, quæ est prima de dotibus. In ea sedit primus Petrus, succedit Linus, & ceteri usque ad Paulum V. qui hodie pastoralis cura regit Ecclesiam.*

## Caput II. Argumenta primatus Romani Pontificis.



A qui scire volet, ab Illustrissimo Bellarmino plurima, firmissimæque petat, non à te, qui & Scripturarum & Patrum sensa deprauas; & clarissima Sanctorum verba retices; refers ea, de quibus te verosimilia mentiri posse confidebas. In veteri testamento summi Hebræorum Pontificis auctoritas probatur ex Deute. 17. *Qui autem superbiert nolens obedire sacerdotis imperio, qui eo tempore ministrat Domino Deo tuo, & decreto Iudicis, morietur homo ille. Tu folio 282. huic dicto substernis hanc Minorem; Ieremias, Christus, Petrus, Stephanus, &c. non obediunt sacerdoti locum Dei tenenti: infer, Ergo morientur Maior est Scriptura sacra; ex Minori tua tam impia nascitur tam fœdus partus. Ieremias nullius Pontificis de Religionis controuersia decreto se opposuit; hæc vllum à communi*

indubie sensit: an non insania est dubitare an Petrus vtrquam Romæ fuerit? tu folio 289. ex Scripturis colligis aut nunquam, aut non tam diu Romæ fuisse Petrum. Nunquam fuisse apertissimum mendacium est, quod nec tu affirmare voluisti; quomodo ergo, licet disunctiue, asseris id ex Scriptura haberi? Quamdiu Romæ Petrus sederit, melius, quam tu, ex maiorū traditione nouerit ante 1200. annos S. Hieronymus; qui cap. 1. de viris illustribus: *Petrus ad expugnandum Simonem magnum Romam pergit, ibiq. 25. annis Cathedram sacerdotalem tenuit, usque ad ultimum annum Neronis.* Quæ de Cathedra, tanquam materiali sede, aut sella aliqua folio 290. & 398. nugaris, te morologum, non Theologum arguunt.

§5. Nobis adscribis syllogismum, cuius Maior sit: Quicquid Christus Petro locutus est, de Romanis quoq; Pontificibus intelligendum est. quem tu bonum syllogismum formares? Petrus & homo erat, & sacerdos, & Apostolus, & vniuersalis Ecclesiæ pastor, Christi q; Vicarius; quæ ad vnius Petri personam pertinent, ad alios non extendimus; quæ illi qua sacerdoti concessa sunt, nemo laicis permitit; dicta vero tanquam summo post Christum Pastori, omnibus omnino in eodem munere successoribus competunt.

§6. Qualis quisque est, talem putat esse alterum. In colloquio Ratisbonensi inter veterum testimonia recitantur quædam ex Tertulliano, quibus confirmatur Ecclesiam maiorum traditionibus insistentem non errare; neque enim Spiritus sanctus, quem Dei villicum, & Christi vicarium appellat Tertullianus, suo omnem veritatem docendi officio deerit; tu dolum commisceris, quasi nostri intenderint lectorem fallere, vt de Romano Pontifice Tertullianum ista locutum crederet; Noli tuo pede metiri

meriti alios. Verum & Spiritus sanctus Ecclesiam docet & gubernat haud inuisibili auctoritate, sed per ministerium Pastorum & Doctorum, quos videmus & audimus; quorum principem esse Romanum Pontificem agnoscunt Christiani, visibilem Christi in terris Vicarium, & Villicum, qui de commissis sibi subditis rationem reddet; quæ à Spiritu sancto non exigetur, qui non in ministris, sed proprius eorum, quos regit, Dominus, ac Christo Salvatori nostro maiestate æqualis est. Quo loco nemo nostrum habet Romanum Pontificem, quem sic existimet homo, *vi ministrum Christi, & quod absque praiudicio sanctitatis cuiuspiam dixerim, summum plane inter ministros.* D. Bernardus libro 2. de Consideratione.

### Caput III. De Antichristo.

**S**ummum vniuersæ Ecclesiæ Pontificem veri Antichristi prodromi non solum criminantur, esse ipsissimum Antichristum, quem in fine mundi regnaturum, in Scripturis legimus; sed hoc infandum conuitium contendunt esse fidei dogma ex Scriptura euidenter deductum; quod sine hæresi negari nequeat; in Colloquio Ratisbo sess. 11. folio 128. & 129. Excipiunt tamen Scripturas eo sensu interpretandas esse, quem nullus veterum & sanctorum Patrum agnouerit; quod aperte satis admittis, folio 384. 390. & expressius tradit tuus Hunnius to. 1. operum Latinorum pag. 1282. Quid dico? si verum est, quod ad Patrum, vt dicitis, errores excusandos prætenditur; nec Apostoli Scripturas intellexerunt. Nam ideo prophetiam Danielis non intellexerunt Patres; quia reuelatio Danieli facta occulta esse debuit vsque ad  
T  
ultima

suo corpore non inuenit. Eucharis presbyter ex Hispania, Calama habitans, veteri morbo calculi laborabat, per memoriam supra dicti Martyris, quam Possidius illo aduexit Episcopus, saluus factus est. Idem ipse postea morbo alio praualescente, mortuus sic iacebat, ut ei iam pollices ligarentur, OPITVLATIONE memorati Martyris, cum de memoria eius reportata fuisset, & super iacentis corpus missus ipsius presbyteri tunica, suscitatus est. Audurus, nomen est fundi, ubi Ecclesia est, & in ea memoria Stephani Martyris. Puerum quendam paruulum cum in area luderet, exorbitantes bones, qui vehiculum trahebant, rota obtruncrunt, & confestim palpitauit expirans. Hunc mater arreptum ad eandem memoriam posuit, & non solum reuixit, verum etiam illa sus apparuit. Sanctimonialis quaedam in vicina possessione, qua Caspaliana dicitur, cum agritudine laboraret, ac desperaretur, ad eandem memoriam tunica eius allata est, qua antequam reuocaretur, illa defuncta est. Hac tamen tunica operuerunt cadauer eius, & recepto spiritu salua facta est. Apud Hipponem Bassus quidam Syrus, ad memoriam eiusdem Martyris orabat pro egrotante & periclitante filia, eoque secum vestem eius detulerat: cum ecce pueri de domo cucurrerunt, qui ei mortuam nunciarent. Sed cum orante illo, ab amicis eius exciperentur, prohibuerunt eos illi dicere, ne per publicum plangeret. Qui cum domum rediisset, iam suorum eiulatibus personantem, & vestem filiae quam ferebat super eam proiecisset, reddita est vita. Rursus ibidem apud nos Irenaei cuiusdam collectarii filius agritudine extinctus est: cumq; corpus iaceret examine, atque a gementibus & plangentibus exequia pararentur, amicorum eius quidam inter aliorum consolantiu verba suggessit, ut eiusdem Martyris oleo corpus perungeretur. Factum est, & reuixit.

§8. Ad haec & similia an vere Catholica sint, responde; an in Beelzebub reuixerunt mortui? An vniuersus orbis mentitur, fallitur; vobis solis illuxit veritas, caeci & caecorum duces? In quorum gratiam placet adhuc vnam de

caeco

Exco historiam ex eodem S. Augustino referre. *Miraculum quod Mediolani factum est, cum illic essemus, quando illuminatus est cecus, ad multorum notitiam potuit pervenire: quia & grandis est civitas, & ibi erat tunc Imperator, & immenso populo teste res gesta est, concurrente ad corpora Martyrum Protasij & Gerasij: Quae cum laterent & penitus nescirentur, Episcopo Ambrosio per somnium revelata reperta sunt, ubi cecus ille depulsis veteribus tenebris diem vidit. Hoc tam evidens in oculis tanti populi factum an credent Haeretici? nec olim crediderunt; rem narrat à S. Augustino nominatus S. Ambrosius ser. 93. Negant Ariani cecum illuminatum, sed ille non negat se sanatum. Ille dicit: video quae non videbam. Ille dicit: cecus esse desiui, & probat facto. Isti beneficium negant, quod factum negare non possunt. Notus homo est, publicis cum valeret mancipatus obsequijs, Severus nomine, Iulius ministerio. Deposuerat officium postquam inciderat impedimentum: vocat ad testimonium homines, quorum ante sustentabatur obsequijs. Eos indices suae visitationis accersit, quos habebat testes & arbitros cecitatis: clamat quod, ut contingit simbriam de veste Martyrum, quae sacra reliquia vestiuntur, redditum sibi lumen sit. Cecus fui & modo video. Interrogate alios si mihi non creditis, interrogate extraneos, ne astipulari mihi parentes putetis. Detestabilior istorum quam Iudaorum pertinacia. Illi cum dubitarent, vel parentes interrogabant, isti oculis interrogant, palam negant, iam non operi intreduli, sed auctori. Sed quæro qui non credant, utrum à Martyribus possint visitari, hoc est Christo non credere.*

§ 9. Fusius hæc retuli, quorum narratio & iucunda est; & ad Sectariorum nostrorum impietatem convincendam accommodatissima. Superiore anno inertissimus quidam Episcopatus Misnensis Superattendens contra D. Virginis à V. C. Iusto Lipsio, & S. Bennonis à Monacensibus (Iesuitis addit, sed fallit) conscripta miracula edidit

disputationem, quam ad me misit Nobilis & amplissimus Augustæ Vindelicorum Ilvir Marcus Velscherus; in fronte disputationis hæc S. Augustini sententia inscripta est; *Plurima sunt demonum talia facta; quæ quanto mirabiliora confitemur, tanto cautius ea vitare debemus.* hæc quam inique & impie contra miracula per Sanctorum reliquias impetrata torqueantur, demonstrant quæ ex sanctissimo Doctore dedi. Similia à grauissimis Patribus posteritati relicta singulis seculis ad nos vsque, & hoc nostro tempore tam Deiparæ Virginis varijs locis, quam S. Bennonis Monachij, aliorum alibi testatissima habemus. Quia enim Prædicantes Cœli Reginam præ ceteris cœlitibus impugnant acrius; & sedem Apostolicam tanquam Antichristi regiam erimantur; Deus miris operibus & cultum quem Virgini deferimus; & obedientiam, quam Romanæ Cathedræ (cuius tam studiosus S. Benno fuit) nos debere agnoscimus, sibi accepta & sancta esse magnifico ostendit. Aduersum quæ Superattendens Misnensis eadem plane corticatur, quæ Neuburgensis, vt dubites vter alteri stoliditatis primas præcipiat. *Doctrina vtriusque*, inquit Misnensis, *expresse docet, quod invocatio sit cultus soli Deo debitus, non hominibus. Non habebis Deos alienos. Dominum tuum adorabis. Honorem meum alteri non dabo. Esa. 42. Inuoca me. psal. 50. Non facies tibi sculpila. Exo. 20. Va qui dicit ligno expergiscere Abacuc. 1. Ex vngue leonem; ex thesi 4. discite vtriusque.* De his iam actum articulo 11. cap. 5. Præter asinina eiusmodi argumenta & hoc ille præstitit: Ex Iusto Lipsio refert miracula D. Virginis intercessione patrata; & ad marginem adnotat, quoties à viro clarissimo D I V A est appellata: Hussum enim, Lutherum, & ceteros Hæretichas posthæc Diuos scribemus; Dei matrem vocare Diuam inexpressibile piaculum erit. *DIVVS Ioannes Hussus, DIVVS Lutherus, ita vester Hun-*  

nius

ART. XIV. DE PRIMATV ROM. PON. 137  
nius in Articulis, de persona Christi, & de Ecclesia, Ab-  
esse, sine nobis insanite.

ARTICVLVS XIV.

*De Romano Pontifice.*



Anc materiam Prædicantes amplissimū meri-  
tendi & conuitiandi campū sibi constituunt.  
Tu ei quartam fere libri partem impendis; mi-  
hi esse breuiori licebit, tum quia repetis validissime à no-  
stris protrita; nec fabula tam mendax est, quæ tibi non  
veri speciem præbeat; modo in Pontificem eonficta fue-  
rit: tum quia plurima ex prioribus articulis pendent; vt,  
qui recogitat, quæ de tremendo Missæ sacrificio egimus;  
statim intelligit, quam impie de illo interpreteris Scriptu-  
ram, quæ prædicitur ab Antichristo cultum iri Deum  
Maozim; de qua blasphemia supra quoque dictum est.  
Principio quereris, vos iniuste à nobis hæresis condemna-  
ri eo quod Romanum Pontificem non agnoscatis omni-  
um Controuersiarum Religionis Iudicem; quandoquæ-  
dem nos expresse fateamur id sine hæresi negari. Nullus  
vnquam vere Catholicus docuit salua fide negari, quod  
Romanus Pontifex vna cum Generali Synodo non ha-  
beat quasuis Religionis lites decidendi auctoritatem; vos  
autem non vno, sed multiplici anathemate percussit  
Occumenicum Tridentinum Concilium, à Roma-  
nis Pontificibus approbatum & confir-  
matum. Hæretici estis, nihil  
dubitate.

S

Caput

## Caput I. Vtrum Romanus Pontifex sit vniuersalis Ecclesiæ Iudex.



Egas, quod ni negares, Hæreticus non fores. *Neque enim*, scribit ad S. Cornelium martyr Cyprianus epist. 55. *aliunde hæreses oborta sunt, aut nata sunt schismata, quam inde, quod Sacerdoti DEI non obtemperatur, nec vnus in Ecclesia ad tempus sacerdos, & ad tempus iudex vice Christi cogitatur. Cui si secundum magisteria diuina obtemperaret fraternitas vniuersa; nemo aduersum Sacerdotum Collegium quidquam moueret; nemo post diuinum iudicium, post populi suffragium, post coepiscoporum consensum iudicem se iam non Episcopus, sed DEI faceret; nemo discidio unitatis Christi Ecclesiam scinderet; nemo sibi placens ac sumens seorsum foris hæresim nouam conderet.*

§ 2. De primatu summi Pontificis, ais, *Christus nec per se, nec per sanctos suos Prophetas & Apostolos minimum verbum docuit; ille in se credentes fideliter monuit, ne prater se & caelestem suum patrem, cuiusmodi aliquem parentem acceptarent, cui sine vltiore discussione (in dubijs fidem attinentibus, quod omitti non debuit) credendum & obtemperandum esset. Matth. 23. Nolite vocari Rabbi, vnus est enim Magister vester, Christus: omnes autem vos fratres estis. Et patrem nolite vobis vocare super terram; vnus est enim pater vester, qui in caelis est. Nec vocemini Magistri: quia Magister vester vnus est, Christus. Qui maior est vestrum, erit minister vester. Qui autem se exaltauerit, humiliabitur: & qui se humiliauerit, exaltabitur. Hæ Scripturæ factum comprimunt, & ita hominem alijs præesse instruunt, vt se Christo subesse meminerit; ordinem & Hierarchiam Ecclesiasticam minime euertunt. Non negat Christus vnum ceteris maiorem esse; sed cum ad seruiendum subditorum*

com-



commodis obstringit; neq; ad præfecturam hanc & Apostolatus dignitatem electus se ipse exaltat, quæ præcipitij occasio est; sed à Deo assumitur, à quo omnis potestas, & imprimis Ecclesiastica descendit. Omnes in Dei filios adoptati, & eatenus fratres sumus; officijs tamen valde impares. *Numquid omnes Apostoli? numquid omnes Prophetae? numquid omnes Doctores?* 1. Cor. 12. de vobis loquar. numquid omnes Magistri? numquid omnes Pastores? numquid omnes SUPER attendentes? Quis non aduertat re Scripturæ sensu interuerrere?

§ 3. Nec æquior es sanctis Patribus. *Veteres*, inquis, *Christiani Doctores nihil de tali iurisdictione Romani Pontificis sciuerunt.* Mentiri te euincam ex eo, quem primo loco testem aduocas. *Cyprianus expresse scripsit contra fœditum primatum Petri, tractatu de simplicitate Clericorum.* Rectius hic liber inscribitur de vnitatē Ecclesiæ; in quo manifeste asserit, & ex Christi verbis probat S. Martyr primatum Petri, & consequenter successorum Petri; neque enim Petro mortuo Ecclesiā vnā esse desijt. Vetustate, doctrina, sanctimonia, fuso pro Christo sanguine clarissimus Cyprianus 2. illius libri capite tradit, quomodo e mentito luminis & fidei prætextu serpat Hæresis, subdit capite 3. *Hoc eo fit fratres charissimi, dum ad veritatis originem non reditur, nec caput queritur, nec Magistri celestis doctrina seruatur. Quæ si quis consideret & examinet, tractu longo atque argumentis opus non est. Probatio est ad fidem facilius compendio veritatis. Loquitur Dominus ad Petrum. Ego tibi dico, inquit, quia tu es Petrus, & super istam petram ædificabo Ecclesiam meam, & porta inferorum non vincunt eam. Ego tibi dabo clauēs regni cælorum, & quæ ligaueris super terram, erunt ligatæ & in cælis: & quæcūq; solueris super terram, erunt solutæ & in cælis. Et iterum eidem post resurrectionem suam dicit. Pæce oues meas. Super illum V N V M ædificas Ecclesiam suam,*

*suam, & illi pascendas mandat oves suas. Et quamvis Apostolus omnibus post resurrectionem suam parē potestatem tribuat, & dicat: sicut misit me pater, & ego mitto vos. Accipite Spiritum sanctum. Si cui remiseritis peccata, remittentur illi; si cui tenueritis, tenebuntur: tamen ut unitatem manifestaret, unam cathedram constituit, & unitatis eiusdem originem, ab uno incipientem sua auctoritate disposuit. Hoc erant utique & ceteri Apostoli, quod fuit Petrus, pari consortio pradii & honoris & potestatis. Hanc sententiolam excerpfit, ac maiusculis depinxit Prædicans, tacitis tam præcedentibus, quam his immediate sequentibus: Sed exordium ab unico profisciscitur, PRIMATVS Petro datur, ut una Christi Ecclesia & Cathedra una monstretur. Ex quo apertissimum est, Apostolos quidem pares fuisse quoad Apostolatū, ita ut nullus ab hac dignitate exclusus fuerit, eorum tamen principem & coryphæum constitutum esse Petrum,*

§ 4. Sexcenta alia mendacia tua non refero, quibus veritatis larvam iam detraxit Cardinalis Bellarminus. Causam vero cur omnes Hæreses primatum Petri & successorum eius cane peius & angue oderint, intactam præterire non debeo. ea est, quia Hæresis omnis diuisionem, & scissuram facit; Primatus unitatem firmat; adeoque è diametro sibi repugnant. Deinde, Hæresis enorme crimen est, quod impunitum non sinit à Christo constitutus iudex; quidni fur & latro insurgant in eum, à quo eis imminet supplicium? Scripturam vertere, inuertere possunt; apertior est ludicis vox & sententia; Quid aliud omnes victi facere consueverunt, qui veritati consentire nolunt; nisi ut de iudicis iniquitate mentiantur? S. Augustinus cap. 1. ad Donatistas, post collationem. Rebellarunt contra Romanam sedem omnes sectæ; sed impietate & plus quam meretricia impudentia vincuntur veteres à nostris Nœoangelicis. Primatum

matum Petri confessi sunt olim multi, qui successores Petri oderant hoc tempore maiora audent, de quibus postea. Ad antiquum autem Hæreticum Parmenianum lib. 2. B. Optatus Mileuitanus Episcopus, & S. Augustini synchronos fidenter loquitur: *Cathedra una est, & negare non audes, scire te Petro primam in vrbe Roma cathedram esse collatam, ubi sederit omnium Apostolorum CAPUT Petrus, inde Cephas appellatus, in quo vno Cathedra unitas ab omnibus seruetur, ne ceteri Apostoli singulas sibi quisque defenderent, ut iam Schismaticus & peccator esset, qui contra singularem cathedram alteram collocaret. Ergo Cathedra una est, quæ est prima de dotibus. In ea sedit primus Petrus, succedit Linus, & ceteri vsque ad Paulum V. qui hodie pastoralis cura regit Ecclesiam.*

## Caput II. Argumenta primatus Romani Pontificis.



A qui scire volet, ab Illustrissimo Bellarmino plurima, firmissimæ petat, non à te, qui & Scripturarum & Patrum sensa deprauas; & clarissima Sanctorum verba retices; refers ea, de quibus te verosimilia mentiri posse confidebas. In veteri testamento summi Hebræorum Pontificis auctoritas probatur ex Deute. 17. *Qui autem superbieis nolens obedire sacerdotis imperio, qui eo tempore ministrat Domino Deo tuo, & decreto Iudicis, morietur homo ille. Tu folio 182. huic dicto substernis hanc Minorem; Ieremias, Christus, Petrus, Stephanus, &c. non obediunt sacerdoti locum Dei tenenti: infero, Ergo morientur Maior est Scriptura sacra; ex Minori tua tam impia nascitur tam fœdus partus. Ieremias nullius Pontificis de Religionis controuersia decreto se opposuit; hæc vllum à communi*

Hebræorum Ecclesia, cui Helcias & ceteri succedentes Pontifices præerant, tanquam ab hæresis magistra euocauit; ac proprium conuentum instituit. Christo quis vnquam Iudicem constituit? eo præsentē ac visibiliter oues proprias pascēte; non opus erat vicario ac locum tenente; qui in explicandis fidei controuersijs infallibili auctoritate polleret. Sed retinuerit eam Caiphæ prædicantē iam Christo; quis Christianus admittet dubium fuisse, vtrum Christus mortem mereatur? si apertissima fuit eius innocentia; vt sane fuit; nequit non iniqua esse illum condemnantis sententia. Nec nos docemus Romanum Pontificem audiendum; si manifestum errorem, quod non permittet Christus, Ecclesiæ obtruderet; in dubijs Iudice opus est; Saluatoris vero tam clara erat innocentia, vt nec Pilatum Gentili superstitione exaceratū latuerit. A morte Christi Iudaizans Prædicans supponit Caiphæ sustinuisse Dei vices. insane, non Petrus Caiphæ, sed Caiphæ Petro obedire debebat; Caiphæ quoque patietī dealbato, non Petro Christi Vicario restitit B. Stephanus.

§ 2. Inter alia primatus Apostolicæ sedis argumenta eminent duo Euangelij loca, in vno ille promittitur; in altero confertur, vt veteres etiam agnouerunt; nec eum proprium esse sensum vllatenus negarunt; si qui alium interdum reddiderunt. Ego, inquit Veritas, dico tibi, quia tu es Petrus, & super hanc petram ædificabo Ecclesiam meam; & porta inferi non præualebunt aduersus eam. Mat. 16. Quæcūq; ergo Petri non est; nec Christi est Ecclesia. Hinc S. Ambrosius ser. 11. de mirabilibus: Hanc solam Ecclesia nauem ascendit Dominus, in qua Petrus magister est constitutus, dicente Domino: super hanc petram ædificabo Ecclesiam meam. Et S. Hieronymus epist. 57. ad B. Damasum Papam: Ego nullum primū nisi Christum sequens, beatitudini tuæ, id est Cathedra Petri com-

munio-

*munione confocior : super illam petram edificatam Ecclesiam scio. Quicumque extra hanc domum agnum comederit, profanus est. Si quis in arca Noe non fuerit, peribit regnante diluvio.*

§ 3. Alter locus est Ioan. 21. ubi Dominus oves suas Petro committit; *pasce agnos meos : pasce oves meas*, in quæ verba S. Eucherius Lugdunensis Episcopus, hom. in vigilia S. Petri: *Præ agnos, deinde oves commisit ei : quia non solum pastorem, sed pastorum pastorem eum constituit. Pascit igitur Petrus agnos, pascit & oves : pascit filios, pascit & matres, regit & subditos & prælatos. Omnium igitur pastor est : quia præter agnos & oves in Ecclesia nihil est.* Eadem verba optime ponderat Divus Bernardus ( sic eum nominat tuus quoque Hunnius, to. 1. operum latinorum folio 1291. ) lib. 3. ad Eugenium Papam, cap. 8. *Tu es cui claves tradita, cui oves credita sunt. Sunt quidem & alij cæli janitores, & gregum pastores : sed tu tanto gloriosius, quanto & differentius utrumque præ ceteris nomen hereditasti. Habent illi sibi assignatos greges singuli singulos, tibi universi crediti, uni unus. Nec modo ovium, sed & pastorum tu unus omnium es pastor. Unde id probem quæris ? Ex verbo Domini. Cui enim, non dico Episcoporum, sed etiam Apostolorum, sic absolute & indiscrete tota commissa sunt oves ? Si me amas Petre, pasce oves meas. Quas ? illius vel illius populos civitatis, aut regionis, aut certi regni ? Oves, inquit, meas. Cui non planum non designasse aliquas, sed assignasse omnes ? Nihil excipitur, ubi distinguitur nihil. Et forte præsentibus ceteri discipuli erant, cum committens uni unitatem omnibus commendaret, in uno grege, & uno pastore, secundum illud : Una est columba mea, formosa mea, perfecta mea, Iure ergo 1100. ante años Leo Magnus ep. 89. interminatur : Quisquis Petro primatum æstimat denegandum inflatus spiritu superbia sue, semetipsum in inferna demergit.*

§ 4. Tota antiquitas unanimi consensu Petrum Romæ vixisse, urbis Pontificatum gessisse, in eaque mortuum esse

indubie sensit: an non infania est dubitare an Petrus vtrquam Romæ fuerit: tu folio 289. ex Scripturis colligis aut nunquam, aut non tam diu Romæ fuisse Petrum. Nunquam fuisse apertissimum mendacium est, quod nec tu affirmare voluisti; quomodo ergo, licet disiunctiue, asseris id ex Scriptura haberi? Quamdiu Romæ Petrus sederit, melius, quam tu, ex maiorū traditione nouerit ante 1200. annos S. Hieronymus; qui cap. 1. de viris illustribus: *Petrus ad expugnandum Simonem magnum Romam pergit, ibiq. 25. annis Cathedram sacerdotalem tenuit, usque ad ultimum annum Neronis.* Quæ de Cathedra, tanquam materiali sede, auctella aliqua folio 290. & 398. nugaris, te morologum, non Theologum arguunt.

§5. Nobis adscribis syllogismum, cuius Maior sit: Quicquid Christus Petro locutus est, de Romanis quoq; Pontificibus intelligendum est. quem tu bonum syllogismum formares? Petrus & homo erat, & sacerdos, & Apostolus, & vniuersalis Ecclesiæ pastor, Christi q; Vicarius; quæ ad vnius Petri personam pertinent, ad alios non extendimus; quæ illi qua sacerdoti concessa sunt, nemo laicis permittit; dicta vero tanquam summo post Christum Pastori, omnibus omnino in eodem munere successoribus competunt.

§6. Qualis quisque est, talem putat esse alterum. In colloquio Ratisbonensi inter veterum testimonia recitantur quædam ex Tertulliano, quibus confirmatur Ecclesiam maiorum traditionibus insistentem non errare; neque enim Spiritus sanctus, quem Dei vicarium, & Christi vicarium appellat Tertullianus, suo omnem veritatem docendi officio deerit; tu dolum comminisceris, quasi nostri intenderint lectorem fallere, vt de Romano Pontifice Tertullianum ista locutum crederet; Noli tuo pede metiri

metirialios. Verum & Spiritus sanctus Ecclesiam docet & gubernat haud inuisibili auctoritate, sed per ministerium Pastorum & Doctorum, quos videmus & audimus; quorum principem esse Romanum Pontificem agnoscunt Christiani, visibilem Christi in terris Vicarium; & Villicum, qui de commissis sibi subditis rationem reddet; quæ à Spiritu sancto non exigetur, qui non in ministris, sed proprius eorum, quos regit, Dominus, ac Christo Salvatori nostro maiestate æqualis est. Quo loco nemo nostrum habet Romanum Pontificem, quem sic existimet homo, *vi ministrum Christi, & quod absque praeiudicio sanctitatis cuiuspiam dixerim, summum plane inter ministros.* D. Bernardus libro 2. de Consideratione.

### Caput III. De Antichristo.



**S**ummum vniuersæ Ecclesiæ Pontificem veri Antichristi prodromi non solum criminantur, esse ipsissimum Antichristum, quem in fine mundi regnaturum, in Scripturis legimus; sed hoc infandum conuitium contendunt esse fidei dogma ex Scriptura euidenter deductum; quod sine hæresi negari nequeat; in Colloquio Ratisbo sess. 11. folio 128. & 129. Excipiunt tamen Scripturas eo sensu interpretandas esse, quem nullus veterum & sanctorum Patrum agnouerit; quod aperte satis admittis, folio 384. 390. & expressius tradit tuus Hunnius to. 1. operum Latinorum pag. 1282. Quid dico? si verum est, quod ad Patrum, vt dicitis, errores excusandos prætenditur; nec Apostoli Scripturas intellexerunt. Nam ideo prophetiam Danielis non intellexerunt Patres; quia reuelatio Danieli facta occulta esse debuit vsque ad  

T

ultima

ultima tempora ergo nec Apostoli eam cognouerunt; & si cognouissent, illam utique discipulis suis, & hi alijs tradidissent: nam ut S. Irenæus lib. 3. cap. 4. testatur; *in Ecclesiam tanquam in diues depositarium Apostoli plenissime contulerunt omnia.*

§ 2. Danielis 12. dicit prophetæ Angelus; *claudes sermones, & signa librum usque ad tempus statutum; plurimi pertransibunt, & multiplex erit scientia.* Ergo mirandum non est, omnes Scripturarum interpretes a vero sensu aberrasse. Ita Prædicantes; quibus omnino clausi sunt sermones illi, impijs enim claudentur; piorum vero multa erit scientia; quod apertius in eodem capite legimus; *neque intelligent omnes impij, porro docti intelligent,* præsertim in Euangelij luce; Christi siquidem in carne aduentum designari à Daniele per statutum, seu consummationis tempus recte intelligimus: nam ab Apostolis plura de Antichristo prædicatione ac scripto exposita, & posteris tradita sunt; quæ antea inuolutiora erant. Quare B. Theodoretus hanc istius loci paraphrasin reddit: *Impone, inquit Angelus, libro sigilla obscuritatis, neque perspicua omnibus ea facias, donec multiplicetur scientia, & impleatur omnis terra cognitione domini, sicut aqua multa operiet maria secundum prophetiam. His signis ablati diuini Spiritus gratia, post nostri Saluatoris aduentum, obscura credentibus perspicua fecit.* Neq; tamen dixerim omnia de Antichristo venturo sanctis Doctoribus innotuisse; latent quæ ad tempus aduentus eius pertinent; nomina quoq; illius, ac Regum futurorum; & similia; quæ nec ipse propheta cognouit; de quo S. Hieronymus: *Audierat Regum bella diuersa, & inter se pralia, & multiplicem historiam; sed nomina non audierat singulorum.* De quibus etiam nihil stabili & indubia assertione à Patribus traditum est.

§ 3. Quæ vero illi vnanimi consensu tanquam Scripturæ ge-



ræ genuinam interpretationem receperunt, non nisi im-  
 pie repudiantur. nam si idonei testes sunt ad litteram pro  
 sacra habendam, adeo ut extra canonem ponere non li-  
 ceat librum, quem omnes veteres tanquam canonicum  
 laudarunt; cur non idonei sint ad testificandum de vero  
 litteræ sensu? Bene S. Flavianus Constantinopolitanus  
 Episcopus & martyr, cuius laus est in Chalcedonensi Ge-  
 nerali Synodo, ad Leonem Pontificem: *omnia facienda nobis  
 sunt, & laborandum pro fide & EXPOSITIONIBUS, dogmati-  
 busq; sanctorum Patrum, quatenus per omnia, & inter omnes con-  
 cussiones rerum integra hac & inuiolata saluentur & custodiantur.*  
 Et Magnus Athanasius in epist. de Nicæna Synodo: *Est  
 ibi, ut Patres tradiderunt, vetæ disciplina, & magisterij argumen-  
 tum, ubi eadem consistunt, nec à se inuicem, nec à maioribus dis-  
 sentiunt Qui igitur hoc animo non sunt, MALI potius, quam ve-  
 ri PRÆCEPTORES appellari debent.* Itaque dum Antichri-  
 stum vos euidenter demonstrare profitemini; pseudopro-  
 phetæ aperite demonstramini. Scripturas de Antichristo  
 tenetis nullos intellexisse ante Lutherum, qui diuinitus ad  
 illum detegendum electus fuit. *Reuelatio Antichristi, scri-  
 bit vester Hunnius to. 2. operum latinorum, folio 20. &  
 detectio tenebrarum regni eius, sicut non est commune opus, sed  
 quoddam extraordinarium; sic quoque vocatio ad hoc arduum mu-  
 nus fuit in Luthero extraordinarium quid.* Omnino, & extra  
 & contra omnem ordinem fuit; quem nunquam seruat  
 Hæresis. Sed si fidei articulus est scitu omnibus necessa-  
 rius, Antichristi iam factam reuelationem credere; ut as-  
 seritis, & si, *quacunque ad salutem scitu necessaria sunt, satis per-  
 spicue & dilucide in utroque testamento OB OCULOS posita agno-  
 scitis; quæ quinta vestra in Colloquio Ratisbonensi thesis  
 est; quomodo tam clara veritas latuit, S. Gregorium Ma-  
 gnum, S. Gregorium Turonensem, S. Anselmum, venera-*

bilem Bedam, S. Bernardum, & tot iam à 1000. annis sanctissimos & in Scripturis exercitatissimos Doctores, cum tamen iam præfens esset Antichristus: quomodo hoc opus tam arduum, & extraordinario prophetâ indigum est, si id ex Scripturis euidenter deducitur?

§ 4. Clarissimam de Antichristo Scripturam esse ais 2. ad Thessalo. 2. quam etiam primo loco ponis, folio 198. Tradit Apostolus non venturum iudicij diem, *nisi venerit discessio primum, & reuelatus fuerit homo peccati, filius perditionis, qui aduersatur, & extollitur supra omne quod dicitur Deus; aut quod colitur, ita ut in templo Dei sedeat, ostendens se tanquam sit Deus. Et: tunc reuelabitur ille iniquus, quem Dominus Iesus interficiet spiritu oris sui, & destruet illustratione aduentus sui.* Ex quo loco apertum est Antichristum, de quo hic agit Apostolus, fore vnum hominem; qui circa finem mundi regnabit; quam concordem esse sanctorum Patrum sententiam nec Aduersarij negant: *sed venia danda est* scribit in art. de Ecclesia to. 1. operum Latinorum, folio 1413 Hunnius, *quod cum illorum atate vaticinia essent adhuc obsignata & clausa, & Antichristus nondum plane in apertum prorupisset, eum MINIME agnouerunt.* Satis est, te tuosq; Hæreticos maxime agnoscimus Apostolus quater repetit articulum 6. quæ singularis personæ vsitata designatio est; *6 αὐτοῦ οὗτος* ille homo, *6 υἱός* ille filius; *6 ἀντικρίστος* ille aduersarius, *6 ἀναγών* ille iniquus; quem Prædicantes totam illam tot seculorum Romanorum Pontificum seriem esse comminiscuntur; qui se extollunt supra omnem Deum; nam scribunt se seruos seruorum Dei, & ad fidem Christi ab infidelitate Gentili reducerunt per missos à se sacerdotes Germaniam, Angliam, Scotiam, Poloniam, Sueciam, Daniam, Vngariam, Bohemiam; atque etiam hodie remotissimis Gentibus Indis, Sinis, Iaponijs Christum Deum annunciant,

An non

An non euidens est, quod se tanquam Deum ostendant ? § 5. *Vsurpat sibi titulos, scribis folio 301. uni filio Dei & Mariae Iesu Christo proprios, ac si ipse Christus esset, dum vocatur Caput Ecclesie, Pontifex Maximus, Sanctissimus.* Iam audiuiſti, quo ipse vſatur titulo; ſeruum ſeruorum Dei ſe nuncupat: quem vt Caput Eccleſie honorant, Pontificem maximum prædicant, Sanctiſſimum ſalutant alij, ſine vlla Chriſti iniuria, quem ſupremum Caput, Pontificem, omnisq; ſanctitatis fontem fideliter conſtitentur. Chriſtum Ieſum vnicum eſſe fundamentum tradit Apoſtolus, 1. ad Corinth. 3. & tamen idem ad Ephesios cap. 2. ſcribit: *ſuperadificati ſuper fundamentum Apoſtolorum, & Prophetarum.* Et quid notius, quam Paſtoris, Regis, Optimi, Maximi, fortiſſimi; aliaque Dei ac Chriſti nomina diuerſo ſenſu diuerſis tribui: de quo iam Articulo 1. § 5. te monui. Eccleſie CAPUT appellatus eſt Romanus Pontifex à IV. Generali Chalcedonenſi Synodo; inter miniſtros antefertur; Domino minime æquatur. Inter Pontifices ſemper primus & maximus habitus eſt Romanus, & iam ante 1300. años à S. Cypriano ep. 55. Romana Eccleſia appellata eſt principalis. Et Occumenica Chalcedonenſis Synodus act. 16. *perpendimus omnem PRIMARIUM & honorem præcipuum, ſecundum canones, antiquæ Romæ Deo amantiſſimo Archiepiſcopo conſervari.* Ob huius muneris excellentiam ab alijs, non à ſe ipſo, iure dicitur ſanctiſſimus; nam cum omnes ſacerdotes Deo ſacri & ſingulariter dicati ſint, ſacraſtiſſimus fuerit ſacerdotum præcipuus. Gentilem hominem ob ciuilis præfecturæ dignitatem alloquitur Apoſtolus, Act. 26. *Optime Feſte.* & tu Chriſti Vicario inuides nomen Sanctiſſimi? quod & Oriens & Occidens tot ſeculis illi tribuit; vt patet ex Act. 3. Concilij Chalcedonenſis, in qua 4. Græcorum epiſtolæ hoc titulo lectæ ſunt: Sanctiſſimo & vniuer-

fali Patriarchæ magnæ Romæ Leonis, &c. Vos ipsi ad schismaticum; & hæreticum Patriarcham Constantinopolitanum Ieremiam, propter Episcopalis Ordinis eminentiam scripsistis: τῷ παναγιωτάτῳ πατριάρχῃ, κυρίῳ σεβασμωτάτῳ, *Omnium sanctissimo Patriarchæ, Domino colendissimo.* Inter eos, qui subscripserant. fuerunt etiam Ioannes Magirus Præpositus Stutgardianus, & Stephanus Gerlachius Tubinganus Professor, qui hunc ipsum, quem refellimus librum, subscriptis nominibus approbarunt Eundem Ieremiam in datis ad eum litteris appellarunt Occumenicum Patriarcham Iacobus Schmidlin, & Lucas Osiander; verum cum sua dogmata viderent eum auersari; tum ij, tum ceteri Prædicantes Wirtembergici illum non absolute Occumenicum seu Vniuersalem, sed, appellatum Occumenicum Patriarcham salutarunt Hæc omnia legere est in Actis Theologorum Wirtembergensium, & Hieremiæ Patriarchæ Constantinopolitani, Græce & Latine editis Wirebergæ, Anno 1584.

§6. Altero loco ponis prophetiam Danielis cap 11. quæ omnino Antichristus describitur; totam refero; & ad oculum apparebit, quam stulte demonstrationes & euidentia crepes argumenta: *Et faciet iuxta voluntatem suam rex, & elenabitur, & magnificabitur aduersus omnem Deum: & aduersus Deum deorum loquetur magnifica, & dirigitur, donec compleatur iracundia: perpetrata quippe est definitio. Et Deum patrum suorum non reputabit, & erit in concupiscentiis feminatum, nec quemquam Deorum curabit: quia aduersum vniuersa consurget. Deum autem Maozim in loco suo venerabitur: & Deum quem ignorauerunt patres eius colet auro, & argento, & lapide pretioso, rebusq; pretiosis. Et faciet ut muniat Maozim cum Deo alieno; quem cognouit, & multiplicabit gloriam; & dabit eî potestatem in multis, & terram diuidet gratuito. Et in tempore præfinito*

finito preliabitur aduersus eum rex Austri, & quasi tempestas ueniet contra illum rex Aquilonis, in curribus, & in equitibus, & in classe magna, & ingreditur terras, & conferet, & pertransiet. Et introibit in terram gloriosam, & multa corruent: ha autem sole saluabuntur de manu eius, Edom, & Moab, & principium filiorum Ammon. Et mittet manum suam in terras, & terra Aegypti non effugiet. Et dominabitur thesaurorum auri & argenti, & in omnibus pretiosis Aegypti: per Libyam quoque & Aethiopiam transibit. Et fama turbabit eum ab Oriente & ab Aquilone, & ueniet in multitudine magna, ut conterat & interficiat plurimos. Et figet tabernaculum suum Apadno, inter maria, super montem inclitum & sanctum; & ueniet usque ad summitatem eius, & nemo auxiliabitur. Ex hac Scriptura euidenter ostenditur Pontificem Romanum esse Antichristum, ut patet ex his euidentibus Prædicantis mendacijs & criminationibus: Papa nulli hominum exhibet reuerentiam, nisi quod Imperatori manum illius ac pedem osculanti parum assurgat; folio 304. horrenda loquitur contra Deum; folio 305. vocat se Deum, ac si Deus homo peccatis obnoxius & mortalis esset, sicut ille: horrenda aduersum Christum vox est, quod se illius Vicarium nominet; quod Missa sit sacrificium propitiatorium pro uiuis & defunctis, &c. folio 306. miseros, cacos homines, imo Imperatores, Reges, Principes & Dynastas multisarie decipit; folio 307. Nullum Deum curat; nec Patrem; qui, ut Filium audiremus, à caelo nobis mandauit; nec Spiritum sanctum; folio 308. Deus Maosim est Deus Missaticus seu Missa, præcipuus Deus seu Religio in Papa regno; folio 309. De hac Missa nihil omnino sciuerunt Apostoli, & veteres Christiani Patres; folio 310. In his tam monstrosis calumnijs refellendis non immoror; quas videbit & detestabitur quisquis Romanam Ecclesiam nouit.

§ 7. In cetera quoque prophetiæ expositione nihil audio, quod vel speciem congruæ interpretationis præten-

dat; sed mira deliria. *Papa mittit potentiam suam in regiones: Ægyptus non effugit illum; sed dominatur cum suis copijs in thesauros auri & argenti, & omnia pretiosa Ægypti, Libya, & Æthiopia; dum ex omni natione Christianorum, à nobilibus & ignobilibus, à diuitibus & pauperibus pecunias & thesauros colligit. consistit Papæ potentia maxime in Bullis, quas per suos Nuncios & Legatos à latere in varias, propinquas & remotas regiones, per terram & aquas mittit folio 312. & sic per Libyam & Æthiopiam intelligendæ sunt Italia, Gallia, Hispania, Germania, &c. ex his thesauros à Pontificibus congregari Prædicantia lycophantia summis & infimis nota est. Translatis Italia in Africam, Germania in Æthiopiam, &c. audiamus quid Oriens & Aquilo sit; cum de Antichristo legimus: *Fama turbabit eum ab Oriente, & ab Aquilone.* quid Prædicans? *Clamor iam terruit Papam. ab Oriente quidem, quia sol insitiam post longam noctem & tenebras clara S. Euangelij sui luce iterum splendescere capis. ab Aquilone vero clamor auditus est, quia Dominus eccitauit quasdam personas Septemtrionales (nam Witteberga versus Septemtrionem sita est. folio 564.) potissimum Martinum Luther.* Hac fama de D. Lutheri concionibus & scriptis multo amplius terruit Papam, ac si bellum aduersus illum fuisset motum. *hic interfectus est Spiritu oris Christi.* folio 313 Os Christi appellabis spurcam impuri Apostatæ linguam! quo agitatus spiritu contra Ecclesiam rebellarit, Articulo 8. dictum est. Quomodo cecidit Pontifex, cuius auctoritatem venerantur potentissimi Reges ac Principes, cuius sacro regimini remotissimi populi, quos ante non nouerat, accessere? Et tamen huiusmodi fabulis innititur nouus vester de Antichristo iam præsentæ fidei Articulus. Veram & veterem Catholicorum in hunc Danielis locum expositionem à SS. Patribus accipiet, quisquis sapit. *Nefari,* ait de Catholicis S. Hieronymus, *super Antichristo sic expe-**

exponunt; quod pugnans contra *Aegyptios, Libyasq. & Aethiopus,*  
*& tria cornua de decem cornibus conterens auditurus sit de Aquil-*  
*onis & de Orientis partibus aduersum se bella consurgere,* &c.

§ 8. Præterire non debeo verba illa; *& erit in concupiscen-*  
*tijs feminarum;* incredibile, quantum contra has Witeber-  
 gicus subulcus clamarit; cuius de ore Veneres fluunt; qui  
 in ipsa Biblia Germanica ad cap. 31. Prouerbiorum hos  
 versus adscripsit:

Nil melius in terris queat inueniri

Mulierum amore, si datur potiri.

Ne ergo mulierofus hic propheta videatur socius, non ho-  
 stis Antichristi; negandus est textus Scripturæ, quem tot  
 seculis habuit latina Ecclesia; & vt Hebraicæ veritati con-  
 sonam probauit Hebraice doctissimus Hieronymus; atq;  
 ex Græco substituendum; *ad concupiscentiam mulierum ani-*  
*mm non adiciet;* vt calumniæ in sacerdotum cœlibatum  
 via pateat. Nihil hic, etiamsi textum Græcum admitta-  
 mus, de lege castimonie alijs lata, sed de ipso Antichristo,  
 qui si Romanus sit Pontifex, quare folio 18r. alijsq; locis  
 cauillaris ex historijs colligi plerosq; Pontifices turpem  
 vitam duxisse? Sed mulierum concupiscentiam folio 607.  
 exponis coniugium; quo modo Græcum textum nullus  
 vnquam intellexit, vt ex B. Theodoro et alijsq; videre est;  
 & putide calumniaris à Pontifice damnari coniugia; de  
 quo postea, Articulus 17.

§ 9. Tertius Scripturæ locus est Danielis 8. vbi de Anti-  
 christo dicitur: *tulis iuge sacrificium;* & *deiecit locum sanctifi-*  
*cationis eius.* Non ipsum Antichristum, sed eius antea-  
 bulones vos esse digito ostendit propheta; qui vnicum &  
 quotidie in Ecclesia offerri solitum sacrificium totis viri-  
 bus sublatum, itis; & loca sancta, ac templa, in quibus sa-  
 crificamus, prophanatis, aut demolimini.

§ 10. Quartum locum adducis ex Danielis II. ubi plura de bellis Antichristi, quæ Romano Pontifici non conuenire meridiana luce clarius est; ista. *polluent sanctuarium fortitudinis, & auferent iuge sacrificium*, iam intelliges. Sed dum de bellis Antichristi disputas; repente eius patrocinium suscipis; folio 328. nam Antichristo viam parant Hæretici, quos doles igne puniri; & vt soles, mentiris idem veteres Patres improbasse; vnus Augustini hæc refert verba: *In Catholica nulli bono vnquam placuisse in Hæreticum etiam conuictum vsq; ad mortem sauire*. lib. 3. contra Cresconium cap. 50. Nec tam pauca sine fraude dare poteras; hæc habet S. Augustinus. *Nullus tamen bonis in Ecclesia Hoc placet, si vsque ad mortem in quemquam, etiam Hæreticum sauiatur*. Egerat prius de quibusdam Donatistis, quos à Catholicis occisos terebant; priuata scilicet auctoritate, vt satis colligitur; & Hoc nullis bonis placebat; tu vt publicam quoque iustitiam complectereris, omisso Hoc, adijcis, *nulli vnquam placuit, & conuictum*, quasi de iudicialiter condemnatis sermo sit. Sensit quidem aliquando S. Pater Hæreticos non esse ad fidem seuerius compellendos, sed retractauit lib. 2. Retractionum, cap. 5. Vere, scribit de hac re, *tunc mihi non placebat, quia nondum expertus eram, vel quantum mali eorum auderet impunitas, vel quantum eis in melius mutandis conferre posset diligentia disciplina*. Iuste illos vel morte puniri idem bene declarat tract. 9. in Ioan. *Occidunt animas, & affliguntur in corpore: sempiternas mortes faciunt, & temporales se perpeti conueruntur*. Disce tacere, si non vis, quæ displiceant audire. Multos porro Lutheranos gladio, igne, carceribus sublatos per inquisitiones in Italia, Gallia, Hispania, Germania, Belgio asseris; sed apertius hoc mendacium est, quam tegi queat; numera quot à Catholicis Lutherani præsertim Prædicantes fidei causa occisi sint; quo loco in

Germa.



Germania superiore, vel Gallia instituta est Inquisitio? Querebantur etiam olim Donatistæ suos ob Religionem necari; & de pauculis quibusdam tanquam martyribus gloriabantur; de quibus tamen nec constabat; & ab ipsis atrocissima passa fuerat Ecclesia, refert S. Augusti. l. 3. contra Cresconium cap. 42. & sequentibus. Eadem vestra & fratrum vestrorum Calvinistarum est causa & conditio. E quibus si quis necatus fuerit, dicam cum S. Cypriano cap. 10. de vnita. Eccle. *Occiditalis potest, coronari non potest.* § 11. Quintum, sextum, septimum, octauum argumentum de Antichristo, sumis ex cap. 24. Matth. Epist. 1. ad Timoth. cap. 4. Epist. 2. Petri, cap. 2. Epist. 1. Ioannis, cap. 2. & 4. Apud Matthæum prædicit Christus, *Tunc tradent vos in tribulationem, & occident vos, & eritis odio omnibus Gentibus propter nomen meum. Et multi pseudoprophetae surgent, & seducent multos. Et prædicabitur hoc Euangelium regni in vniuerso orbe, & tunc veniet consummatio, &c.* Hæc & plura sequentia adducis tanquam demonstrationem, quod Papa sit Antichristus. Ab infidelibus & Hæreticis ex sola Societate nostra his annis, centum & multo plures occisi sunt; Catholici sacerdotes in omnibus versantur Gentibus; & à nullis non interdum patiuntur. Expectabo, ut numeres quot Prædicantes nisi ob furta forsitan suspensi, aliove supplicio affecti sint; incredibili vestri odio ardent oēs Gentes in Indijs, Peru, Molucis, Philippinis insulis, Regno Mogor, Iaponia, Sinis: scilicet; pseudoprophetae estis, ad seducendum ficti; non ad Christum Gentibus annunciantum. De pseudopropheta Hæreticis est Tertulliani & tot seculis confirmata regula; quod *hoc sit negotium illis, non Ethnicos conuertendi, sed nostros euertendi. Nostra suffodiunt, ut sua adificent.* cap. 42. de præscription. Verum cum nostro primum tempore Euangelium multis Genti-

bus primo prædicatum sit; vel hinc demonstratur, quam verum, iam ante 1000. annos Antichristum & consummationis tempora aduenisse. Loca ex Apostolorum epistolis collecta pertinent ad quosvis Christi doctrinæ aduersarios, non ad supremum illum & supremis temporibus futurum; quem Apostolus 2. Thessalo. 2. Daniel, & in Apocal. S. Ioannes describit; sed tibi cœlibatum & ieiunia Ecclesiastica calumniari volupe erat.

§ 12. Ex S. Ioannis Apocalypsis cap. 10. 11. 13. 14. 16. 17. 18. septem demonstrationes de præsentē iam Antichristo insolubiles struis; sed septuagesies septies mentiris, criminariis, blasphemias despumas. Legantur obsecro Scripturæ verba; quia Prædicantes rem inter manus esse volunt; quid opus est ergo vestris paradoxorū & impietatum fecundis expositionibus? Capite 10. legimus: *Vidi alium Angelum fortem, descendentem de cœlo, amictum nube, & iris in capite eius, & facies eius erat vt sol, & pedes eius tanquam columen ignis: & habebat in manu sua libellum apertum: & posuit pedem suum dextrum super mare, sinistrum autem super terram, & clamauit voce magna, quemadmodum cum leo rugit, &c.* Hunc esse sanctum Angelum qui Christi Domini personam gerat, exponit B. Andreas Cæsariensis Episcopus; ipsū Christum esse interpretantur Primasius Vticensis in Africa Episcopus, venerabilis Beda & plures; quid Prædicans? ex Christo, aut sancto Angelo facit diabolū, seu Antichristum; & gloriæ encomia demutat in conuitia contra Pontificem. E cœlo descendentem propheta Neuburgicus videt bestiam; quam S. Ioannes ex abyssō viderat ascendentem. cap. 11. & 13.

§ 13. Ex capite 11. audes referre, quæ apertissime conuincunt necdum adesse Antichristum; cuius tempore reuertent Enoch & Elias; quos per duos testes designari certum

certum est, tum ex ipso textu, tum ex communi sanctorum Patrum sententia, qui Eliam & Enoch necdum mortuos, sed sub Antichristo necandos indubiè tenent; S. Iustinus in dial. cum Tryphone, S. Methodius in reuelationibus, S. Epiphanius Hære. 64. S. Chrysostomus hom. 58. in Matth. hom. 4. in 2. ad Thessalo. & hom. 22. in epist. ad Hebræos, S. Augustinus lib. 9. de Genesi ad litteram, cap. 6. &c. quorum auctoritatis aciem non ideo patiemur hebescere, quia vnus & alter opinatus est Moysen reditum, non Enoch; de aduentu Eliæ nullus vnquam dubitauit; & clare prædixit Malachias, cap. 4. *Ece ego mitto vobis Eliam prophetam* (Thebiten, vt habent 70. ἡλίαν τὸν θεοῦ ἄρον) *antequam veniat dies Domini magnus & terribilis.* Et Christus ipse Matth. 17. *Elias quidem venturus est;* quod vero ait Eliam etiam iam venisse; non ideo negat quod prius dixerat, sed stabilit; Ioannes enim Baptista venerat *in spiritu & virtute Eliæ*, Lucæ 1. præcursor scilicet in primo aduentu, sicut Thebiten futurus est in secundo, quem Malachias dicit diem magnum & terribilem. *Quomodo in spiritu & virtute Eliæ? hoc est, idem suscipiet ministerium; & sicut Ioannes fuit præcursor prioris aduentus; ita ille quoque erit præcursor secundi & gloriosi aduentus, & ad id seruetur.* S. Chrysostomus hom. 4. in 1. Thessa.

§14. In medium veniat ipse Apocalypseos textus. *Ciuitatem sanctam calcabunt Gentes mensibus XLII. Et dabo duobus testibus meis, & prophetabunt diebus mille ducentis sexaginta, amicti saccis. Hi sunt dua oliuæ & duo candelabra in conspectu domini terra stantes. Et si quis voluerit eos nocere, ignis exiet de ore eorum, & deuorabit inimicos eorum, & si quis volet eos ledere, sic oportet eum occidi. Hi habent potestatem claudendi calum, ne pluat diebus prophetia eorum: & potestatem habent super aquas conuertendi eas in sanguinem, & percutere terram omni plaga, quotiescunq;*

*voluerint. Et cum finierint testimonium suum, bestia quæ ascendit de abyſſo, faciet aduerſum eos bellum, & vincet illos, & occidet eos. Et corpora eorum iacebant in plateis ciuitatis magna, quæ vocatur ſpiritualiter Sodoma, & Ægyptus, vbi & Dominus eorum crucifixus eſt. Et videbunt de tribubus, & populis, & linguis, & Gentibus, corpora eorum per tres dies & dimidium: & corpora eorum non ſuunt poni in monumentis, & inhabitantes terram gaudebunt ſuper illos, & iucundabuntur: & munera mittent inuicem, quoniam hi duo propheta cruciauerunt eos, qui habitabant ſuper terram. Et poſt dies tres & dimidium, ſpiritus vitæ à DEO intrauit in eos. Et ſteterunt ſuper pedes ſuos, & timor magnus cecidit ſuper eos, qui viderunt eos. Et audiuerunt vocem magnam de cælo, dicentem eis: Aſcendite huc. Et aſcenderunt in cælum in nube: & viderunt illos inimici eorum.*

§15. Quid de his teſtibus fabulantur Prædicantes? Duos exponunt multos; duo teſtes, dua oliuæ, duo candelabra; ſunt omnes illi, qui Pontifici reſiſtunt, & reſtiterunt; quos Antichriſtus occidet, vt Ioannem Huſ, Hieronymum Pragenſem, Hieronymum Sauanorolam; & hi duo propheta ait Ioannes, id eſt, tres, imo multi; poſt dies tres & dimidium; pluribus, vel etiam centum poſt annis reuixerunt; quando D. Lutherus & alij contra Papam docere inceperunt. Hæc Heilbronneri ſunt inſomnia, folio 339. Eadem Hunnius to. 1. operum Latinorum folio 1417. & 1418. qui Huſſum canonizat: *Divvs Ioannes Huſſus* O fabulas! Huſſus & Huſſitæ, vt raceam alia, occiſi ſunt Hieroſolymis, *vbi Dominus crucifixus eſt?* O deploratos Prædicantes! ſuamet fabuloſa interpretatione eo deuenerant, vt oſtenderent aliquot ex decem ſeculis, qui pro vera fide; (quam volunt in Auguſtana Confeſſione explicari) ſanguinem fuſiſſet; & nemine inuento nominant Huſſum, & Huſſitam Pragenſem; & monachum Sauanorolam; qui Miſſæ ſacriſi-

sacrificium, & septem sacramenta, ac pleraque alia professi sunt; adeoque si Prædicantes audimus, Deum Mazzim adorarunt; ligno bestię inusti sunt. Hussus in repiica contra Prædicatorem Plznensem scribit de B. Virgine; *Facta est post suum filium primum medium humano generi ad saluandum; sine cuius suffragio impossibile est saluari aliquem peccatorem*: Cœlibatum astruit in sermone, de pace: *Castitatem maxime tenensur seruare ultra communem populum clerici, tum ratione Diuini præcepti, tum ratione voti proprij, tum ratione sanctissimi ministerij, tum ratione utilis exempli*. Idem in quæstione de Credere: *Non credendum est in Papam, vel in auctoritatem Papæ; sed credendum est, quod Papa sit immediatus Vicarius IESU Christi, & supremus Sacerdos hic in terris ratione officij, & in quantum immediatus imitatur dominum IESUM Christum, habens auctoritatem absoluendi & excommunicandi, Indulgentias dandi, & alia, quæ ad clauis pertinent, extremè faciendi*. Non latuerunt hæc Lutherum, qui in Assertionibus, art. 30. to. 2. Witeber. Anno 1546 impresso, folio 115. scribit. *Non recte faciunt, qui me Hussitam vocant: non enim mecum ille sentit. iniuste tamen damnatum queritur; sed subdit: Nisi forte ideo permissus est exuri, quia NON PARVM detulit Romano idolo, & suis SATANICIS institutis operationibusq; erroris. Non repugnare videtur Hussus, quo minus sit Monarchia Papæ; hoc tantum agit, impium Pontificem non esse membrum Ecclesiæ*. Hussus adhæsit Pragensis. Sauanorola proprium libellum de sacrificio Missæ conscripsit; de sacramentis scribit lib. 1. de simplicitate Christianæ vitæ, conclus. 11. *Est ergo sciendum, quod horum sacramentorum possunt quedam iterari & quedam non. Nam ea quæ imprimunt characterem, qui indelebilis est, iterari non possunt; ut Baptisma, Confirmatio, & Ordo. Quedam autē iterari possunt, sed non frequentari, ut matrimonium, & extrema unctio. Quedam vero & iterari, & frequentari possunt; ut penitentiæ & Eucharistia.*

Si Christi martyr est, quomodo laudat bestiae characterem? quæ tua de sacramentis Confirmationis & Ordinis blasphemia est. Idem Romanam Ecclesiam professus est, lib. eod. conclus. 1. *Verus Christianus quoad cultum diuinum, relicto omni superstitioso vel etiam superfluo cultu, Deum omnipotentem colit intrinsecus per fidem, spem, & charitatem: extrinsecus vero eo modo & ritu, quo Christus, Apostoli, & sancti Patres, sanctæque Romana Ecclesia hæcenus ordinauerunt, & in posterum ordinabunt.* Cur ergo combustus est? ob mendaces & seditiosas prophetias, nec non ob contumaciam, & Excommunicationis contemptum; ad quæ humanæ gloriæ aucupandæ; & vt deposito Papa, ipse vel Papa, vel ab eo proximus fieret, se delapsum esse confessus ante mortem est, vt refert Nauclerus to. 2. generat. 50. quamuis sint, qui eum ab huiusmodi criminibus vindicent: Alexandri VI. personam, eiusque censuram tanquam iniquam contempserit; Romanæ Cathedræ primatum, Ecclesiæ Romanæ dogmata, quæ vobis horrendæ idololatriæ, & in Christum blasphemix sunt, ad mortem vsque tenuit. Dicite, an ad Christi martyrem sufficiat Pontifici resistere; & in Martyrum censu erunt Anabaptistæ, Trinitarij, Caluinistæ, & alij inferi Iouis aulici. Sin integram & ab omni Hæresi puram fidem in martyre requiritis; cur Martyres & Divos scribitis, quos notissimum est ea tenuisse, quæ vos idolomaniam, & Antichristianæ doctrinæ capita esse proclanratis?

§ 16. Manifeste quoque vos impossura conuincunt; quæ ex capite 13. Apocalypsis allegas. Nam Monarchia & tyrannis Antichristi prædicitur non diu duratura; *data est ei potestas menses 42.* idem dixerat cap. 11. *civitatem sanctam calcabunt mensibus 42.* consentit numerus annorum à Daniele descriptus, cap. 7. *tradentur in manu eius vsque ad tempus, &*

*tempora:*

*tempora, & dimidium temporis*; idem habetur cap. 12. & Danielis & Apocalypseos, & intelliguntur anni tres & dimidius, vt omnes vno ore veteres exposuere; qui anni constituunt menses 42. sed nec dierum numerum tacuit Scriptura; *dies 1260.* Danielis 12. hi dies nec plures, nec pauciores menses conficiunt quam 42. superant 10. diebus; sed dies 10. cum mensem integrum non faciant; nec mensium numerum augent. Apocalypsis 11. exprimuntur dies, quibus prædicabunt Enoch & Elias, *prophetabunt diebus 1260.* totidem dies sæuiet crudelissima Antichristi persecutio, vt habetur Apocal. 12. Habemus ergo annos, menses, dies; tot tamque consentientes Scripturas. Et cæci mortales Prædicantibus credunt ex sacris litteris euidens esse Antichristum iam 1000. annis regnasse; immanemque tyrannidem exercuisse. Dies 1260. exponit Prædicans fol. 356. annos 1260. quibus regnaturus sit Antichristus; & hoc ad oculum demonstratur ex Ezechielis 4. & Danielis 9. vbi dies pro anno sumitur; tamen si in illis locis nihil de Antichristo tradatur. Miseri, cur in tot Scripturarum de Antichristi duratione consensu ad alias Scripturas omnino impertinentes deflectitis? Eadem ratione quis probabit circumcisionem olim factam octauo anno; quia Ezechielis 4. Scriptum est, *diem pro anno dedi tibi.* ne piso amplius locus iste ad Antichristum, quam ad circumcisionem pertinet.

§ 17. Sed alio vos duco. Si Missæ, & sacrarum Reliquiarum veneratio est Deus Mázim ab Antichristo adoratus, cum ea in Ecclesia iam vltra 1260. annos continuata esse certum sit; sequitur iam perijsse Antichristum. De cuius initio tu tam recte & obscure loqueris folio 398. vt qui legant non intelligant. *Quid ad nostrum àvρυαριστὸν, cuius libros multo difficilius est nosse, quam vincere?* ait de tuo Iou-

niano noster Hieronymus lib. 1. cap. 1. ego de hoc loco: Probas multo diutius, quam tres annos & dimidium potestatem Antichristi duraturam; quandoquidem teste Apostolo *mysterium iam operatur iniquitatis*. 2. Thessla. 2. Itacim subiungis. Ergo regnum Antichristi, si dies computetur pro anno, 1260. vel secundum Danielelem 1290. annos durabit. si ulterius interrogetur, unde huiusmodi annorum computus initium sumat, respondet Angelus Danielis 12. Cum completa fuerit dispersio manus populi sancti, complebuntur uniuersa hec. dispersio autem populi, id est, Christianorum completa est, quando Romanorum Imperator Constantinus Anno Christi 312. factus est Christianus. Odisti lucem, cui tenebras offundis. si Antichristus cepit Apostoli tempore; ergo iam effluerunt anni à Daniele & Ioanne descripti. quid propheram, & Apostolos tanquam discrepantes inter se committis, nisi ut Scripturarum hac de re splendorem obnubiles? S. Paulus scribit suo tempore operari *mysterium iniquitatis*; non quod tunc venerit homo peccati, & filius perditionis, quem venturum primum aperte monet, & hic est Antichristus; sed quia tyranni Ecclesiam persequebantur, quæ umbra quædam & figura erat persecutionis sub Antichristo futura; sicut & Hæreses Antichristianæ perfidiæ idea sunt & formula. Dies 1260. prædicabunt Elias & Enòch; totidem diebus magna Ecclesiæ pars in specubus & solitudinibus ob persecutionis immanitatem latitabit; post quos dies fulgebit in suis fortissimis, qui prophetas æmulati tyranno resistent; ipsius vero tyranni Monarchia erit 1290. dierum, ut clare pronunciat Daniel. Quid sentias, cum ais Danielelem intelligendum de 1290. annis, qui inceperint anno Christi trecentesimo duodecimo, nemo facile diuinaverit; nisi velis annos, de quibus Daniel prophetat, abhinc quinquennio iam completos esse; quandoquidem

ab an-



ab anno trecentesimo duodecimo Christi fluxerunt anni 1295. Videris ipse quæ scribas non intelligere.

§18. Capite 14. Apocalypsis describitur Virginum gloria; cui oggrunnit ex Lutheri hara porcus folio 360. 362. 620. 626. virginum nomine intelligi etiam nuptas, si fidem putam retineant, admitterem hunc morale sensum, si non negares litteralem & proprium, secundum quem de innuptis & incorruptis loquitur S. Ioannes, vt S. Hieronymus aduersus Heluidium alijque interpretantur; & textus ipse probat: *Hi sunt, qui cum mulieribus non sunt coinquinati; virgines enim sunt.* Negas virgines, quarum centum quadraginta quatuor millia inter tuos inuentum iri merito desperas. De Antichristo agimus; quem si appellemus omnem Christi doctrinæ & moribus contrarium; ausim dicere nullum vnquam Christo Virginitatis fonti, ex Virgine orto, Virginum vnico sponso tantum aduersatum esse, nec ex Epicuri schola Ethnicum, quantum aduersatus est Lutherus; parcerem Christianis auribus, sed vt Lutherani agnoscant, qualem bestiam eis Prædicantes tanquam virum ad reuelandum Antichristum diuinitus electum collaudent, refero, quæ cum fastidio describo ex tomo 5. edito Witebergæ, Anno 1554. folio 119. *Vt non est in meis viribus situm, vt vir non sim, tam non est etiam mei iuris, vt absque muliere sim. Rursum, vt in tua manu non est, vt femina non sis, sic nec in te est, vt absque viro degas. Nec enim libera est electio, aut consilium; sed res natura necessaria, vt marem femina, feminam mari sociari oporteat. Verbum enim hoc, quo Deus ait; Crescite & multiplicamini, non est præceptum, sed plus quam præceptum, diuinum puto opus, quod non est nostrarum virium, vel vt impediatur, vel omittatur, sed tamen necessarium, quam vt masculus sim. MAGISQUE necessarium, quam edere, bibere, purgare, mucum emungere, somno & excubijs intentum esse.*

*Inſita eſt natura & indoles, aque ac membra qua eo pertinent. ſequuntur adhuc craſſiora. Sacrilege Monache, Ioannes Baptiſta, Virgo Maria, Chriſtus Dei filius ederunt, dormierunt; homines fuerunt. non audeo obijcere, quæ horreo concipere. Hoc ſolum dicam, quod tibi ſimillimo Monacho louiniano S. Hieronymus lib. 1. cap. 21. Si inſita eſt natura; nunquam ergo ceſſemus à libidine; ne fruſtra huiusmodi membra portemus. Cur enim maritus ſe abſtineat ab uxore? cur caſta vidua perſeueret, ſi ad hoc tantum nati ſumus; ut pecudum more viuamus? aut quid mihi nocebit, ſi cum uxore mea alius concubueris? Quomodo enim dentium officium eſt mandere, & in alium ea, quæ ſunt manſa transmittere, & non habet crimen, qui coniugi mea panem dederit: ita, ſi genitalium hoc eſt officium, ut ſemper fruantur natura ſua, meam laſitudinem alterius vires ſuperent, & uxoris, ut ita dixerim, ardentiffimam gulam fortuita libido reſtinguat. Hæc noui & prodigioſi louinianifmi corollaria ſunt.*

§ 19. Capite 16. Apocalypſis vidit Ioannes de ore draconis, & de ore beſtiæ, & de ore pseudoprophetae ſpiritus tres immundos in modum ranarum. Ex hæc demonſtrant Papam eſſe Antichriſtum: dic, Lutherum, Caluinum, Zuinglium, Antichriſti ſpiritu potos oſtendunt. Rana & cynipheſ ſunt, ut 1100. abhinc annis docuit B. Vincentius Lirin. cap. 14. contra Hæreſes, qui reclamant: *Nobis auctoribus, nobis principibus, nobis expoſitoribus, damnate quæ tenebatis, tenete quæ damnabatis, reiſcite antiquam fidem, paternæ inſtituta, Maiorum depoſita, & recipite, quænam illa tandem?* Horreo dicere ſunt enim tam ſuperba, ut mihi non modo adfirmari, ſed ne reſelli quidem ſine aliquo piculo poſſe videantur.

§ 20. Capite 17. & 18. Apocalypſis deſcribitur meretrix Babylonica. Babylonis nomine ſignificari Romam, qualis fuit ſub tyrannis Imperatoribus, vel erit circa mundi

excidium, quando à suo Pontifice apostatabit, sponte admitterimus, nunc vero Petri tenet Cathedram, Religionis arx & caput est. Mulieris mentio non fuit te obliuisci fabulæ de muliere Romæ Pontifice, Ioanne IIX. quod factum à toto Christiano orbe tanquam rem certam habitum esse mendacissime affirmas folio 363. fabulam rancidam esse clare intelliget, quisquis legerit, quæ super ea scripsere Cardinalis Baronius tomo 10. Annalium Ecclesiast. ad annum Christi 853. Cardinalis Bellarminus lib. 3. de Romano Pontifice, cap. 24. Nicolaus Serarius lib. 1. Moguntiacarum rerum cap. 41. & 42. & in concione quadam Germanica Georgius Scherer, hanc cum legisset Lutheranus adeo pertinax, vt solum mallet, quam hæresim mutare; dixit se cetera omnia Lutheranismum esse, deinceps tamen nunquam crediturum, fuisse Pontificem Romæ yllam feminam.

§ 21. Alterum, non minus fabulosum, profero folio 365. commentum. Scribit S. Ioannes: *bestiæ septem capita septem reges sunt: quinque ceciderunt; unus est; & alius nondum, & cum venerit, oportet illum breue tempus manere.* Hi septem reges, exponis, inueniuntur in septem regnis Occidentis; Italia, Hispania, Germania, Gallia, Hungaria, Polonia, Britannia; ex his quinque, Germania scilicet, Gallia, Hungaria, Polonia, Britannia ceciderunt; quia in omnibus aliqui status & ciuitates à Pontifice defecerunt; unum mansit, nempe Italia; septimum necdum venit, id est, Hispania, quæ serius Pontifici parere capit. Quot verba, tot fabulæ. vt taceam insignem iniuriam in Occidentale imperium, quod intelligis per bestiam, quæ de abyssu ascendit; huius Imperij nonne regna sunt Suecia, Bohe-mia, Dania? cur præteris? quare Polonia & Gallia ob longe pauciores cecidisse dicitur; quæ Reges habet Catholicos? & vide quales sint Heroes, quos à Pontifice defecisse refers.

refers. In Germania Lutherani, in Gallia Hugonotti, in Anglia Calvinistæ, qui tot annis mulierem papissam habuerunt; in Polonia Ariani seu Trinitarij; in Hungaria ex omnibus sectis aliqui Hispaniam ferius paruisse Pontifici, quam Poloniam, Hungariam, anistorisia tua; ad breue tempus manere, apertum mendacium est. Veritas ista: per bestiam, quæ fuit, & non est, & ascensura est de abyſſo, intelligitur diabolus; qui ante Christi aduentum toto passim orbe adorabatur; à Christo eiectus foras, Ioan. 12. tempore Antichristi reuertet, *habens iram magnam, sciens quod modicum tempus habet*, Apocalyp. 12. Per 7 reges intelliguntur, qui septem mundi ætatibus diaboli Satrapæ iustos persequuntur; ceciderunt, qui in 5. ætatibus ab Adam vsque ad diluuium; à diluuiio vsq; ad Abraham, cui primo promissus est Christus; ab Abraham vsq; ad Dauid, cui reprobatò Saule, regnum cum successione traditum fuit; à Dauid vsq; ad captiuitatē Babylonicā; ab hac vsq; ad Christum vixerunt; sunt adhuc, qui ætate sexta Ecclesiā persequuntur; circa finem ac decrepitam quasi ætatem mundi erit regnum Antichristi, quem oportet breue tempus manere.

### Caput I V. An superioribus seculis Papa habitus fuerit Antichristus.

**P**onit hanc quæstionē Prædicans. quis non expectaret catalogum testium doctrina & moribus probatissimorum? nam *malis displicere, laudari est*, inquit sapienter Publius mimus. Ex tanto, qui his 1000. annis vixerant, historiographorum numero delegit sibi stultus Prædicans hominem nostri temporis, quem nec Catholicum, nec Lutheranū dixerim, Ioannem Auentinum; ex quo vno refert Pontifices à nonnullis vocatos esse

esse Antichristos. Et qui sunt illi? Fridericus Imperator II. cum suis fautoribus; qui Bauariæ Ducem opera sicarij occidit; periurij multoties reus; multas Cathedralis, aliasque Ecclesias, ac Monasteria iniquissime fere bonis omnibus spoliavit; & ideo à Gregorio IX. excommunicatus, ac tandem in Oecumenica Lugdunensi Synodo sub Innocentio IV. omnium consensu ab Imperio depositus est. de quo ante alios Albertus Abbas Stadenſis, qui eodem tempore vixit. Alter est Mæinardus Tirolensis à Nicolao IV. excommunicatus: tertius est Ludouicus IV. à Ioanne XXII. eiusque successoribus Excommunicatus. Hi sunt Principes, qui Papam nominarunt Antichristū. Tua nunc vitia numera.

1. Producentur Imperatores & principes; qui in armis potius, quam sacris & Ecclesiasticis Scripturis exercitati erāt;
2. hostes Pontificis, ob dissidia quæ inter ipsos fuerant;
3. quod caput est, illi in Pontifice vitam, mores, temporalem dominatū oderunt; fidem & Religionem sequebantur sacrificium Missæ, Sanctorum inuocationē, & cetera Romanæ vniuersalis Ecclesiæ dogmata firmiter credebant; à Pontificibus corruptā fidei sinceritatē, eosque esse Antichristum illū, quem Scripturæ venturū prædicant, ne p̄ somniū quidē cogitabant; adeoque ad rem præsentē nihil pertinent. Ludouicus sane Imperator in sanctis secundū Deum colēdis, erigendis ad Missæ sacrificium aris egregie pius fuit, ut constat ex plurium foundationū litteris. Fridericus II. post latam in se Excommunicationis sententiam in Pontificem exacerbatus sedem Apostolicā tamen venerat; ad Cardinales scribit; *Fridericus, &c. vniuersis sacrosanctæ Romanæ Ecclesiæ Cardinalibus, dilectis amicis suis*, Et in ipsa ep. *Angit nos aliorum mente turbatio, quod dum nos intendamus à persequente defendere, oporteat nos grauius offendere resistentes, salua in omnibus Ecclesiæ sanctitate, quam cultu sacro, & debita reuerentia corde & corpore veneramus.*

§ 2. Contra Gregorium VII. virum sanctitate & miraculis clarum producis Eberhardum Salisburgensem Episcopum, & tuum Auentinum; passus est fortissimus Ecclesiastica libertatis aduersus Henricum IV. Imp. propugnator plures aduersarios, qui personam quoque, non Petri cathedram calumniabantur tanquam Antichristi regnū; sed optimi Pontificis virtutem commendant SS. Anselmi Cantuariensis & Lucensis, & plures eius synchroni historici; alijque quorum triginta duos recenset Bellarminus lib. 4. de Pontifice; cap. 13. Ipse Auentinus multa quidem ex anonymo quodam sine vlla auctoritate contra Gregorium scribit; eundem tamen defensum refert lib. 5. Annalium, pag. 579. ab Anselmo Lucensi Episcopo, & Guiljelmo Hicluno, qui suam causam, inquit, *seque iustos esse miraculis post mortem declararunt.* idem de Henrico folio 563. *Henricum stupris, amoribus, impudicitia, & adulterij flagrasse infamia, ne amici quidem negant.*

§ 3. Extra verbum disputans folio 377. contendis animam corpori, spiritualement potestatem temporali subesse. Doles Imperatores à Pontificibus, Pontifices vero non ab Imperatoribus confirmari. Carolum Magnum negas à Leone III. Imperatorem factum; *quia quod Papa non habuit, id non potuit alteri dare: sed Papa non habuit Imperium:* at habuit ius conferendi imperij, an princeps aut magistratus, qui tibi Prædicantis munus & officium tradidit si ipse illud habuit, ac Prædicans fuit? A Pontifice Imperatorem iussum esse Carolum, ex historicis euincit Bellarminus lib. 5. de Pontifice, cap. 8, idque tam certum est; vt Magdeburgenses tui Centuriatores centu. 8. cap. 10. negare ausi non sint. Fauet tibi Sigebertus, quia fauit etiam Henrico IV. Imperatori, iniquior Ecclesiasticæ libertati: ex quo tamen Gratianus accepit Capitulum 22. distin. 63. quod iure à

Sigeb.

Sigeberto in Henrici gratiam confectum creditur; narrat enim rem ante CCCXXXIX. annos gestam; & à nullo antiquiore conscriptam. Sequentis 23. Capituli, eadem distinctione, itidem vacillare auctoritatem discet, qui legerit Cardinalem Baronium tomo 9. ad Annum 774. & tomo 10. Anno 964. Quoties te docebimus, non omnia quæ in Iuris corpus compilauit Gratianus, à nobis tanquam sacra & indubia recipi: Verum ponamus vtrumq; Capitulum esse sincerum; à Romana sede concessum fuerit Principibus de illa bene meritis, atque ad propulsandam hostium vim, vt sede vacante ipsi in Pontificem eligendum dignum aliquem nominarent, aut electum approbarent; id non proprium Imperatoris ius, sed priuilegium fuit, quod vt non semper erat, ita tolli poterat; & iam dudum legitime, si vnquam fuit, sublatum est.

## Caput V. De argumentis, quibus probatur Pontificem non esse Antichristum.

**S**atis id superque demonstratum est; & responsa tua sunt incitia, crassissimoque errore plena. Cap. 3. folio 352. somniabas de quodam inter nostros Theologos dissidio; soliditatem tuam tacui; neque enim centesimam eius partem persequor; sed quia redi hoc cap. folio 384. transire nolui. Assertum est, per bestiam habentem cornua duo, Apocal. 13. ver. 7. non intelligi ipsum Antichristum, sed eius quendam præcurso-rem, seu armigerum, vt loquitur S. Irenæus, lib. 5. cap. 28. tu opinaris per hoc negari, quod illo capite de Antichristo agatur, de quo tamen agi Bellarminus alijque asserunt. duæ bestię à Ioanne visæ referuntur, prior omnino Anti-

Y

christum

christum designat; altera eius anteambulationem, quæ de nomine & signo bestiae ibidem traduntur, dic quis neger ad Antichristum pertinere? ex utroque vestrum de Antichristo impium figmentum valide evertitur.

§ 2. Apocalypsis 13. traditur de bestia bicorni, qui famosus Antichristi præcursor erit; *faciet omnes pusillos, & magnos, & diuites, & pauperes, & liberos, & seruos habere charactera in dextera manu sua, aut in frontibus suis, & ne quis possit emere vel vendere, nisi qui habet charactera, aut nomen bestia, aut numerum nominis eius. Hic sapientia est. Qui habet intellectum computet numerum bestia. Numerus enim hominis est: & numerus eius sexcenti sexaginta sex.* Neutrum expletum esse intelligit,

quisquis verba intelligit. Ex quibus etiam compertum est, Antichristum fore vnum singularem hominem, vnius nominis; non multos sibi succedentes diuersorum nominum Pontifices. Agnoscitis ipsi Antichristum habiturum nomen, cuius numerus sit 666. si ille reuelatus est, certum & indubium eius nomē pandite. Ais f. 385. id esse *λατίνος*. at nullus vnquam sic dictus est Pontifex; nec quia in Latio residet, dici potest eum Latinum vocari: quis enim ferat ista, Imperatori nomen est Pragensis; Ducī Bauariæ Monachienſis? vt taceam, Latinus, si sine Grammaticæ peccato scribatur, *λατίνος* scilicet, non comprehendere numerum 666. S. Irenæus lib. 5. c. 30. quia Latinorum tunc latissimum erat regnū, conijciebat nomen Anrichristi futuri potentissimi Monarchæ fore *λατίνος*, probabilius tamē credebat vocatum iri *τετάρτος* propriū vnius hominis futurum, & S. Irenæo, & omnibus sanctis Patribus cerrum erat.

§ 3. Non convenire in Romanos Pontifices, quæ de charactere Antichristi Scriptura docet, euidenſissimum est. Hunc characterem fol. 415. blasphemias esse eum, qui in Confirmationis sacramento fronti imprimitur; & in sa-  
cerdo-



cerdotis consecratione dexteram manui; vtrumq; nos characterem agnoscere ais. si de stabili, & permanente characterē id affirmas, mentiris; nam virtute sacramentorum illorum profitemur characterem imprimi in anima, non in fronte, aliaue corporis parte; qui character spiritualis & inuisibilis est; ac proinde nec externum Antichristi signū esse potest. si de characterē, quo in sacramentorum susceptione corpus consignatur, loquaris; id non Antichristi, sed crucis Christi signum est; quod cum statim transeat, quomodo ex eo, quod non est, Christi fideles discernentur ab Antichristi ministris? Dicis sol. n. 6. manere ad modum, quo baptizatus manet. belle, nihil enim baptizatus manet, quo homo alterum ex fronte aut manu cognoscat, an baptizatus sit. An non haeret tibi aqua? accedit; falsum esse omnes à nobis ad Ordinis aut Confirmationis sacramentum adigi; vtrumque libere adeunt fideles. sed & quam veri speciem habet, Antichristum virum secundum voluntatem diaboli fictum, S. Crucis signum assumpturum; quod demones adeo fugiunt, & horrent? Audi sanctitate & vetustate celeberrimum Ephraim tract. de consummatione seculi; *Dabit hoc suum signum scelestus ille, non quidem promiscue pro quolibet corporis membro, ne hoc graue sit atque molestum ipsis; sed in dexteram manum, ac frontem insculpturus est homini characterem hunc suum impium: nescilicet facilius sit homini dexteram se signandi, signo Christi Saluatoris nostri, neque rursus in fronte vllatenus tremendum sanctumque Domini nomen imprimere queat; neque etiam gloriosam atque formidabilem Saluatoris Crucem insculpere.* Nonis quippe infelix ille, per impressionem Crucis Domini potestatem sibi omnem ademptum iri. Quamobrem signat hominis dexteram, quod ea scilicet cuncta nostra membra signemus & similiterq; frontem, quod illa candelabri in modum lucernam lucis, hoc est signum Saluatoris nostri in altum praeferat.

§ 4. Antichristum ex Iudæa stirpe oriturum; circumcisum iri; inprimis Iudæos in suas partes sollicitaturum; & Hierosolymis, non Romæ sessurum ex Scriptura & Patribus demonstrat Bellarminus lib. 3. de Romano Pontifice, cap. 12. & 13. Tibi nimia cerevisia mentem abstulit, ut quæ suo stant loco in gyrum verti æstimes, Bellarminum ais folio 404. vertiginis spiritu laborare; quia cap. 13. tenet per meretricem Babylonicam intelligi ciuitatem, Diaboli, seu impiorum vniuersitatem; cum tamen eodem lib. cap. 2. fateatur in cap. 17. Apocalypsis agi de Antichristo. Quis negat Matth. 2. agi de Christo? ergo contradicit sibi, qui non fatetur Herodem & Archelaum, de quibus ibidem scribitur, esse Christum? Ut omittam Bellarminum referre S. Augustini; & aliorum expositionem, ipse vero tanquam probabilius tradit Babylonis nomine intelligi Romam, non qualis nunc est, sed qualis fuit & futura est, Ethnicam, idolorum cultricem, Christianorum persecutricem; in qua tantum abest ut sessurus sit Antichristus, ut vel ante Monarchiam Antichristi, vel sub initium eius à decem Regibus euertenda sit; de quibus Apocalyp. 17. *hi odient fornicariam, & desolatam facient illam, & nudam, & carnes eius manducabunt, & ipsam igni concremabunt.* Decem vero Reges erunt circa aduentum Antichristi; quorum tres ipse delebit, septem sibi subiugabit; ut ex Danielis 7. discimus; in quem locum S. Hieronymus. Ergo dicamus, quod OMNES Scriptores Ecclesiastici tradiderunt: in consummatione mundi, quando regnum destruendum est Romanorum, decem futuros Reges, qui orbem Romanum inter se diuidant, & undecimum surrecturum esse regem paruulum, qui tres reges de decem regibus superaturus sit; id est, Aegyptiorum regem, & Aphricæ, & Æthiopie; sicut in consequentibus manifestum dicemus. Quibus interfectis etiam alij septem reges Victori colla submittent.

Caput

Caput VI. Vtrum in Christiani orbis inu-  
riam cedat dogma de Pontifice  
Antichristo.

**G**randis blasphemia est in cœlestis Patris erga nos prouidentiam; contra Christi facta Ecclesiæ promissa; in sanctum Spiritum, quod tantarum Ecclesiarum, tot seculis, *nullam respexerit Spiritus sanctus, uti eam in ueritatem deduceret, ad hoc missus à Christo, ad hoc postulatus de Patre, ut esset Doctor ueritatis, neglexerit officium DEI uillicus, Christi Vicarius, sinens Ecclesias aliter interim intelligere, aliter credere, quam ipse per Apostolos predicabat.* Tertullianus cap. 28. de præscriptionibus.

§ 2. Deinde, tot millia Sanctorum damnantur, quod Antichristo adhæserint; omnes Patres & Doctores arguuntur, quod Scripturas non intellexerint, & à genuino sensu longissime aberrauerint. Obijcis folio 432. à nobis quoque relinqui vnanimem consensum Patrum; de prope instante Antichristi aduentu; sed Bellarminus lib. 3. de Pontifice, cap. 3. quem citas, asserit Catholicos etiam errasse in hoc; quod putarint mundi finem propinquiorem esse; subdit, omnes veteres id suspicatos intuitu malitiæ suorum temporum; omnes scilicet, qui mundi excidium in foribus esse iudicabant; quam tamen non omnium fuisse sententiam patet ex SS. Iustino, Irenæo, Hilario, & alijs, quos eodem cap. refert Bellarminus sensisse mundum duraturum sex millibus annorum; item, Bellarminus non ait hanc fuisse certam sententiam; sed suspicionem; quam habere potest, qui contrarium probabilius iudicat. Quicquid sit, non imponitur Patribus inscitia in Scripturis interpretandis, & fidei articulis, aut ullo dogmate, quod

vnanimiter tanquam certum & indubitatum receperint. *Patribus hac lege*, inquit S. Vincentius Lirinensis, cap. 39. *contra Hæreses, credendum est, vt quidquid, vel omnes vel plures, vno eodémq. sensu manifeste, frequenter, persecrantes, velut quodam sibi consentiente Magistrorum concilio, accipiendo, tenendo, tradendo, firmanerint, id pro indubitato, certo, ratôq. habeatur.* § 1. Præterea hæc insania vestra summam iniuriam irrogat toti Ecclesiæ, ac Romano Imperio, omnibus statibus tam Ecclesiasticis quam politicis. Nam si Romanus Pontifex est, & fuit iam à 1000. annis, vt fol. 387. & fol. 390. occinis, quin ab annis 1166. vt sensu tuus Georgius Nigrinus, cuius delirij vndecim ex illo argumenta repetis, folio 394. recte nostri intulerunt, consequi omnes imperatores Gallos, ac Germanos Imperium, & Principes Germaniæ Electoratus dignitatem à bestia, qui est Antichristus, accepisse; nam à Pontifice ea haberi certum est, & demonstrat Cardinalis Bellarminus in libello de Translatione Imperij. Tu passim sacri Imperij, eiusq. Principum Maiestatem ore maledico incessis. Folio 355. Bestiæ capita ponis Italiam & Hispaniam, quæ vulnerata erant; sed sanata sunt, quando Carolus Magnus Longobardos Italia; Ferdinandus Aragonus Saracenos, Iudæos, & Mahometanos Hispania pepulit. Fol. 358. Verba Apocalypsis: *datum est illi (bestiæ alteri) vt daret spiritum imagini bestia (prioris) & vt loquatur imago bestia;* exponis de Pontifice, qui imagini Imperij Romani Spiritum dare studet; quia Romanum Imperatorem approbat, vngit, consecrat, coronat, & ab eo iuramentum fidelitatis exigit. Fol. 363. *Cum meretrice Babylonica, id est, Pontifice fornicati sunt Reges terra, magnam illi exhibuerunt reuerentiam, genu coram eo flexerunt; mandata illius probauerunt, &c.* Quod Carolum Magnum, Ludouicum Pium, aliosq. Christianissimos Reges, & Principes fecisse notum est.

est. Fol. 415, Sacro Chrismate, & Dominica cruce in fronte signati *bestia charactèrem* acceperunt; adeoq; tanta Imperatorum, & in Illustrissimis familijs Principum series hoc infami bestiae & Babylonicae meretricis stigmate notata fuit. An non hæc Romano Imperio, quod Prædicanti, imago tantum est, & vestris, ô Principes, maioribus religiosissimis perpetui dedecoris turpissimiq; p̄bri notâ inurunt?

§ 4. Profecto si hoc impium de Antichristo Prædicanti dogma recipiatur, sequitur tantos populos Germanos, Anglos, Polonos, Danos, Suecos, Vngaros, Bohemos, &c. nunquam fuisse Christianos; sed Antichristianos; quos constat p̄ Romanæ Ecclesiæ sacerdotes à Gentili superstitione ad Romanæ Ecclesiæ gremium traductos esse; vt vel ex templis in Sanctorum memoriam erectis, fundatis Monasterijs, alijsq; monumentis, historijs, ac scriptis liquet. Ridiculum, quod folio 436. colligis iam dictas Gentes à Pontificibus non esse ad Christi fidem conuersas, cum ab aliquot seculis illi nec concionati sint, nec sacramenta administrarint; quasi vero parta victoria non referatur in supremum belli caput, cuius voluntate, & auctoritate totus exercitus egreditur, & ingreditur; nisi is exerta machæra contra hostes eat; quin solus omnia conficiat. Principi adscribitur, quod per suos præstat; vt pratercam te mentiri, quod multis seculis Pontifices eiusmodi munia non obierint. Sacramenta enim etiâ hodiè sæpius administrât; quando concionantur seu exhortâtur in suis Consistorialibus alijsq; conuentibus, mirum est, quod Prædicantes non reddant certiores. Habes Innocentij III. doctissimas conciones; necdum tertium completum est ab illius ætate seculum; nec ille postremus è suggestu dixit insuper non vox tantum, sed & littera instruit; & tu ipse agnosces Paulum nos plurimum docere, licet concionantem non audiamus.

Litteris ergo Apostolicis, & pluribus modis regunt Pontifices Ecclesiam Dei, tametsi pulpitum non conscendant. § 5. Demum, impii ista de Pontifice Antichristo Prædicantium assertio ipsis Augustanæ Confessionis Principibus maxime iniuriosa est; quia diffamantur eam Religionem profiteri, quæ in Imperio nec permixta quidem fuit. Nam hoc dogma non continetur in Augustanæ Confessione; sicut nec Calvinismus; Anabaptismus; Turcismus, & Iudaismus.

## ARTICVLVS XV.

*De Ecclesia in terris militante.*

## Caput I. Vtrum Romana sit vera Ecclesia.

**N**on esse probas 10. paralogismis adeo insulsis, ut non à me, sed à quinquenni puella non tam refelli, quam rideri mereantur. exemplo sunt, quæ tanquam validiora in fronte collocas. Argumentum primum: *Vera Ecclesia non est, quæ Romanum Pontificem pro Capite agnoscit; illi in omnibus Religionem attinentibus credit & obedit, tanquam ipse Deus, imo supra Deum esset; atque etiam characterem seu signum illius in fronte seu dextera sua recipit; Romana Ecclesia hoc facit; Ergo &c.* Pontifici suo, sicut Capiti locum Christi tenenti, cohæret Ecclesia, memor illius: *Qui vos audit, me audit; & qui vos spernit, me spernit.* Tu nimis crassus sycophanta es. Alterum argumentum: *Ecclesia, quæ diuinum cultum exhibet creaturis, imaginibus seu idolis non est vera Ecclesia; id facit Ecclesia Pontificia; Ergo, &c.* Meram stro-

pham

pham & calumniam esse intelligit quivis Catholicus; nec Lutheranium paulo æquiorẽ recusò arbitrum eorum, quæ hac de re articulo 13. disputata sunt. Forte meliora in medio tanquam tutiori loco reposuisti; tentemus. Sextum ergo argumentum est. *Ecclesia, quæ à recta, vera, vetustissima, Catholica fide defecit, & vera nequit dici recta Ecclesia; Romana defecit à recta &c. fide, Ergo.* Probatissima est Maior; circa Minorem inquiratur, an nos à vobis, vel vos à nobis defeceritis. Vos à nobis exiisse luce clarius est; quandoquidem ipse Lutherus separationis auctor se nostrum, & optimum Papistam fuisse profitetur; imò *submersum in dogmatibus papa, ut paratissimus, inquit, fuerim, omnes si potuissem occidere, aut occidentibus cooperari & consentire, qui Papa vel una syllaba obedientiam detrectarent.* In præfat. 1. tomo Witeber. Anno 1549. Annum, locum, quando, ubi defeceritis, defectionis principem nominamus; dicite vos quando, ubi, à qua Ecclesiâ nos recesserimus. Tot ab Apostolorum tempore ortæ sunt hæreses; omnium auctor & origo sciebatur; ea semper Ecclesiâ veræ fidei custos fuit, cuius post Apostolos nullum sciebatur initium. *Et tenebra, quæ unquam hæresis, nisi sub certo nomine, certo loco, certo tempore ebullit? quis unquam hæreses instituit, nisi qui se prius ab Ecclesiâ Catholica, uniuersitatis & antiquitatis consensione discreuerit? Quod ita esse, luce clarius exempla demonstrant.* S. Vincentius Litini cap. 34. aduersus hæreses.

## Caput II. Vbi quærenda sit vera Ecclesia.

**I**N sacris litteris, inquis; ijs, si crederes non aberrares; ostendunt enim tibi Ecclesiam, quam sicut Christum ipsum audiri præcipiunt, Matth. 18.

Z

Luco 10.

**Lucæ 10.** hoc fac, & viues. Nunquam vero Ecclesiæ credendum esse, nisi quantum in Scripturis expressum legitur; & quo cuius placet modo intelligitur, communis hæreticorum scitum, & *κρυπτόν* est. At veri Christiani nihil dubitant se eius Ecclesiæ condere gremio, quæ usque ad confessionem generis humani ab Apostolica sede per successiones Episcoporum, frustra hæreticis circumlatrantibus, & partim plebis ipsius iudicio, partim Conciliorum gravitate, partim etiam miraculorum maiestate damnatis, culmen auctoritatis obtinuit. Cui nolle primas dare, vel summa profecto impietatis est, vel præcipitis arrogantis. S. Augustinus, cap. 17. de utilitate credendi.

### Caput III. De nomine Ecclesiæ Catholicæ,

**D**E hoc nonnihil dixi ad titulum tui libri; hic plene aperis, quantum hoc nomen ad ames, solos Catholicos vere fideles & Christianos à SS. Patribus haberi nostis; & ideo Catholici haberi vultis; sicut olim Donatistæ *apud se potius esse Catholicam* dicebant; teste S. Augustino in Breuiculo, in collatione 3. dici. Idem contendebant alij hæretici; sed quia nimia huius nominis luce mendacij arguebantur; vim & nativam significationem eius inuvertebant. Sic tu hic Catholicum esse ais idem, quod doctrinam Evangelij, quæ ab Apostolis per vniuersum orbem prædicata fuit; testemq; citas S. Augustinum epist. 170. & lib. de vnitatē Ecclesiæ. Augustinus te apertissime hæreticum condemnat; Catholicam esse docet eam fidem, quæ non in vna prouincia, sed toto passim orbe recepta est. Nam si tempore Apostolorum fuisset in plurimis regionibus suscepta; sed iam in vnum co-

acta



acta esset angulum, fuisset olim Catholica, amplius non esset. *Ipsa est enim Ecclesia Catholica*, scribit Augustinus epist. 170. unde καθολικὴ *græce appellatur, quod per totum orbem terrarum diffunditur*; non ait; diffusa est; Hanc ignorare nulli licet; ideo secundum verbum Domini nostri Iesu Christi (Matt. 5.) abscondi non potest. Pars autem Donati (Lutheri) in solis Afris (Germanis & Danis) calumniatur orbi terrarum. Ex cap. 2. de vnitrate Ecclesiæ hæc affert: *Maiores nostri Ecclesiam nominarunt Catholicam, ut ex ipso nomine ostenderent; quia per totum est.* Non erubuiſti citare hunc librum, in quo Augustinus ex instituto contra Donatistas probat veram Ecclesiam esse, quæ quouis tempore per totum orbem diffunditur; ad quod confirmandum cap. 6. tria loca Genesis, cap. 7. decem ex Isaia; cap. 8. sex ex psalmis; cap. 10. vñ ex S. Luca Evangelio; cap. 11. sex ex libro Actuum adducit: *Date mihi*, alloquitur Donatistas, cap. 6. hanc Ecclesiam, si apud vos est, ostendite vos communicare omnibus Gentibus, quas iam videmus in hoc semine benedici: *Date hanc*, aut furorẽ depositò accipite; non à me, sed ab illo ipso, in quo benedicuntur omnes Gentes. Gen. 22. En, præsentem Ecclesiam exigit toto orbe propagatam; non contentus, quod Apostolorum tantum sonus in omnem terram exierit; hoc vestrum refugium Donatistis patere noluit. Nam & ipsi dicebant se Catholicos, quod integram Christi doctrinam retinerent; quorum vñ epist. 48. respondet: *Acutum aliquid videris dicere, cum Catholica nomen non ex vñius orbis communione interpretaris, sed ex obseruatione præceptorum omnium Diuinorum, atque omnium sacramentorum, &c. sed nempe hoc est totum, quod nobis persuadere conaris, solos remansisse Rogatistas (Confessionistas) qui Catholici recte appellari possint, ex obseruatione præceptorum omnium diuinorum, atque omnium Sacramentorum: Et vos esse solos, in quibus inuenias fidem, cum venerit filius hominis.*

*Da veniam, non credimus.* Nec vobis nos credimus. Etrū acutissimum inuenisti argumentum, folio 458. non recte describi Catholicum esse id, quod vbiq̃ue, quod semper, quod ab omnibus creditur; nam sequeretur dogma Catholicum esse, quod vinum sit melius aqua. omnino sequeretur, si fides seu Credere Catholicum esset Prædicamentum, qui eiusdem farinæ fide credunt res Diuinas & humanas: at nos Catholica dogmata credimus Diuina longeque certissima fide, qua minime credimus, quæ ob solam naturalem euidentiā tenemus.

§ 2. Catholicæ nomen odisse Lutherū probamus, quia ex Symbolo Apostolorum sustulit, Catholicam; & supposuit, Christianam. Factum fateris folio 459. & Lutherū excusare niteris; sed frustra es; ac pluribus temere assertis implicaris. 1. ais non esse certum, quod ab Apostolis hæc vox vsurpata sit; idque ex 2. aut 3. Patribus colligis, qui huius articuli meminerint, nec vbiq̃ue vocem illam apposuerint; quamuis alibi eam agnouerint. Eadem ratione magis adhuc curtum dabis nobis Symbolum; nam S. Epiphanius hæresi 72. vbi integrum tenes Symbolum Apostolorum referri, exprimit, quæ explicare placuit, omittit in primo articulo, Patrem; in quarto, Passus, Mortuus; in quinto, descendit ad inferos; in sexto, Dei, Omnipotentis; in nono, Sanctorum communionem. 2. assertis vocem Catholicum inceptam vsurpati sub Ariana hærelis ortum; en quam versatus sis in sanctis Patribus! ea voce, tanquam notissima multo ante Arium frequens vtitur S. Cyprianus, vt epist. 41. 42. 43. 45. & alibi; quod obseruauit etiam S. Pacianus S. Hieronymi coætaneus in epist. ad Sempronianum, cuius verba affers nescio vnde collecta; nam si ipsam epistolam legisses, te non fugisset Ecclesiam à S. Cypriano appellari Catholicam, cuius auctori-

tate

tate inter alia nomen Catholici S. Pacianus tuetur. 3. falsum est, Christianam in Symbolo à Luthero suppositam, esse interpretationem vocis Catholicam; nam hæc apertius fideles ab hæreticis distinguit. 4. falso allegas S. Pacianum docere nomen Catholici idem esse quod Christianum; nec fuisse tempore Apostolorum; quia tamen postea usurpatum sit, se illud non contempturum. S. Pacianus aperte hoc nomine contra hæreticos triumphat; tanquam veræ Ecclesiæ proprio charactere. Nec dicit Ecclesiam non appellatam Catholicam sub Apostolis; sed hæreticis concessionis schemate dar, fideles non esse dictos Catholicos. nec hodie communiter vocamur Apostolici, licet Ecclesiam Apostolicam confiteamur. sed audiamus S. Pacianum; qui ad Sempronianum hæreticum scribit: *Sub Apostolis, inquires, nemo Catholicus vocabatur. Esto sic fueris, vel illud indulge. Cum post Apostolos hæreses extitissent, diuersisq; nominibus columbam DEI atque reginam lacerare per partes & scindere niterentur, nonne cognomen suum plebs Apostolica postulabat, quo incorrupti populi distingueret unitatem, ne intemeratam Dei Virginem error aliquorum per membra laceraret? Nonne appellatione propria decuit caput principale signari? Quid tot annosi Episcopi, tot Martyres, tot Confessores? Age si illi usurpando nomini huic auctores idonei non fuerunt, nos idonei erimus negando? Et nostram potius auctoritatem Patres sequentur & emendanda Sanctorum cedit antiquitas, & iam putrescentia vitij tempora canos Apostolica auctoritatis eradent? Nec tamen astues frater. Christianus mihi nomen est, Catholicus vero cognomen. Illud me nuncupat, istud ostendit; hoc probat, inde significor.* Subdit, eosdem esse Christianos, & Catholicos; non autem, quod idem utriusq; nominis significatus sit. Nam quis vere Christianus appelletur, ex ipso Christiani nomine tam aperte non euincitur; quod tamen OSTENDIT, PROBAT Catholici cognomen.

## Caput I V. V. & VI. De infallibilibus veræ Ecclesiæ notis.



Notæ dicuntur signa, quibus cuius etiam illiterato vera Christi Ecclesia manifestatur, quæ proinde tales esse debent; ut vel singulas, vel coniunctim sumptas nullus hæreticorum cœtus sine aperto mendacio sibi vindicare queat. Tales sunt, diffusio Religionis per omnes orbis partes; perpetua Episcoporum in eadem fidei professione successio; singularis plurimum sanctitas; quam Deus nullo non seculo certissimis miraculis confirmavit; aliaque huiusmodi; quæ constat in vna Catholica Ecclesia reperiri. Prædicantes, notas istas repudiant; & has duas statuunt; puram verbi Dei prædicationem, & legitimam sacramentorum administrationem; utramque plenis buccis Lutheristæ, Calvinistæ, Anabaptistæ, Trinitarij, & ceteri verusti recentesque hæretici penes se esse clamitant. quomodo rudes plebes veritatem internoscant? iudicabunt scilicet, an hæc fiant exacte secundum Scripturas; quas proinde integras, cum concionem audiunt; in memoria aliquatenus habebuat; & quia fieri potest; ut ab errore pura sit vna concio, & non altera, non poterunt sententiam ferre de sua Ecclesia, nisi diligenter omnibus concionibus adsint. Hæc perspicua vestræ imposturæ signa & notæ sunt. nullus paulo modestior inter vos cuius fuerit, qui non fatebitur se non posse scire, an omnia, quæ in concione audit, sint Scripturis consona; sed concionatori credere.

§ 1. Deinde, si publica, pura Verbi Dei prædicatione, & sacramentorum ex illius præscripto administratio sunt notæ veræ Ecclesiæ: Ergo, multis seculis non fuit vlla vera

Eccle-

Ecclesia, vel fuit Romana. Quid ad hoc Prædicantes? expresse admittunt has non esse perpetuas Ecclesiæ notas. Id clarius testatur Hunnius, qui tomo 1. operum Latino-  
rum folio 1325 quæstionem ponit: *Si Ministerium omni ex parte integrum & incorruptum non putas ad essentiam Ecclesiæ requiri; cur igitur Augustana Confessio & Theologi sinciores has ponunt Ecclesiæ notas, verbum Dei purum, & legitimum sacramentorum usum?* respondet. *Quando hæc ponuntur Ecclesiæ signa, PALAM est, fieri hoc respectu Ecclesiæ in statu proprio suo considerata, non quemadmodum spectatur in conditione ista accidentali, quando lupi inuadunt Ministerium, & doctrinæ humanitatis incogitatis obscurant nativam Ecclesiæ visibilis faciem.* Eiusmodi ergo sunt vestræ notæ, ut quando maxime notis opus erat, illæ Ecclesiæ non adsint: ac tot annorum centurijs Ecclesia vera sine nota fuit; antequam venirent, qui illam scinderent; & se solos veritatem à reliquo orbe exulantem odoratos esse vanissime iactarent. Nec plura de notis vestris, quia plurima alij.

## Caput VII. De perpetuitate Ecclesiæ.

**P**aradoxa mira parturis. Folio 474. *falsa Ecclesia prope tam diu duravit, quam vera.* Dic. quæ unquam hæresis inter Christianos 1000. annis perstitit; tot exortæ sunt, omnes in Ecclesiæ Romanæ petram impegerunt, & dissolutæ sunt; illa sola tot seculis immota perstitit. Ingeris Gentiles & Idololatrias; sed & inter eos novæ frequenter sectæ fuerunt; & *semper esse, sicut, ubique esse*, ad hæreticos inprimis à veris Christianis discernendos clara nota est; ut sapienter aduertit S. Augustinus cap. 4. de unitate Ecclesiæ. *Totus Christus caput & corpus est. Quicumque de ipso capite ab Scripturis sanctis*  
Z 4 *dissen-*

disfentiant, etiam si in omnibus locis inuocantur, in quibus Ecclesia designata est, non sunt in Ecclesia. Item, quicunque credunt quidem, quod Christus Iesus in carne venerit, &c. sed tamen de eius corpore, quod est Ecclesia, ita dissentiant, ut eorum communio non sit cum toto quacunque diffunditur, sed in aliqua parte separata inueniatur, manifestum est eos non esse in Catholica Ecclesia. Eadem illorum ratio, qui Christum agnoscunt; & ab eius corpore Ecclesia, quæ semper fuit, discedunt.

§ 2. Folio 475. fateris: Aliquot annorum Centurijs nulla alia visibilis Ecclesia fuit, quam Papisica; sed in medio Papatu fuit vera Evangelica Ecclesia. Inuisibilem fuisse Ecclesiam veram veteres quoque hæretici mentiebantur; illis & vobis respondet inter alia S. Augustinus cap. 14. de vnitæ Ecclesiæ. Non est Ecclesia operta, quia non est sub modio, sed super candelabrum, ut luceat omnibus qui in domo sunt. Et de illa dictum est: non potest ciuitas abscondi supra montem constituta. Sed Donatistis (Pseudoeuangelicis) operta est, qui audiunt tam lucida & manifesta testimonia, qua illam toto orbe esse demonstrant; & malunt clausis oculis offendere in montem, quam in eum ascendere.

§ 3. In Ecclesia inuisibili fuerunt, 1. multi sancti Martyres, qui Pontificijs abominationibus contraxerunt, & ideo interfecti sunt: 2. boni Christiani, qui simpliciter fidem suam Christianam retinuerunt, neminem alium, quam Deum Patrem in nomine Christi, & unicum suum Redemptorem Iesum Christum inuocauerunt; nec in omnibus punctis & articulis boni Papista fuerunt; quibus, necdum clara exorta luce, in tam densis tenebris, sufficiebat, si nobis in fundamento Christianæ doctrinæ consenserunt: 3. paruuli ex Christianis nati, & prius defuncti, quam discretionis annos attingerent, vel falsam doctrinam imbiberent. Hæc tu fol. 477. & 478. Plane inuisibilis vestra est Ecclesia; quis Martyres vestros, eosque multos vnquam viderit? Nominatè vnicum,

cum, vel obscurissimum, qui vobiscum consenserit in articulis, quos fidei fundamenta euertere declamatis? Fundamentum vestrum est, Romanæ Pontifici contraite; atque ideo Hussus in sanctis Martyribus est. Vnde Lutherus tomo 1. Witebergæ impresso 1549. folio 409. & 410. scribit, quod doctrina de consilijs Euangelicis sit *horribilis & diabolica blasphemia: Hac est Theologia vulgarissima Papæ, & Sophistarum, & ita recepta, ut etiam probata sit ab ipso S. Iohanne Hus in eo ipso libro, ob quem passus est ignem.* & tamen sanctus est, licet in diabolica blasphemia mortuus sit. Infantes baptizati non sunt Ecclesia, sicut nec pes est corpus, sed membra eius Ecclesiæ, cuius est baptisumus, quem susceperunt; qui Catholicæ Romanæ Ecclesiæ sacramentum est; à quocunq; administretur.

### Caput VIII. De natali loco veræ Ecclesiæ.



Era, Apostolica Ecclesia Ierosolymæ incepit; quia de Sion exhibit lex, & verbum Domini de Ierusalem, Isaia 2. ergo quæcunque alibi prognata nascitur, spuria intelligitur. Hoc argumentum nostrum est; quo vsi contra hæreticos sunt tum alij, tum S. Augustinus cap. 10. de vnitæte Ecclesiæ, expendens Christi verba Lucæ 24. *incipientibus ab Hierusalem: Teneamus inquit, Ecclesiam ex ore Domini designatam, vnde captura, & quousque peruenitura esset, captura scilicet ab Hierusalem, & peruenitura in omnes Gentes.* Hæreses quo loco ortæ sint constar; solius Catholicæ Ecclesiæ originem etiam inimici eius nominare nequeunt; quia ab Apostolis Hierosolymis fundatam agnoscere nolunt.

## Caput IX. De successione Episcoporum in Ecclesia.

**C**ertissimum pseudoecclesiæ argumentum est; si qui nequeant suorum sacerdotum successionem ad Apostolos usque deducere; quod soli Catholici præstant. Etsi enim particularium quarundam Ecclesiarum interrupta sit successio; semper tamen in Romana Cathedra viguit; quod telum penetrabile nimis in veteres quoque hæreticos torserunt Patres veteres. S. Irenæus lib. 3. cap. 3. cum enumerasset omnes Romanos Pontifices, subdit; *nunc duodecimo loco Episcopatum ab Apostolicis habet Eleutherius. Hac ordinatione & successione, ea quæ est ab Apostolis in Ecclesia traditio, & veritatis præconatio pervenit usque ad nos. Et est plenissima hæc ostensio unam & eandem vivificatricem fidem esse, quæ in Ecclesia ab Apostolis usque nunc sit conservata.* S. Epiphanius hæresi 27. post Romanorum Pontificum Catalogum scribit: *Ne quis miretur, quod singula ita exacte recensemus; per hæc enim semper claritas ostenditur. Non minus exacte S. Augustinus epist. 165. omnes Pontifices, à Petro usque ad Anastasium, qui tunc Ecclesiam regabat, recenset; in hoc ordine successionis, adjicit nullus Donatista Episcopus invenitur; & capite 4. contra epist. fundamenti; multa sunt, quæ me iustissime tenent in Ecclesia Catholica gremio, &c. tenet ab ipsa sede Petri Apostoli, usque ad præsentem Episcopatum, successio sacerdotum.* I nunc proterve Prædicans, & tantis Patribus obganni; successionem Pontificum in Romana Cathedra non solum certum veræ Christi Ecclesiæ signum non esse, sed Scripturis repugnare, quæ Romam Antichristi sedem futuram denuncient. fol. 480.



## Caput X. & XI. De Doctoribus, & auditoribus Ecclesiæ.



Ecclesiam, inquis, semper habituros Doctores dubium non est, at quod veros semper, & à spiritu sancto electos Doctores habitura sit negas, falsi Doctores non sunt Doctores, sed impostores. quomodo igitur indubitatum esse asseris, in Ecclesia quouis tempore fore Doctores? Si intrusi, & illegitimi omnes aliquando fuerunt Ecclesiarum pastores, ergo non fuit vera Ecclesia, sed corpus emortuum sine capite, oculis, &c. imo sine vlla membrorum distinctione. Hoc tantum paradoxum probas palpabiliter & ad oculum ex Scripturis, quas nos reticere ais. Ecquæ illæ? Matth. 24. *Multī pseudoprophetae surgent, & seducēt multos* Matth. 18. *Va mundo à scandalis* Act. 10. Scio, inquit Paulus, *quoniam intrabunt post discessionem meam lupi rapaces in vos.* 1. Cor. 11. *Oportet & hereses esse.* Cui vel hæc, vel similia quæ subijcis loca inciderent, quod ab homine sani cerebri inducerentur ad probandum, nullos omnino aliquot seculis in Christi Ecclesia futuros Doctores? id si probant, etiam hodie nulli veri erunt Pastores, ac proinde Prædicantes sunt lupi rapaces: ipsi quoque Apostoli non fuerint Christi ministri, quia ad illorum quoque tempora pertinet; *Va mundo à scandalis: oportet hereses esse.* An non sat multi pseudoprophetae estis; an non luporum instar & animas perditis, & Ecclesiarum bona Christi patrimonium diripitis? Cui vniuersus vobiscum vult orbis?

§ 2. Ut Christiani, ita quoque veteris populi Doctoribus vos soli sapientiores estis; nam *ante Incarnationem & prædicationem Christi nullus in toto orbe fuit purus Doctor.* L. 486.

ante vtramque fuerunt Isaias, Ieremias, &c. sed intelligo te loqui de tempore proxime antecedente; & in Doctorem censum recipere prophetas illos; lupi tamen tibi erunt Zacharias Ioannis Baptistæ pater, *iustus ante Deum, & repletus spiritu sancto*, Lucæ 1. *Simcon homo iustus & timoratus, & spiritus sanctus erat in eo*, Lucæ 2. vterque propheta, & cum Lucæ 2, legimus Christum *sedentem in medio Doctorem, audientem illos, & interrogantem eos*; intelligemus sedisse in medio luporum; lupis auscultasse; lupos interrogasse. Vel forsitan Prophetæ & Doctores illi antea lupi erant; & post Christi Incarnationem mox in pastores conuersi sunt. Ipse Ioannes Baptista videretur mihi non satis tutus; qui post Incarnationem, sed ante prædicationem Christi docuit; nisi folio 491. legerem, nullum rectum Doctorem fuisse ante aduentum, & prædicationem Ioannis Baptistæ; te nec rectum, nec obliquum, sed quadratum Doctorem salutauero.

§ 3. Folio 488. negas à vobis non posse vllum Doctorem nominari, qui ante Lutherum vobiscum in omnibus dogmatibus senserit. Agedum, nomina vnicum ab Apostolorum tempore; hoc enim vrgemus; quid hæres? ede, arrectis auribus asto. *Sistimus inprimis, ais, Christum Dei & Mariæ filium; Ioannem Baptistam, IV. Euangelistas, Petrum & Paulum.* Communem hæreticis latebram quæris; qui se Christi & Apostolorum doctrinam, non Arii, aliusue tenere mentiebantur; sic veteres Trinitarii in epistola, quam refert S. Athanasius de Arimini & Seleuciæ Synodis agens: *Nos certe inquit, Arii sectatores non sumus, neque quum simus Episcopalis ordinis, presbyterum sequimur, neque aliam fidem, præterquam initio traditam, recipimus; quin imo nos ipsi eius fidei examinatores probatoresq. facti, potius eum admittimus, quam recipimus.* Hæ tuæ strophæ; & fraudes sunt, Christi & Aposto-

Apostol-

Apostolorum verba partim recipitis; quorum sensum adulteratis; introducta nouitia & in Ecclesijs Dei inaudita, fabulosa, paradoxa expositione; quod infame probum tu hic amoliri debebas, sed non poteras. do inducias medij, vel etiam integri anni, lege interim sanctos Patres, dimissis Auentino, Polydoro Virgilio, Balæo, eiusdemq; farinæ Scriptoribus; & vel vnicum sine manifesto mendacio nobis manifesta; qui non à vobis in pluribus fidei dogmatibus dissentiat. Non postulo; vt in singulis Patribus omnia ostendantur dogmata; nonnulla enim quidam non attigerunt; sed hoc æquissime à Catholico, qui esse yis, exigitur; vt contra venerabilem Patrum torrentem, seu vnamimem consensum non nitatur. Et illi Christum, quatuor Euangelistas, 12. Apostolos sciebant; quibus *post Apostolos sancta Ecclesia plantatoribus, rigatoribus, edificatoribus, pastoribus, nutritoribus creuit.* qui *Diuina familie Dominica cibaria fideliter ministrantes ingenti in Domino gloria claruerunt.* S. Augustinus lib. 2. contra Iulianum. sed quia Patrum sententia apertior est, ad occultiora quædam sacrarum litterarum loca confugitis. *Libenter in opertis immorami, ne fateri aperta cogamini.* Ecce Ecclesia. *Rogo quid patimini?* Ecce Ecclesia tot manifestissimis sanctarum Scripturarum testimonijs commendata & expressa, prædicta & demonstrata. *Sicut audiuimus, ita & vidimus.* S. Augustinus cap. 24. de vnitæ Ecclesiæ.

§4. Folio 491. Admittis semper in Ecclesia fuisse veras Christi oues; sed ex, inquis, Lutheranæ fuerunt. Quæso, cum vnum ex Patribus Lutheranum probaueris, adijce vel vnicam ouiculam Christi, ex probato auctore; quæ Missam pro Deo Maozim habuerit; & alia vestra deliria receperit. Et quomodo credibile est, oues veram fidem, quæ, vestra sententiâ, ex solis Scripturis hauritur, ha-

buiffe; nullum vero ex pastoribus. an laici forte aptiores sunt ad Scripturas intelligendas, quam Doctores? sed & oblitus videris illarum sententiarum; *Va mundo à scandalo; oportet hæreses esse.* quæ etiam oues complectuntur; ac proinde aliquot seculis nulla vera Christi ouis fuerit oportet; sicut inde nullum verum Doctorem fuisse conclusisti. His nodis te extrica.

## Caput XII. An Christi Ecclesia errare possit.



Christi sponsam in plura superstitiosa Religio-  
nis adulteria incidisse, calumniantur Deo odi-  
biles Prædicantes; & ad huius insanitatis stabi-  
limentum cumulant Scripturas, in quibus verbis vniuer-  
salibus asseritur, quod vniuersaliter minime intelligitur.  
de his Augustinus. *Plerumque enim sermo diuinus impias tur-  
bas Ecclesia sic redarguit, tanquam omnes tales sint, quod tamen  
omnes non tangit. Et: Isti vel imperitè vel fallaciter agentes colli-  
gunt de Scripturis talia, quæ vel in malos bonis vsque in finem per-  
mixtos, vel de vastatione prioris populi Iudeorum dicta reperiu-  
ntur, & volunt ea detorquere in Ecclesiam DEI, ut tanquam defe-  
cisse ac perisse de toto orbe videatur.* Cap. 13. de vnitæte Eccle-  
siæ. Nam si tota Ecclesia veritatem deseruit; tota perijt;  
ut vita hominis non consistit sine anima; ita nec Christi  
Ecclesia sine vera doctrina. Totam vero Ecclesiam errare  
posse folio 495. probas: *Si omnes particulares Ecclesia errare  
possunt; etiam vniuersalis Catholica Ecclesia errare potest: sed om-  
nes particulares, Hierosolymitana, Antiochena, Ephesina, Roma-  
na, &c. possunt errare: Ergo etiam vniuersalis.* Vel intelligis  
Maiorem de omnibus partialibus Ecclesijs collectiue  
sumptis,

sumptis, vel de singulis loqueris; vtrouis modo ineptus es. priori, petis principium, posteriori colligis mendacium. neque enim sequitur; ex 100 panibus possum singulos comedere; ergo omnes; de singulis hominibus incertum est, an cras victuri sint; ergo incertum quoque, an non cras totum humanum genus sit perituum. At mitto Maiorem. Minor falsissima est, quoquo modo intelligatur: falsum omnes simul errare posse Ecclesias; falsum singulas, eum ad Romanæ Cathedræ fideles *perfidia habere non possit accessum*. S. Cyprianus epist. 55.

Caput XIII. XIV. XV. XVI. XVII. XVIII.  
De regimine, amplitudine, perpetuo in  
fide consensu visibilis Christi  
Ecclesiæ.

**E**cclēsia Christi in Scripturis Regnum, & ciuitas appellatur; eam omnes audire debent; Matth. 18. in illa peccata dimittuntur & retinentur; hæc & alia cogitari nequeunt sine publico regimine, & Ecclesiastico foro, seu tribunali; Ergo cœtus ille, qui nullum tale Regimen ac forum habuit, non fuit Christi Ecclesia. Iterum: Lutheranos constat ante annum 1517. non habuisse tale regimen, de Græcorum, aut aliorum præter Romanam Ecclesiam cœtibus inter nos & vos conuenit, eos non esse veram Ecclesiam; ergo ante annum 1517. vel nulla fuit Christi Ecclesia, vel Romana fuit. Hæc agnosco argumenta nostra, non quæ tu imperite figulas.

§ 2. De Christianæ Ecclesiæ gloria prophetauit Esaias cap. 49. *Erunt Reges nutriti tui, & regina nutrices tua: vultu in terram demisso adorabunt te*; & cap. 60. *Ambulabunt Gentes in*

*lumine tuo, & Reges in splendore ortus tui. suges lac Gentium & mamilla Regum lactaberis.* Hæc non in Lutherana, sed Romana Ecclesia probantur completa. Fertur, inquis, folio 370. *Abgarus Rex ab Apostolo Thaddæo conuersus, de quo Eusebius lib. 1. cap. vlt. Idem lib. 6. cap. 27. refert Philippum Imp. fuisse Christianum; Constantius Imp. Gentilis quidem fuit, sed Ecclesia benefecit. Constantinus & alij multi Reges ac Principes fuerunt Christiani.* exspecto, vt nomines vnicum Lutheranum. Noster est Abagarus, & quotquot fuerunt à pietatē laudati Reges, ac Principes. De Constantino alijsque eum sequutis nimis clara suppetunt argumenta: per quos etiam prophetiæ impletæ sunt; non per solum Abagarum cuius res gestæ sunt incelebres, nec per Philippos, occultos Christianos; multo minus per Constantium Gentilem; quem maluisti nominare, quam Theodosios, Valentinianos, Clodouæum Galliæ, Eduinum Angliæ, Haraldum Daniæ, Stephanum Vngariæ, aliarumque Prouinciarum primos Reges Christianos.

§ 3. Quia Christi Ecclesia Canonicarum Scripturarum diuinis & certissimis testimonijs, vt S. Augustinus loquitur, monstratur esse illa, quæ toto orbe diffusa est; tantam Scripturarum lucem folio 309. obnubilare tentas; per Ecclesiam ais intelligi omnes Christi nomen confessos, etiam hæresin professos. Sic tandem in Ecclesia fuerint Lutherani, si ea sit vna cum fidelibus Arianorum, Tritheitarum, Nestorianorum, Eutychianorum, Hussitarum, Anabaptistarum, Suuenckfeldianorum, & similium facium, plusquam Babylonica confusio. Atuero *Marcionitas, Valentinianos, Montenses siue Campitas scito non Ecclesiam Christi, sed Antichristi esse synagogam.* S. Hieronymus contra Luciferianos cap. 9.

§ 4. Apud Esaiam cap. 5. Ecclesiæ promittit Deus; *spiritus &*

*tus & verba mea, quæ posui in ore tuo, non recedent de ore tuo & de ore seminis tui amodo, & in sempiternum.* Hæc tu folio 514. inuisibili, soli Deo notæ prædestinatorum Ecclesiæ promissa esse contendis; quæ tamen, si vobis credimus, multis seculis contra infandas superstitiones & idololatrias os non aperuit, nec mutire ausa fuit. Os Ecclesiæ sunt Doctores, qui Dei verbum seminant; & fructum afferunt; & fructus eorum manet in æternum. De hoc semine ævisibilis Ecclesiæ propagatione intelligendus est propheta. Cur ad inuisibilem trahis Ecclesiam, quod integre completur in toto orbe cognita? *Exstat Ecclesia cunctis clara atq; conspicua; quippe ciuitas, quæ abscondi non potest, super montem constituta, per quam dominatur Christus à mari usque ad mare, & à flumine usque ad terminos orbis terra, tanquam semen Abrahæ multiplicatum sicut stella cæli, & sicut arena maris, in quo benedicuntur omnes Gentes.* S. Augustinus libro 2. contra Cresconium, cap. 36.

§ 5. Vnitatem in rebus fidei negas folio 519. esse veræ Ecclesiæ notam; quod multi etiam in malis consentiant. At malorum consensus raro diuturnior est; & à nobis Ecclesiæ signum statuitur, non actualis solum, sed inprimis aptitudinalis vnitas, quæ consequitur politiam & docendi rationem, vnitati tuendæ maxime accommodam; qualis est, cum omnes vni visibili parent Capiti; hinc S. Hieronymus lib. 1. contra Iovinianum. cap. 14. *Inter duodecim vnus eligitur, vbi capite constituto schismatis tollatur occasio.* Quare hæretici sine capite & cerebro in plures scinduntur partes, & à regulis suis variant inter se, dum vnusquisq; suo arbitrio modulatur, quæ accepit, quemadmodum de suo arbitrio ea composuit ille, qui tradidit. *penitus inspecta hæreses omnes in multis cum auctoribus suis dissentientes deprehenduntur.* Tertullianus cap. 42. de præscrip. De suis noui Euangelij fratribus in epist.

ad Melanchthonem queritur Hedio, errorum tantam esse multitudinem, *ut si quis omnes numeret, fere 128. inueniat, atque ad Atheismum relabi sine angelicos miretur.* postea ad 300. fere numerus excreuit. *Lites, inquis folio 520. de rebus fidei intra eandem Ecclesiam non sunt signum, falsam esse illius Ecclesie doctrinam.* Cum vna pars affirmat, negat altera, alterutra falsa sit oportet; & cum vtraque definitiuam viuæ spirantis ludicis sententiam audire respuit, neutros litigantes in Christi Ecclesia, vnitatis & consensionis matre, esse intelligimus.

§ 6. Lutheri innumeras contradictiones nunquam conciliabis; imo dum eas eleuare fol. 522. studes, aperte confiteris: Lutherum asseris, quum Romanæ Ecclesiæ contraire cœpit, adhuc profundum in Papatu hæsisse, & aliquos articulos recepisse, quos postea magis magisque verbo Dei aduersari intellexit. Negare non poteris, quod ipse rotundè fassus est in præfatione 1. tomi, se prioribus annis non tradidisse puram doctrinam, & tamen extraordinarie à Deo electus propheta fuit. quis ferat Dei prophetam quinque annis pseudoprophetam esse? *Apostoli, inquis, initio, & vsque ad diem Ascensionis Christi adhuc profunde hæserunt in Pharisaico & Iudaico errore, de temporali Christi regno.* Non errarunt illi de re, quæ tunc clare ad credendum proposita esset; multo minus errorem aliquem concione, aut scripto populos docuerunt; nec vnquam falsi Doctores fuerunt, sicut Lutherum iam à Spiritu sancto illuminatum fuisse ipsi admittitis. Et tamen omnia fidei dogmata clare, perspicue in sacris litteris descripta sunt. Cæcus sit, qui vestras præstigias non aduertit.

§ 7. *Inter eos, scribis, qui Augustanam Confessionem sincere profitentur, inuenitur adhuc hoc tempore Christiana unitas. de unitate & constantia vestra non nihil egi in epistola dedicata.*

catoria.



catoria. Taceo bella cetera. Ex Lutheranis sunt, qui tanquam absurdum & impium repudiant Ubiquitatis dogma; quod Christi caro & sanguis non tantum in sacramento; sed in lardo, & caseo; mulso, & cereuisia; ac rebus omnibus, animatis, & inanimis sint præsentia: quam inauditam in Christi Ecclesia Ubiquitatem tam pertinaciter *hoc tempore* (olim aliter, nec quid labentibus annis credituri sint, constat) Prædicantes in Saxonia, Palatinatu superiori, & Wirtembergensi Ducatu amplectuntur, ut si quis ipsis non subscribat, hunc nec Christi Incarnationem, & in Eucharistia præsentiam credere proclament. Quid dicam de priuatis vestris dissensionibus? vix duos aut tres repereris, qui in grauissimis fidei articulis conspirent; vni displicet Ubiquisticum commentum; alteri nihil placet, nisi negatus Sanctis cultus; & concessus vini calix; nonnulli pro calice etiam cœlites inuocare parati sunt: hæc & similia dissidia Prædicantes latere non possunt; sed unitati non officiant, modo quis non publice è cathedra, vel suggestu, priuata sentia doceat. De suis Euangelicis scribit Ioannes Spangenberg in libello quem inscribit; verax narratio beneficiorum præstitorum per Diuum Martinum Lutherum; *Incipiunt iam homines nihil amplius credere, & postquam à vinculis Papatus se liberos esse vident, volunt ut deinceps rectam sit & iustam, quicquid unicuique visum fuerit.* Cur Scripturas adeo perspicuas ipsi non intelligant? Et inter tot sententias blandiuntur sibi se in Religione vnos esse; ipsamque unitatem, ut veteres hæreticos nostris simillimos ridet Tertullianus cap. 42. de præscript. *Ceterum nec suis præsidibus reuerentiam nouerunt. Et hoc est, quod schismata, (inter Laicos, & Præsides seu Ministros) apud hæreticos fere non sunt; quia cum sint, non parent schismata; est enim unitas ipsa.*

§ 8. Capite 18. reuertis ad visibilitatem Ecclesiæ; quam Dei ciuitatem sub modio latere posse probas. *Si visibilitas esset certum signum vera, puræ Christi Ecclesiæ, hac sola esset visibilis, & omnes falsæ Ecclesiæ forent inuisibiles: Atqui visibiles fuerunt idololatrarum & Arianorum Ecclesiæ; & Mahumetistarum Religio nimium visibilis est. Ergo, &c.* Sapius in eundem impingis lapidem: ad notam partialem & inadæquatam minime requiritur, vt rei, quam notificat, soli conueniat; satis fuerit, si cum alijs notis sumpta, quod quæritur, infallibiliter manifestet. Bouem ex. g. cognoscimus ex magnitudine, figura, cornibus, alijsque signis; quorum singula quibusdam, præter bouem, animantibus communia sunt; omnia coniunctim in solo boue reperiuntur. Cum Prædicante ago, qui nihil capir subtilius. Sedenim singula quoque Ecclesiæ signa ita se habent; vt ex vnius defectu falsæ deprehendantur Ecclesiæ: cognito autem Lutheranam, & Calvinianam Ecclesias destitui vel vnica veræ Ecclesiæ nota, mox eas deferendas, atque ad Romanam transeundum esse intelliget, qui nihil Atheismi, Mahometismi, Arianismi, Anabaptismi, aliusue sectæ in corde suo fouet; sed de ceterarum impietate certus; ideo Catholicus non fuit, quia Lutherum, aut Calvinum rectius sentire credidit.

§ 9. Risi, quum folio 527 legi vestram Ecclesiam superioribus seculis ita se oculisse, *vt non alium vociferata, sed editis interdum super corrupto Ecclesiæ statu gemitibus contenta fuerit.* atque ita nec videri, nec audiri poterat; nec, crede, profundum gemebat; quia nusquam erat. Si de morum corruptela agamus, non ingemuerunt tantum; verum publicè vigilantissimi quique pastorum ac doctorum eam detestati sunt. *Sed aliud est, quod docemus, aliud quod sustinemus: aliud quod præcipere iubemur; aliud quod emendare præcipimur,*

*pimur, & donec emendemus, tolerare compellimur.* S. Augustinus lib. 20. contra Faustum, cap. 21. Vestram deformationem qui desiderarit nec bonus; nec adeo malus, fuit ullus. Indolebant boni v. g. à nonnullis sacerdotibus irreuerenter tractari sacra, & tremendum altaris sacrificium; vos vt feri apri altaria euertitis, sacra Deum Maozim esse blasphematis; sacrilegæ libidini liberrimas habenas laxatis. Quare Lutherus ipse suæ reformationi, præfatione in postillam Ecclesiasticam, hoc perhibet testimonium: *Nostorum Plerosque septiceps ille diabolus inuasit, & deteriores effecit, quam in Papatu fuerint.* Porro si de doctrina corrupta loquamur, non nisi impie fingitur Dei Ecclesiam non fuisse aulam. palam contra exorientes hæreses veram fidem profiteri; sed flexo poplite, pectoris tusione, manuum eleuatione adorasse Deum Maozim. Licet enim aliqui sine crimine se occultare possint, ne ad illicita cogantur sacra; nunquam tamen vniuersa latebit Ecclesia; nec à sacrilegio excusantur illi, qui metu adacti falsum Deum colunt. eos condemnat Christi sententia: *Qui negauerit me coram hominibus; negabitur coram Angelis Dei.* Lucæ 12.

## Caput XIX. XX. XXI. XXII. De Iudice Controuersiarum & Traditionibus.

**S** Olam Scripturam non esse omnium fidei controuersiarum Iudicem euicerunt nostri Theologi in postremo Ratisbonensi Colloquio; sed quod de Luciferianis apud S. Hieronymum legimus, hæreticis commune est, *facilius eos vinci posse, quam persuaderi.* Aduerto tamen te non nihil didicisse. nam in Colloquio

inuenio secundam vestram thesin ; Scripturam esse omnium Religionis controuersiarum Iudicem, aut sane vocem Iudicis ; hic folio 528. scribis : Sicut nos nullam aliam certam, infallibilem normam, regulam, ac perpendicularem lineam doctrinae, fidei, & cultus Diuini recipimus ; quam verbum Dei, in Scripturis SS. Prophetarum, Euangelistarum, & Apostolorum contentum : ita etiam non recipimus ullum alium Iudicem in praedictis Religionem & Conscientiam attinentibus rebus, quam CHRISTVM IESVM, &c. agnoscis, opinor, quam absurde defenderitis Scripturam esse Iudicem, aut vocem Iudicis ; nam vt praeteream illam non nisi improprie dici vocem, ipsa quoque vox tam parū est Iudex ; quam regula, vel perpendiculum est architectus. Miror porro te adhuc profiteri Scripturam esse unicam normam doctrinae fidei ; cum aperte concesseritis scilicet 13. folio 144. extra Scripturam, esse aliquid necessario credendum, tanquam historiam à Spiritu sancto traditam, & quidem fide infallibili ; quod tamen nec cultus, nec dogmatis, nec articuli rationem habet. si credere quod Euangelium Matthaei sit canonicum, non est dogma, aut articulus fidei, vt plane versipelles tergiverfati estis ; an negabis, id quod fides tradit ac docet, esse doctrinam fidei ; aut quod de eo oriri queat ; vel etiam orta sit controuersia ? si annuas ; fateris Scripturam non esse normam omnis doctrinae, omniumq; controuersiarum Religionis. Nec plura de S. Scriptura, & Traditionibus donec ad proposita à nostris Theologis Ratisbonae argumenta, & ab eis edita post Colloquium scripta, aliquid responso dignum, intermissis mendacijs & sycophantijs, attuleris.

### Caput XXIII. & XXIV. De reformatione Ecclesiae, & fide implicita.

Hoc



Hoc scilicet restabat, vt Ecclesiastica disciplina restitueretur per transfugam Monachum; cuius poppysmate Monachi & Monachæ ad saltandum, & incestas nuptias excierentur; clerici à statis precibus; vniuersi fideles à ieiunijs, & ceteris pietatis exercitationibus exempti, posthac effrenes libidini & omni iniquitati seruirent. Hunc enim fructum tulisse Lutheri reformationem, ex ipso paulo ante audiuius. Addo testem alterum, egregium, si vobis credimus, Theologum, Andream Musculum in Dominicam 1. Aduentus: *Cum nobis Lutheranis hoc tempore ita agitur, vt si quis videre velit ingentem turbam nebulonum, hominum turbulentorum, fallacium, impostorum, fæneratorum, ciuitatem aliquam adeat, in qua Euangelium purè (Lutherane) predicatur, cateruatim tales ibi reperiunt. Nam meridiana luce clarius est, quod hominum effratorum & indomitum, apud quos omnis virtus & honestas penitus extincta est, & apud quos pro peccato nihil reputatur, nusquam plures, ne quidem apud Ethnicos, Turcas & alios infideles, quam apud Euangelicos, apud quos omnia diabolo frana laxata sunt, reperiuntur. Ita est; nam sanctissima quæq; statuta, virtutis & Christiani officij repagula, audacissime perfregistis; viridantia Ecclesiæ plantaria excidistis. Vtique plantationes Dei sunt diuersa semina per diuersa præcepta. Iusti, continentes, misericordes & virgines spiritalia sunt semina: harum rerum arbusculas in paradysum Deus plantat. B. Optatus libro 2. contra Parmenianum.*

§ 2. Lutherum ad reformandam Ecclesiam diuinitus vocatum prædicas, ad modum quo Elisæus & Amos in prophetas; Petrus, Andreas, Matthæus, in Apostolos delecti sunt. Maior nunquam infamiz nota apud omnem posteritatem Germaniæ iniusta est; quam quod cæcis ocu-

listam multi tanquam Dei prophetam & Apostolum adorant virum scurram, periurum, sacrilegum, Epicuro plenum; sicut ex proprijs eius scriptis ad oculum à nostris saepius demonstratum est. Mitto scripta, Vitam quam turpiter egit? Si propheta fuit; & vota Monastica sunt nova idololatria in damoniacas doctrinas deformata to. 1. Witeber Anno 1549. fol. 410. Cur ab Anno 1517. vsq; ad 1524. iara & semiplene & plene illustratus Monachum habitu finxit? Monachus Virginem Deo sacram prius matrem fecit, quam sacrilege nuptram habuerit. Hiccine propheta? Rem gestam eodem anno, quo Lutherus maritus audire cœpit, ad amicum suum Daniele Mauchium in Italiam scripsit Erasmus Roterodamus. *Montini lepidissimis litteris nescio an vacet nunc respondere. Nunciabu illi rem latam. Lutherus quod felix fuit sumq;, deposito Philosophi pallio, duxit uxorem, ex clara familia Bornæ, puellam elegante forma, natam annos viginti sex, sed indotatam, & qua pridem desierat esse vestalis. Atque ut scias auspicias fuisse nuptias, pauculis diebus post decantatum hymenæum nova nupta peperit. Iocatur ille in crismi sanguinis, verum ea crisis orto dedit agricolarum plus minus centum millia. Datum Basileæ 6. die Octobris. Anno 1525.*

§ 3. Exploratum est, non omnes fideles obligari ad comparandam sibi quorumvis fidei dogmatum notitiam; sed multis suffecerit præcipuos articulos, ut sunt qui in Apostolico Symbolo continentur, & illa quæ necessariorum cuique sacramentorum dignum vsum attinent, tenere explicite; cetera saltem implicite credunt, quia Ecclesiæ fidunt, in cuius thesauris plena est recondita sapientia; quæ communione quadam potitur, qui ab Ecclesia non abscinditur; adeoque nihil ultra scire, omnia scire est; ut scite loquitur Tertullianus cap. 14. de præscrip. Narrat Cardinalis Hosius sanctæ me. lib. 5, aduer. prolegom. Brentij, ferri

ferri de quodam carbonario, quod à viro docto rogatus quid crederet, recitarit Symbolum; interrogatus quid præterea crederet, respondit; quod Ecclesia credit Catholica: ille vero; Quid credit Ecclesia? quod ego, inquit, credo. nec responsum aliud extorqueri potuit. Prædicans hanc fidem appellat Carbonariam; de eaque proprium instituit caput. Quot inter Lutheranos nec Symbolum norunt? plurima, & inter Prædicantes recepta dogmata de iustificatione, de originali peccato, &c. non solum ignorant; sed hanc suorum doctrinam esse, nec persuaderi possunt. Habui ipsemet Lutheranos, qui carnem Christi vbique, in omnibus cellis & macellis præsentem esse nec verum, nec à vobis tradi vllatenus credebant. Profecto carbonarij non tam ignorantia, quam sciendi temperantia vestræ plerophoriæ, & vt pollicemini, Evangelicæ luci longissime antestant. *In Catholica enim Ecclesia vt omittam sincerissimam sapientiam, ad cuius cognitionem pauci spirituales in hac vita perueniunt; vt eam ex minima quidam parte, quia homines sunt, sed tamen sine dubitatione cognoscant; ceteram quidem turbam non intelligendi viuacitas, sed credendi simplicitas tutissimam facit.* S. Augustinus, cap. 4. contra epist. fundamenti Manichæi.

## ARTICVLVS XVI.

*Devocatione, & ordinatione ministrorum Ecclesiæ.*



Vnc articulum in XI. capita dispertis; in quibus brevis es; sed non pauca paradoxa, mendacia, impias nouitates cumulas. Primo capi-

Cc

te agis

te agis de ijs, quæ inter nos constant; quod duplex sit vocatio, vna immediata, quæ iam dudum defuerit; altera mediata. Videris, quomodo cum Hunnio tuo conuenias, qui Lutherum extraordinarie, atq; immediate à Deo suscitatum prædicat; de quo supra.

§ 2. Capite secundo negas in Christi Ecclesia esse veros sacerdotes, ad verum ac proprium sacrificium ordinatos; atque ita S. Chrysostomi, S. Ambrosij, aliorumue Patrum integri de nouæ legis sacerdotio libri tollendi sunt, aut totum improprie tantum intelligendi. Corrigendus quoque fuerit Apostolus ad Hebræos 7. qui translatum sacerdotium in noua lege tradit, non sublatum. Sed de sacrificio iam egimus. Pontificij, inquis, solent presbyteros Germanice *Priester*; id est, sacerdotes vocare; partim ex ignorantia Græcæ vocis, quæ non sacerdotem, sed seniore[m] significat; partim ex astu, quo suum sacerdotium in Scriptura fundamentum habere hominibus persuadeant. Quam futilis lycophanta es! A vobis scilicet infulsis Græculis nos, & veteres Patres, tum Græci, tum Latini Græce peritissimi discemus, quis sit presbyter. Et senatus à senibus dicitur; in senatore tamen nemo canos potius, quam prudentiam desiderauerit. Similiter in Apostolorum scriptis presbyter non tam ætatem, quam officium significat; nempe sacerdotes, aut sacerdotum principes Episcopos, qui fere ætatis quoq; prouectæ erant. Reliqui te Creta, scribit ad Titum cap. 1. Apostolus, ut ordinares per ciuitates presbyteros; vbi de Episcopis loquitur, vnde paulo post; oportet enim Episcopum, &c. & S. Hieronymus in cap. 2. Aggæi de hoc loco S. Pauli, Episcopos intelligi vult. tu folio 577. asseris Tito mandatum esse, ut constitueret seniores, ad quid? nam hiat oratio; nisi forte præceptum sit, ut ex iuuenibus accelerata præter naturam ætate seniores faceret. Præfecturæ & gradus Ecclesiastici hoc nomen



men esse aperte testatur idem Apostolus, 1. Timoth. 5. *Qui bene præsunt presbyteri duplici honore digni habeantur. De sacerdotibus verba facit*, inquit S. Chrysostomus libro 4. de sacerdotio. & res apertissima est: nec tamen omnes annis obfati erant; ipsi Timotheo iam Episcopo eadem epistola cap. 4. scribit Paulus; *Nemo adolescentiam tuam contemnat*,

§3. Capite tertio quæris; utrum Sacerdotes, vel Ministri Ecclesiæ solum ab Ecclesiastica & canonica auctoritate vocari & confirmari debeant. Affirmas; sed non probas, nisi quod interdum Reges nominarint ac designarint, quos eligi canonice volebant; quo præsentandi, seu patronatus, ut vocamus, iure multi etiam hodie Principes ac dynastæ gaudent. Atqui nominatio, præsentatio, sicut & fidelis populi, aut infidelium quoque 1. Timoth. 3. commendatio, seu postulatio præambula sunt ad ipsam Ordinationem sacerdotis, diaconi, &c. vel ad canonicam Parochiæ, Episcopatus Collationem; quæ Ordinatio & Collatio substantia Vocationis sunt; & solius Ecclesiasticæ potestatis, minime laicæ, functiones. Quod ostendunt ipsæ, quas pro te affers, Scripturæ; Act. 14. Paulus & Barnabas constituerunt per singulas Ecclesias presbyteros Listræ, Iconij & Antiochiæ. Ad Titum 1. *Reliqui te Creta, ut ordinares per singulas ciuitates presbyteros*. Paulus, Barnabas, Titus Episcopi ordinarunt sacerdotes. an hinc inferis ministros Ecclesiæ vocari ad ministerium per laicos? tibi presbyteri sunt senes, sed hos ætas non ordinatio facit. Quid populus ad sacerdotum electionem olim contulerit, ni cæcus esses, ex ipsa, quam citas S. Ambrosij epist. 82. disceres; in qua de Eusebio ab omni Ecclesia electo scribitur: *merito creditum, quod diuino electus esset* (Eusebius Vercellensis) *iudicio, quem omnes populi postulauissent*. Hæc Ambrosius. Profecto sicut loca, ita & personæ sacre Ecclesia-

sticia auctoritate constituuntur: tam hæ, quam illa à laicis nonnunquam petuntur & designantur. Fortissime Imperatori locutus est noster Ambrosius: *Ad Imperatorem palatii pertinent, ad sacerdotem Ecclesia; publicorum tibi manuum ius commissum est, non sacrorum.* refert ipse Epist. 33. Eadem personarum sacrarum est ratio.

§ 4. Vngitur sacerdos cum ordinatur; id inuentum humanum appellas cap. 4. quod à Siluestro I. initium coeperit. Est, quod à Pontifice virtutis & vetustatis gloria clarissimo 1300. abhinc annis sancte institutum est; non nisi impie à vobis contemnitur; digni plane, qui non oleo, sed baculis lumbos vngamini.

§ 5. Capite 5. negas Ordinem esse sacramentum; id est, Diuinæ gratiæ à Christo institutum instrumentum: audi Apostolum 2. Timoth. 1. *Admonco te, vt resuscites gratiam Dei, quæ est in te per impositionem manuum mearum.* audi Patres Catholicos; *Quis dat frater Episcopalem gratiam Deus, an homo? Respondes sine dubio, Deus; sed tamen per hominem dat Deus; homo imponit manus, Deus largitur gratiam; sacerdos imponit supplicem dexteram; & Deus benedicit potenti dextera: Episcopus initiat Ordinem; & Deus tribuit dignitatem.* S. Ambrosius cap. 5. de dignitate sacerdotali: hanc cum baptismo comparat S. Augustinus libro 2. contra Parmenianum cap. 13. *Vtrumque inquit, sacramentum est, & quadam consecratione vtrumque homini datur; illud cum baptizatur, istud cum ordinatur: ideoque in Catholica vtrumque non licet iterari. Et: Ipsi explicent quomodo Sacramentum baptizati non possit amitti, & Sacramentum ordinati possit amitti: quoniam dicunt, recedens ab Ecclesia baptismum non amittit, ius dandi tamen amittit. Si enim vtrumque sacramentum est, quod NEMO DVBITAT, cur illud non amittitur, & illud amittitur? Neutri sacramento iniuria facienda est. Tu substantiam ordinationis sacerdotalis pu-*

lis pu-

lis putas perfici nostrâ sententiâ per sacram vñctionem; sed erras; & hinc nascitur mala illa consequentia: inunctio sacerdotis post Apostolos cœpta est, ergo ordinatio non est sacramentum à Christo institutum. inunctio illa ritus quidam & ceremonia accidentalis est Ordinis; sicut & baptisimo ceremoniæ quædam accesserunt, quas nec vos negligendas esse vultis; ipsum vero tum baptismi, tum Ordinis sacramentum à Salvatore nostro traditum est.

§ 6. Capite 6. de charactere disputas; & rem integre perfectam das; quia Gabriel Biel fatetur, nos ex Scripturis & sanctis Patribus ad characterem asserendum non cogi, qui non duræ ceruicis est, haud opus habet coactione; sponte sequitur, quo eum fides inuitat; nec omnia quæ Gabriel scripsit, Ecclesia rata habuit. Ais antiquos Patres nec verbo meminisse huius characteris; sed fallis; vt vel ex S. Augustino, loco citato, patet; vbi tam baptismi, quam Ordinis effectum comparat signo regio monetæ impresso, & notæ ac characteri militari; qui etiam in militiæ desertore maneat; *Si forte, inquit, illum militia characterem in corpore suo non militans pauidus exhorruerit, & ad clementiam Imperatoris confugerit, ac prece fusa & impetrata iam venia militare ceperit, nunquid homine liberato atque correcto, character ille ipse repetitur, ac non potius agnitus approbatur? An forte minus hærent sacramenta Christiana, quam corporalis hæc nota?* Ob characterem etiam, qua animâ singulariter Deo dedicatur, consecrationem vocat S. Pater sacramenta, quibus ille imprimitur, & ideo reiterari non posse tradit; manent enim in effectû suo, indelebili hoc signaculo; secus accidit in sacramentis ceteris. Tu aliam causam supponis, cur sacramentum baptismi irreiterabile sit; quia scilicet nullum reiterandi præceptum habemus. quam male materiatastruas consequentiam; non legitur præ-

ceptum, ergo est prohibitum, alibi ostendimus, dic quò loco SS. Eucharistiam frequentandi præceptum legas? Tacere non debeo nouum Casistam Hunnium tuum, qui baptismi reiterationem aperte probat capite 12. de sacramentis tomo 1. operum Latinorum, folio 1076. Witebergæ hoc anno impressorum. Quærit, an paruulus in periculo mortis à matre in loco solitario baptizatus, non amplius baptizari debeat; & respondet: *Si moriatur infans; ne dubitet mater, illum percepisse verum baptismum, & feliciter esse mortuum: si vero renaluerit, mater nulli hominum indicet, quod baptizari illum; sed tanquam non baptizatus esset, sinat illum in Ecclesiæ catu baptizari, propterea quia in re tam ardui momenti, qua concernit animæ salutem, testibus est opus baptizato, contra ignita tela & tentationes Satanae.* Macti animis Prædicantes, pergite; donec stultitiæ & impietatis culmen attingatis, nouiora indies cudite paradoxa.

§ 7. Capite 7. de numero Ordinum agis non Theologus, sed insulsus ludius. Inferiorum Ordinum officia exerceant etiam alij; at non pari facultate ac iure: eisdem Ordines in sacramentis non habent aliqui Catholici; nec ad id fide credendum, re non satis explorata, tenemur. Falsum vero est, nos docere Ordines tam inferiores, quam superiores institutos à Caio Pontifice; hoc fatemur constituisse Caium, vt ad Episcopatum non deligeretur, nisi qui per hos gradus ascendisset; in singulis scilicet sistendo, eorumque functiones aliquamdiu obeundo; ipsos vero Ordines in Caium auctorem nemo Catholicus refert, quum in scripturis Apostolicis Episcoporum, presbyterorum; diaconorum sit tam expressa mentio; & inferiorum quoque Ordinum apud Patres S. Caio antiquiores. Acolyti vocem Græcam affirmas nos non intelligere; quia Acolytos etiam vocamus ceroterarios. sic qui Apostolos vocat Christi

Christi discipulos, non intelligit nomen Apostoli. An omnia, quæ eidem tribuuntur, nomina habentur pure synonyma? Te originem vocis Acolytus ignorare mihi verosimile videtur; facile ederes, si scires; cum tam multa incognita effutias.

§ 8. S. Anacleus epist. 3. tradit duos solum presbyterij Ordines, nempe Episcoporum & inferiorum sacerdotum à Christo institutos esse; de ceteris Ordinibus non loquitur. Te arguit, qui capite 9. parem Episcoporum & ceterorum in sacramentis administrandis contendis esse auctoritatem; si quilibet presbyter, inquis, administrare potest baptismum & Eucharistiam; cur non posset Ordines conferre? hæc tu, sed verbis histrionicis, quibus chartam non maculauero. Aërij orco reuocatis hæresin; qui presbyteros omnes & ordinis potestate, & dignitatis gradu æquabat Episcopis; vos vestris superattendentibus eminentiam quandam honoris tribuitis, in ministris vero ordinandis communem illis ac ceteris pastoribus, an lupis, facultatem esse vultis; qui præcipuus circa sacerdotij gradus error fuit Aërij; de quo S. Epiphanius hæresi 75. *Erat autem ipsi sermo furiosus magis, quam humana conditionis, & dicebat; quid est Episcopus ad presbyterum? Nihil differt hic ab illo; unus enim est Ordo, & unus, inquit, honor, & una dignitas. Imponit manus Episcopus; ita etiam presbyter, &c.* Quamuis enim plura Episcoporum munia alij quoque sacerdotes ex dispensatione rite interdum obeant, & catenus nihil ferme interesse inter vtrosque dicat S. Chrysostomus, inauditum tamen in Ecclesia est, à sacerdote non Episcopo ordinatos esse presbyteros, vt ex ipsis SS. Chrysostomo, & Hieronymo, quos citas, discere poteras. *Sola Ordinatione,* ait S. Chrysostomus, hom. 11. in priorem ad Timotheum, *Episcopi superiores sunt;* cetera enim omnia sacramenta vel

iure ordinatio, vel ex Pontificia commissione administrant sacerdotes alij. Vnde S. Hieronymus, epist. 85. *Quid enim facis, EXCEPTA Ordinatione, Episcopus quod presbyter non faciat?* Vtriusque Patris verba pro tua causa attulisti, quam iugulant. Subdis S. Augustinum, qui Episcopi munus scribit esse alijs superintendere. ita est, neque tamen vnquam Episcopi vocari soliti sunt Superintendentes, vel Superatendentes; sed hæc vocum nouitates cum nouis dogmatibus succreuerunt. Præter hos, adhuc vnum primo loco collocasti S. Cyprianum, cuius hæc de Apostolis verba: *patri consortio predicti & honoris, & potestatis*; maiusculis depingis; quæ nihil omnino ad rem præsentem faciunt; quum omnes illi fuerint Episcopi, & in Episcopatus gradu pares, ita vt nullus ab eo exclusus fuerit; tamen **P E T R O PRIMATVS DATVR**, vt statim addit S. Cyprianus; sed de hoc fraudem tuam detexi. Articulo 14. cap. 1. §. 3. In primitiua Apostolorum Ecclesia nomina Episcopi & presbyteri non ita semper discreta fuisse, sicut postea vsus obtinuit, facile admittimus; attamen re ipsa inter sacerdotes gradus differentia, quam hodie profitetur Ecclesia, Apostolorum tempore obseruata fuit. Soli enim quos vocamus Episcopos, manus impositionem, seu sacerdotalem Ordinationem perficiebant; vt Scripturas intellexerunt Catholici Patres. sic in illud; *Per impositionem manuum presbyterij*, 1. Timoth. 4. commentatur S. Chrysostomus: *Non de presbyteris hoc in loco: sed de Episcopis loquitur; neque enim profecto presbyteri ipsum ordinant.* Et B. Theodoretus; *Presbyterium autem hic vocat, qui Apostolicam gratiam acceperunt*; id est, Apostolatus dignitatem; nam quos iam Episcopos dicimus, tenet B. Theodoretus dictos esse Apostolos; quod & credibile est. *Eosdem (minores sacerdotes) olim vocabant Presbyteros & Episcopos, eos autem qui nunc vocantur Episcopi,*

nomi-

*nominabant Apostolos. Procedente autem tempore nomen quidem Apostolatus reliquerunt ijs, qui verè erant Apostoli: Episcopatus autem appellationem imposuerunt ijs, qui olim appellabantur Apostoli. Ita Philippensium Apostolus erat Epaphroditus. Hæc B. Theodoretus in cap. 3. 1. ad Timoth.*

§ 9. Capite 8. contra Clericorum tonsuram profers Iudæis data præcepta, quæ nec nos attinent; nec tonsuram vetant, sed capillitij ornamenta; vel rasuram superstitionis, & Gentilium olim sacerdotibus suetam, qui nuda omnino capita in Deorum lapideorum, ligneorum, &c. honorem habebant. Hunc mentiris clericalis tonsuræ ortum esse; quam in Apostolicis traditionibus censent, SS. Isidorus libro 2. de Diuinis officijs, cap. 4. & Beda lib. 5. hist. Anglo. cap. 22. Fausto Manichæo, qui Gentium mores Catholicis tribuebat, respondet S. Augustinus lib. 20. contra eum cap. 21. Gentes etiam cibo, tectis, vestibus &c. uti, quibus fideles utuntur; *longe tamen aliter his rebus utitur, qui ad alium finem usum earum refert, & aliter qui ex his Deo gratias agit, de quo praua & falsa non credit.* Hæc tibi respondere possem; licet eodem modo Gentiles fuissent tonsi, quo Clerici Catholici. At Prædicantes Euangelici, per forum & plateas instar nitidi & politi amatoris malunt incedere; illis multiplices crinis sinuatur in orbes, quos flauescences ad speculum studiose componunt; cincinnos morsu numerosi dentis eburno sulcant; ne mulierculis incompti displiceant. Vociferaris mutilatum esse canonem 44. Concilij Carthaginensis I V. *Clericus nec comam nutriat, nec barbam*; addendum enim esse, *tondeat vel radat*; sed à nobis non impetrabis, ut hoc contra tot veterum Codicum fidem assuamus; quicquid è barbigerò Prædicantium grege Georgius Nigrinus aliusue scripserit. Vobis interim barba latifolia ac mystace interdictum

Dd

esse

esse nolumus; nostris sacerdotibus alere barbam, ubi loci consuetudo non restitit, non tantum ab anno 1529. ut fabularis, sed antea quoque licuit.

§ 10. Capite 10. & 11. De tua tuorumque vocatione laboras; quam legitimam non esse ita claret, ac si ipsius solis radlo scriptum foret. Primo enim notissimum est, vos destitui perpetua ab Apostolis successionem; secundo, vos nullos habere veros Episcopos; tertio, nec sacerdotes, qui non nisi ab Episcopis ordinantur. Successionem non requiri probas exemplo Christi, Ioannis Baptistæ, Prophetarum, & Apostolorum: mihi satis est, quod illam vobis deesse negare nequeas; quam ad ordinariam seu mediatam vocationem desiderari tam liquidum est, ut nec unicum extra successionis lineam vocatum nominare poteris; sed solum illos, quos ipsimet à Deo immediate & extraordinarie vocatos esse agnoscitis: & tamen vocationem vestram tanquam extraordinariam prædicare ausus non es, folio 572. quin aperte scribis: *Etsi immediata vocatio, quam Prophetæ & Apostoli ab ipso Dei filio habuerunt; iam dudum desierit, &c.* Et Lutherus tuus in capite 1. epist. ad Galatas tomo 4. Ienæ impresso, Anno 1558. *Deus vocat nos hodie omnes ad ministerium Verbi vocatione mediata, hoc est, vocatione qua fit per medium, id est, per hominem: Apostoli vero immediate vocati sunt ab ipso Christo.* A mediate autem, & via ordinaria vocatis optimo iure exigitur: *Edant origines Ecclesiarum, euoluant ordinem Episcoporum suorum ita per successionem ab initio decurrentem, ut primus ille Episcopus aliquem ex Apostolis, vel ex Apostolicis viris, qui cum Apostolis persuerarit, habuerit auctorem & antecessorem: vel certe ostendant, quod recipiuntur in pacem, & communicationem ab Ecclesijs quoque modo Apostolicis.* Hæc antiquissimus Tertullianus cap. 32. de præscriptionibus. Eadem illo antiquior S. Irenæus, *Quapropter*



propter eis qui sunt in Ecclesia presbyteris obaudire oportet, his qui successionem habent ab Apostolis, sicut ostendimus; qui cum Episcopatus successionem, charisma veritatis certum, secundum placitum patris acceperunt. Reliquos vero qui absistunt à principali successionem, & quocunque loco colliguntur, suspectos habere, vel quasi hæreticos, & mala sententia, vel quasi scindentes, & elatos, & sibi placentes, aut rursus ut hypocritas, quæstus gratia & vanæ gloriæ hoc operantes. Libro 4. capite 43. Tu quo te veritas nescius iam extraordinariam, iam ordinariam vocationem comminisceris. Lutherum ais fol. 595. vocatum ad prædicandum à Papistis; id est; vestra sententia, ab Antichristis. Omnes Prædicantes, qui vocationem suam referunt ad Antichristi mancipia, ad fures & latrones, ad lupos rapaces: tales enim Episcopos nostros esse furiose proclamatis; de ipso Romano Pontifice scribit Lutherus tomo 1. Witebergæ edito, Anno 1558. folio 408. *Enidens est, Papam non esse Magistratum, neque Ecclesiasticum, neque politicum.* Quomodo ergo à Papatu profecta legitima censetur vocatio?

§ 11. Deinde, Lutherus apud nos Episcopus non fuit; ac proinde quotquot ab illo, alioque non Episcopo, ordinati sacramenta conficere præsumitis, sacrilege tentatis, quorum nullam habetis potestatem, nec Episcopi, nec sacerdotum; utrosque enim à solis Episcopis ordinari ex perpetua ab Apostolis usque Ecclesiæ praxi certissimum est: quam testantur Concilia Nicænum I. can. 4. Sardicense can. 19. Carthaginense IV. cap. 2. & passim SS. Patres, qui in hoc, ut supra vidimus, præcipuam inter Episcopum & presbyterum differentiam esse tradunt. Luculenter contra Aërium hæresiarcham S. Epiphanius hæresi 75. *Dicere enim ipsum Episcopum & presbyterum æqualem esse, quomodo erit possibile? Episcoporum enim ordo Patrum generator est: Pa-*

*sres enim generat Ecclesia: Presbyterorum vero NON POTENS generare Patres, per lauacri regenerationem generat filios Ecclesia; non tamen Patres, aut Doctores. Agnouit id ipse Lutherus, qui in capite 1. epist. ad Galatas scribit: Apostoli vero immediate vocati sunt à Christo; Apostoli postea (non principes laici) vocauerunt suos discipulos; Episcopi suos successores. Ea vocatio durauit vsque ad nostra tempora, & durabit vsque ad finem mundi. Ergo à Luthero, qui Episcopus non erat, vocati, non sunt ingressi per legitimæ vocationis ostium; & nec Episcopi, nec sacerdotes sunt: nam utrosque ordinandi tam impotens est sacerdos non Episcopus, quam diaconus, aut etiam laicus. Quare Lutherum quoque ferit, quod in Hilarii hæretici sectatores à S. Hieronymo vibratum est spiculum: Hilarinus cum diaconus (Lutherus cum simplex sacerdos) de Ecclesia recesserit, solusque ut putat turba sit mundi, neque Eucharistiam conficere potest, Episcopos & presbyteros non habens, &c. Ecclesia autem non est, qua non habet sacerdotes.*

## ARTICVLVS XVII.

*De cœlibatu clericorum.*

## Caput I. Quare Prædicantes viuunt vxorati.



*Vm viro irreligioso, inquit Ecclesiasticus, cap. 37. tracta de sanctitate; cum impio de impietate, cum inhonesto de honestate; cum Prædicante de vita cœlibe. contra quam ἀπὸνδὸν πόλεμον, implacabile bellum, spurcissimi Lutheri soboles gerit. Tu capite 1. octo causas*

causas affers, ob quas mariti viuatis; priores s. sunt; quia coniugium est status sanctus, permissus patriarchis, veteris legis sacerdotibus, & prophetis; nec à Christo Domino prohibitus. At sanctior est, quem Christus suo exemplo sacrauit; & sacerdotibus suis imitandum reliquit, quibus illum non per se quidem, sed per Apostolos suos præcepit. Licet enim ipsum coniugium sit honorabile; hominem tamen quasi diuidit, vt loquitur Apostolus, 1. Corinth. 7. nec totum Dei esse finit; vt taceam eius vsum, etsi per se delictum non sit; frequenter tamen maculis leuioribus conspergi, & cum quadam carnis indomitæ rebellionē, adeoque dedecore coniunctum esse. quare nec Prædicans vllus eo impudentiæ progressus est, vt in publico liberis operam daret. Cur latebra quæritur, nisi ob turpitudinis speciem, si non labem? De patriarchis, prophetis, & Aaronicis sacerdotibus iam dudum respondit Iouiniano hæresiarchæ S. Hieronymus lib. 1. cap. 13. *recte nobis opponerentur, si errore Encratitarum ducti contenderemus matrimonia reprobanda; & non esset noster Pontifex secundum ordinem Melchisedech sine patre, sine matre, ἀνυμωλότητος, hoc est, sine nuptijs.* Patriarchæ, & veteres sacerdotes, oues & boues, aliasque victimas cædebant; hodie Virginis filius inter sacerdotum manus immolatur, *Quo non oportet igitur esse puriorem tali fruentem sacrificio? quo solari radio non splendidiorē manum carnem hanc diuidentem?* S. Chrysostomus hom. 60. ad populum Antioch. cum neque propositionis panibus, urgente necessitate, vesci permissum esset; nisi ijs, qui *ΜΥΝΔΙ* sunt ab vxoribus. 1. Reg. 21. *Panes enim propositionis, quasi corpus Christi, de vxorum cubilibus consurgentes edere non poterant,* ait noster Hieronymus lib. cit. cap. 11. Eadem ex Græcis Patribus S. Maximus Christi martyr in quæstionibus & responsionibus ad Thalassium: *Cur non prohibeban-*

*tur sacerdotes veteris legis habere uxores; sacerdotes vero Christi prohibentur quoad concubitum? Quia scilicet est sacerdotium secundum ordinem Melchisedeci, de quo non est litteris mandatum duxisse uxorem; quare necessario, qui secundum ordinem eius funguntur sacerdotio, non admittunt uxores. sed & sacerdotes in veteri lege, vt obseruauit S. Hieronymus libro 1. contra Iouin. cap. 19. qui pro populo hostias offerebant; non solum in domibus suis non erant; sed purificabantur ad tempus ab uxoribus separati.*

§ 2. Causa 6. 7. & 8. nuptiatorum Prædicantium est; quia Apostoli ipsi habuerunt coniuges; non prohibuerunt nuptias sacerdotibus; neque Ecclesia purissima Apostolica, Christiana, Catholica. Ergo nec iam debent esse prohibita. Vt omittam, ruinosam esse consequentiam, nixam fundamento hæretico, quod Ecclesia non habeat auctoritatem salutare leges nouiter statuendi; antecedentia ex mendacijs confuta sunt; vel ad rem nihil faciunt. Apostolos habuisse coniuges, vnde tam audacter asseris, cum de solo Petro constet? neque ad propositum pertinet. Nam hodie quoque sacerdotio initiari possunt, qui uxores habuerunt; vel adhuc habent; modo uterque coniunx in posterum continentiam promittat. Ita etiam Petrus, & ceteri Apostoli, vt ex superfluo interim concedam, habuerunt quidem uxores, sed quas eo tempore acceperant, quo Euangelium nesciebant; qui assumpti postea in Apostolatam, relinquunt officium coniugale. Nam cum Petrus ex persona Apostolorum dicit ad Dominum: Ecce nos reliquimus omnia, & secuti sumus te; respondit ei Dominus: Amen dico vobis; quoniam nemo est; qui dimiserit domum, aut parentes, aut uxorem, &c. Hæc Iouinianus S. Hieronymus lib. 1. cap. 14. Qui ad Scripturas, quas Iouinianus illi, tu nobis opponis, elegantissime responderet. Quam absurde enim inducitis Apostolum non solum per-

mitten-

mittentem; sed etiam cuique præcipientem, vt vxorem habeat; qui tamen ipse ἀγαπῶς, & cœlebs vixit; aliosque sui imitatores esse desideravit; sicut verba illa, 1. Corinth. 7. *Dico autem non nuptis & viduis; bonum est illis, si sic permaneant, sicut & ego;* Theodoretus, & ceteri exponunt. 1. Timoth. 3. legimus; *oportet Episcopum irreprehensibilem esse, vnius vxoris virum;* an vis neminem, nisi vxoratum, ad Episcopatum esse admittendum? non audes affirmare. Sensus à Patribus communissime receptus, & perpetua Ecclesiæ praxi firmatus est, ad sacerdotium admittendos non esse digamos. Testis est antiquissimus Tertullianus, qui libro 1. ad vxorem scribit: *Disciplina Ecclesiæ, & præceptio Apostolica digamos non sinit præsidere.* Et S. Ambrosius epist. 82. *Apostolus legem posuit dicens: si quis sine crimine est, vnius vxoris vir: qui autem iterauerit coniugium, culpam quidem non habet coinquinati, sed prerogativa exiitur sacerdotis.*

§ 3. Nec solum digamum à sacerdotio remouit Apostolus, sed & monogamum, seu vniuirum ab vxore, quam habet, continentem esse voluit; *oportet Episcopum esse continentem,* ad Titum 1. *ab vxorij etiam amplexibus,* commentatur S. Hieronymus; nam hoc significat apud Apostolum ἐκπατὴν; à quo nomine deducitur ἐκπατὴνομα, quo verbo ille vsus est 1. ad Corinth. 7. *si non se continent,* (vtique à copula coniugali) nubant. Et hanc in veteri Orientali & Occidentali Ecclesiâ viguisse consuetudinem testatissimum est. Con. Nicæ. I. Canone 3. *Omni modis interdixit sancta synodus, neque Episcopo, neque presbytero, neque diacono, neque ulli clericorum omnino licere habere secum mulierem extraneam, nisi forte mater, aut soror, aut auia, aut amita, vel matertera sit. In his namque solis personis, & harum similibus, omnis quæ ex mulieribus est, suspicio declinatur. Qui autem præter hac agit, perigliatur de Clero.* Concil. Carthaginense III, vulgo, V. canone 3.

none 3. placuit Episcopos, & Presbyteros, & Diaconos, secundum propria statuta etiam ab vxoribus continere. Eusebius lib. 1. demonstrationis Euangelicæ, cap. 9. *Qui sunt sacri Ordinis, atque in DEI ministerio cultuque occupati, decet deinceps abstinere se à commercio vxorum: quicunque vero non sunt assumpti ad tantum munus sacerdotij, his scriptura indulget, quasi illud apertè ceteris denuncians, quod honorabile sit coniugium.* S. Basilii in Epist. ad Georgium Presbyterum: *Neque primi, neque postremi legem tulimus, ne mulieres cum DEO dicatis habitarent. Lege Canonem editum in Concilio Nicano, qui planè vetuit has domi habere mulieres. Cælibum vero hac est gloria, mulierum conuietum carere.* Et S. Ambrosius lib. 1. officiorum cap. 50. *Inoffensum autem exhibendum, & immaculatum ministerium, nec ullo coniugali coitu violandum cognoscitis, qui integro corpore, incorrupto pudore, alieni etiam ab ipso consortio coniugali, sacri Ministerij gratiam recepistis.* S. Epiphanius hæresi 59. *Reuera enim non suscipit sancta DEI prædicatio, post Christi aduentum, eos qui à nuptijs, mortua ipsorum vxore, secundis nuptijs coniuncti sunt, propter excellentem sacerdotij honorem & dignitatem. Et hac certò sancta DEI Ecclesia cum sinceritate obseruat. Sed adhuc viuentem & liberos gignentem vnius vxoris virum non suscipit, sed eum qui se ab vna continuit, aut in viduitate vixit, Diaconum & Presbyterum, & Episcopum, & Hypodiaconum: maxime ubi sinceri sunt Canones Ecclesiastici.*

§ 4. Ex his tua deteguntur sphalmata, & mendacia; fol. 599. *Si Melchisedech fuit Sem, ut creditur, eius filij recensentur, Gen. 11. quis hoc, præter paucos recentiores, credit, nisi Iudæi? Sem nouimus fuisse filium Noe; cuius genealogia in veteri nouoque testamento descripta est, at de Melchisedech scribit Apostolus ad Hebræos c. 7. sine patre, sine matre, sine genealogia; non quod his caruerit; sed quia Diuina Scriptura nihil horum nos docuit; inquit B. Theodoretus. &*

con-

consentiunt, quotquot recte sentiunt. De Hebræis vero tuis scribit Procopius cap. 15. in Genesin: *Quidam admodum stulte opinantur Sem esse Melchisedecum; verum id impossibile est.* &c. Fol. 602. & 608. Gratiani verba, & errorē falsius Canonicum & Pontificium appellas. Fol. 603. Canonum Apostolicorum sensum inuertis; inepte Concilium Ancyranum pro te citas, ex quo perspicuum est, diacono non licuisse vxorem ducere, sine Episcopi dispensatione. hodie autem non dispensant Episcopi; nec tanta est ministrorum inopia, vrerat ante 1300. annos, sub Imperatoribus Gentilibus; sed semper inveniuntur plurimi, qui in continentia legem sponte conueniant. Ex prædictis erroris etiam conuincitur fabula, folio 603. quod Nicæna Synodus à Paphnutio persuasa permiserit sacro ordine initiatis coniugum vsum. Folio 604. in errorem tuum trahis Concilium Gangrense, quod anathema dicit eis, qui à sacerdotis communione abstinebant, *occasione nuptiarum*; opinati scilicet, vt ex can. 1. patet, quod coniugatus saluari nequeat; de vfu coniugij sacerdotibus permisso nihil penitus habet Concilium. Ibidem inentiris S. Innocentium I. vetuisse sacerdotibus, ne vxores ducerent viduas, sed permisisse virgines; istud sanxit, ne clericus inferior sibi iungeret matrimonio viduam; *ne hoc præiudicio impeditus non possit ad sacerdotium peruenire.* nam qui viduam ducit, non admittitur ad sacros ordines ascendere. sacerdotibus vero tantum abest ab illo concessas esse nuptias, vt coniugum ante initiationem habitatum vsum ab Apostolo eis vetari tradat. Canones Trullanos, qui sextæ synodi nomine circumferuntur; à Leone II. confirmatos, & præsentibus Agathonis Pontificis legatis conditos esse, geminum mendacium est; expresse eos reprobauit, qui tunc Petri Cathedram tenebat, Sergius I.

E c

Caput

## Caput II. &amp; III. De lege coelibatus.



Am esse Apostolicam, & sanctissimam declaratum est, quid tu? Lex castimonie & continentie, quam Apostolus inter S. Spiritus fructus recenset, ad Galatas 5. immundo spiritui auctori tribuitur; libidinum seminarium appellatur, & Antichristi Symbolum. Hoc blasphemiarum, in Christum Virginis castissimæ filium; continentie verbis factisque Doctorem; in sanctum Spiritum, cuius donum est castitas; in vniuersam Ecclesiam his legibus perpetuo usam, compendium est, Lex libidinem non incendit, sed restringit; cuius occasione, si quis delinquat, sibi culpam imputans ex Apostolo dicat: *Mandatum sanctum, & iustum, & bonum. sed peccatum, per bonum operatum est mihi mortem.* Romano. 7. An accusabis matrimonij iura; quibus si obstricti non essent coniuges, nulla forent adulteria? Ipsemet agnouisti folio 535. non ideo carendum esse pane, vino, pecunia; quia ipsi abutantur impij, ebriosi, auari. Cur sanctissimis institutis tam iniquus es; ut ob præuaricatorum abusum, vel potius non usum è medio sublata velis?

§ 2. Ad muruaram à Ioviniano hæretico calumniam; qui Christi Ecclesie ante 1200. & plures annos obieciebat; *Manifestum est, vos Manichæorum dogma sectari prohibentium nubere;* respondet S. Hieronymus, lib. 1. cap. 25. *Ecclesia matrimonia non damnat, sed subijcit, &c.* de virgine & continente sentit cum Apostolo 1. Corinth. 7. *Beator erit, si sic permanserit:* puto autem, quod & illa spiritum Dei habeat. Hoc vero Christi Apostolique consilium amplexos; & se totos, nihil uxori alligatos, Deo seruuturos data dextera pollicitos, ad fidem non homini, sed Diuinæ maiestati seruandam



dam meritissimo astringit. Nec ideo, quod nuptias prohibeat criminandum est; sicut nec militiam, aut sutoriam, aliaque sordida opificia prohibere dicitur, quod ea in clericis non toleret.

§3. Caput III. absurdis & fallacijs fecundissimum est. mitto cetera; folio 611. deposita larua apertius Iouinianissimum profiteris. *Si Iouinianus, inquis, non habuisset alium errorem, quam quod Monachorum & Monialium castimoniam quoad meritum equasset casto matrimonio, immerito inter hæreticos haberetur.* Vulpecula, caput Iouinianæ hæresis approbas, quod tamen ita inuoluis, vt turpitudine eius minus appareat. Si per Monachorum castimoniam intelligis nonnullorum contra Religionis leges libidinem; qualis Lutheri tui vita fuit, iniuriam facis sanctis Patribus, quod hanc licitis nuptijs antehabuerint. Si virginitatem, ac perpetuam continentiam, quam Religiosi vouent, negas præstare matrimonio, expresse damnatam ab vniuersa Ecclesia hæresin foves. Errores à Iouiniano vel inuentos, vel postliminio interitus reuocatos, refert S. Hieronymus lib. 1. cap. 2. quorum principem locum tenet: *Dicit virgines, viduas, & maritatas, quæ semel in Christo tota sunt, si non discrepent ceteris operibus, eiusdem esse meriti.* Quod cum ex Pammachio viro nobilissimo, alijsq; audiuisset B. Siricius, Romanus Pontifex Iouinianum & complices in Consistorio Romano condemnauit; vt testatur S. Hieronymus epist. 50. ad Pammachium cap. 1. *Idcirco, te post Dominum faciente, damnatus est, Iouinianus; quod ausus sit perpetuæ virginitati matrimonium comparare.* Grauitèr S. Augustinus lib. 2. Retract. cap. 22. *Iouiniana hæresis, sacrarum virginum meritum equando pudicitia coniugali, tantum valuit in vrbe Roma, vt nonnullas etiam Sanctimoniales, de quarum pudicitia suspicio nulla præcesserat, decuisse in nuptias diceretur, hoc maxime argumento,*

Ec 2

cum

eum eas virgeret dicens: Tu ergo melior, quam Sara, melior quam Susanna, siue Anna? & ceteras commemorando testimonio sancta Scriptura commendatissimas feminas, quibus se illa meliores, vel etiam pares cogitare non possent. Hoc modo etiam virorum sanctorum sanctum calibaturn, commemoratione Patrum coniugatorum & predicatione frangebatur. Huic monstro sancta Ecclesia, qua ibi est, fidelissime ac fortissime resistit. Condemnationis sententiam scripsit B. Siricius ad S. Ambrosium; quia Mediolanensis Monasterij apostata erat Iouinianus, quem congregata Episcoporum Synodo etiam Ambrosius damnavit; epistola synodalis est 81. inter Ambrosianas.

§ 4. Falsissimum est Siricium, primam presbyteris & diaconis legem continentiae statuisse; cuius tu folio 612. testem laudas Polydorum Virgilium. si illum falsum esse sciebas, cur refers, nisi ut illudas lectoribus? si nesciebas, nã tu in Patribus peregrinus es. Ante Siricij Pontificatum scripsit S. Epiphanius contra hæreses; S. Ambrosius libros de officijs; longe ante vixerunt Eusebius, Nicæni Concilij Patres & alij; quibus hoc mendacium refellere in promptu est: verba Patrum attuli cap. 1. §. 3. Quam nequiter verba S. Hieronymi maiusculis expressa, in alienum sensum depravas folio 615. *Quasi non hodie quoque PLURIMI SACERDOTES habeant matrimonia.* libro. contra Iouini. Habebant coniuges ante ordinationem ductas, à quarum commercio ad Ecclesie ministerium assumpti se abstinebant; quam totius orbis consuetudinem luculenter testatur S. Pater epist. 50. cap. 3. ubi suos contra Iouinianum libros tueretur: *Perspicue inquit, nuptias diximus concedi in Euangelio, sed tamen easdem in suo officio permanentes premia castitatis capere non posse. Quod si indigne accipiunt mariti, non mihi irascantur; sed Scripturis sanctis, imo Episcopis, & presbyteris, & diaconis, & uniuerso choro sacerdotali, & lenitico,*  
qui

*qui se nouerunt hostias offerre non posse, si operi seruiant coniugali.*  
 § 5. Tandem, ne vlla paulo insignior fabula huic operi  
 desit, in medium venit epistola Vdalrici Episcopi Augu-  
 stani ad Nicolaum Papam; quotus vero hic Nicolaus fue-  
 rit non exprimitur, quia nullus fuit; nam Vdalricus gu-  
 bernante Ecclesia Nicolao I. necdum natus; & ante Ni-  
 colaum II. dudum denatus erat. Gregorium VII. hanc  
 epistolam agnouisse à S. Vdalrico ad Nicolaum Papam  
 scriptam, fabulæ adornandæ adiectum emblemata & men-  
 dacium est.

#### Caput IV. & V. De voto Continentiæ.



Aperte utroque disputas, vtrum continentia  
 perpetuandæ promissum Deo sit seruandum;  
 hic enim reuera quæstionis status est, non quæ  
 tu comminisceris. Maecte, de Luthero tuo actum est, ni  
 causam obtinueris; pro qua quinque argumenta educis.  
 Primum; *Castitatem in baptismo omnes vouent; ergo, eam denno  
 vouere non debent.* Agnoscis ipse hoc ad rem non facere;  
 adde, & antecedens, si proprie de voto loquamur, falsum,  
 & consequentiam insulsam esse. Alterum argumentum;  
*Qui omnimodam continentiam vouens nuptijs quoque sibi inter-  
 dicit; matrimonium ipso facto tanquam statum incontinentia ar-  
 guit.* Corrige; is minus perfectam continentiam esse iudi-  
 cat coniugum; quam se Christi amore castrantium. In vi-  
 tijs enim matrimonium numerat, qui hoc malum esse dicit,  
*non qui huic bono aliud melius anteponeit.* S. Augustinus lib. 30.  
 contra Faustum cap. 6.

§ 2. Argumentum 3. *Nemo vouere potest, quod in sua potesta-  
 te non est: à nuptijs abstinere in valde paucorum potestate esse Chri-*

*stus expresse testatur. Matth. 19. Non omnes capiunt verbum istud, sed quibus datum est. Nec Christi verba reuereris. Non omnes exponis, valde pauci; capiunt, possunt capere. Non omnes obediunt Euangelio, qui tamen obedire poterant, ut probat Apostolus, Rom. 10. & qui obediunt, nisi quibus datum est? crediderunt quotquot erant preordinati ad vitam aternam. Act. 13. Gratia Dei opus est tam ad fidem, quam ad continentiam; nec ideo in manu nostra esse negantur; cum eos, qui salutis suæ satagunt, Deus nunquam deserat. Quod virtutes eiusmodi non omnes capiant, impie in Deum tanquam eius abbreviata sit dextera, refertur, qui liberi arbitrij nostri defectus est, & orationis, abstinentiæ, aliarumue tuendæ castitatis auxiliarium copiarum dimissio. Tuus Epicurei porci folio 625. grunnius est, plerisque ad nuptias à Deo conditos esse; qui pro continentia orando adeo nihil impetrant, ac si precarentur, ne in terra gramen succresceret. Audiamus S. Augustinum de Christi verbis Catholice differentem capite 4. de gratia & libero arbitrio, vbi hæc ad Monachos scribit: Primum de ipsa vestra professione aliquid dicam, neque enim congregares vos ista societas, in qua continenter viuitis; nisi voluptatem coniugalem contemneretis. Hinc autem Domino loquenti cum dixissent discipuli: si talis est causa homini cum uxore, non expedit nubere; respondit eis: Non omnes capiunt verbum hoc, sed quibus datum est. Numquid non liberum arbitrium Timothei est exhortatus Apostolus dicens; contine te ipsum? Et in hac re potestatem voluntatis ostendit; vbi ait; non habens necessitatem, potestatem autem habens suæ voluntatis, ut seruet virginem suam: & tamen non omnes capiunt verbum hoc, sed quibus datum est: quibus enim non est datum, aut nolunt, aut non implent quod volunt: quibus autem datum est, sic volunt ut impleant quod volunt. Itaque ut hoc verbum, quod non ab omnibus capitur, ab aliquibus capiatur, & DEI donum est, & liberum*

*berum arbitrium. De ipsa quoque pudicitia, coniugali nempe Apostolus ait. Quod vult faciat, non peccat si nubat, & tamen hoc etiam DEI donum est, dicente Scriptura: A domino iungitur mulier viro. Ideo Doctor gentium & pudicitiam coniugalem, per quam non sunt adulteria, & perfectiorem continentiam, per quam nullus concubitus quaritur, sermone suo commendās, & hoc & illud donum DEI esse demonstrat; scribens ad Corinthios & admonens coniuges, ne se inuicem fraudent: quos cum admonuisset, adiecit: Vellem autem omnes homines esse sicut meipsum: quia VTIQUE ipse ab omni concubitu continebat. Et continuo subiunxit: sed unusquisque proprium donum habet à DEO, alius sic, alius autem sic,*

§3. Quin nec ambigendum est, difficilius à multis seruari coniugij iura; quam seruassent continentix vota. Facilius ab ebrietate se continet, qui ab omni vino abstinere, quam qui ex suo solum dolio bibere constituit. Neque enim semper secum vxorem feret, si peregre abeundum sit, & domi quoque puerperæ, aut ægræ, longiori sæpe tempore, parcendum erit; præsentibus alijs, vel interdium ea abuti pudor & Christiana modestia prohibebit; cum illa minime exlaturandæ libidinis, vt Prædicantes sentiunt, vas, sed prolis generandæ educandæque adiutrix sit. An in potestate hominis est se continere interdium, non noctu; absente, morbida, aut heri defuncta coniuge; non autem, illa præsentē, & valente? Aduertit hoc etiam S. Augustinus libro 2. de adulterinis coniugijs cap. 19. & 20. ille maritos, qui adulteras vxores repudiarunt; ego clericos eius verbis alloquor; Hos igitur alloquor, vt quod facere deberent, si haberent coniuges diuturno languore marcescentes, vel loco sibi inaccessibili absentes, vel animositate illicita continentes: hoc faciant. Quinimo cum à fæminis utique habentibus carnem, tantam flagitant castitatem, vt quando ab vxoribus diutissimè pe-

*regnantur, velint eas ab adulterino concubitu incontaminatas  
 feruorem transigere iuuentutis: & plurima pudicissime transigant  
 & maxime Syre, quarum mariti negotiandi quæstibus occupati, iu-  
 uenes adolescentulas deserunt, & vix aliquando senes ad aniculas  
 reuertuntur: eo ipso euidentius conuincuntur non esse impossibile,  
 quod se non posse causantur. Si enim hoc non posset infirmitas ho-  
 minum, multo minus id posset sexus infirmior sæminarum. Dein  
 proponit ijsdem maritis exemplum clericorum, qui inopi-  
 nanter ad Clericatum rapti, vsque ad finem in continen-  
 tia perseuerant. Addo, iuuenum & virginum innupta-  
 rum: si valde pauci sunt continentes, ergo plerique ante  
 nuptias, quas 20. 24 aut 30. ætatis anno contrahunt, mul-  
 to tempore vitam libidinose transegerunt. Nam si vn-  
 quam acres sunt petulcæ carnis stimuli, in adolescentibus  
 ac iuuenibus sunt, quibus tamen ad illos retundendos tan-  
 tum consilij, experientiæ, virilis constantiæ non est, quan-  
 tum prouectiori ætati. Si ergo in potestate cuiusque ado-  
 lescentis annos 16. 17. 18. nati est, se ab omni etiam coniu-  
 gali copula continere, cur id non sit anno 25. 26. &c.  
 quando nimius iuuenilis sanguinis ætus nonnihil defer-  
 buit; & ratio ac sapientia, quæ appetitui dominatur, ma-  
 gis magisque increuit? Folio 625, meministi, quanta con-  
 tentione SS. Hieronymus & Franciscus libidinis flammam  
 restinxerint: quam tamen illæ si non euaserint. Calum-  
 niaris viros sanctos; vnde enim tibi constat, eos in his la-  
 boribus vel minima venereæ voluptatis macula sorditos  
 esse? Succenderit fornacem infernus Nabuchodonosor;  
 in medio igne viri sancti steterint; an ideo vstos, vel adu-  
 stos esse cogitabimus? sed sanctiora vos salacissimi hirci  
 meditari insueti estis.*

§ 4. Argumentum 4. & 5. *Votum continentia Deo displicet;  
 non est spontanea oblatio. Vtrumque tua est spontanea crimi-  
 natio*

natio. Coacta vota nec nos probamus; sed sponte oblata, ut Deo reddantur, exigimus. Necessitas, quæ votum sequitur, non minus tollit spontaneum, quam seruitus, quæ per nuptias contrahitur; an ideo coacte diligit uxorem maritus, quia insolubili nexu ei adstringitur? Imo, hinc crescit amor, & firmatur. Eodem modo, qui Christo deuouent, ei vnice, & multis animæ delicijs adhærent; spontaneorum compedum potius lætantur honore, quam grauentur onere. Senserunt id mariti, qui necessitate quadam vxoribus carebant; non libera præeunte electione, & ideo sub onere gemebant, indolentes quod suam continentiam non decoraret votæ castitatis gloria: quos S. Augustinus libro 2. de adulterinis coniugijs, cap. 19. consolatur: *Non eos frangat, quod videtur eorum continentia necessitate esse, non voluntatis: quia & illi qui eam VOLUNTATE deliquerunt, fecerunt eam esse necessitatis, quoniam iam sine damnatione ab ea diuare non possunt: & qui in eam necessitate contrusi sunt, faciunt eam esse voluntatis, si non de se ipsis, sed de illo, à quo est bonum omne, confidunt. Illi ad eam conscenderunt causa AD HOC GLORIÆ, ut aliquid amplius inuenirent, isti ad eam confugerunt cura salutis nonissima, ne perirent: utique permanent, utrique in quod perueniunt ambulant usque in finem, ferueant studijs, superent votis; quia & illis salus cogitanda est, ut ab eo, quod voluntas arripuit, cadere timeant; & istis gloria desperanda non est, si in eo quod necessitas intulit, persistere deligant.*

§ 5. Capite 5. furis, quod asseratur grauius delinquere sacerdotem, si uxorem ducat, quam si cum scorto fornicetur. Inauditum Christianitati hoc dogma esse vociferaris, contra publicam honestatem, veteres canones, & antiquorum Doctorum consensum. Iam de hac re egi articulo 4. capite 2. §. 7. vbi S. Ambrosium ex vniuersæ Ecclesiæ indubio sensu audiui: tu quos canones & Patres

Ff

loque.

loqueris? Affers vnicum Concilij Neocæsariensis canonem. Presbyter si uxorem duxerit, ab ordine suo illum deponi debere: Quod si fornicatus fuerit, vel adulterium commiserit, extra Ecclesiam abijci, & ad pœnitentiam inter laicos redigi oportet. Annon erubuiſti, dum tantæ vetuſtatis decretum, annorum ſcilicet prope 1300, contra Lutherum tuum produciſ; ex quo clare intelligiſ pro criminoſo habitum ſacerdotem nuptias attentantem. ſed mitius inquis, punitur, quam ſcortator vel adulter: ſit ita, id fieri potuit ob aliquã ignorantia præſumptionem. verum ſeueritatem perpetuæ depolitionis minime intelligiſ; & de fornicatoris pœna ita habet græcus textus; ἐξορίσθαι τὸν κληρὸν καὶ ἀγνοῦναι τὸν νόμον μετανοίας, quare hunc canonem 1000. abhinc annis reddidit Dionyſius Exiguus; amplius pelli debet, & ad pœnitentiam redigi. Allegas tandem tres Cypriani, Epiphaniij, Hieronymi ſententioſas; ſed te fumos vendere intelliget, qui Bellarminum tomo 1. capite 34. de Monachis legerit. Patres illi minime loquuntur de nuptijs poſt ſolemne votum contractis. S. Hieronymi verbis hunc articulum finio: *Et ſi nupſerit virgo, non peccauit. Non illa virgo, qua ſemet Deicultui dedicauit. harum enim ſi qua nupſerit, habebit damnationem, quia primam fidem irritam fecit.* 1. Timoth. 5. *Virgines enim quæ poſt conſecrationem nupſerint, non tam ADULTERÆ ſunt, quam INCESTÆ.* Lib. 1. contra Iouinianum, cap. 7.

## ARTICVLVS XVIII.

*De communionẽ ſub utraq; ſpecie.*

DE SS. Eucharistiæ vſu hic perpetuus Eccleſiæ ſenſus fuit, Chriſtum Dominum eam quidem ſub ſpecie panis & vini inſtituiſſe in vltima cœna, &



na, & Apostolis suis, quos sacerdotes tunc initiauit, vtramque speciem in sacrificio offerendam præcepisse; extra sacrificium vero sacramentum hoc sub vna, vel vtraque specie dispensandum Ecclesiæ commisisse. In hunc scopum tela tua dirigere debebas, & non probare, quod Apostolorum tempore, vel postea, vtraque species etiam laicis distributa sit. Id enim nobis nihil aduersatur, qui modo vnā, modo vtramque, prout Ecclesia disposuit, administratam esse tradimus; quibus tu victas manus das, quoties ad exempla, quibus vnus tantum speciei vsus probatur, respondes id non fuisse perpetuum. Sufficit, & abundanter sufficit, quod vnius speciei vsus perpetuo ab Apostolis vsque in Catholica Ecclesia fuerit; vt recte scripsit Episcopus Seccouienfis: cui imperite obijcis, ante Concilium Constantiense fuisse liberum, vtramque speciem sumere. interim verum manet semper aliquos vnā tantum sumpsisse. At SS. Leo & Gelatius Romani Pontifices suo tempore vtramque speciem sumi volebant; ad discernendos Catholicos à Manichæis & Priscillianistis, qui ideo à calice abstinebant; quod vinum tanquam natura malum detestarentur. hinc concludis *erassum, ac toti mundo exploratum mendacium* esse; cum asseritur, semper vnā speciem in vsu fuisse. Noli furere. Manichæi & Priscillianistæ non erant vbique; nec regna & prouincias ab his hæresibus puras leges Pontificiæ vrgebant. In locis vero, vbi illæ erant, obseruari iuebantur, qui nunquam calicem sumerent, sed auersarentur; interdum ergo debebant sumere Catholici, non semper, vt ex S. Leone ser. 4. de Quadragesima discimus; adeoque nec tunc sublata fuit omnino sub vna specie communio.

§ 2. Nihil sacris litteris aduersari vnius speciei vsus, quin ex ijs confirmari, plures è nostris luculenter osten-

derunt. In veteri testamento illustrissimæ figuræ, Lignum vitæ, Gén. 2. & 3, Agnus paschalis, Exodi 12. Manna, Exodi 16. Panes propositionis, Exodi 40. vnam solum speciem referunt. Tu folio 683, ad quædam respondes. *Eadem nocte, eodem loco, inquis, non solum caro agni paschalis edebatur; verum etiam illius sanguis posubus ac superliminari domus illinebatur, qua figura sanguinis Christi fuit.* pro nobis in cruce effusi, quo a deuastantē Angelo liberati sumus; quare agni sanguis non potabatur, sed dispergebatur, & quidem prius quam carnes eius comederentur; quæ SS. Eucharistiæ calicem non repræsentant. Aquæ item è petra fluentes, Exodi 17. sanguinem in cruce fufum, & spiritualemente potum significant: recte tamen tam his, quam agni paschalis sanguine etiam Christi sanguinem, qui in sacramento sumitur, præfiguratum intelligimus. at eo potitur, qui vel vnam speciem accipit, quam sufficere hæc ipsæ figuræ nos instruunt. nam nec aqua nec agni sanguis vtrâq; refert speciem: nec aqua cum manna, sed separatim data est: carnes eadem die comederint, qua sanguine conspersi fuerant postes; vtraque tamen distincta ceremonia erat, & aliquot horarum interpositu dilparari poterat. Hinc vero minime sequitur, vt tu contra nos insulle argumentaris, inconueniens aut illicitum esse vtramque speciem simul sumere: tamen enim id figuræ illæ nobis non exhibeant, & quasi taceant, adeoq; non requirant, non tamen improbant, seu reprehendunt. Panes propositionis à sacerdotibus comedebantur; quo significatur, ne ad sacram synaxin nisi à peccatis puri & sancti accedant, non quod soli sacerdotes admittendi sint. Similitudo & analogia in figuris desideratur, haud plena æqualitas; vtu nugaris. Obijcis Melchisedech panem & vinum protulisse. Vtrumque obtulit; sicut & hodie sub vtriusque speciebus Christus

**N**us offertur, quod ea Abrahamo ad vescendum & bibendum ministravit, non legitur; nec si legeretur, nobis aduerfaretur, qui communionem sub vtraque specie olim ab Ecclesia permissam, atque etiamnum quibusvis permitti posse profitemur. Nam quod vel semel agitur, recte praefiguratur.

**S.** In nouo testamento, de SS. Eucharistia laicis administrata accipimus S. Lucam, capite 24. Euangelij; Cap. 2, ac 22. Actuum; nulla his locis calicis mentio. In Actis de sacramento agi nec tu inficiari ausus es: sed nos ipsos, instas, non posse a fractione panis separare calicem, quem ad consecrationem necessario requiramus. non agitur de consecratione, sed de distributione sacramenti, quam S. Lucas fractionem vocat, ac calicis vltum fidelibus communionem non fuisse significat, dum panem duntaxat, (qui de caelo descendit & visibili panis specie regitur) distributum memorat. Discipulis in Emaus profectis Christum sub panis specie corpus & sanguinem suum dedisse post S. Augustinum, Bedam, Theophylactum, Euthymium recte tradunt, quicunque tradunt, & licet quidam aliam sequantur expositionem, priorem tamen probabilem esse nemo iure negarit. Tu eam excludens quam ridiculus es! folio 678. *Discipuli, inquis, non viderunt primam in vltima cena sacramenti administrationem: quomodo ergo ex illa Christum potuerunt cognoscere?* Vnde probas illos non adstitisse cenae vltimae? sed id nihil ad rem. Qui corpus suum illis distribuit, is corda iam ante alloquio ipsius calefacta, veritatis radijs illustrauit; vt quod sumebant, intelligerent. Cleophas, ais, *illiusq. comederant ex 70. discipulis: ergo vtraque species eis danda erat.* Consequentiam proba, comparas ipsos sacerdotibus, quales tunc non fuisse liquidum est. Sed & sacerdotes extra sacrificium vnani sumunt speciem; quod

tibi quasi in altero orbe versanti incognitum est; unde etiam folio 652. contra nos disputas; S. Ambrosium moribundum non communicasse sub vna specie, ut eius habet historia, quia sacerdos erat; qui ex nostra doctrina sub utraque communicare debebat. Rerumstrarum tam ignarus, maus delirare, quam eas indagare.

§ 4. Post Apostolos vsum vnius speciei semper perseuerasse, ex Patribus, & varia Ecclesiarum praxi ostenditur. Ante 1200. 1300. annos panis speciem domum secum deferrebant, ubi tempore commodo sumebant, ut testantur Tertullianus, de Oratione; S. Cyprianus de lapsis. Pro ægrotis vna tantum species asservabatur; nam species vini facile corrumpitur, quam interdum, in vnius vel alterius ægri, qui sacramentum postulabat, vsum, per breui tempore à peracto sacrificio retentam, non multum contenderim; sed ad incertos casus, & improvisa pericula vna solum seruabatur panis species. Præterea, pro numeroso populo non sufficiebat vnius calix; nec ubique erant plures sacerdotes, qui sæpius sacrificarent; sumebant ergo ex calice, quando pro populo quoque consecrabatur, quot poterant; reliqui solum panis speciem accipiebant. Hinc nunquam de calicis reliquijs quid legimus; sicut de reliquijs, quæ ex speciebus panis superabant; & inter innocentis pueros distribuebantur. Quidam etiam vel nunquam biberunt vinum; vel ex morbo, sine nausea & vomitus periculo id bibere nequeunt; quibus sine sacro viatico hac vita discedendum foret, si vnius speciei vsum esset dimidiati sacramenti sacrilegium.

§ 5. Ad hæc non omnino mutus es, sed quoties loqueris tuam prodis insipientiam. Consuetudinem, qua SS. Eucharistiæ domum portabant, ais folio 648. reprobata à Concilijs; posterioribus scilicet; postquam animaduersum

sunt est apud multos valde interpuisse caritatem primam, nec satis tuto credi populis thesaurum tantum, quem domum deferant. Ostende illam improbatam ante annum à Christi nato trecentesium, quando nec tam securum erat in multa sacramenti administratione diu persistere, propter infidelium multitudinem; nec templa ad communicandum tam idonea habebantur; & Christianis ad imminens quotidie martyrium expeditis amplius fidi, & concedi poterat. Desine igitur stupere à Concilijs postea gravissime prohibitum esse, quod ante laudabiliter permittebatur. Stupidus facile stupet. Stuporis alterum argumentum est, folio 665. *inveniuntur plures calices pro summo altari destinati fuisse*: quid tum? an ideo falsum est in altari unum tantum calicem usurpatum esse? Etiam pro tuo corpore habes plura indusia, quibus per vices utaris: multos calices ab vno sacerdote simul consecratos esse ex nullo veteri probæ notæ auctore ostenderis. Arianos taxat S. Gregorius Turonensis, quod duos calices consecrarent, quorum altero Reges, altero plebem ceteram communicabant. libro 3. histo. Franco. num. 31. Tempore S. Bonifacij Archiepiscopi & Martyris nescio quis plures calices in ara reponere ausus est; sed morem peregrinum auersatus Bonifacius Romanum Pontificem consuluit; respondit B. Gregorius III. velut quidam computant, II. *Congrui non est duos vel tres calices in altario ponere, cum Missarum solemnia celebrantur.*

§ 6. De calicibus ministerialibus meminit, qui contra Lutherum disputavit Cardinalis Caletanus in commentarijs super partem 3. summæ S. Thomæ q. 80. art. 12. sed per modum obiectionis, non assertionis. Si administrandum tantum, non ad offerendum serviebant; aliquid ex calice consecrato in eos fundebatur, quo deficiente, vi-

num purum apponebatur, vt D. Pistorius te docuit. Miraberis Caietanum à me nominari, cum Thomam Aquinatem super ea re citaueris. tales Doctores estis, qui nec commentarios & glossas à textu discernatis. Nec vnus hic error tuus est. Fol. 663. itidem Thomam Caietanum transformas in S. Thomam Aquinatem; vt & folio 645. vbi de Aquinate scribis: *aliquot bonis firmisq. rationibus probas, melius esse utramque speciem sumere, quam vnā.* Rationes nouem ex eo refers; bis nouem mendacia: nouem, dum S. Aquinati adscribis, quæ Caietani sunt; iterum nouem, dum tanquam firma commendas, quæ Caietanus per formam obiectionis attulit, & infirma esse ea soluendo ostendit, in 3. p. quæst. 80. art. 12. q. 2. & 3. Ad primum q. 2. aperto scribit: *Non est utilius sumere totum sacramentum, quam partem sacramenti, vbi tota vis sacramenti non minus est in parte, quam in toto: sicut est in proposito.* Quid mirum, si tot fraudes in veterum Patrum testimonijs committatis, cum eas nec intermittatis in recentiorum scriptis, ex proposito contra vos editis?

§ 7. Eodem folio 645. nihilo felicius producis S. Thomæ binas sententias Latine; quarum summam præmittis Germanicè; *Thomas Aquinas, ais, p. 3. q. 76. 2. 2. indicat ex grauib. causis multo melius esse, vt fidelibus vtraque species detur.* Quamuis, inquit, totus Christus sit sub vtraque specie, non tamen frustra. SCILICET datur sub vtraque specie. Et paulo post, quæst. 80. art. 12. iterum aliquas causas affert: *Quod non liceat corpus Christi sumere sine sanguine.* In priori loco tuum SCILICET, quo totum testimonium nititur, est mendacium; & sic emendandum; non tamen frustra altera species est à Christo instituta. Quæst. 80. art. 12. S. Thomas ex instituto commendat vnus speciei vsum; contra quem more suo tres formauit obiectiones, quas solide refellit;

effrons

effrons Prædicans obiectiones tanquam S. Doctoris sententiam allegat eadem fide, ac si quis assereret à S. Thoma negari, quod sit Deus, idque bonis argumentis probati p. 1. quæst. 2. art. 3. quia veritatis elucidandæ gratia præmittit; *videtur quod Deus non sit: Quia*, &c. rationes à se propositas mox ipse evertit; & Deum esse elegantissime demonstrat. Quis oculis tam gramosis sit; qui tam crassos dolos non videat? Aquinati dicis accedere Guilielmum Durandum; videlicet, quod vtilius sit populo dare vtramque speciem, libro 4. Rationalis cap. 42. & 52. ea recentis mendacij accessio est.

§ 8. Folio 667. Disputare incipis de præcepto communicandi sub vtraque specie In primo agmine militant Scripturæ: *Non addetis ad verbum quod ego loquor vobis, nec auferetis ex eo.* Deut. 4. *Nec addas quicquam, nec minuas.* Deut. 12. *Docentes doctrinas, & mandata hominum.* Matth. 15. Ex his immotis Scripturis subsumitur: *Christus nullibi præcepit Laicis unam tantum speciem: Ergo prohibuit.* Papæ, quam incondita effutis; ex quibus facilius probaueris vtramque speciem prohibitam; quam in præcepto esse. Nam verba & præcepta Moïsis, Deut. 4. & 12. nihil omnino de corporis & sanguinis Christi sumptione habent; si ergo nihil addendum, nihil demendum; tollatur sacramentum Eucharistiæ; restituatur circumcisio. sed de harum Scripturarum abusu iam egi, art. 3. §. 4. Item, Lutherus tomo 1. Germania. Ienensi, folio 111. expresse scribit. *Hoc verum est, quia Christus non præcepit ut omnes sacramentum percipiant, non tantum una species, sed etiam nulla accipi potest, ut aliqui Eremita fecerunt.* Subsume: Ergo vtramque prohibuit; quia neutram præcepit, ut tuus, quamuis falso, tradit Lutherus loco citato, & clarius fere in captiui. Babylo. vbi scribit: *cum Christus non præceperit ulla (specie) uti, sed in arbitrio cuiuslibet reliquit,*

*liquit, dicens; quotiescunque hac feceritis in mei memoriam facietis. At alibi aliter sensit; ita est; quia sola veritas perpetuo sibi constat.*

§9. Nec ex nouo testamento, in quo de hoc sacramento agitur, vllum præceptum vtriusque speciei extra sacrificium sumendæ datur; non repeto toties à nostris tam plane declarata, ex tuismet, & Lutheri tui verbis id ostendo. Non constare de præcepto ex verbis Christi; *Accipite, manducate, bibite*, fatetur Lutherus tomo 3. Ienen. Germa. folio 498. & tu folio 670. scribis; *ex illis de neutra specie demonstrari præceptum posse; cum solis Apostolis dicta intelligi queant; nisi pariter mandasset Christus: Hoc facite in meam commemorationem.* Atqui hæc verba sancti Patres rectissime de sacrificio corporis & sanguinis Christi exposuerunt; & Apostolis tanquam Sacerdotibus mandatum esse voluerunt: Hoc offerre in meam commemorationem, ita S. Dionysius Areopagita parte 3. Ecclesiast. Hierar. capite 3. Iustinus in dial. cum Tryphone, Irenæus lib. 4. cap. 23. Cyprianus ep. 63. omitto alios; horum enim quatuor Christi Martyrum, qui ante 1300. 1400. 1500. annos vixerunt, grauissima cuius debet esse auctoritas. Sed & ipsa sese interpretatio commendat, cum plana, & verbis accommodata sit; nam Facere & Latinis, Græcisq; interdum, & frequentius Hebræis significat Offerre seu sacrificare. Leuitici 16. ver. 9. *offeret illum (hircum) pro peccato*; Exodi 10. ver. 25. ait Moyses Pharaoni; *Hoflias quoque & holocausta dabis nobis, qua offeramus Domino Deo nostro*; ytroque loco in Hebræo est verbum *פָּעַל* Facere; *faciet illum pro peccato; faciemus Domino.* Quid opus est exemplis, ipsemet folio 671. fateris. *Facere*, inquis, *nullibi in Scriptura significat proprie sacrificare, nisi ubi de sacrificio agitur.* Subdis; *sed in institutione Cæna non de sacrificio, sed de esu corporis, & potu sanguinis Christi agitur.* Agno-



Agnoscis ergo nullum ex Scriptura vtriusque speciei sumendæ præceptum euinci, si Christus corpus & sanguinem suum etiam in sacrificio offerri voluit; quod vnicum proprium, ac iuge in Ecclesia sacrificium nullus vnquam Christianus negauit; imo nec hæreticum tam perditum inuenio ante Bogomilos, qui circa annum 1100. elapsis vndecim à Christo seculis orti sunt, vt referunt Zonaras ad finem Annalium; & Euthymius parte 2. panopliæ, titulo 23.

§10. Sedenim demus verborum Christi: *Hoc facite in meam commemorationem*; sensum esse; manducate, bibite. ex Euangelistis habet ea vnus Lucas capite 22. & post solam corporis Christi sub panis specie institutionem; ad calicem hæc verba non repetuntur. Similiter Apostolus 1. Corinth. 11. ad panis speciem dicta esse testatur; ad speciem autem vini ista: *Hoc facite, quotiescunque biberitis, in meam commemorationem*; vbi attentis solum verbis nullum bibendi præceptum datur; sed, si qui biberint, Domini memores esse iubentur. De communi pane, & quouis potu monet Apostolus eadem epistola capite 10 *sive manducatis, sive bibitis, sive aliud quid facitis, omnia in gloriam Dei facite*; non præcipit, vt edamus, & bibamus; sed, si cibum aut potum sumptierimus, id in Deum referri voluit. Adde, seclusa Ecclesiastica interpretatione non constare de absolutis etiam imperandi modis, an vere mandatum; vel monitum ac consilium, vel meram operandi licentiam significant. Nam conuiuius quoque dicit conuiuatori edite, bibite; quos ad id inuitat, nihil imperat. Quare recte infantilem syllogismum tuum ipse appellas folio 676. *Per modum imperandi aliquid præcipitur: Edat, bibat, 1. Cor. 11. sunt imperatiui modi; ergo quid imperant.* Imperatiua dicuntur verba Grammaticæ, quibus sapissime nihil imperij inesse

Gg. 2.

lippis

lippiis ac tonsoribus notum est; ut omittam Apostolum minime indicare, ut edamus, vel bibamus; sed prohibere, ne id quis facere attenter priusquam se debite præparaue-rit. Profecto si litteram solum obseruemus de Eucharistie sumptione non inuenio, quod de pedum ablutione scrip- tum est: *DEBET IS alter alterius lauare pedes.* cur præceptum non accipimus, nisi quia Ecclesiæ sancto Spiritu litteram interpretanti credimus? Ab hac, non ex Grammatica ver- borum potestate petendum est, quæ in præcepto, aut libe- ræ dispositioni nostræ commissa sint.

## ARTICVLVS XIX.

*De Confirmatione, Extrema Vnctione,  
& aqua benedicta.*

**D**E Confirmationis sacramento, ac sacro Chris- mate disputas ex tuo Kemnitio, & alijs eius- dem furfuris, quibus luculenter respondit Bel- larminus tomo 2. integro libro. aliquas saltem tuas inep- tias, ac errores recenseo. Folio 698. primum tuum argu- mentum est; Confirmationem sacramentum non esse, quia materia & forma eius in Scripturis non leguntur. Nec hoc in illis legitur, nihil credendum esse, nisi quod ex aperte describunt. Nec baptismi integra forma in sa- cris litteris tam expresse habetur. Et sicut baptismi mate- ria remotior est aqua; proxima vero usus aquæ, seu ablu- tio; ita Confirmationis remota materia est Chrisma, pro- pinqua autem est inunctio frontis, seu manus in fronte impositio; de qua Actorum 8, Petrus & Ioannes *orauerunt pro ipsis (Samaritis) ut acciperent Spiritum sanctum; nondum enim*

*enim in quenquam illorum venerat, sed baptizati tantum erant in nomine Domini Iesu. Et Act. 19. Baptizati sunt in nomine Domini Iesu, & cum imposuisset illis manus Paulus, venit Spiritus sanctus super eos, & loquebantur linguis, & prophetabant. Habes formam huius sacramenti esse orationem; materiam proximam manus impositionem; ministrum Episcopum, quales erant Apostoli, quare Samaritanas Philippus diaconus baptizavit; sed ad manus imponendas in Samariam descenderunt duo Apostoli & Ephesij non à Paulo baptizati sunt, ut patet ex 1. Corinth. 1. manus vero Apostolus imposuit. Effectus sacramenti est gratia Spiritus sancti, diffusa in cordibus iam baptizatorum; quæ in primiriua Ecclesia sæpe etiam in externa signa effundebatur; loquebantur linguis; sicut & Apostoli Act. 2. qui Confirmationis effectum, gratiæ maiorem copiam, seu ut Scriptura loquitur *virtutem superuenientis Spiritus*, in Pentecoste acceperunt extraordinario modo, sine sacramento, primiriæ scilicet Episcoporum, qui alijs postea tale Spiritus robur seu confirmationem per institutum à Christo sacramentum contulerunt; neque enim hæc inferior Spiritus sancti virtus subtrahitur; tamen si linguæ & alia externa signa cessarint. Recte S. Augustinus tract. 6. in Ioannem: *Numquid quando imposuimus manum istis infantibus attendit unusquisque vestrum, utrum linguis loquerentur, & cum videret eos linguis non loqui, ita peruerso corde aliquis vestrum sit, ut diceret, non acceperunt isti Spiritum sanctum?* Omnino de Confirmatione nostra loquitur S. Pater, quam olim etiam infantibus statim à baptismo administrabant Episcopi; hodie datur ratione iam utentibus, ut suscipiatur reuerentius.*

§ 2. Contra Scripturas igitur, non contra nos tantum obstrepis: *Per Confirmationem multum imminuitur baptismi dignitas*; folio 699. *dum negatur, quod is perfectum Chri-*

Gg<sup>3</sup>

*stianum*

*stianum efficiat*; folio 700. & Confirmationi postponitur; quandoquidem hæc ab Episcopis, ille ab inferioribus presbyteris administratur; folio 701. Audi; Baptismus est *lauacrum regenerationis & renouationis Spiritus sancti*; ad Titum 3. *Nisi quis renatus fuerit*, inquit Dominus, *ex aqua & Spiritu sancto*. Ioan. 3. ad hoc ille institutus est; quod etiam plene præstat; perfecte renascimur; adeoque perfecte Christo incorporamur, & Christiani simus; quemadmodum infans hodie natus est perfectus, non mutilus homo; viribus tamen imbecillus, nec viri robur habet; hoc enim robur non confert natiuitas, sed solidior ætas. Simili modo baptismo regeneramur; Confirmatione induimur virtute ex alto, & auctiori gratia roboramur; quæ gratiam in baptismo datam tantum exsuperat, vt per eum interdum Spiritum sanctum dari negetur; non quod non detur, sed quia minora eius dona sunt, si cum Confirmatione comparentur. Vltima enim Scripturæ phrasis est; vt non esse asseratur, quod alteri posthabetur. Iam acceperant Spiritum sanctum Apostoli Ioan. 20. & antea quoque habebant; nec enim cum Christo sine eius spiritu vivebant; & tamen legimus; *nondum erat Spiritus datus*, Ioan. 7. sed venturus, atque à Christo post ascensionem mittendus promittitur. Et Act. 8. iam audiuius de baptizatis in Christo dici; *nondum in quemquam illorum venerat*; venerat vtique, at tantis gratiæ diuitijs eos non locupletarat; sicut in manuum impositione. Quid mirum ergo, si maior in Ministro requiratur dignitas, quando peculiariter representatur Spiritus sancti virtus & maiestas?

§3. Huic tanquam principi causæ, & Christi meritis accepta refertur, quæ per sacramentum confertur gratia; chrismati tantum vt instrumento; & quæ tu folio 713. contra id effundis; in baptismatis fontem Gentilis vel Iu-

dæus;

deus detrullare poterit. Qui aquæ sanctificandi vim contulit, is illam chrismati etiam conferre voluit; quod suos Apostolos in vltima cœna conficere docuit; vt testatur S. Fabianus epist. 2. & certius Ecclesiæ traditio. cui folio 702. opponis S. Thomam Aquinatem p. 3. quæst. 72. art. 1. vbi ex proposito docet non ab Apostolis, sed ipso Christo hoc sacramentum esse institutum. Idem veterum sensus est; qui hoc ipso Confirmationis auctorem Christum agnoscunt; quod eam sacramentum esse sentiunt: *Caro ungitur*, scribit cap. 8. de resurrectione carnis, antiquissimus Tertullianus, *vt anima consecratur, caro signatur, vt anima muniatur; caro manus impositione adumbratur, vt anima spiritu illuminetur*. B. Theodoretus in capite 1. Cantici: *Spiritualis unguenti chrismate inuncti sub ea visibili specie Spiritus sancti gratiam inuisibilem percipiunt*. S. Augustinus libro 2. contra litteras Petiliani cap. 104. *Sacramentum Chrismatis in genere visibilium signaculorum sacrosanctum est*, quod miraculo comprobatur narrat B. Optatus: *Ampullam Chrismatis per fenestram vt frangerent iactauerunt (Donatistæ) & cum casum adinuaret abscessio, non defuit manus Angelica, quæ ampullam spirituali subuectione deduceret*. Hoc scilicet ab hæreticis mutuata est vetus Ecclesia, vt folio 704. deliras. Scribit S. Irenæus libro 1. capite 18. de Valentinianis & Marcianis (non Marcionitis, vt folio 704. loqueris) qui & baptismum & vñctionem baptizatorum superstitionibus corrumpabant; hos tu sacramenti Chrismatis auctores deligis, forte & baptismatis. Sacra nonnulla retinent hæretici, nec ideo nobis sacra esse desinent.

§4. Folio 707. Ampliter mentiris ante Gregorium Magnum Pontificem Romanum chrisma ex puro oleo sine admixto balsamo confectum esse: taceo alia, trecentis quinquaginta annis antiquior fuit Cyprianus, vel alius

Cypriani synchronos, qui ad S. Cornelium de vñctione chrismatis scribit: *Hodie* (feria 5. ante Pascha) *in Ecclesia sacrum chrisma conficitur, in quo mixtum oleo balsamum, regia & sacerdotalis gloria exprimit unitatem.* Hunc auctorem ais esse dubium, folio 705. sed indubium est fuisse virum Catholicum, qui ante annos 1352. scripserit; cuius proinde testimonium iure commendamus. Ibidem, & sæpius antea S. Cyrillum Hierosolymitanum, quia vobis aperte aduersatur, refert ex Rufino, aliquando variasse in fide, sæpius in communione. Sit ita; catecheses ab eo scriptas erroris nec Rufinus; nec alius infimulat. Sedenim falsum esse Rufinum, & viri sancti obtrektoribus nimis credulum ex Oecumenicæ II. Synodi auctoritate comprobatur, cuius litteras synodicas refert Theodoretus lib. 5. histo. cap. 9. in quibus Patres prædicant *Cyrillum sanctissimum, plurima praelia aduersus Arianos varijs in locis confecisse.*

### De Extrema Vñctione.



Ro hac sunt varia Concilia, quæ folio 721. recensens, sed ea tanti non facis, quia intra 800. annos habita sunt; intra quos scilicet omnes desipuerunt. Verum antiquior est Innocentius I. & Concilium Nicænum I. de vtriusque auctoritate ideo dubitas, quia tuo palato ingrata habent. Dic qua verosimili perfidiæ suspitione laborent canones Nicæni ex Arabico translati? Epistolam Innocentij agnoscunt Synodus Wormatiensis 740. abhinc annis celebrata; & in Iacobi cap. 5. venerabilis Beda, qui ante annos 900. floruit.

§ 2. Nec S. Iacobo Apostolo parcitur; cuius epistola in dubium vocatur, folio 717. aliquibus olim dubitare licuerit; re

rit; re tam aperte definita, dubitare nefas est, quod ex ipsis S. Hieronymi verbis, quæ refert, discere poteris: *Vnam*, ait ille de S. Iacobo, *scripsit epistolam, quæ de septem Catholicis; quæ & ipsa ab alio quodam sub nomine eius edita assertitur, licet paulatim tempore procedente obtinuerit auctoritatem*: qua auctoritate innitens epistolam illam tanquam indubie Apostolicam postea opposuit hæretico Ioviniano lib. 1. cap. 24. de eadem testantur ex Græcis, Latinisq; Patres clarissimi; qui vero dubitarunt; quam obscuri sunt? Eusebius lib. 2. histo. cap. 23. de hac epistola scribit: *Sciendum, ut vult etiam*, quod notha sit vel adulterina, inquis; at Græci verbi hoc loco significationem recte intellexit Ruffinus vetus Eusebij interpretes, qui ita reddidit: *Sciendum tamen est, quod à nonnullis non recipiatur*: & paulo post in Eusebio sequitur: *Nos tamen scimus etiam istas* (Iacobi & Iudæ epistolas) *cum ceteris ab omnibus pene Ecclesiis recipi*. Nullus certe veterum ideo exciussit, quod sacram infirmorum Vnctionem tradat.

§3. Ipse aduertis grauiorem esse huius Epistolæ auctoritatem, quare eam in tuas partes trahere, & Scripturæ serenitatem falsa interpretatione turbare, aggredieris. Verba igitur reddo: *Infirmatur quis in vobis? inducat presbyteros Ecclesie, & orent super eum, ungentes eum oleo in nomine Domini: & oratio fidei saluabit infirmum, & alleuiabit eum Dominus: & si in peccatis sit, remittentur ei*. cap. 5. Oratio fidei est forma sacramenti, materia oleum; ministri sunt presbyteri, quorum vnus communiter sacramentum perficit, ceteri comprecantur; sed quia plures requiruntur secundum quandam decentiam, non ad sacramenti essentiam, id fere iam ab vno administratur: & illud; *inducat presbyteros*, recte exponimus, vnum è presbyteris. sic quod in Hebræo legimus, *sepultus est in vinitatibus Galaad*, Iudicum 12, intelligi-

mus, in vna ciuitatum Galaad. Effectus Extremæ Vnctionis sunt triplices. 1. sanitatis restitutio, qua ad animæ salutem facit; *saluabit infirmum*; 2. depulsio torporis seu inæroris peccatum consequuti, quo mens non nihil deiicitur; ad resistendum malo, & bonum prosequendum imparior redditur; ab his peccatorum reliquijs, ceu quadam sarcina animum aggraunte *allenabit eum Dominus*. 3. absterfus peccatorum, nec dum remissorum, quando remissioni obicem non ponit æger; *si in peccatis sit, remittentur ei*. Hæc nugis tuis & phlyarijs, quas folio 714. contra sacramenti huius effecta deblateras, oppono.

### De Aqua Benedicta.



**E**T aqua, & panes, & alia benedici solent: quarerum benedicendi consuetudo ab Apostolis vique in Ecclesijs perpetuata est, vt ostendit Bellarminus libro 3. de Eccle. triumphante, capite 3. vbi abunde ad ineptias Kemnitij à te repetitas respondet. De omni creatura Dei scribit Apostolus 1. Timoth. 4. *Sanctificatur per verbum Dei, & orationem*. quanto amplius, si oratio non vnus, & alterius; sed totius Ecclesiæ nomine sit effusa. Bellarminus ait effectus aquæ, olei, & huiusmodi rerum benedictarum non esse tam infallibiles, quam sint sacramentorum effectus; tu folio 733. obijcis: *Quare oleum Catechumenorum & Infirmorum inter sacramenta numerant? Quare aqua, cum consecratur, appellatur salutare sacramentum?* Non loquitur Bellarminus de oleo ad sacramentorū vsum consecrato; sed de benedicto ad modum, quo panes, vinum, aqua, & cetera interdum benedicuntur, & à viris sanctis benedicta frequenter sunt. Dein quis in 7. sacramento-



mentorū numero audiuit oleum Catechumenorū ? nec infirmorū oleum extra vsum est sacramentum; in vſu vero, ſacramenti pars ac materia eſt. Aqua benedicta ſacramentum dicitur, tanquam ſacrum quid & myſticum; quem huius vocis ſignificatum, ſi noueras, cur interrogas ? ſi ignoras, nā male in Scripturis verſatus es.

§ 2. Folio 730. Benedicendæ aquæ originem refert ad Iudæos & Gentes. *sicut non ideo contemnenda vel detestanda eſt virginitas ſanctimonialium, quia & veſtales virgines fuerunt;* ait S. Auguſtinus libro 20. contra Fauſtum, capite 21. ita nec ſacris Eccleſiæ ritibus calumniandum eſt, quia ſimilibus aliquando vſi ſunt Hebræi, aut Ethnici. Quæ calumnia non ſolum noſ tangit, ſed veteres Patres, & viros ſanctiſſimos; ac in primis Deum ipſum, cuius manu per eiſmodi res benedictas mira patrata ſunt. Exempla plura refert B. Theodoretus in hiſtoria SS. Patrum. Ad S. Hilariōem Episcopī & omnis generis homines concurrerant, ut benedictum ab eo panem, vel oleum acciperent. *Constantia quædam, ſancta ſumina, cuius generum, & filiam de morte liberauerat vñctione olei,* &c. teſtatur S. Hieronymus in vita ipſius. Intellexerunt viri Spiritu ſancto pleni, cum eiſmodi rerum ſentibiliū vſu expetita ſubſidia præſtare Deum, cuius conſilia nobis ſunt inſcrutabilia; impijs & incredulis ſæpe ſcandalum & ſtulticia.

## ARTICVLVS XX.

*De vſu linguæ vernaculæ in legendis S. Scripturis, officijs Eccleſiaſticis, & ſacramentorum adminiſtratione.*

Hh 2.

Sacra



Secunda Acra biblia in linguam Germanicam translata, ante Lutherum habuimus, vt agnoscis, folio 745. quorum lectionem per se malam non esse nouimus: scimus tamen, quia in ijs sunt quedam difficultia intellectu, quae indocti, & instabiles deprauant, ad suam ipsorum perditionem. 2. Petri 3. Et S. Paulus: Tāquam paruulis in Christo lac vobis potum dedi; non escam; nondum enim poteratis. Sapientiam autem loquimur inter perfectos. 1. Corinth. 2. & 3. Iure ergo, ac prouide statuit Ecclesia, vt in tanta impune errandi licentia, non quibusuis Scripturae adyta paterent; ne profundissima illius sapientia ante imperfectos effunderetur; neque solidissima esca paruulos & cacostomachos necaret, non pasceret. Eadem Hebraea olim Ecclesiae cura fuit; de qua S. Gregorius Nazianzenus in Apologia fugae suae in Pontum: Hanc olim Hebraeis legem fuisse narrat, imprimis egregiam; & laude dignam, qua non cuiusvis aetatis quouis scripturae liber concedebatur: nam ne hoc quidem utile esse, quandoquidem nec tota statim à quouis percipi, ac reconditisimam quing. locus, externa sui specie imperitiis plurimum male afferre possit.

§ 2. Quam inepte ergo ratiocinatis folio 745. Si in omni lingua praedicari debet verbum Dei; Biblia quoque in quouis idiomate haberi, imprimi, scribi, legi debent; ex quibus scilicet conciones desumuntur. Si pultes sunt cibus infanti commodus; ergo etiam farina non subacta; vel grana tritici; quia ex his fiunt pultes. Concionator bonus est fidelis dispensator & prudens, quem constituit Dominus super familiam suam, vt dicit illi in tempore tritici mensuram, Lucae 12. spiritualibus escam solidam; paruulis cibum praeinansum. Pro cuiusque captu mysteria Dei dispensanda, non sine discrimine dissipanda sunt. Hanc Ecclesiae in educandis filiis suis pietatem, in eloquijs

eloquijs Diuinis dispensandis prudentiam ex fraudibus compactus Prædicans interpretatur fraudem esse, qua plebes interuertantur, ne ad veram Religionem conuertantur. Germanica biblia passim in Germania legi permittuntur; quam multi ex eorum lectione Lutherani fiunt; plerosque non litteræ; sed vinum & mulieres apostatare fecerunt. Legunt Scripturas Calvinistæ & Lutheristæ; & quotidie Lutherani proficiunt, quorum plurimi Calvinistæ esse incipiunt. Ex Scripturis Epistolas & Euangelia pro Dominicis & festis delegit Ecclesia, quæ tum voce è suggestu, tum typis publicantur; & omnibus commendantur; in quibus inuenire est præcipua, quæ tanquam euidentia pro vobis testimonia iactatis: ea fideles legunt & audiunt; supposita à vobis sensa nemo somniat.

§ 3. Exemplum sumo ex folio. 746. Quoties legimus, audiuius: *Mibi flectitur omne genu, & omnis lingua confitebitur Deo.* Isaïæ 45. Romæ. 14. *Omnis lingua confiteatur, quia Dominus Iesus Christus in gloria est Dei patris.* Philip. 2. cui incidat glossa Heilbronneriana expressum mandatum his verbis dari, vt vulgari lingua peragantur in Ecclesijs Diuina officia? Quotum genu flexio? forte præcipitur, vt in Germania Germano, in pagis rustico more fiat? Omnis lingua Deo confitetur in Catholica Romana Ecclesia; in qua veram Christi fidem ex omnibus Gentibus profitentur; vt Ecclesiastica officia omnium Gentium idiomate peragantur, nec à Deo institutum, nec vnquam in Ecclesia obseruatum fuit. Isaïæ verba sic leguntur: *Mibi curuabitur omne genu, & iurabit omnis lingua.* En expressum mandatum, vt Germani posthac Germanice iurent; Itali, Italiane.

§ 4. Hoc ex Scripturis eiusmodi colligere sine reprehensione licuisset; quod vulgari lingua sacris operari non

Hh 3

fit Di-

sic Diuino iure prohibitum; & ab Ecclesia permitti queat,  
 sicut olim Sclauonibus in fide paruulis permisit Ioannes  
 IIX. & dispensandi ius similibus sententijs confirmat epist.  
 247. ex qua etiam apparet fabulam esse, quod ex *Æneæ*  
*Siluij* historia Bohemica refert de voce Diuinitus delapsa;  
*Omnis spiritus laudet Dominum, & omnis lingua confiteatur ei:*  
 qua voce Pontifex Nicolaus, vt in Dubrauiio, libro 4. Ie-  
 gitur, ad consentiendum Sclauonum postulato inductus  
 sit. Rei gestæ testem nullum dant Siluius & Dubrauius,  
 nec ipsi vocem ante tot secula editam audiuerunt: Tibi  
 tamen adeo placuit, vt totum opus tuum repetita hac hi-  
 storia, seu fabula finire volueris: nam paradoxis & menda-  
 cijs refertum codicem non dedecet coronis fabula, aut fa-  
 bulæ simillima; quæ tamen nobis nihil aduersatur: nam  
 dispensationem suasit vox, si qua audita est, legem non po-  
 suit. Ex vobis interrogare libet, cuius spiritus sit tanta in-  
 ter vos dissensio: est vbi Missas Germanicas, vel semilati-  
 nas facitis, quas alibi nec audire vultis; Vesperas quidam  
 concinunt; alij eas rident, & contemnunt: nos scilicet rei  
 sumus, qui Latine Diuina diu noctuq; officia persoluimus,  
 vos Euangelici & sancti estis, quæ nec Germanice, nec  
 Danice celebratis: quibus gratiora sunt oblōga pemina-  
 ra, & farcimina, quam multa psalmodia. *non vultis: quæ  
 §5.* Vt Græcis Græce; Latinis Latine sacramenta admi-  
 nistrentur Concilium Lateranense sub Innocentio III. ce-  
 lebratum voluit; id tu folio 747. generatim ad linguas  
 cuius genti proprias falso trahis. Si sacramenta admini-  
 stranda sunt idiomate; quod intelligant ij, quibus confe-  
 runtur: cur baptizantur paruuli? vel dic; quam linguam  
 ipsi nouerint. Ad sacram synaxin accedentes monet Apo-  
 stolus, vt memores sint mortis Domini: at hoc fieri ne-  
 quit, ais folio 748. nisi audiant, & intelligant, quæ dicun-  
 tur.

tur. Quasi vero hoc vel semel à parentibus, magistris, Ecclesiasticis docti non possint esse memores. Semel & iterum instructi puelli, vt post cibum gratiarum actionis ne obliuiscantur, iussu implent; tametsi nemo sit, qui clamet gratias agendas esse. Sed & tota sacrificij Missæ actio est passionis Dominicæ repræsentatio, qua si ad eius memoriam quis non excitetur, forte etiam ad præconis vocem surdus fuerit.

§ 6. Folio 750. Principes & Magistratus politicos vis esse Iudices Ecclesiasticos. Saluo enim Ecclesiæ magisterio Prædicantibus saluis esse non licuerit; quare Regibus & Dynastis palpantur, quorum potentia protegantur. Norunt potestatis suæ limites Christiani Principes; se Ecclesiæ filios, non censores; oues, non pastores; populi duces, non sacerdotum Præpositos esse agnoscunt; & spiritalis regiminis sarcina se onerari potius, quam honorari sentiunt. neque enim ornat potestas, quæ non à Deo venit, sed rapina est.

§ 7. Folio 151. In Constantiensem Synodum debaccharis; quod decreuerit hæreticis non esse fidem seruandam, cum tamen iure Diuino & humano seruanda sit Iudæis, Turcis, & Paganis. Cur contra Diuina humanaque iura tam dapsile mentiris? Hoc Synodi decretum est; saluum conductum hæreticis datum non debere patrocinari pertinacibus, in Catholicæ fidei, vel Ecclesiasticæ Iurisdictionis præiudicium. Data fides eum ligat qui dedit, non alium; saluum conductum Husso Rex dederat, non Patres. sed nec Rex aliter, quam simplici formula, stiloque communi dedit, qui violentiam præter iuris ordinem illatam, non Iuris executionem impedit; quod te Iuris periti tui docere poterant; audi Ioachim Mynsingerum à Frundeck centuria 1. obseruationū Cameræ Imperialis, cuius

## 248 ART. XX. DE BIBLIIS ET DIVI. OFFI.

hæc est 82. observatio. Quando datur alicui saluus conductus, tunc intelligitur solum de violentia, quæ de facto contra ius inferitur. Vt latè per Andr. Barba. in cap. in presentia. num. 3. de probatio. Et ideo quidam, qui habebat saluum conductum, capto propter delictum vel maleficium, & supplicanti pro mandato de relaxando, & citatione ad videndum, petiti processus à Dominis assessoribus sunt denegati. Insuper memineris, quem folio 90. & 636. laudas S. Isidori canonem. In malis promissis rescinde fidem; nec tam generatim promissa Iudæis & Ethnicis tanquam sancta proclames. Ex te sciscitari libet, quo iure instigeris vestros, ne fidem seruent Christianis Maioribus: verum bona Monasterijs & Ecclesijs non solum promissa, sed quod amplius est, re ipsa tradita, & appressis magnis sigillis, ac sub diuina attestazione in perpetuum relicta diripere, Euangelica Religio est. Quid? ipsi Deo facta vota sacrilege rescinditis. quæ de re art. 4. & 17.

§ 8. Ad finem libri, fol. 754. nonnulla argumenta Cardinalis Bellarmini refert ex libro 2. de Verbo Dei, cap. 15. & à mendacio tam in margine, quam intra margines incipis, dum Bellarmino imponis hanc sententiam, quod Biblia tantum in tribus linguis habenda sint. *Catholica Christiani Ecclesia non quidem prohibet omnino vulgares translationes, ut Kemnitius impudenter mentitur, &c.* Hæc Bellarminus, qui minime asserit Biblia non posse haberi, aut legi in lingua vernacula; sed commendat Pij IV. decretum, quo eiusmodi lectio conceditur, quibus ea fructuosa futura creditur. Controversia potissima erat, an in publicis Ecclesiæ officijs vulgari lingua abstinendum sit; aientem partem is belle probat; tu barde impugnas: & quam Hebrææ, Syræ, ac Chaldææ linguarum peritus sis, ostendis fol. 754. cum scribis eas non adeo differre, quin vnius gnarus alias utcumque intelligat. mihi plane persuades, te omnium trium rudem esse.

§ 9. Con-

§9. Contra Latinam linguam folio 756. rudis, eam inter barbaras haberi ab Apostolo, cum ad Romanos scribit: *Græcis ac barbaris, sapientibus & insipientibus debitor sum.* cap. 1. quo non trahitis Scripturam? Græcorum nomine intelligi Gentiles, natione vel adoptione Romanos exposuit vetus interpretes habitus Ambrosius, verius videtur sub neutris contineri Romanos; proxime antecedit: *Sæpe proposui venire ad vos, ut aliquem fructum habeam & in vobis, sicut & in ceteris Gentibus.* has distribuit Paulus in Græcos & barbaros. scio Græcis omnes alias Gentes fuisse barbaros; sed & Romanis barbari erant Græci. nos quærimus qui absolute sint appellandi barbari; in his qui Romanos orbis dominos, & bellica & ciuica virtute præ omnibus conspicuos censuerit, non iam barbarus, sed ipsa barbaries fuerit. Ceteris, quæ hic aduersum Bellarminum opponis, cuneo occurrit R. P. Iacobus Gretserus, to. 1. defensorum Cardinalis Bellarmini Controuersiarum: tam bene acta non agam.

## EPILOGVS.



Ost plurimam fabulam epicitharisma canit  
Lauinganus Prædicans, rancidulum carmen  
balba de nare locutus Iesuitas prouocat, ut suos  
ocys errores numerent; in hoc scilicet recenti Lutherana  
doctrina Corpore inclusos; addit;

Si contra mutire voles, paradoxa nouabis;

Et pro sexcentis mille ducenta dabis.

Non mutio, alta cunctis testor voce, me non tantum mille  
ducenta fæda errata & mendacia; sed longe plura adeo  
laudati à Prædicantibus Codicis numerare potuisse. Quis  
recenseat omnia tam vana nugamenta, tam ridiculos  
Scripturæ sacræ abusus; quæ nasum contrahant, stomachum

## EPILOGVS.

chum evertant; ad quæ vel discipuli alicuius manus auriculas imitetur mobilis albas! Saragebam, ne relinquerem, quæ tanquam ineuitabilia in nos mitterentur tela: contemptis infirmioribus.

§ 2. Ex scripturis, SS. Patribus, Canonibus, & historijs Ecclesiasticis se Augustanam Confessionem demonstraturum, antiquam, Catholicam, Christianam in fronte libri ampullatur Prædicans; & inuenio haud minimam partem produci ex Georgio Cassandro, Ioanne Auentino, Ludouico Viue, Polydoro Virgilio, Ioanne Balzo, Ioanne Cuspiniano, Onere Ecclesiæ, & similibus recentibus, nec melioris notæ auctoribus; ex quibus non raro probatur quid ante mille ac plures annos gestum sit, insuper habitis antiquissimis, & clarissimis testibus. Quæ stolidi vanitas sæpius mendacibus eclogijs exornatur. Georgius Cassander nullius omnino inter Theologos nominis, dicitur noster propheta, fol. 144. præcipuus Theologus, fol. 165. Polydorus Virgilius vir apprime doctus, fol. 130. 606. &c. nostro calculo haud tantus. Non agitur de Virgilijs, Auentinis & eiusmodi; sed de Athanasijs, Basilij, Gregorijs, Hieronymis, Augustinis, &c. his nos testibus, & fidei confortibus gloriamur.

§ 3. Obseruare potuerit lector nunquam nos Prædicantibus concedere vllum veterem Patrem, qui in articulis inter nos controuerfis cum illis senserit, ipsi autem veritate conuicti; vetustate, doctrina, sanctimonia insignes nunc hunc, nunc alium nostra dogmata tenuisse sponte fatentur. Recolo ex ijs, quæ disputauimus vnum alterumque exemplum. Vnctio dextera in sacerdotis initiatione est Antichristi stigma Prædicanti, & tamen Siluestro I. tribuitur, qui tempore Constantini Magni ante 1300. annos Romanam Cathedram sanctissime rexit; quem totus orbis



## EPILOGVS.

his Christianus suspexit. Singularis itidem nota Antichristi est Evangelicis nuptiatoribus Sacerdotum cœlibatus, quem in B. Siricium referunt, Romanum ante 1200. & plures annos Pontificem; sub cuius Pontificatu vixerunt, & in fide consenserunt SS. Ambrosius, Hieronymus, Augustinus, Paulinus, Martinus, Cyrillus Hierosolymitanus, Gregorius Nazianzenus, Epiphanius, Amphilocheus Iconienlis, Gregorius Nyssenus, Ioannes Chrysostomus, Theodoretus. Quomodo hi contra hæreses vigilantissimi & in Scripturis versatissimi Patres obtulerunt, si Siricius Antichristianum dogma non solum docere cœpit, sed etiam Episcopos & sacerdotes, quales illi erant, ad id opere exequendum lege obligavit? Nihil lumina Ecclesiæ in Siricij rescripto nisi sanctum, & veteris Ecclesiæ moribus receptum viderunt; ad immanem hæresim minime canes muti fuissent. In natam Romæ Ioviniani hæresim calamum strinxerunt, Hieronymus, Ambrosius, Augustinus; & mox nouitatem prophanam abominata est Ecclesia. qua veri specie fingitur ad horrendum non tantum errorem, sed & tyrannidem (quam cœlibatus legem esse tenent Prædicantes) cuius adeo impatientes esse solent homines, obriguisse omnes? In vnico porro articulo mendacij conuictis nihil fidendum esse à Luthero pronuntiata sententia est: *Suspecti eritis in omnibus alijs, semel deprehensi in tam crassa temeritate deprauandi Verbi Dei.* in assertione articuli 25.


§ 4. Et tamen intelligo Heylbronnerianum Codicem tanquam absolutissimam Augustinæ Confessionis doctrinam haberi, atque ad eum coëmendum Pastores, vt vocant, Palatinos ceu lege obstringi; nec satis est chartis illini tam mirifica paradoxa & mendacia, sed è pulpitis illa rubentes fartæq; buccæ personabunt. Rōgaui Deum

## EPILOGVS;

Opt. Max. & rogo, vt quod contra venena hæc parauit antidoton, quam plurimis proſit; obſit nemini; Catholicos in fide corroboret; errantes ad veritatem inquirendam amplectendamque exſtimulet. Nec Prædicantes excipio, in quibus hæreſes perſequimur, ipſos Chriſti ſanguine redemptos ad ſempiternum interitum ruere indoleſcimus. Difficulus quidem corriguntur, quæ in prauum induruerunt; ſed dextera Excelsi facit virtutem:  
cui benedictio, & claritas, & ſapientia, &  
gratiarum actio, & honor in  
ſecula ſeculorum,  
Amen.



## FINIS.





9-3-2

